


# TERRA e XENTE

IRIMIA nº 85 (Xuño 1983)



## REFLEXIONS PRA UNHA OPINION

pasada semana falamos en Irimia da lei recén aprobada polas Cortes españolas pola que se despenalizaba, en certos casos, a práctica do aborto. O pouco espacio da Peneira, remaba que tratásemos o tema con máis extensión. Tema delicado e conflictivo que encheu libros e provocou grandes discusións e que nos toca no mais fondo da sensibilidade.

Non podemos en Terra e Xente tratarlo coa extensión que quixeramos.

### realidade do aborto

A parte do aborto natural, provocado pola mesma natureza, que é moi corrente, tanto que se calcula que se producen oitos **mais abortos naturais que nacementos**, cando se fala do aborto normalmente enténdese a interrupción do embarazo cando o feto aínda non é viable, ou sexa, cando non pode substituir fóra do seo da nai.

O aborto provocado, adoita catalogarse según varias causas razóns que se lle chaman "indicacións":

**Aborto terapéutico:** E provocado cando a continuación do embarazo, porrá en perigo a vida da nai. En tempos pasados an moi frecuentes (tuberculose pulmonar, enfermedades do corazón, etc.) pero actualmente esta situación é moito mais rara.

**Aborto eugenésico:** Chámalle así ó aborto que se fai cando existe a certeza ou un risco mui grave de que de nacer o nenío non será ben.

**Aborto humanitario:** Provocado cando o embarazo foi concuencia dunha acción forzada, como pode ser unha violación. Situación dramática pero pouco corrente.

**Aborto psicosocial:** Trátase do aborto provocado cando o embarazo non é deseñado por diversas razóns de carácter social ou psíquico: problemas económicos, de vivenda, mulleres solteiras, problemas psíquicos na muller, etc.

### Un pouco de bioloxía

A aparición dun novo ser humano sigue, polo breve, estes pasos:

Tras da unión sexual do home e a muller, se un dos 100 ou 50 millóns de espermatozoides masculinos fecundan un óvulo femenino, fórmase unha especie de ovo humano que se chama **cigoto**.

Este cigoto é unha célula que se vai dividindo e medrando. Os catro días da fertilización chámase **mórula** (pois é como unha amora).

## O ABORTO

◆ As duas semanas do embarazo o cigoto xa é unha cousa mais complexa que se chama **embrión**.

◆ A partir da octava semana xa se chama **feto**, que no terceiro mes ten xa forma humana e mide 7,5 cm., dos que pasarán a 50 cm. ó noveno mes, no que sairá á luz en circunstancias normais.

Moitos condenan o aborto porque din que desde o momento da fecundación hai vida humana. Certo que coa fecundación comenza unha nova vida, pero parece que a maioría dos óvulos fecundados son evacuados antes de fixarse no útero, e mesmo moitos dos óvulos que chegaron a anixiar no útero tamén son expulsados dun xeito natural. ¿Trátase de seres humanos mortos? ¿Considerao así a Igrexa ou o sentido xeneralizado da xente? ¿Morreume un fillo cando se malogró un embrión de poucas semanas? ¿E igual que se morrera un neno xa criado ou un pai de familia? Incluso moitos biólogos consideran que desde un punto de vista biológico a fecundación do óvulo e o anixiamiento no útero non abonda para que poida falarse de seres humanos. ¿Pódese afirmar logo que toda expulsión voluntaria do feto nas primeiras semanas é un asesinato dunha vida humana?

### ¿E igual legal que moral?

A lei que aprobaron os socialistas faixe tolerante co aborto en certos casos, pero con iso nin afirma que sexa bon, nin o recomenda nin obriga a ninguén a abortar. Cómprase que distinguimos entre:

■ **Despenalización:** non se castiga o aborto en determinados casos como se facía ata agora pero tampouco goza de protección legal.

■ **Legalización:** cando se trata dun derecho que goza de protección legal: poderíase abortar pola Seguridade Social. As Cortes, despenalizaron, pero non legalizaron o aborto. Que unha cousa estea despenalizada pola lei non quer dicir que sexa boa moralmente. Emborracharse non é bon, e a lei non castiga a ninguén por facelo. O papel da lei é dicir o que está ben ou mal ou buscar un equilibrio que permita a cada un vivir según a sua convicción ética? O mesmo Santo Tomás de Aquino, teólogo católico por excelencia, recoñece que non se pode condenar por lei todo o que se xuzgue mal, pois eso pode traer maiores males. Un pode estar en contra do aborto e non obstante estar tamén en contra de que se castigue ós que abortan. O Papa e os bispos españoles pronunciaron claramente en contra da práctica do aborto en calquera caso. Hai non obstante bastantes cristianos que aínda defendendo o amor á vida non ousan condenar moralmente a quien decide abortar por moi serias e graves razóns. Neste sentido a opinión do pobo de Deus non é, nin foi nunca, unánime, pois as circunstancias modifican a moralidade dun acto e ninguén está obligado o que é imposible pra él.

### ¿Aborto asesinato?


Pra rematar, queremos dicir que a politización que se fixo sobre o tema do aborto no debate dos meses pasados levou a afirmacións que consideramos esaxeradas, como é o feito de calificar o aborto como un asesinato a sangre fria que fai ou consinte unha muller depravada. Certamente —como dixemos a semana pasada no editorial— tampouco aprobamos o trato frívolo e egoista que outros sectores fixeron.

A nós parécenos que cando é unha cuestión debatida pola cencia e polos teólogos a realidade humana de esa vida recién concebida, a lei debe respetar a decisión das más que —nos casos extremos sinalados— deciden en concencia que esa vida non siga o seu curso; e a Igrexa ser más comprensiva con elas.

Estamos pola vida. Pro loitar pola vida é algo más que loitar pola reproducción, pois a vida é moito más que bioloxía.

# TERRA e KENTE

## OS ORGANISMOS DA ONU



Falábamos hai unhas semanas (nº 95) da historia e estructura da ONU e prometíamos unha continuación. Hoxe imos falar dos seus obxetivos e de unha serie de organizacións vencelladas a ela, anque con autonomía propia, que quizaves sexan as que levan unha acción internacional máis importante. De moitas delas temos ouvido falar máis dunha vez, outras serán para nós desconecidas, ou non as reconécemos cando aparecen nos periódicos ou boletíns de noticias coas iniciais. Imos dar unha lixeira noticia destas organizacións da ONU, sobre algunha volveremos outro día con máis acougo.

### Organizacións da ONU:

**OIT** — Organización Internacional do Traballo organismo especializado en problemas laborais e sociais, con sede en Xinebra (Suiza). Ten elaborados diversos informes moi interesantes, moi concretamente un sobre España.

**OMS** — Organización Mundial da Saúde, que ten a finalidade de promover o desenrollo sanitario en tódalas rexións do mundo e a loita contra da enfermedade. A súa sé está tamén en Xinebra.

**FAO** — Organización Internacional para a Alimentación e a Agricultura, organismo creado para elevar o nivel de vida da poboación, millorar a alimentación e aumentar o rendimento da agricultura a as explotacións forestais e pesqueiras. Ten a sua sede en Roma.

**UNESCO** — Organización das Nacións Unidas para a educación, a Cencia e a Cultura. Con sé en Paris, ten a finalidade de contribuir a paz e a seguridade ó promover a colaboración entre as nacións a traveso da educación e a cultura.

E un dos organismos máis coñecidos e que millor funcionan da ONU. A súa estrutura está formada pola Conferencia Xeral (composta polos representantes dos países membros), o Consello executivo (34 membros escoiteiros e o Secretariado).

**OIR** — Organización Internacional para os refuxiados. Que en 1952 foi sustituida polo Alto Comisariado das Nacións Unidas para os Refuxiados.

**FMI** — Fondo Monetario Internacional, que ten como función asegurar a estabilidade dos cambios e fomentar a cooperación monetaria e comercial internacional. Aparece a miúdo nos xornais como garante da situación económica de países en malas condicións monetarias. Para lograr o equilibrio das moedas ó cambio, o FMI actúa como fondo de estabilizacións dos cambios a base de reservas aportadas polos países membros. Pero na práctica, o F M I. é un instrumento dos países ricos que dominan a economía

### B.M.

mundial, para dirixir a economía dos pobres: co gallo de asegurar a estabilidade nos cambios monetarios e a devolución dos préstamos do Banco Mundial, imponen ós países pobres a súa política económica.

— Banco Internacional de Comercio (BIRC). Xeneralmente chamado Banco Mundial, serve de complemento ó FMI. A súa finalidade é promover as inversións extranxeiras a longo plazo, cousa que non podía facer o FMI (creado antes) por falla de liquidez. A súa función está hoxe especialmente en financiar a países subdesenrolados; tamén fai estudios económicos e recomendacións ós estados. Na práctica, cobra moi caros os préstamos que fai, e non acaba de ser axuda para os países pobres cada vez máis endebdados.

**OUTROS:** Outros organismos da ONU son tamén: a Organización Internacional do Comercio (OIC), a Unión Internacional de Telecomunicacións, a Organización Meteorolóxica Mundial, a Axencia Internacional de Enerxía Atómica, O Banco Asiático do Desenrollo e o UNIDO (organismo para o desenrollo industrial).

### Obxetivos da ONU

A ONU ten como obxetivos de acción fundamentalmente:

- **Arreglo pacífico das diferencias** que conlleven desacordos entre os estados. Analiza as situacións e invita ás partes no conflicto a arranxar as suas diferencias por medios pacíficos: negociación, mediación, conciliación, arbitaxe; e en cuestións xurídicas o sometimento á decisión do Tribunal Internacional de Xusticia.

- **Acción en caso de grave amenaza para a paz**, de ruptura desta ou de agresión. Con presións xurídicas, políticas e económicas; así como —en casos especialmente graves— co envío das súas forzas de emerxencia (UNEF), os famosos “cascos azules”, pequeno exército formado por soldados de varias nacións da organización.

- **Acción económica e social.** A ONU impúxose como obxectivo tan importante como os anteriores favorecer o progreso económico e social dos pobos, por medio da cooperación internacional; intervindo sobretodo en materia de asistencia técnica ós países subdesenrolados, a traveso dos organismos dos que falamos antes.

- **Acción ó servizo do home.** Primeiramente a traveso da súa “Declaración Internacional dos Dereitos Humanos” (feita en 1948), e a súa aplicación; esa Declaración da que tanto se fala e que tanto se infrinxen dia a dia. E ademais por medio dos seus organismos económicos, sociais e culturais (especialmente a UNESCO).

- **Acción xurídica**, facendo progresar o Dereito por medio da súa Comisión de Dereito internacional.

### Balance

¡Por cousa de organización e de organismos non queda mal a cousa!. E certamente que a ONU cumple e segue a cumplir un papel importante no mundo a pesares do que moitos din de que non val para nada. Pero non é menos certo que toda a súa actividade pode pouco ante a agresión imperialista das grandes potencias, indo moitas veces a remol que dos seus intereses. Esto estámolo vendo nos xornais por novas que nos chegan de América Latina, Medio e Extremo Oriente, etc. EEUU e a URSS rematan sempre por facer o que queren diga o que diga a ONU.

Porén, o proceso descolonizador dos últimos 10 ou 15 anos sinalou unha nova etapa no papel político da ONU, transformándose de ser unha especie de brazo executor dos intereses político económicos das grandes potencias (especialmente EEUU) en tribuna de denuncia sociopolítica, onde os países pobres poden facer ouvir a súa voz. Pero paralelamente a esto produciuse tamén un progresivo distanciamento dos países occidentais, e as diferencias entre os grandes vénense arreglando por outras canles.

Deste xeito a ONU convertiuse, aparte o seu carácter de tribuna de opinións, nunha organización que non atopa o seu lugar político e tende a ocuparse de problemas como os dereitos humanos, a ecología, o desenrollo económico, etc... que xa non é pouco.



# TERRA É XENTE

IRIMIA nº 105  
(Dec. 1983)



## "SOLIDARIDAD HUMANA": "TODOS APRENDEM E TODOS ENSINAN"

Hai uns meses IRIMIA tivo ocasión de falar con Dino Pacio, sobre a sua andadura universitarios, do que é director. O Centro está en Nova York, aberto gratuitamente a todos os emigrantes de fala hispana.

### Un galego en Nova York

**DINO PACIO LINDIN.** Xemil - Pastoriza (Lugo) 1938, unha aldea aíllada, esquenizada das institucións: "nace e medras aloumíando". Facendo mapas mudos e viaxes imaxinarios vai-se abrindo á realidade, e, tras facer os estudos medios no Seminario de Mondoñedo, fai estudos superiores en Comillas e Roma. Volta a Mondoñedo en 1961 para dar clases de Filosofía no Seminario. Pero pronto se descoña de que non é polos camiños da filosofía escolástica, como se desperta as conciencias dos rapaces. Contacta en Madrid con profesores de Sociología, e volta a Mondoñedo con ese bagaxe. No entretanto, comenza a atender simultaneamente as parroquias de Galgao e Cadavedo, denunciando na primeira a corrupción do santuario de S. Cosme, e iniciando un labor de promoción da mocidade, facendo que algúns fillos de labregos cheguen a acadar títulos universitarios. Esto crea problemas e desixa o Seminario. Xa bulian por dentro as ideas de Solidaridad humana.



DINO PACIO LINDIN, DIRECTOR DE SOLIDARIDAD HUMANA

### Solidaridad Humana

En 1967 vai a EE UU a completar os seus estudos de Sociología (Harvard). E volve a Madrid, onde da clases e traballa con xóvenes. No curso 1970-71 vai dar unhas clases a EE UU (Rochester), e comenza a acudir a Nova York cos seus estudiantes e traballa coa comunidade hispana. "No vran de 1971 eramos un grupo dunhas 15 persoas que nos xuntabamos nas casas polas noites para aprender e ensinar —comenta Metzinger, un norteamericano que seguiu de cedo os seus pasos—. Os nosos instrumentos eran unhas cancións e unha guitarra. As nosas leccións facíanse con "Guantanamera", "Adesalambrar", "Blowing in the Wind"... Eran tempos de espontaneidade con un fondo senso interno, unha mestura deinxenuidade e ousadía. Era un exercicio da libertade con senso da disciplina e moita adicación".

### Un ensino diferente: popular e que non descasta.

A orixe de SOLIDARIDAD HUMANA —que así lle puxeron a ese traballo que escomenzou con 15 persoas e hoxe pasa das 1500— é, en palabras de Dino, "Respostar ós berros do pobo que di: queremos estudar e ser máis". Partindo dun plantexamento claro: non se trata de descastar ou colonizar ós hispanos, inseguiros na súa lingua materna, co idioma inglés. "Dixémosles claramente dende o comienzo que só estudiarían inglés os que tiveran un coñecemento medio na súa lingua a cultura, para que a aprendizaxe do idioma inglés non fose unha renuncia colonizadora á propia cultura hispana. Decidimos facer o contrario do que se fai normalmente: "no canto de ter que ir a xente en busca da cultura, a cultura foi a

eles; no canto de imponer formas alleas, partimos da realidade da xente para que esta descubra a cultura".

"Ensínabamos nas súas mesmas casas, na mesa onde comían, no fogar cheo do calor familiar. Ensínabamos e aprendíamós. Queríamos sentir a educación dentro do pobo. Nacimos sen fondos, sen edificio, sen respaldo de persoas e institucións importantes... sen esixir xamais nada, sen cobrar, sen imponer... Partímos da mesma experiencia do pobo emigante... Sabíamos dos seus problemas sociais, dos seus problemas de idioma, de conservar a cultura... para manter a identidade latino-americana... Foi un encontro entre traballadores e universitarios".

### A primeira organización

Dous anos despois teñen 15 grupos, cada un co seu monitor, e créase a primeira organización. Até que en 1974, tiñan xa un grupo de xente con unha educación básica e un coñecemento do inglés axeitado a uns estudos superiores; compría dar un paso máis: Créase "Solidaridad Humana Incorporated", acadando do Estado a posibilidade de dar un diploma semellante o título de Bacharelato Superior. Búscanse mestres para dar clases gratis e calificar, e pouco tempo despois xa teñen 30 alumnos co devendito diploma. "¿E agora qué?", esa foi a frase desafiante que fixo avanzar ó longo dos anos a Solidaridade Humana. Coséguense pouco a pouco poder impartir estudos universitarios e técnicos. E así, Solidaridade Humana convértese en Universidade en colaboración coa Universidade Estatal. Nunha Universidade popular, con un local propio, (un vello edificio escolar no baixo Manhattan de máis de 80.000

metros cadrados) ó que se trasladaron en 1977,

### Analfabetos e universitarios

Deste xeito, aquela aventura de Dino convertiuse nun Centro de Educación de Adultos, que imparte dende os niveis más básicos, até os niveis universitarios. Así "Un traballador analfabeto pode entrar no noso programa, e se desexa acadar en oito anos, sen saír do Centro, un título técnico, un Bacharelato universitario ou unha Licenciatura". Recibindo Dino en 1982 o Premio Nacional de Universidades Comunais.


### En Solidaridade hai tres programas principais:

– **Educación Básica.** Ensínase español básico e inglés somente como segundo idioma. A meta é acadar coñecementos básicos de lectura, escritura e conversación en español e inglés.

– **Educación técnica.** Que ofrece instrucción laboral e títulos en tres áreas: a) Contabilidade e Informática; b) Instrucción laboral bilingüe, c) Mecanografía e Inglés comercial (Administración).


– **Educación Avanzada.** Por medio de programas preuniversitarios e universitarios tenta formar profesionais que podan traballar na comunidade. Consta de tres áreas: Equivalente á Escola Superior, Preuniversitario, e Programa Universitario.

A pesares dos cambios, das dificultades e da hostilidade do goberno Reagan, que non ve con bons ollos a concientización social e política da minoría de fala hispana, marxinada do "país da libertade", Solidaridade Humana segue adiante. "Non temos medo, porque Solidaridade Humana non naceu para ser un producto do mercado senón un proceso de vida".



# TERRA e XENTE

IRMIA nº 95 (Agosto 1983)



## Para coñecer a ONU

Sentimos falar moitas veces da ONU: na TV, na radio, nos xornais (que se polo das Malvinas, que se no Ourente Medio, que se en Centroamérica ... onde hai conflictos alí está ela). Con seguridade que todos sabemos, mais ou menos, de qué se trata, pero quizabes non saibamos moito dela. Pois ben, a Organización das Nacións Unidas (ONU) é un organismo internacional, constituido polos estados que aceptaron cumplir as obrigacións previstas na súa Carta; e que ten como fin unha cooperación política, económica, social e cultural internacional, encamfiada a lograr a paz e o progreso en todo o mundo.

### Un pouco de historia.

A ONU é a herdeira da Sociedade de Nacións (S.D.N.), organismo similar, anque menor, anterior a Segunda Guerra Mundial —creado en 1919 polo Tratado de Versalles (Francia)— cuyas institucións inspiraron o nacemento da ONU, tras do seu fracaso e a Segunda Guerra Mundial.

A sua orixe está na alianza dos grandes estados, que se uniran na loita contra do Eixe (Roma-Berlín, o fascismo), na Segunda Guerra Mundial. Esta alianza preparou o camiño da organización mediante a "Carta Atlántica" —firmada en Agosto de 1941 polos presidentes de EE.UU. e Gran Bretaña— e pola "Declaración das Nacións Unidas" —firmada un ano despois por EE.UU., Gran Bretaña, URSS, e un ano despois por China—. Foi madurando a idea nos anos seguintes e na primavera-vran do 1945 firmouse a "Carta das Nacións Unidas" en San Francisco, e o estatuto do "Tribunal Internacional de Xusticia"; cousa que fixeron xa daquela 50 países, e moitos máis nos anos seguintes.

### Composición.

Anque se chama "unión de nacións" e a Carta fala de "unión de pobos", de feito é máis ben unha "unión de estados soberanos", é decir, unión de gobernos de estados independentes.

Son membros orixinarios os 50 países que participaron na Conferencia de San Francisco e foron os primeiros en firmar a Carta. Deles os "Catro gran-

des" (EE.UU., URSS, Inglaterra e Francia) teñen o privilexio do dereito a vetar, ou sexa, a invalidar calquer resolución, o que disminue a eficacia da organización. Tamén tiña este privilexio a China Nacionalista (Taiwan) ata que en 1971 foi excluída da ONU e entrar nela a China Popular (China).

### Estructura

A ONU está estructurada e organizada desta maneira:

- **Asamblea Xeral** (con sede en New York), que é o órgano deliberativo (onde se falan as causas e se toman as decisións). Está formado por todos os membros da organización, con un voto por país. Decide sobre cuestións importantes: mantenimento da paz e a seguridade internacionais, eleccións de membros do Consello de Seguridade, admisión e exclusión de membros da Organización, presupostos, etc. Reúñese ordinariamente en sesión anual e extraordinariamente cando faga falla.

- **Consello de Seguridade**, órgano executivo en materia política. Composto, dende 1965, por 15 membros: os "catro grandes" e outros 11, elixidos por dous anos pola Asamblea Xeral. Cada quen co seu voto, anque "os catro" co seu privilexio do voto, que poden tumbar calquera decisión...

- **Consello de Tutela**, composto polas potencias encargadas de administrar os territorios sometidos a tutela polos membros do Consello de Seguridade

ou pola Asamblea Xeral. Ten pouca importancia e autoridade.

- **Consello económico e social (CNUCED)**, composto por 27 membros elixidos pola Asamblea Xeral, que interveñen no campo económico, social e asistencial. Ten constituído comisións para Europa, Asia, África e Hispanoamérica (CEPAL).

- **Tribuna Internacional de Xusticia**, órgano de xusticia composto por 15 membros, que elabora e codifica o dereito (fai leis) e resolve os problemas de xusticia internacional a el sometidos. Só poden comparecer ante el os estados, non as persoas.

- **O secretariado** é un órgano administrativo, tamén, con sé en New York. É o máis alto funcionario da ONU, e ten cumplido papeis moi importantes ó longo da súa historia. O secretario é nomeado pola Asamblea Xeral, a proposta do Consello de Seguridade.

Dende a súa formación a ONU tivo ata hoxe 5 secretarios:

- Trigve Lie (noruego), de 1946 a 1952.
- Dag Hammarskjöld (sueco), dende 1953 a 1961.
- U Thant (birmano), de 1961 a 1971.
- Kurt Waldheim (austriaco), de 1971 a 1981.
- Pérez de Cuellar (mexicano), dende 1982.

(A próxima semana habermos continuar falando da ONU e das suas posibilidades)



# TERRA É XENTE

## O CAMPO E A PRENSA

"O ANIMAL NON LE, NON O IMITES", dixo alguén unha vez e dixo ben: porque sen información non hai opinión válida, só cabe dicir tonterías. Ademais, ler é pensar con outras persoas, e sempre atinarán mellor coa solución a un problema varias persoas que unha soa.

### ¿Len os labregos?

No campo lese moito menos afada. Claro que a culpa non é só dos labregos; tamén ten a culpa o producto, que non pensa neles. As causas da pouquíssima lectura que se fai no noso agro pódan ser:

- Baixo nivel cultural (non hai moito analfabetismo total, pero si unha moi baixa comprensión de lectura).
- Baixo poder adquisitivo (non hai moitos cartos para mercar xornais e revistas).
- Pouco tempo libre (anque máis do que se di, sobre todo á noite).
- Pouca motivación (non hai ganas! Esta coido que é das más graves).
- Tamén porque non atopan prensa que responda ás súas necesidades e intereses. Se ben máis do 60 por cento da poboación galega vive no agro, os medios de comunicación ocúpanse pouco deles. A prensa naceu con vocación urbán, pois urbáns son só os destinatarios da súa publicidade. Mesmo cando se fala de agricultura, dase a palabra ós viles e non ós labregos.

### ¿Que prensa chega ó campo galego?

a) **Xornais.** Segundo sexa a provincia, chegan ó campo algúns dos sete xornais que enumerabamos, anque rafísimamente á casa dun labrego; máis ben á do médico, do veterinario ou do cura. O que lle adican á información agraria é míximo e dunha gran pobreza. Salvo excepcións "El Progreso" adicáelle unha pequena porción os domingos; "La Región" os venres; e "La Voz de Galicia" e "El Ideal Gallego" algún extra de cando en vez, e algunha páxina informativa sen periocidade. Moi pouca cosa.

b) **Revistas estatais do campo:** "Actualidad Agraria" (semanal), publicada polas Cámaras Agrarias; a mejor, a xúicio dos especialistas. "Tria" (mensual) e "Agricultura" son outras dúas bastante boas. Despois hai unha chea delas verdadeiramente malas e moi dependentes das marcas industriaes: "Tempo" (Ebro), "Campo y Me-

### A PRENSA ESCRITA EN GALICIA

En Galicia, como en tódolos países en subdesenvolvemento lése moi pouco, e concretamente a prensa diaria menos aínda, loitando entre a frustración e a esperanza. Son sete os xornais diarios publicados en Galicia:

"La Voz de Galicia", "El Faro de Vigo", "El Ideal Gallego", "La Región", "El Progreso", "El Correo Gallego" e "Diario de Pontevedra". Postos por orden de importancia ( tirada e audiencia) vénense lendo un promedio de OITO XORNALIS DIARIOS CADA CEN HABITANTES, menos que a media de España (10 xornais por cen habitantes).

cánica" (Jhon Deere), "Boletín Verde", "Laboreo", "Nuestra Cabaña", ... En calquier caso de fóra e que descoñecen a realidade do campo galego.

c) **Revistas galegas:** "Moa", editada polo ISCAR desde 1980, bastante boa, pero non ven toda no idioma dos labregos, e leva tempo sen saír por causas económicas. "Revista galega de estudos agrarios", ven sendo editada pola Xunta de Galicia, moi especializada e difícil de ler para os labregos. IRIMIA, a revista que tes nas mans, editada semanalmente desde 1981 pola Asociación do mesmo nome, dirixida principalmente á xente do campo. "A Nosa Terra", semanario galego que por temas e por linguaxe non ten demasiado en conta ós labregos á hora de escribir. Tamén unha revista de maior nivel cultural como "Encrucillada" (bimensual desde 1977) lle adica espazo a temas labregos de cando en vez.

d) **Boletins de Sindicatos galegos e outros grupos:** "Fouce", das Comisións Labregas, do que saeu poucos números, anque parece que quere iniciar nova etapa. "Sulco" de Unións Agrarias. "Xóvenes Agricultores", do sindicato de dereitas do mesmo nome.

Como debe ser unha prensa servida galega,



IRIMIA, nº 148  
(Setembro 1984)

Os labregos precisan dunha prensa que informe e forme, que lles axude a saír da súa situación de subdesenvolvemento. A prensa allea a Galicia non pode cumplir esta función pois descoñece as súas necesidades e a súa lingua, e ademais ten en xogo outros intereses que non son do labrego. Unha verdadeira prensa agraria galega ten que ser:

1) De ámeto galego, que parta da realidade concreta e das necesidades do labrego-gandeiro galego.

2) Escrita en galego, pois esa é a lingua dos labregos sen distinción. "En galego" na forma e no fondo; non se trata de pensar en castelán e "traducir" ó galego; e falar no idioma do labrego, pois tamén se pode escribir en galego de maneira incomprensible para o labrego. Evitar o bilingüismo.

3) Que toque temas de Interés xeral, non exclusivamente de especialización agrario-gandeira, e ó mesmo tempo que proporcione unha información técnica obxectiva e axeitada a cada momento, ademais dunha información económica, comercial e sindical. Compre saber máis do campo e do gando, pero tamén das axudas, do apoio sindical, da política, da educación,...

4) Estar do lado dos labregos; obxectividade sí, pero tomar partido claramente. Pois na realidade de cada día funcionan uns intereses que condicionan necesariamente a visión de tal ou cal problema. Nengunha persoa, grupo ou sociedade é apolítica; todos teñen uns intereses. Os dunha prensa verdadeiramente para os labregos teñen que ser o amor a Galicia e a opción polos labregos, estar claramente da súa parte.

5) Falta por técnicos no agro, ou coa colaboración deles. Non técnicos de teoría, senón da práctica, que traballen no campo e o coñezan ben.

6) Que sexa realista, pero tamén optimista, que lle dea ánimo ó labrego, ilusión e alegria de vivir no agro intentando ser transformante e mellor.



# TERRA E XENTE

## I Xornadas de Formación Popular EN LAGOA PASTORIZA



O longo de todo o mes de Novembro celebráronse en Lagoa, Pastoriza, (Lugo) unhas XORNADAS DE FORMACION POPULAR coa participación de técnicos en gandería e agricultura, veterinaria, sanidade e educación. A asistencia de xente da parroquia e de parroquias limítrofes foi realmente notable, de 100 a 150, o que animou o traballo das xornadas.

### ¡Como naceron?

A organización destas xornadas correu a cargo dun pequeno grupo de veciños desta e doutras parroquias próximas (Ubeda e Xemil), co seu párroco ó frente. Desenroláronse ó longo do mes a un ritmo de dúas por semana, de oito a once da noite, no local parroquial. O artellamento de cada unha era moi sínxelo: unha pequena charla de tres cuartos de hora ou máis, e logo un diálogo-debate entre os asistentes, que en ocasións chegou a se-lo máis enriquecedor da xornada.

Desde IRIMIA animamos a multiplicar este tipo de experiencias, sempre fructíferas porque informan e forman desde a acción. Os veciños da parroquia e do concello xúntanse e debaten os seus problemas de cada día. Tampouco resultan difíceis de organizar, pois hai técnicos nas diversas ramas que aceptan gostosos propostas deste tipo.

### A produción do leite na gandería galega

Foi o tema co que se inauguraron as xornadas, posto que era de gran interés para os veciños da bisbarra, eminentemente leiteira. A charla correu a cargo do enxeñeiro técnico agrícola Elio Villada. Comenzou dando datos coma estes: en Galicia hai 136.000 explotacións leiteiras con 575.000 vacas de leite; que vefien dando unha produción anual de 1.500 millóns de litros de leite. O que significa unha porcentaxe de 2.500 l. de leite por vaca e ano, media baixa con relación ós 3.500 l. de media española, e moi menos que os 4.500 l. de media na CEE. Con elas teremos pronto que competir en condicións de inferioridade.

Abondou na necesidade de alimenta-las vacas con herba, máis que con pienso, a fin de acadar niveis de competitividade. Para iso cómpre mellorar as praderías, os sistemas de ensilado, et

### Enfermedades do gando vacuno

Tema da segunda xornada a cargo da veterinaria María Teresa Fernández, que centrou a súa exposición na tuberculose, brucelose e mamites.

A *tuberculose* é unha enfermedade desgraciadamente moi corrente no gando da bisbarra; o seu contaxio realízase polo leite, ouriños, feces e alimentos contaminados, así como pola respiración que contamina todo o estable. A *brucelose* produce abortos, infeccións de matriz, etc. As perdas por esta enfermedade son cuantiosas (baixa producción, abortos, etc.); cómpre sanea-las explotacións, vacuna-las xatas e queima-las reses mortas.

A *mamites* ocasiona baixos rendimentos no leite e mesmo faino perderse; é ocasionada fundamentalmente pola falla de hixiene.

### O cooperativismo e a comercialización gandeira

Correu a cargo do perito agrícola Antonio Fernández Oca. Comenzou precisando os principios que rixen o cooperativismo: xestión democrática ("cada socio un voto"), capital social e interés limitado e pactado. E logo destacou como as cooperativas teñen que ter como punto de partida a solución a problemas concretos, e non poden ir adiante sen un traballo de formación cooperativista entre os socios.

### O campo galego ante o ingreso no mercado común

Xornada que acadou gran expectación animada por un vello colaborador de IRIMIA, o enxeñeiro agrónomo Eliseo Miguélez; os lectores coñecen ampliamente a súa opinión sobre do tema polas nosas páxinas.

### A medicina no agro

O Dr. Paulino Pérez-Mendaña apostou rotundamente por unha sanidade pública, gratuita e competente, en contra do exercicio privado.

que normalmente vai en detrimento da sanidade pública. Precisou que a saúde era non só non ter enfermedades, senón "un estado de benestar físico, mental e social". Polo que insistiu na necesidade dunha medicina preventiva, cara ó que afirmou que a maior parte da clase médica non comparte estes plantexamentos.

Respecto do "Plan Sanitario de Galicia" elaborado pola Xunta, dixo que non tifia pés nin cabeza, por facerse enriba do mapa, e non desde diagnósticos de saúde da poboación.

### A educación dos nosos nenos

Correu a cargo de Ana Vila. Tras sinalar os atrancos que ocasionan o subdesenrollo da educación no noso país (medios cátivos, malos programas e libros de texto, mestres individualistas e desclasados, idioma alleo, ...) afirmou que as alternativas tiñan que vir de maneira colectiva a traveso de "consellos escolares" efectivos e "escolas de veciños". Abogando por unha educación persoalizadora e liberadora que xenere persoas solidarias.

### Unha ollada á historia de Galicia

Fermosa xornada animada polo noso gran poeta Manuel Marzá, quen foi facendo un recorrido pola Historia de Galicia, desde os nosos más remotos devanceiros (un pobo chamado os "oestrinios" ata o nacionalismo galego nos nosos días. Pasando polo labor dos *celtas*, os romanos e os *suevos*, ós que tanto lles debe o noso pobo; todo o labor de Xelmirez, a revolución dos *Irmandiños*, as revolucións rexionistas do século pasado e o Rexurdimento.

Non nos queda espacio para falar da xornada de clausura, que houbo que facer na igrexa pola gran afluencia de xente, e que xirou arredor dunha táboa redonda onde foron saíndo os problemas da bisbarra e albiscándose camiños de solución.

IRIMIA nº 163  
(Decembro 1984)

# !QUE PASCOA CONTIGO, TIO!

## As Pascoas da Mocidade

“¡Que Páscoa contigo, tio!”, “Non esperes milagres... ¡abre camiños!”, “Unidos podemos cambialo, ¡decídete!”, “Cremos, por iso loitamos”, ... Son algúns dos lemas que veñen proclamando mozos dos máis diversos puntos por estas datas desde hai uns anos. É o “boom” da Páscoa. Concretamente destas que se veñen chamando dun tempo a esta parte PASCOAS DA MOCIDADE.

¿De que vai o rollo? ¿É unha “comedura de coco” máis? ¿Outro invento dos curas para que os poucos mozos que seguen indo a igrexa non se lles vaian? Unha revista española contraño hai uns anos “Páscoa inútil”(a de tantas das nosas parroquias) con “Páscoa da mocidade” sinalando este fenómeno como un dos más significativos da Igrexa nos últimos anos.

### TAIZÉ NAS RAÍCES

A cousa ven desde hai máis de 10 anos, no estado español, sen dúbida como un froito dos mozos e dos sectores pastorais inquietos da igrexa española, pero moi especialmente como un froito de Taizé.

¿Que é isto de Taizé? Taizé unha aldeña do centro de Francia, a 80 quilómetros de Lyón, que seguería sendo descoñecida se non fose por unha comunidade de monxes instalada nese ou teiriño aló polo ano 1949. Esta comunidade de monxes ten como característica orixinal, e a bon seguro única no mundo, ser unha *comunidade ecuménica*, é dicir, formada por cristianos de diferentes confesións: protestantes, católicos e ortodoxos.

#### Un “Concilio dos Mozos”

A vitalidade desta comunidade foi atraendo pouco a pouco a mozos de tódalas partes, que empezaron a achegarse aló polo ano 1960, para atopar paz e senso ás súas vidas (algúns lembran-

rán a importancia de 1968 para a mocidade, “maio do 68”, morte de “che”,...). Aló foron chegando mozos cristianos e non cristianos, mesmo non crentes. E pouco a pouco foi madurando a idea dun CONCILIO DE MOZOS, que tras debates e preparacións proclamouse aberto na Páscoa de 1970, escomenzándose oficialmente o 30 de agosto de 1974, acto no que participaron 40.000 mozos.

#### No fondo a Páscoa

A *experiencia pascoal* é a raíz de todo este movemento según rezan constantemente os seus manifestos:

Cristo resucitado vén animar unha festa no máis fondo do home. El prepáranos unha primavera da Igrexa; unha Igrexa desprovista dos medios de poder, disposta a compartir con todos, lugar de comunión visible para toda a humanidade” (Páscoa 1970).





Esta experiencia pascoal significa pasar da morte á vida, buscar canles de resurrección no noso mundo tocado de morte. Non é só cousa de rezar. O lema de Taizé é LOITA E CONTEMPLACION, un compromiso na liberación do home na loita de cada día, compromiso alimentado precisamente pola experiencia pascoal, a experiencia de que a salvación de Xesús non é un conto doutra época, senón unha realidade viva a aínda eficaz hoxe.

#### AS PASCOAS DA MOCIDADE

O ano pasado máis de 20.000 mozos en toda a xeografía do estado participaron nunhas 200 páscoas da mocidade, certamente unha pinga de auga nos perto de 9 millóns de mozos. Pero é unha realidade abondo esperanzadora con tódalas súas contradiccións, acertos e errores. O feito de que un grupo significativo de mozos entre 15 e 25 anos, desafiando ó mal tempo destas datas, e vencendo a tentación da comodidade das "vacacións de Semana Santa", se *enrolle*n con Xesús e celebren o acontecemento central da experiencia cristiana, é algo certamente esperanzador.

As celebracións veñen sendo preparadas desde meses atrás por grupos e comunidades. A oración, reunión e celebración son os seus elementos claves, buscando formas de compromiso concreto na loita por cambiar o mundo que os rodea e manter acesa a esperanza, poñendo a Xesús e os seus valores como centro das súas vidas.

1 En Andalucía e Extremadura xa levan case 10 anos facendo a Páscoa dos Mozos. Foron convocados nos últimos anos por lemas como: "¿Indiferentes? Non. Ti es necesario". "Xesús morreu libre por ser libre". "Unidos podemos cambialo".

2. Os mozos de Valencia e Aragón convocados por frases tan occurrentes como aquela de hai dous anos: "¡Que Páscoa contigo, tío!", din que a súa Páscoa non é la parada dun momento, como as fallas valencianas.

3. En Asturias e Cantabria as chamadas foron: "Ama, comparte, loita e ri: Cristo vive", "un vive o que ama"... O mosteiro cisterciense de Cobres leva varios anos xuntando os mozos por estas datas, unidos no mesmo espírito e creando ali unha boa canle de encontro.

3. En Euskadi e Cataluña ... Téñenas feito nalgúnha ocasión en marcos tan pouco usuais como hospitais e centros psiquiátricos, coa participación dos enfermos.

5. Os mozos de Castilla-León, veteranos nestas cousas, véñenas facendo ultimamente non eles sós, senón xuntándose cada ano en pobos rurais, convivindo cos veciños.

6. En fin, na nosa Terra, a Páscoa da Mocidade vense celebrando desde hai uns dez anos en Vilagarcía de Arousa, cunha participación ultimamente de perto de 500 mozos de toda Galicia, de parroquias e colexios. A preparación comenza no mes de novembro afondando na fe e programando as celebracións e econtros.



#### ¿QUE DICIR DE TODO ISTO?

En primeiro lugar cómpre dicir que, anque cada unha ten o seu peculiar —cousa boa polo creativo e por responder ós obxectivos de cada grupo—, todas teñen unha serie de características comúns:

- son grupos de xente nova, entre 16 e 25 anos,
- a liturxia ou celebración está feita con aires de mocidade, ricos en símbolos e xestos,
- a convicencia é sumamente rica en tódolos casos. Cómpre destacar o tono festivo e o aspecto de apertura a outros mozos, escutar, compartir e dialogar,
- créase un clima de intimidade e convivencia, que é bo se non cae nun intimismo evasivo,
- outro dato común é que de ordinario realizanse fóra dos lugares de residencia habitual.

## Prevención dos accidentes nos nenos

### Para evitar queimaduras

A) Non colla cazos ou tixolas que teñan líquidos quentes, coas mans molladas, pois poden esbararlle, e queimarse vostede ou os nenos que estean perto de vostede.

B) Faga que os nenos non estean sós na cociña mentres estea acesa, e mantéñaos o máis posible alonxados do lume.

C) Traballe na cociña con cazos e potas que non volquen facilmente.

D) Faga que os mangos dos cazos e tixelas e as asas das potas non saian fóra da superficie da cociña, para evitar que os poidan coller os nenos ou empuxalos e así volcar o contido dos recipientes.

E) Cando prepare as comidas ou bebidas quentes dos pequenos, teña oílo coa temperatura das mesmas, non sexa que estean moi quentes e poidan producir queimaduras na boca, lingua, etc.



(Ven da Páx. 5)

¿Demostran que non tódolos mozos de hoxe son uns pasotas, cómodos desganados? ¿Demuestra que hai unha mocidade inqueda que segue a buscar algo mellor? ¿Demuestra que Xesús segue interesando hoxe, e que é posible interesar á mocidade cando a oferta é leda, festeira e positiva? ¿Demuestra que unha festa pode ser algo máis cá esmorga discotequeira e verbeneira, converténdose en reflexión fonda e compromiso serio? Algunxs así pensan.

Pero non se pode esquece-lo pelidro de crear un mundo aparte, que a Páscoa sexa unha evaisión máis da realidade, que se quede nas nubes. Caer nun "idealismo" que non se concrete despois en nada real. Caer nun falso universalismo que esqueza a realidade do propio pobo, no noso caso o da nosa Terra e o da nosa xente: ¿como celebra-la liberación de Xesús esquecendo o pro-

F) Nunca deixe ó alcance dos pequenos recipientes que teñan auga ou outros líquidos quentes.

G) Protexa ben as estufas e braseiros, para evitar que os nenos poidan caer neles ou tocálos e dise xeito sufír queimaduras ou tamén para evitar que poidan meter neles obxectos que poidan arder.

H) Evitar sempre facer lumes en sitios baiños, onde poidan chegar facilmente os pequenos.

I) Impida que o neno xogue con obxectos que poidan facer lume, como son mistos, mechieiros, etc.

J) Non deixe pitillos sen apagar sobre as mesas ou sobre obxectos susceptibles de arder e apague sempre as colillas, pois pódese provocar o incendio do obxecto, ou o pequeno, ó ver o pitillo, pode intentar collelo e queimarse.

K) Teña oollo de que o neno non colla a plancha da roupa cando está encendida, pois pode producirse queimaduras importantes.

L) Nunca deixe líquidos que poidan arder coma gasolina, petróleo, etc. ó alcance dos nenos.

En caso de producirse unha queimadura o máis importante a facer é botar auga sobre a zona afectada e cubrir a mesma cun pano o máis limpo posible que teñamos a man e acudir de contado ó persoal sanitario. ■

Pauliño



pio pobo coa súa lingua e a súa cultura? En fin que todo isto quede en algo moi bonito, pero aíllado, como dixo un mozo "unha esmorga con Eucaristía final". ■

Victorino Pérez Prieto

## Xoan Sebastián Bach e o ano internacional da música

Hai douscientos anos, nacía nun pobo da Alemania o meirande músico de tódolos tempos: Xoan Sebastián Bach. A súa grandiosa música, capaz de eleva-los espíritos más mornos, é coñecida e querida en todo o mundo, por vellos e mozos, brancos e mousos. Poucos haberá que non teñan escoitado algunha vez -senon directamente, xa en disco e cassette, ou na radio e televisión- a súa famosa obra para órgano "Tocata e fuga en Re menor".

Pois ben, con ocasión deste aniversario, foi declarado o ano 85 "Ano Internacional da música" en honor a este verdadeiro "pai da música". Xa falamos nas páxinas de IRIMIA de outro "ano internacional", o da mocidade; e ó mesmo que daquel, non é que esperemos demasiado deste, pero sería xa un froito abondoso se nos axudase a achegarnos un pouco á boa música, e máis concretamente á obra deste gran home, que non debería ser descoñecido para ninguén. Como ben dixo outro gran músico, Schuman: "a música débelle tanto a Bach como unha relixión ó seu fundador".

**A boa música non pode ser só para uns poucos.**

Hai unhas semanas, falando cun amigo de que ía escribir sobre Bach para IRIMIA, díxome algo así como: "¿Que lle importa Bach ós lectores de IRIMIA?", pensando indubidablemente no seu público labrego mariñeiro e obreiro. Certamente pode ocurrir que moitos, nada mais ve-lo título, pasen de contado á páxina seguinte, porque non lles interesa o tema.

Pode... Pero un pensa que a boa música non pode ser só patrimonio das clases privilexiadas e da xente de estudos, senón de todo o pobo, pois Deus deunos a todos a mesma alma e o mesmo espíritu. E un pensa tamén que eso de que a chamada "música clásica", que outros chaman "música culta", é só para xente "culta" e entendida, ou para os que non o son tanto, pero teñen a "clase" que lle dan os cartos, é unha verdadeira patraña; ou peor ainda, unha argucia para seguir diferenciándose tamén na música das "clases baixas" ¡Como ian escoitar labregos e obreiros a mesma música ca eles! ¡Ata aí podíamos chegar!

¡Non, e non! **A boa música**, como tódalas cousas boas que nos rodean, é patrimonio de tódolos homes. E se a ela non chegaron máis os obreiros e labregos, foi porque non se lles fixo chegar. Non hai mais ca ollar a outros países como Alemania, onde ós concertos de música clásica, acuden homes de tódalas condicións sociais.

Coa boa música ocorre coma cos bos libros. Cómprale ler para amala lectura. E compre que a un lle ensinen a ler e que lle poñan os libros nas mans para que goste deles. ¿Ensíñase a escoitar e amar a música de homes tan grandes como Bach, Beethoven, Mozart, Haendel, Vivaldi, Chopin, ...? ¿Reciben os nosos nenos na escola o necesario achegamento e



J.S. Bach

X. S. Bach nun debuxo da época e a sua firma

explicación á obra e música destes homes?

¿Que é unha música distante e intelectual, difícil e lonxe do pobo, como pode argumentar algúns? Falso, os grandes compositores estiveron sempre moi pertos do pobo, mais ainda, foron maioritariamente xente do pobo. E senón que lle pregunten a Mozart, a Beethoven ou ó noso homenaxeado Bach. De feito, moitos colleron os seus temas de melodías populares. Por outra banda, tamén nela hai moi diferentes estilos, como ocorre coa "música popular"; hainas mais sinxelas e más intelectuais. E, en suma, tódolos homes teñen un espírito que lle leva a gostar das cousas fermosas; na música dos grandes maestros, como na pintura e escultura dos grandes artistas, e nas obras dos grandes escritores, está a meirande belleza saída das mans humanas.

**Bach, "deus da música"**


O que foi chamado con razón "pai da música", naceu un 21 de marzo de 1685 en Eisenach, pobo da Alemania. Desde neno iniciouse na música da

man do seu pai, tamén músico. Pero pronto se quedou orfo de pai e mai, polo que houbo de gañarse duramente a vida. Non tardou en facer grandes progresos na música, anque non tan rápidamente como outros grandes como Mozart -que tocaba o piano perfectamente ós catro anos, e xa compoñía música os seis- e Beethoven. Gran violinista e cantor, as súas preferencias vanse logo cara ó órgano; polo que traballou de organista en varias ciudades. Era tal a súa paixón pola música que ten recorrido quilómetros e quilómetros para escoitar un concerto; unha ocasión destas, tras escoitar unha obra, á volta foi capaz de transcribila ó papel con tódalas súas notas sen trabucarse na primeira.

Comenza a compoñer música cara a 1700, traballo que fará case sen parar deixa a súa morte; a música xurdía no seu interior armoniosamente, como xorde a auga dunha fonte. A súa obra é enorme como podedes apreciar no recadro do lado. Escoñenzou facendo cantatas, composicións musicais para varias voces con acompañamento instrumental. Logo

viñeron as súas primeiras composicións para órgano. E a súa produción foise acelerando ano tras ano: mais **cantatas**, **sonatas**, obras para **clave** (instrumento precursor de piano), **órgano**, ... Cara a 1720 compón os seus famosos "Concertos de Brandemburgo", seis concertos para varios instrumentos, que pasaron desapercibidos no seu tempo -como ocorreu con moitas das súas obras- e hoxe son do mais apreciado da súa obra, polo súa inspiración e perfección.

Dous anos despois vai traballar a Leipzig, importante cidade alemana, onde compón a meirande parte da súa obra, e onde morrerá trinta anos despois. Compón numerosas cantatas para tódolos domingos e festas do natal, **corales**, etc. E en 1724 estrena a súa magnífica "Paixón según San Mateu". Logo virán máis obras para clave (moitas recollidas no seu importante libro "O clave ben temperado") e órgano (as suas **tocatas e fugas**, moitas mundialmente coñecidas, así como o seu libro "O arte da fuga").



Órgano que utilizou Bach.

No solpor da súa vida quedouse cego e morreu na pobreza o 28 de xullo de 1750. Este home fondamente humano e case divino, que adicou a súa vida a servir a Deus coas dotes que él lle deu, e a servir tamén con

elas ós homes, escomenzando pola súa familia (casou dúas veces e tivo 19 fillos, ós que educou na arte musical, e varios deles chegaron a ser grandes músicos). A belleza e a armonía foron as súas directrices nese camiño.

## A obra de Xoan Sebastián Bach

É inmensa en cantidade e calidade, o que fai de Bach peza fundamental da música; ata o punto que non se esaxera o máis mínimo si se dí que a historia da música divídese en **antes e despois** de Bach, non só pola grandeza da súa obra, senón porque sen él non podería existir toda a música que se fizo despois, tal foi a súa importancia e o seu influxo. "Foi él quen labrou os sillares definitivos da música", dixo un músico e crítico. Outro gran músico, Schuman, chamouno "o deus da música" e "mestre de mestres".

Cando un escucha a súa música, queda extasiado e non comprende como pode ser obra de home esa grandiosidade e perfección; un tende a pensar que o seu creador tiña que estar necesariamente moi perto de Deus. É unha obra plena de sentimientos e pensamentos, pero entretecidos e fundidos con suma armonía e perfección. Libertade e orde, fantasia e reglas.

É unha música que tén ás veces carácter cósmico; a súa armonía, como dixo o gran escritor Goethe, semella "a eterna armonía que debía atoparse en Deus no comienzo da creación". É unha música, en fin que une o máis puro do espírito co máis perfecto da materia, a libertade da beleza coa perfección das matemáticas; á

vez grandiosa e íntima, sobrecolledora e accolledora. Unha música **chea**, completa, rebosante, á que non lle falla nin lle sobra nada.

### a) Música vocal

- "Cantatas". Escribiu perto das 300, das que apenas quedan 200.
- "Corales", unhas 20, do máis fermoso de Bach.
- "Paixón según San Mateu" e "Paixón según San Xoan".
- Catro misas.

### b) Música instrumental

- Para **órgano**: 145 corales, 6 sonatas, 6 concertos e 50 "tocatas e fugas" (algunhas supercoñecidas, obra cumio do órgano).
- Para **clave**: Unhas 200 obras, entre "tocatas", "fugas", "concertos"...
- **Concertos**: 17 concertos para violín e para clave, sós e conxuntamente. 4 "suites". Os 6 famosos "Concertos de Brandemburgo", para varios instrumentos.

Victorino Pérez

# A traxedia dos Reigosa: 27 vacas mortas, e segue o andacio

## A situación

Lagoa é unha pequena parroquia rural no concello de Pastoriza (Lugo). Só 60 veciños, pero con varias explotacións familiares florecentes e competitivas, xa sexa de leite (con modernas cortes e sistemas de muxido e refríxerado do leite), xa de carne (mairomente estabulacións libres de gando nos montes de A Corda). Foi nunha destas explotacións de gando de carne, na que prenseu o andacio vai agora xa case un ano. Trátase da explotación en réxime de estabulación libre que a familia Reigosa ten en A Corda, na finca de "Rego Salgueiro" (unhas 45 Ha.). En un ano escaso Xosé Antonio e Ricardo Rio Lorenzo viron como quedaba reducida a menos da mitade a súa explotación de perto de 50 vacas co seu touro, que foi un dos primeiros en caer.

## Os feitos

A desgracia principiou en outubro do pasado ano, cando Ricardo subiu ó monte e atopou no prazo de 15 días 4 vacas mortas. Informouse ó veterinario municipal, que fixo o que pudo -pouca cousa-, e á Sanidade Animal de Lugo -que tardou en meterlle man ó asunto-, mandáronse mostras ó laboratorio de Lugo, e déronse mil e unha voltas, pero as vacas seguiron morrendo e a razón das mortes seguiu sen se aclarar.

A estas alturas, con vintesete vacas mortas, a case un ano da primeira, con perdas de máis de 3 millóns de pesetas, e unha familia desfeita pola tensión constante de se deitar á noite cavilando en cantas vacas atoparán mortas á mañán seguinte, ainda non se lle deu solución ó caso. O máis gordo é que moitas probas enviadas para o seu análise "perdérónse" no camiño dun laboratorio a outro, outras "chegaron en mal estado", dalgúns tardou en se recibir resposta medio ano, e doutras non se soubo nada.

## A causa das mortes

O comenzo barallouse a posibilidade de que o pasto estivese en mal estado por causa dos abonos químicos, cousa que se descartou posto que a explotación dos Rei-



*Unas das últimas vacas mortas.*

gosa era a única afectada. Logo falouse de se a enfermidade era orixinada por un xerme coñecido co nome de "escherichia coli", que só en determinadas circunstancias é capaz de producir a morte. Por esas dallas xa se descartara o carbunclo, do que se falara nos comezos. Mais adiante falouse dunha posible intoxicación producida por unha sustancia dos feitos, moi abondosos na zona.


Pero todas estas hipóteses foronse descartando unha tras outra, e últimamente falábase cada vez más insistencia da posibilidade de unha intoxicación provocada por axentes externos, concretamente algún veneno botado intencionadamente. Pois aparte de se descarta-las teorías anteriores, nos últimos análises atopáronse indicios de varios venenos, por parte dos laboratorios de León e dun laboratorio particular de Barcelona. Mais todo segue no aire, e as vacas seguen morrendo. Ricardo e Xosé Antonio xa non esperan que se salve ningunha.

## ¿E a Administración?

Como case sempre lenta e ineficaz, sen dar respuestas claras nin da causa da mortandade nin respecto da petición dunha xuxa económica para esta auténtica traxedia familiar. A familia pediu axuda ó Axuntamento, á Diputación Provincial de Lugo e á Xunta de Galicia, e ata chegou a escribir ó Defensor do Pobo, pero non houbo resposta algúnh, só a Diputación se interesou un pouco polo caso, enviando repetidas veces ó seu veterinario e a algun técnico máis.

Económicamente os Reigosa seguen sen recibindo a máis mínima resposta de axuda, a pesares da gravedade do seu perxuicio económico, gravedade que se fai máis dramática no seu caso por ter que facer frente a un crédito de 4 millóns de pesetas, crédito invertido en facer melloras no monte onde a familia tiña a devandita estabulación libre.

Esto éinxusto de todo, como ben denunciaron algunos veciños e un Sindicato Labrego, pois cómpre que o Estado lle bote unha man ós cidadáns nestes casos graves, que para eso se pagan os impostos.



*Así de boas eran as vacas dos Reigosa, anque estas da foto*

*xa estaban tocadas do mal*

*Victorino Pérez*

## O Sínodo ¿volta atrás da Igrexa?

Xa vai alo un mes que rematou o **Sínodo extraordinario**, que convocou o Papa Xoan Paulo II para celebrar e revisar os vinte anos do Concilio Vaticano II -entre os días 24 de Novembro e 8 de Nadal-, tal como informamos daquela en IRIMIA (nos. 209 e 210), prometendo unha mais extensa información e reflexión cos documentos finais na man para non falar no ar. O Sínodo foi noticia en todos os medios informativos, anquealguns non con toda a fidelidade que era de desexar, e noutras cunha tremenda pobreza informativa. Que o Sínodo foi un feito importante probao non so o feito dos 460 cardenais e bispos, os 240 sacerdotes os auditores teólogos e invitados especiais, así como o grupo de observadores doutras confesións cristianas que participaron nos seus traballos, senon tamen os 650 periodistas de todo o mundo que testimoniaban as expectativas creadas. Expectativas estas reflexadas en editorias como "O Sínodo do receio a esperanza" (Ya), Un Sínodo destinado a relanzar o Concilio (La Vanguardia), ou o mais crítico de El País "O Sínodo frente o Concilio".

### Un rotundo si o Concilio

¿Que foi destas expectativas? ¿Unha volta atrás como se temía? ¿Un sepultar asintencias renovadoras do Concilio? ¿Trunfaron as teses dos más conservadores, encabezadas polo Cardeal Ratzinger, que querían un "restauracionismo" ou volta atrás? Sinceiramente coidamos que non.

Ben é certo que un Sínodo non é un Concilio e non ten a sua capacidade decisoria polo que non podera eliminar sen



A grande manifestación do Concilio. Encontro o Sínodo.

mais o Vaticano II, anque quixera. Ben é certo igualmente que -como era de supoñer- non trunfaron as teses progressistas de certos sectores do episcopado, e respirouse ese ar "involucionista" (volta a trás), que se está a vivir hoxe na Igrexa e no mundo entero. Pero tamen é certo que se respirou un reconfortante pluralismo de opiniões, e se rematou con un rotundo si o Concilio (o seu espírito aberto e dialogante), e con un canto de esperanza no presente e o futuro, tal como quedo refleixido no documento final. Como veremos logo, non é certo que desaparecerá a concepción da Igrexa como "pobo de Deus", tal como se dixo en algúns medios informativos, anque o acento se puxera mais en outras categorías "Contrapostas a esta, ou más evasivas? Non estamos moi seguros. Anque ponemos en entredito moitas das suas bonitas conclusións, conscientes da praxe que levan moitos dos que as aceptaron".

### ¿Como foi o Sínodo?

Abriuno Xoan Paulo II o 24 de Novembro cunha homilia na eucaristía da ambigua festa de Cristo Rei, destacando que "O camiño da Igrexa é o home, pois Cristo manifesta plenamente o home ao propio home". E respecto da contraposición entre a primacia de Deus e a primacia do home, o Papa recorriu o Concilio cando di que "o reino do home pode atopar a sua realización no 'Reino de Deus'. Ata ahímos ben, outra cousa é dicir que so no Reino de Deus, identificado coa Igrexa, atopa o home a sua realización".

Tras unha invitación do vello cardeal francés Garrone (que xa fora relator no Vaticano II) a "entrar no espírito do Concilio" comisión apertura e diálogo e logo do saúdo do presidente da Asamblea, o cardeal Kroll, precisando que non se ia celebrar un mini-concilio nin cambear ou corregir o Vaticano II. O primeiro gran acto da Asamblea foi a relación do cardeal Godfried Daneels (relator ou persoa encargada de contar os asuntos que trata a asamblea). Tras rexistar a pretendida restauración, e que o Sínodo fora sobre o libro de Ratzinger (Informe sobre a fe, do que xa se ten falado en IRIMIA), sintetizou as respostas dos episcopados con afirmacións valentes a favor do diálogo sobre os problemas xurdidos despois do Concilio, declarando que estes non se poden resolver con medidas conciliadoras. Sinalou logo como puntos positivos a reforma litúrxica (ceremonias da Igrexa), a participación do pobo a volta a Escritura e o diálogo cos cristianos non

### O Concilio e o Sínodo

Un **Concilio Ecuménico** é unha asamblea de bispos de toda a Igrexa, reunidos baixo a presidencia do papa e convocados por el, para tratar de materias de fe ou costumes, con carácter deliberativo e decisório, unha reunión na que está representado todo o episcopado universal. O Concilio Vaticano II (1962 - 1965) foi o número 21, e o primeiro foi o Concilio de Nicaea no ano 325.

Entroques o **Sínodo**, algo moi mais recente, creado polo Papa Paulo VI en 1965, anque tamén é unha asamblea de bispos de todo o mundo, e so un organo consultivo do Papa, non ten carácter decisório. Desde a súa creación van alo seis "sínodos ordinarios" e dous "sínodos extraordinarios". Este foi un sínodo extraordinario, o proximo sínodo ordinario sera para 1987 co tema de "A misión dos leigos na Igrexa e no mundo".

Desta maneira, un Sínodo a diferenza dun Concilio Ecuménico, non decide nin cambia nada, salvo se o pide expresamente o Papa. De todas maneiras supونse que o Papa debe tomar boa nota do que ali se di. Pero son cousas da organización rixidamente xerarquizada da Igrexa.

Católicos e todos homes de boa vontade. E como negativos as dificultades da reforma litúrxica e os enfrentamentos na Igrexa por cuestións de teoloxía e moral. Afirmando que non se lle poden votar o Concilio as culpas das cousas que logo non foron ben. Os bispos tamén arremeteron contra a curia (organo de goberno vaticano) por non ter unha estrutura evangélica, e ser un "antísigno" de Xesus.

O segundo momento veu da man das intervencións dos bispos, nas que destacou a libertade de expresión e a pluralidade de opiniões e acentos nuns problemas ou noutrios, segun a súa procedencia. Foi o que Pepe Chao chamou a boa música dun desconcerto, cousa positiva ante as presións do centralismo vaticano. Compre destacar que mentres os bispos europeos e norteamericanos lle preocaban mais os problemas xurídicos os bispos latinoamericanos puxeron o acento na necesaria opción polos pobres que lle compre facer a Igrexa, e os africanos no respeto a sua cultura e tradicións.

O terceiro momento veu marcado pola segunda relación de Daneels que aboga por profundizar no Concilio, con un reforzamento da comunión e o misterio da Igrexa, así como un entendemento co mundo nesta situación de crise. O cuarto constituiron o traballo nos "círculos menores" (grupos por lenguas semellantes) onde as diferentes posturas notaronse. (Segue na pax. 6)

(Ven da px. 5)

máis: desde as más abertas (os americanos e mesmo algúns bispos españoles) ata as más conservadoras (os alemanes encabezados polo cardenal Ratzinger).

O momento máis importante veu cando, simultaneamente a discusión dos temas do Sinodo, preparouse a mensaxe final deste. Unha comisión encabezada polo conservador bispo de París, o cardenal Lustiger, elaborou un primeiro comunicado que foi rexeitado pola asamblea; a súa tese era que o mundo está nunha situación catastrófica e só Deus o pode salvar. Na segunda redacción, xa definitiva, o tono foi, polo contrario, animoso e optimista.

#### As conclusións

A relación final do Sinodo comenza cunha valoración positiva do Concilio, para pasar a sinalar as "luces e sombras" da sua acollida; no negativo destaca o rechazo da Igrexa e o "consumismo" que ocasiona unha "cegueira respectos dos valores espirituais", destacando como a Igrexa é mais aceptada onde ergue a sua voz contra da inxusticia.

Logo apunta os grandes argumentos do Sínodo:

a) Frente a un mundo que nos últimos anos foi prescindindo cada vez máis de Deus, presenta o misterio de Deus en Xesus Cristo e o Espírito. E o misterio da Igrexa como signo e instrumento da comunión entre os homes e con Deus. Unha Igrexa que non so é presentada como "misterio", senón tamén como "pobo de Deus", "familia".... superando unha visión so xerárquica ou puramente sociolóxica (un grupo social mais).

Insistese na vocación de lóndolos homes á santidad, ou plenitude humán na participación da vida de Deus. Unha Igrexa que

vive da Palabra de Deus, a evanxelización, ou transmisión dos valores que vienen do Evanxelio, e a liturxia. Neste apartado apuntouse como suixerencia a polemica elaboración dun **catecismo** para toda a Igrexa.

b) A Igrexa como comunión con Deus, e entre lóndolos cristiáns, por riba das diversas maneiras de entender e actuar, destacando a importancia das Conferencias Episcopais e a boa relación entre bispos e teólogos, así como a participación dos leigos, incluidas as mulleres, na vida da Igrexa ("corresponsabilidade"). E de destacar a valoración positiva das "comunidades cristiáns de base", e a revaloración do ecumenismo.

c) Finalmente, a **misión da Igrexa no mundo**, como instrumento da salvación de Deus. Destacando a necesidade dunha "teoloxía da cruz" que asuma a situación de "opresión" inxusticia e guerra torturas e terrorismo". Unha teoloxía que non exclue outra de compromiso na liberación dos homes. O que esixe unha adaptación á situación actual do mundo ("aggiornamento") sin pecharse ó mundo, pero sen amoldarse a el sen máis. Esixe tamén un

respeito das culturas de cada pobo ('inculturación') iluminándoas coa fe. E tamén un diálogo coas relixións non cristianas e mesmo cos que non cren en Deus. "quen non nega a posibilidade de salvación a todo home de boa vontade". Finalmente fala da necesaria "opción preferencial polos pobres" (da que tanto fala a "Teoloxía da Liberación"), "nesta opción difíbrila o verdadeiro espírito do Evanxelio"; e unha opción pola tamén necesaria promoción humana, pois a salvación do home é integral, non so espiritual.

#### ¿Que vai quedar do Sinodo?

Tememos que non moi, fora dese discutible "catecismo universal", que algun dí que xa está feito, nunha liña ben pouco conciliar, e quizaves tamén un meirande coñecemento do Concilio. Estamos dacordo co seu berro de que o home de hoxe segue necesitando a Deus, e precisa abrirse ó misterio e a acción do Espírito. E algrexa pode ser un bo guía neste camiño. Pero ¿vai ir parello a isto unha acción e un compromiso decidido na liberación e promoción dos homes, facendo súas as loitas e as esperanzas dos asoballados? ¿Ou mais ben vai seguir defendendo os seus intereses de "sociedade perfecta". Ó marxe das arelas dos homes?

Falando en prata, Vai tomar partido decididamente pola paz (contra os países que defenden a carreira armamentista e o negocio da guerra) e pola xusticia e os dereitos dos pobos e clases asoballadas (contra os pobos opresores e as clases explotadoras)? ¿Van ser efectivas as críticas contra o centralismo e autoritarismo da "antievanxélica" curia vaticana, e as esixencias dunha meirande colexialidade e democratización da Igrexa, coa posibilidade de participación real dos fiéis nas decisións?

Queremos ser optimistas e non ver só os aspectos negativos, pero parecemos que "ainda hai moito que roer".

Victorino Pérez

## VATICANO II SINODO III



De "Vida Nueva"

## SE QUERES LER IRIMIA ¡SUSCRÍBETE!

Quero suscribirme ó Semanario IRIMIA:

Por un ano

Ata nova orde

Pagarei por:

Transferencia á Caixa de Aforros de Galicia:  
Vilalba, Conta n. 04950/0

Correo contra Reembolso  
(máis caro e molesto ca transferencia)

Nome.....

Rúa ou Parroquia.....  
Vila ou Axuntamento.....

Provincia.....

Recorta e envíanos a: IRIMIA, Apdo. 5, Vilalba (Lugo)

#### Precio da suscripción

- Suscripción por un ano — 1.300 pts.
- Suscripción real 1.800
- Suscripción de apoio — 2.000 pts.

## Siro, moito máis que un debuxante de humor

Como Castelao e tódolos bós humoristas galegos, Siro é moito mais que un debuxante de humor, e máis ainda que un artista de pés a cabeza. Pepe Chao dixo del que Siro, facendo humor, non so "exerce de galego" -un pobo "especialmente dotado para o exercicio do humor"- senón que convírtese ademáis en "mencíñeiro para sandar as feridas dun pobo..., a loitar contra ese mal colectivo da inxusticia estructural que deixa a un pobo frustrado". E non esaxerou miga, estamos ante un gran debuxante e un gran galego, deses "bós e xenerosos", como poden afirmar tódolos que o coñecen; herdeiro da mais xenuina vea do humor galego, fiel a ricaz tradición humorística da nosa Terra, anque haxa quen vexa "carca" o seu debuxo, crendo que a delicadeza, o virtuo-

sismo e a elegancia dun bon debuxo son cousas do pasado. En realidade a morte do debuxo é a morte do humor gráfico, pois é renunciar ó que ten de mais xenuino e orixinal.

### O HUMOR DE SIRO

Coa maestría dun artista e o oficio dun bon profesional, o humor de Siro non anda á percura da comicidade fácil que só val para un intre. E un humor que, ó mesmo tempo que nos saca un sorriso dos beizos, invita a pensar, a "profundar", como diría Castelao. Mais ainda, invita á solidariedade cos marxinados e ó compromiso coa nosa Terra. Ten unha gran carga de sátira político-social, pero non aceda, senón ó mesmo tempo retran-

### A OBRA DE SIRO

- Numerosos debuxos de humor e caricaturas en xornais e revistas.
- **Corenta e catro galegos ilustres** caricaturas publicadas por El Ideal Gallego.
- Os álbunes:
  - "Humor 71" (1971), prólogo de Xavier Alcalá.
  - "Probes homes" (1975), prólogo de Ramón Piñeiro.
  - "Os pecados capitales", prólogo de García-Sabell e epílogo de Andrés Torres Queiruga.
  - "Homes e mulleres" (1980), prólogo de Xosé Chao Rego.
  - "Coas raíces na terra" (1980), prólogo de Carlos Casares.
  - "Historia gráfica de dous anos", con prólogo do autor.
  - "Xente na brétama", prólogo de Carballo Calero.
  - "In saecula saeculorum. Amén", con prólogo do autor.
  - "Debuxos de humor", en colaboración co seu amigo Xaquín Marín.
  - "Dezaoito espídos de muller" (1983).

Tamén fixo o prólogo en debuxos para o libro "Eu Renozo Galego" do noso compaño Pepe Chao; e ilustracións para libros de Xavier Alcalá, Gayoso Veiga, Carlos Durán, Alvaro Paradela, Cristina Amenedo, Rábade Parades, Helena Villar, Moisés Fernández Formoso, Vicente Arágua e Neira Vilas.



Probes homes... Os que semellan "mai agudos", cando, de certo, son "mai obtusos"

queira e esperanzada, coma o bisturí dun ciruxano que vai abrindo e poñendo á vista as partes enfermas do corpo para sanda-la doença.

Ramón Piñeiro chamoule "agudo moralista", que sabe expresar non so a súa persoal concepción do debuxo, senón tamén o sentir do pobo, denunciando as deformidades da sociedade e o individuo. O pobo, especialmente o pobo galego, é o protagonista do seu humor, tanto no seu aspecto social e colectivo, como no seu aspecto persoal e individual. Siro é consciente de que o lápiz do humorista é tamén unha boa arma -pacífica- para loitar por unha sociedade mellor.

(ven da páx. anterior)

**SIRO, HOME POLIFACÉTICO**

Siro López Lorenzo é de Ferrol, onde naceu tal día coma hoxe, 19 de Xaneiro, hai 43 anos. Esco-  
menzou a publica-los seus debuxos na desaparecida revista **Chan** en 1970 con **Os nenos de Siro**, e  
deseguida pasou a publicalos a eito nos xornais e revistas: **Ferrol Diario**, **El Ideal Gallego**, **La Voz de Galicia**, **La Región**, **El Norte de Galicia**, **Teima**, **Outeiro**, **Arte Galicia**, **Grial**, **Encrucillada**, **Can sen dono** e **IRIMIA**.

A pouco de escomenza-lo seu labor, no ano 1975 xa pasou por dous xuicios civís e unha causa militar por debuxos publicados en **El Ideal Gallego**.

Como debuxante, ademáis dos debuxos dos que falábamos, publicou varios álbunes e cultivou o retrato, sendo un consumado caricaturista, como terán apreciado os lectores de **IRIMIA**. Actualmente traballa en **La Voz de Galicia**, xornal ó que os seus agudos debuxos fixeron subi-la lectura, especialmente dos artículos de fondo. Ten acadado diversos premios en Concursos de Humor Gráfico.

Pero Siro é tamen escritor, conferiante, locutor de radio..., e mesmo tivo unha activa militancia política nacionalista. Como escritor publicou varios contos en **Grial** e participou no concurso de contos de **O Facho**, acadando en 1982 o segundo premio; ademáis publicou tamén en **Grial** varios estudos sobre Celso Emilio Ferreiro, Dieste e Blanco Amor, e igualmente ten escrito sobre o humor en varias ocasións. Como locutor de radio traballou para Radio Popular de Ferrol, Radio Nacional de España en Galicia e Antena 3.



— Siro, ¿como ves o humor gráfico hoxe en Galicia?.

— Véxoo perdido, como que perdeu o rumbo, pois non segue a ricaz tradición do humor gráfico galego. Salvo excepcións, non hai bós debuxantes. A maioría fan como calquer humorista gráfico de fora de Galicia. E más doado face-los **cartoon**, eses chistes nos que o debuxo é o que menos conta, e faise de calquier maneira, sen coidalo grafismo. Eu penso que se os humoristas gráficos deixan de preocuparse do debuxo, o que está en perigo é a mesma extinción do humor gráfico.

— ¿E que pensas do comic, tan de moda nestes tempos?.

— Sinto decirche que non gusto do comic. Nin me gusta, nin son capaz de lelos, cánsome de contado. Nen sequera os de creadores da talla de Giménez ou Moebius. Teño discutido longamente sobre este particular con algúns bos amigos. Quizaves sexa

esta unha das razóns polas que dixeron de min que por unha banda son políticamente "progre" e artísticamente "carca". Eu leo moito e amo os libros, mesmo na súa feitura material; güstanme os libros "ben feitos". E ó comic fáltalle o "pouso cultural". A min arrepíame a tecnoloxía.

— Para rematar, coida que tiveches algún problema coa Xusticia por culpa dos teus debuxos... .

— Pois si. En 1975 pasei por dous xuicios civís e unha causa militar por debuxos publicados en "El Ideal Gallego". No primeiro xuicio civil sain absolto e no segundo o Fiscal retiroume os cárregos. En troques no Consello de guerra fun amnistiado polo Rei antes que chegara a celebrarse; pero estaba acusado de "intento de sedición e incitación a la misma", polo que se pedían seis anos e un día de cadea.

TORI

## II Xornadas de formación popular de Lagoa

Por segundo ano, un grupo de veciños de Lagoa e outras parroquias do axuntamento de Pastoriza, na provincia de Lugo, organizaron ó longo do pasado mes de Decembro unhas "Xornadas de Formación Popular"; animados pola boa acollida que tiveran as primeiras o ano anterior, acollida que se veu moi superada nesta segunda edición. A cotío adoitá dicirse que o labrego non mostra interés por formarse e aprender; a acollida que recibiron estas xornadas é a proba de que non é tan así, se se lles ofrece algo que suscite o seu interese e responda as súas necesidades.

Para tódolos lectores que traballan na animación socio-cultural recomendámolses esta "fórmula" das Xornadas, que tan bo resultado deu neste caso e noutros, dos que falamos en anteriores números de IRIMIA. Non son moi difíciles de organizar, sobre todo se se conta co apoio dun grupo entusiasta que lles serve de soporte e lles dea espallamento (cómprase salientar que neste caso contouse cun rotundo apoio da prensa e a radio, o cal resulta de gran axuda). Ó ser un "bombardeo" informativo intenso nun periodo curto, serve máis para mobilizar a un colectivo, e a afluencia é meirande que tratándose de algo máis "de pasada", sendo máis rentable o esforzo de atraer á xente, pois de seguida convertense en noticia para propios e alleos.

A afluencia de veciños foi este ano entre cento dez - cento trinta, chegando en dúas ocasións a supera-los cento sesenta, o que desbordou as posibilidades do local. Elo sinifíca un rotundo éxito, como se decatarán de contado os que teñan alguma experiencia en charlas e cousas desas.

### Os créditos e o saneamento

Comenzaron as Xornadas o 3 de Decembro coa información e debate sobre **Créditos para o campo galego hoxe**, a cargo de Fernando Coduras, perito da axencia de Extensión Agraria de Mondoñedo, quen tras unha aclaración de conceptos como inversión, interés, amortización, carencia, etc. falou dos créditos vixentes neste momento: "Créditos para agricultores xóvenes", "C. para tarefas de aprendizaxe", "C. para a vivenda rural", Programa VERO, etc. Dos que o lector atopará máis información no



As xornadas convocaron este ano a moita xente

pasado n.º 206 desta revista.

O dia 6 Uxio Rei, veterinario do Centro de Investigacións Agrarias de Mabegondo conduciu a xornada sobre o tema **Sanidade e Saneamento do Gando Vacuno**. Partindo de que o saneamento do gando, realmente necesario se se queran ter explotacións rentables, está sendo moi mal levado, ata o punto de afirmar que en moitos casos son cartos tirados. Cómprase facer un saneamento en primeiro lugar preventivo das enfermidades e un acompañamiento das explotacións por parte dos veterinarios estructurados en equipos comarcas, cada un con laboratorio de diagnóstico, control estadístico das explotacións, inspección ben levada, etc. Pero, en todo caso, a responsabilidade dos gandeiros é irrenunciable, pois o saneamento é máis cousa dos propios gandeiros que dos funcionarios de sanidade. E cómprase espabilarse pois hoxe en Galicia pérdense nada menos que 4 pts. por cada litro de leite, por estas causas.

### O manexo e a boa produción do gando. O leite.

Na terceira das xornadas, Lorenzo Molejón falou de **¿Pastoreo ou sega?** Tras apunta-las ventaxas e inconvenientes dun e outro respecto da produción do gando vacuno, avogou polo **pastoreo rotativo**, que significa

bota-las vacas tódolos días a pastar, pero de maneira rotativa no prado, parcelando este en pequenos anacos separados pola alambrada do pastor eléctrico, o que obliga á vaca a pastar só nun determinado lugar non estragando o prado e aproveitando ó máximo os seus recursos.

Pola súa banda, Eloi Villada falou na xornada seguinte sobre o **Manexo e construccóns para gando vacuno**, cunha clara opcións polas estabulacións libres do gando, sistema xa adoptado maioritariamente polos gandeiros de tódolos países da CEE. E por riba, más barato cás estabulacións pechadas que tan ó tolo se fixeron nos últimos anos no campo galego, por culpa dunha mala información por parte da Administración e o absurdo medo de que as vacas "pasen frio", que seguen tendo moitos gandeiros; cando en realidade o que ocasionaron en moitos casos foi o aumento das enfermidades no gando.

Como era de esperar, a xornada que acadou un meirande interese, ata o punto de que a xente desbordou as posibilidades do local, foi a que tratou unha vez máis do **problema do leite**, verdadeiro "pan de cada día" nesta bisbarra. Antonio Fernández Oca, perito de Extensión Agraria, e dous veciños de Ribadeo falaron de "**Mondigoleite**", unha recén creada cooperativa de comercialización do leite, que asocia a mais de 50 productores dispostos a comercializar en común un leite

de calidade con baixo nivel bacteriolóxico. Aproveitou tamén Fernández Oca, colaborador desta revista, para falar da frustrada compra de MAFRIESA por UNIGALCO, cooperativa de segundo grado que agrupa a outras dezaoito de Lugo e Coruña, e asimismo de FRIGSA, máis recentemente; e asimismo a esperanza posta na posible comercialización conjunta do leite de cooperativas e colectivos da provincia de Lugo. E falou finalmente das O.P.A. (Organizacións de Productores Agrarios), dándolle-lo seu apoio.

#### A saúde e a cultura

As últimas xornadas pasaron dos temas agrícolas-gandeiros a temas de saúde e cultura. No primeiro caso, o Doctor Bernardino Pardo Teijeiro, médico especialista en medicina familiar e comunitaria falou de Sanidade e Seguridade Social en Galicia. A pesares de se-lo director do Ambulatorio da Seguridade Social de Lugo, afirmou que habería que gastar menos en hospitais e más na atención as necesidades primarias da saúde, desde as mesmas casas e nas parroquias, con Centros de Saúde eficaces en cada municipio. De feito os hospitais só atenden o 20% da poboación enferma, e son os médicos de cabecera os que realmente poden saber



Elio Villada, que utilizou as diapositivas para falar das construccions para o gando coa indispensable axuda das imaxes

mellor das doenças dos veciños que coñecen e tratan.

Na penúltima xornada, ante a obligada ausencia por enfermidade de Manuel María, o noso gran poeta, falou Xosé Antón Miguelez, compañero e vello coñecido dos lectores de IRIMIA, que houbo de improvisala conversa, pouco antes desta. Falou sobre a Cultura Galega, que definiu como "a sabiduría galega". Desta maneira, ademais da "cultura oficialmente recoñecida", hai tamén unha "cultura da terra", a que posee o la-

brego galego, e que tamén é dunha gran riqueza, anque a cotío fora despreciada. Pois cultura, en definitiva, é todo aquello que axuda ó home a humanizarse, a desenvolverse, avanzar e medrar en comunidade. Esta cultura, maiormente unha "cultura da lareira", quedou reflexada nos refrans, as tradicións, a lingua, etc. que foron conformando a meneira de ser do pobo galego.

As Xornadas remataron cun debate municipal e parroquial, no que se contou, ademais da imprescindible presencia dos veciños da maioria das parroquias do concello, coa participación do alcalde e concelleais da Corporación municipal, o veterinario municipal, unha doutora do equipo médico do Centro de Saúde e a directora do grupo escolar. E fixose un repaso en primeiro lugar os temas más quentes de índole municipal, logo veu o turno do veterinario, presentándolle os veciños os seus problemas. O veterinario seguiu a doutora, e o debate rematou cos problemas escolares.

Dada a boa acollida que líveron, os organizadores comprometerónse a facer neste ano 1986 as III Xornadas, e esperamos que así sexa, pois coidamos que é moi boa cousa para o desenrollo do noso agro, a cotío tan esquecido de todos.



As autoridades do Concello clausuraron as Xornadas cun debate municipal

Victorino Pérez Prieto


## A postura da Igrexa española ante o Referendum

<sup>Inoportuna</sup>  
Unha nota importante

No intre de botar este número de IRIMIA á imprenta, agardamos ainda a publicación do documento da **Conferencia Episcopal Española** "Os cristiáns e a paz", que posiblemente teña saído xa cando este exemplar chegue as mans do lector. Pero si temos diante a inútil e **inoportuna nota** feita pública o pasado 14 de Febreiro, ó parecer de factura e responsabilidade exclusiva do Secretario da Confederación Episcopal Fernando Sebastián. Desta compe salientar a súa ambigüedad, que levou a un coñecido periodista madrileño a escribir: "Se os cristiáns temos alguma posibilidade de sacar conclusiones de esta nota, que veña Deus e o vexa". Non lle faltaba razón, pois tras comenzar afirmando que "os católicos debemos apostar seriamente pola paz" e falar -para "compensar"- de que "támén compe ter en conta... as necesidades dunha xusta defensa nacional". Remata por concluir que "As consideracións de orden moral... difficilmente poden dar lugar a unha determinada posición"; co que non sabe ou non quere sacar as conclusiones lóxicas do primeiro enunciado.

### "Os cristiáns e a paz"

Mais claro parece ser o documento da Conferencia aludido. Nel tómase unha postura más valente contra a **falsa paz que conviveu unha política de dissuasión baseada no poderio bélico** (como afirmán Reagan, Fraga e agora González). Hai igualmente unha dura crítica **contra a carreira armamentista** e máis concretamente contra a tolemaia nuclear,



De "Noticias obreras"

que tan valentemente denuncian tamen, hai uns meses, os bispos norteamericanos. E, en fin, parece tomarse unha postura más clara pola neutralidade, única alternativa que nos parece realmente válida para a paz en Europa e o mundo enteiro.

### "Obxectivo: a paz". O documento dos bispos bascos.

Clara e decidido resulta sen dúbida un documento publicado hai dous meses polos bispos bascos, como axuda para unha toma de postura no Referendum, custionando as verdadeiras razóns do goberno para dicir agora sí OTAN, renegando da súa postura de hai ben pouco tempo.

Partindo de que "O Evanxelio da paz urxe ó crente a ir humanizando este mundo violento e belicista". Partindo igualmente de que a Palabra de Deus esixe os cristiáns "a afirmación da vida e a paz frente os señores da guerra". os bispos non dubidan en apostar claramente pola **neutralidade**, más necesaria que nunca neste

tempo en que queren impoñernos como inevitable a que chaman acertadamente "retórica da guerra fria", que enfrenta á humanidade en dous bloques que se presupoñen absolutamente irreconciliabes.

"A neutralidade -din os bispos- non so é deseñable e necesaria, senon tamén posible... Cómpre ofrecer unha alternativa global. Esta pode ser un neutralismo activo... A opción da neutralidade supón a única actitude realmente pacífica... Podemos ser neutrais e así contribuir más e mellor á causa da paz".

Esta é tamén a nosa postura, como cidadáns e como cristiáns, a que nos leva a dicir con toda rotundidade un NON á participación en bloques militares que no canto de "unirse para defendela paz" -como queren engaiolar-nos- o único que fan é enfrentar os pobos. Esta é, en fin, a postura que nos parece más consecuente aquí e agora co mandato de Xesús: **Benaventurados os que loitan pola paz**".

Victorino Pérez

## OS PROBLEMAS DA ENERXIA NUCLEAR. O ACCIDENTE DE CHERNOBYL

Hai unhas semanas tódolos medios de comunicación facíanse eco dun accidente que houbo na central nuclear de Chernobyl, a 130 km. de Kiev, capital da rexión rusa de Ucrania. O accidente foi moi importante, pois este tipo de accidentes sempre o son; pero entre os 2.000 mortos que dixeron os americanos que houbera, e os dous mortos que dixeron os rusos, ainda hai unha boa diferencia de apreciación... Ben é certo que estos últimos recoñeceron tamen outros 200 feridos, 20 deles moi graves.

O accidente produciuse pola explosión dun dos reactores ou caldeiras onde se produce a enerxía na central nuclear, explosión ó parecer debida a un excesivo calor. A enerxía nuclear prodúcese pola reacción en cadea que ocasiona a fisión nuclear do Uranio 235 (o elemento mais rico para este fin).

Un accidente nuclear é sempre un feito moi grave pois libera **radiactividade**, producto altamente perjudicial para todo ser vivo, e especialmente para o home (é pior que o mais forte veneno, se a radiactividade alcanza niveis outos). E por eso que moitos grupos de persoas loitan hoxe por todo o mundo adiante contra da aplicación desta enerxía, buscando enerxías alternativas que non sexan tan perigosas. ("**Nucleares non. Gracias**".

Neste caso as consecuencias son especialmente graves para Rusia, pois a rexión de Ucrania, onde foi o accidente, é considerada coma "o graneiro da Unión Soviética"; co que a alimentación básica dos cidadáns soviéticos vai sufrir un duro golpe se, como parece lóxico, as colleitas e o gando quedaron **contaminados** nunha amplia zona. ¿Que quere dicir isto?. A contaminación significa que os produtos quedan inservibleis e moi perigosos para o consumo, pois as partículas radiactivas que veñen na nube radiactiva e caen sobre deles son como si se lles botara un veneno.



O cadro mostra as consecuencias que pode ter sobre o organismo humano a radiactividade, consecuencias que se notan sobre todo co paso do tempo.

Victorino Pérez

## LOITA CONTRA AS ENFERMIDADES CARDIOVASCULARES (2)

### Factores de risco da cardiopatía isquémica

Hai unha serie de alteracións nas persoas que poden ir asociadas a un risco elevado de padecer dita enfermidade no decurso da vida.

Estes factores son, entre outros:

- Elevación dos lípidos (graxas) no sangue, tanto do colesterol coma doutros tipos de graxas.
- **Hipertensión** ou tensión alta.
- Consumo de tabaco.
- **Obesidade** (gordura).
- Dieta con moitas graxas, colesterol, azúcar e sal.
- Tensión psíquica (o que os modernos chaman stress).

### Alimentos que reducen o colesterol no sangue

— Alimentos con contenido en fibras, como: Chicharos (guisantes), lentillas, xudias, mazás, cítricos (limón, laranxa), plátano, zanahoria e avea.

— Ácidos graxos polinsaturados, que se contienen en peixes como: xarda, salmón, peixes azuis, sardiñas, troitas,... O peixe debe de cocinarse fervido, asado no forno ou ó vapor.

— Vitamina E, trigo e xerme de trigo.

— Coles, soxa, cacahuetes, arroz, cebada, aguacates.

— Allo e cebola.

As dietas con estes productos deben ser feitas polos médicos respectivos, de maneira individualizada para cada un dos pacientes.

E importantísimo para controla-la suba do colesterol regular ben os tipos de alimentación.

Pauliño



A fruta reduce o colesterol

## Entrevista a Mini e Mero

**"Quenlla", o espírito de "Voces ceibes"**

Mini e Mero foron hai anos os principais líderes de **Fuxan os ventos**, posiblemente o mellor grupo de música popular galega que ten existido, e desde logo o que máis calou na xente. ¿Quén non coñeceu a "Fuxan os ventos"?, "O tequeletequele", "Sementeira", "Quen a soubra cantar",... convertíronse case en lugar común, da música galega, sobre todo nos anos da transición.

Problemas que non merece a pena comentar agora dividiron ó grupo. Pero cinco anos despois da derradeira gravación de **Fuxan**, Mini e Mero, con novos compañeiros e cun novo grupo chamado **Quenlla**, sorpréndenos cun novo disco -o primeiro deste grupo-, na mellor liña de **Fuxan**, co xenuino espírito que animara aquel grupo. Con eles tivemos unha conversa o mes pasado en Lagoa (Lugo).



"Quenlla" nunha actuación

— **QUENLLA** vén sendo en galego un canle para conducir auga, para vós siñifica tamén sen dúbida un canle para expresar o que levades dentro, ese fondo sentimento galego e popular, do que déstedes mostras ó longo de tantos anos. ¿Por qué logo este novo disco?

— (Mini). "Os tempos ainda non son chegados", que así se chama o disco, sal á rúa porque todo grupo ten que facer un traballo, e o obxectivo é que se materialice nun disco. ¿Por qué este disco? A nós moveunos sempre o intento de cantar para a nosa xente, canta-las alegrías, tristuras e problemas que padece o noso pobo. O disco vai cargado desa problemática porque tras cerca de cinco

anos de silencio, neste momento non se berran as verdades, anque hai moitos grupos galegos. Desde que temos "Autonosuya" e chegou a democracia todo parece ir sobre rosas, pero os problemas seguen estando ai: seguimos tendo os mesmos problemas e os mesmos enemigos do pobo que tiñamos no franquismo.

— Entón ¿pensades que a música galega de hoxe esqueceu a palabra de alento e de denuncia, e vós querédelas recuperar?

— (Mero). Se seguiran os cegos polas feiras, seguro que criticarian tantas burradas como seguen facendo. Hoxe hai un silencio moi grande en Galicia, non hai cegos que canten as

cousas, e nós queremos asumirlo seu papel como cantantes, titiriteiros e todo o que faga falta. Deste xeito, neste disco collimos textos de xente que soubo falar verbas de denuncia e puxémoslle unha música que tivese que ver coa música galega, empregando romances vellos ou músicas novas. Acudimos a Darío Xohan Cabana, Manuel María, Celso Emilio; e recurrirremos a todos aqueles poetas que coidamos contan a verdade de Galicia que está tan calada e acochada, ata o punto que mesmo moitos galegos non a coñecen. A pesares de ser unha materia obligatoria o ensino do galego, non se cumpre e séguense poñendo "peros" á xente que se expresa na nosa lingua; o medio


(Pasa a pág. seguinte)

**O GATO GAIADO E A ANDORIÑA SEÑA**  
Jorge Amado  
Traducción: Xela Arias

**SEMPRE CRISTINA**  
Ursula Heinze  
Ilustracións: Dánae Barral

**edicións xerais de galicia**

Doctor Marañón, 10 VIGO-11 (Pontevedra)



rural segue asoballado e mesmo con perigo de perder-la súa cultura. Nós hoxe coidamos que polo menos temos "o dereito ó pataleo", e queremos exercelo.

— Veño de oi-la vosa nova graxación e quedei tremendoimamente impresionado sobre todo por esa cara que é un canto a Galicia, con texto de Manuel María. Pareceme excelente, pero quizais un pouco duro. ¿Como coidades que vai acollerlo público o voso disco, sobre todo os mozos que son os que os mercan, esa mocidade "post-moderna" a quen estas cousas lles sonan a rollos que non van con eles?

— (Min). Nós vivímo-la época dos Beatles, Elvis..., e asimilamos esa realidade, pero asimilamos tamén outras coma un espírito de utopía, de crer que podían cambiarse as cousas, as estructuras, a sociedade. Nérgome a crer que a sociedade actual sexa tan tonta como para entender só o postmodernismo que renega de todo iso; esta mocidade, coma a de tódolos tempos, está aberta. Non sabemos como acollerá este disco un pouco "carroza" - "de carrozas galeguistas". Será ben acollido por aqueles que aren por ese camiño e será rexeitado por outros. Pero a min non me preocupa nada. Este disco expresa o que nós pensamos e queríamos dicir con liberdade hoxe en Galicia.

— O escucha-lo disco eu volví sentir no meu corazón os sentimientos daqueles anos de loita e ilusión que non esmoreceron; pero un sente morriña daqueles poemas e aquellas cancións e escucha unha e outra vez os discos de Voces Ceibes. Oímos dicir que tivéstedes algunha fala con mozos sobre estas cousas e douvos a impresión de que non se aburriron moito.

— (Mero). Certo, fixemos recentemente unhas charlas sobre a música tradicional e a problématica de Galicia, temas recollidos nas nosas cancións; e a acollida que tivemos déu-nos mostras claras do interés de moitos mozos por isto. Nalgún lugar íamnos para unha fala dunha hora e botámos dúas, o cal quere dicir que ese día priváronse de ir de discoteca ou de "lige" e quedáronse con nós; o que significa que os mozos tamén teñen sensibilidade para estas cousas.

— Unha última pregunta ¿a música galega traicionou a súa razón de ser?

— (Min). En principio, penso que neste país calquera pode crear cando



Foto que preside a portada do disco

queira como queira e o que queira: A liberdade ante todo. Pero hai certamente poucos grupos que fan música tradicional; son os xornalistas e "certos entendidiños" que temos neste país os que poñen carteis a tal ou cal grupo ou cantante. A música galega está saíndo da música tradicional; hai unha música tradicional bastante ben delimitada e hai outra por facer que está tateando, a que pasa pola música celta, polo falso rock galego..., pero en realidade a música galega que se fai hoxe non ten moitas raíces. Temos de todo, desde corais que desvirtúan a música tradicional mistificando e sofisticando esa música, facendo unhas polifonías extrañas, ata a música da "movida viguesa" que eu claramente vexo como reflexo dunha mocidade marginal que se expresa como sabe e como pode, pero que está manexada pola publicidade, a prensa, as casas de discos, etc. que teñen pluma na man e deberían ter outras cousas.

Nós imos facendo o que podemos nun país onde se nos negou o entendemento da nosa propia música, porque estamos nun país xordo e coxo e medio cego de moitas cousas. Nunca se nos ensinou música galega, o que sabemos aprendimolo polos camiños, de xeito autodidácta e chea de errores. Os que si podían facer música galega en condicións non a fan, adícanse a outros estudos de rata de biblioteca, e... que sigan facendo por moitos anos

Ogallá que o disco de Quenlla sexa a alborada dun novo mencer para a música galega. Ogallá voltemos vibrar coma nos vellos tempos o faciamos con "Compañera", "Irmáns" e tantos outros títulos

Victorino Pérez Prieto

## O medo da droga

Non hai moitos días que me atopei con Lucas tomando unha copa nun dos abundantes bares das rúas dos nosos pobos. Encerellámmonos nunha longa conversa e os temas ian mudando coa mesma facilidade con que se volvían enche-los vasos de viño ata que á última hora aparecemos falando da droga:

— Se algo hai hoxe -resumo a Lucas- verdadeiramente malo é a droga. Caer nela é o peor que lle pode pasar a unha persoa. É o cáncer da mocidade.

Lucas é un rapaz de 17 anos, portugués, que emigró de Portugal porque, ademais de non aguenta-la escola, aló non tiña onde gañar carlos para "situarse ben na vida" e poder poñer ben á súa nai, que traballa de camareiro 10 horas diárias sen ningun día libre e sen Seguridade Social, que cobra 20.000 pesetas, que estivo un longo tempo da conversa laiándose do que botaba de menos a súa nai, de que era un desgraciado que nacera con mala estrela, que se sentía só... e que na sua cabeza o gran problema é a droga.

Cando estaba de noite cavilando na cama sobre do acontecido, tiven por un momento a sensación, ó millor incerta, de que o pensamento de Lucas está bastante xeralizado (escóitense as conversas da rúa e véxanse as grandes cantidades de artigos e programas encol da droga) e non puiden evitar preguntarme: ¿cal será o proceso polo que un problema se converte no gran problema a pesar de estar vendo ou vivindo problemas que nos afectan ou afectan obxetivamente a humanidade en meirande número e intensidade? ¿Quen estará tan interesado en que a droga sexa o PROBLEMA? Non pretendo agora respostar estas cuestións nin analisa-lo mundo da droga nestas liñas; limitome a plantear un problema e cada quien que dea a resposta que lle pareza.

Volvendo con Lucas, supón que sería moi descabellado que alguém interpretara a sua insistencia en deixar claro que el nunca probaría a droga, que seria o peor que lle podía pasar, como unha maneira inconsciente de dicir:

— Axudame; por favor drogame; faime alucinar cun mundo onde non me exploden, onde non teña que andar desesperadamente tras dos carlos para poder ser "alguén" e "poñer ben" a miña nai, onde non teña que estar so días e días sen ningun que me bote unha man, onde non engañen á meirande parte da mocidade con promesas de felicidade que logo se volven paos e frustración, onde as leis se fagan desde as primeiras necesidades das persoas e non desde os negocios nin desde os sillóns, comidas de traballo ou "eleccions" de narcisos xenocidas que se arrogan o poder de dar premios e castigos según lle fagamos a venia ou non á sua moral, á súa escala de valores e á súa filosofía, un mundo onde...

Ramiro

## "O CAXIGO", unha nova cooperativa agraria

En LAGOA, concello de PASTORIZA (Lugo), agroma un novo xeito de facer campo en Galicia. Tense dito, e con razón, que o cooperativismo é a única alternativa válida para o campo. Desde o prematuro ingreso na CEE aumentaron as voces que reclaman soluciones deste tipo se é que se quere libra-la batalla cun mínimo de garantías. Na Comunidade Europea o 85% dos productores agrarios están cooperativizados frente ó 15% que hai en Galicia. Por iso resulta unha feliz boa nova o nacemento de "O CAXIGO" con ámbito en todo o concello e aberta a posibles socios de tódolos concellos veciños.

### Algo de historia

A cooperativa non se fixo onte. Viña funcionando desde hai un ano. Primeiro como grupo informal pero xa con algún tipo de acción en común. Nos últimos meses formalizou xuridicamente a súa existencia, sendo rexida por un consello rector provisional. No principio, un reducido grupo de veciños foi matinando na idea. Sucesivas xuntas axudaron a que



A idea da cooperativa recibiu un gran impulso nas I Xornadas de Formación Popular

aquela lucescencia tomase corpo e forma definitiva. Decidiuse así que a cooperativa se definira fundamentalmente como: **Democrática** (tódolos socios terán voz e voto en igualdade de condicións), **de base** (a iniciativa das cousas que se fan e o control das mesmas corren a cargo dos socios. Non é un home de empresa quien dirixe a cooperativa en tanto que

os socios colaboran nesa iniciativa incluso con compra de acciones), **solidaria** (unida a outras cooperativas luguesas formando xunto con elas unha unión de cooperativas galegas).

### O CAXIGO en dados

Actualmente conta con 58 socios, cifra que contan duplicar antes de que remate o ano. Entre os seus obxectivos figuran: o abastecemento de insumos (abonos, piensos, sementes...) e a comercialización do leite e a carne, con posibilidades de ampliar a sua acción a outros sectores. Dentro da cooperativa, unha boa mayoría de socios agrúpanse na "sección do leite". Comercializan diariamente preto dos 10.000 litros, que se venden a unha empresa do sector. Empresa coa que se firmou un contrato colectivo por un ano.

Son os primeiros pasos dun esforzo imprescindible para o noso agro e que sería merecente dunha atención oficial más seria e consistente.

Victorino Pérez Prieto

### IV XORNADAS AGRARIAS GALEGAS

24, 25, 26 de Outubro de 1986

Centro de Ensinanzas Integradas  
(Anterga Universidade Laboral)

### OURENSE

Este é o cuarto ano consecutivo que se celebran estas Xornadas que viñen xuntando un importante número de técnicos agrarios, animadores rurais e labregos. Dende o venres 24 ás cinco da tarde e ata o domingo 26 haberá ponencias encol de cinco temas:

- Gandaria extensiva
- A Pataca
- Sanidade animal. Campañas oficiais.
- O Viño.
- A muller na sociedade agraria galega.

O remate das comunicacións darase un tempo para o debate. Tamen, a última hora do sábado, está previsto un tema panel "na procura dun modelo de desenvolvemento agrario propio".

Desde aquí animamos, a cantes estean interesados no desenrollo do noso campo, a participar nestes encontros que xa se venen significando pola súa contribución á realidade do agro galego.

## Hortoflor: unha cooperativa ourensán competitiva

O cooperativismo é unha das realidades do campo que máis vén apoioando IRIMIA desde que saiu á rúa; por esta razón, a realidade cooperativa ten saído numerosas veces nas nosas páxinas: Teoria, plantexamentos xerais, realidade xurídica e técnica, e sobre todo experiencias concretas. Hoxe imos falar doutra realidade cooperativa máis, entre as moitas que foron xurdindo na nosa terra nos últimos anos: "Hortoflor",

a meirande cooperativa do sector hortícola por invernadeiro que existe na nosa terra. Nada menos que 200.000 metros cuadrados de invernadeiros son o seu campo de traballo.

Hortoflor é unha idea e unha realidade dun grupo de animosos labregos da comarca do Ribeiro, na provincia de Ourense. Falamos con Carlos Gómez Díez, o seu presidente.

### — ¿Qué é "Hortoflor"?

— Hortoflor é unha cooperativa de comercialización de produtos do campo en invernadeiros; con 200.000 metros cuadrados cubertos, dos que 70.000 adícanse a cultivo de flores e 130.000 a productos de horta (tomates, leitugas, pimentos,...); ainda que con perspectivas a curto plazo de ampliarse a 300.000 m<sup>2</sup>. Somos 110 asociados adicados de maneira prácticamente exclusiva a eso. Deles 60 son mozos menores de 35 anos.

### — ¿Cando naceu Hortoflor?

— A idea de Hortoflor naceu hai más de tres anos, constituíndose como cooperativa a finais do ano 84. Daquela eramos 27 socios con 20.000 m<sup>2</sup> de invernadeiro, que en menos dun ano convertéronse en 70.000, e a comenzaos do ano 86 eran 200.000.

### — ¿Cómo naceu a cooperativa?

— A cooperativa naceu como froito dunha necesidade sentida entre os labregos do sector sobre todo polo problema de comercialización do producto, para evita-la competencia, acadar unha situación rentable de precios e ofrecer unha cantidade mínima ó almacenista. A idea saiu dun pequeno grupo de 5 ou 6 labregos que o tiñan moi claro e fórillon planteando a máis veciños. Dábase o caso, por exemplo, de que producindo moitos menos tomates dos que producimos agora, había que ir vendelos fóra, pola mala situación do mercado; o ano pasado, con máis do doble da producción, vendeuse todo en Ourense pola garantía de suministro que dabamos ós vendedores, pois fai falla un mínimo de producción para cumpli-los compromisos.

### — A meirande parte das cooperativas teñen fallado pola escasa rentabilidade ¿cómo andan as vosas cifras?

— O primeiro ano fixemos 21 millóns de pesetas, que pasaron a ser 70 millóns ó ano seguinte, e no 86 duplicáronse converténdose en 150 millóns. Ben é certo que houbo unha

O problema da comercialización foi: un factor decisivo



forte inversión: invernadeiros, abonos, distribución,... No primeiro ano foi preciso alquilar un almacén en Ourense, pero agora disponemos xa dunha nave de 800 m<sup>2</sup> e outros 200 m<sup>2</sup> de cámaras frigoríficas cunha capacidade de 300 m<sup>3</sup>.

### — ¿Cómo funciona Hortoflor?

— A producción é familiar, esixíndose para ser socio 1000 m<sup>2</sup> de invernadeiro como mínimo. A cuota de ingreso é de 20.000 pesetas más outras 10 pesetas por m<sup>2</sup> de aportación ó capital social (10.000 pesetas como mínimo); ainda que actualmente estas 10 pesetas por m<sup>2</sup> convertéronse en 160 pts./m<sup>2</sup>, para a necesaria capitalización da cooperativa. Houbo algúns socios que abandonaron ás primeiras de cambio, perdendo os cartos da súa aportación, pero de contado foron sustituidos por outros que tiñan as cousas más claras. Actual-

mente a cooperativa ten 52 millóns de pesetas de inversión, e unha inversión total dos socios ó redor de 500 millóns de pesetas, cunha media de 2.000 m<sup>2</sup> por socio.


A cooperativa é a que impón o tipo de cultivo que debe facer cada socio (variedades que debe producir), e o modo de cultivo. Cousa que é decidida pola Xunta Rectora. Esto é imprescindible, pois a producción depende da demanda. Desgraciadamente non tódolos socios son verdadeiros "cooperativistas" pois algúns só van á Cooperativa buscando a solución ó seu problema e non unha solución conxunta e boa para todos.

### — ¿Son socios tódolos que traballan na Cooperativa?

— Non todos. Temos un técnico que non é socio pero está moi identificado coa Cooperativa e sobre todo moi ben preparado. Veu de Cataluña

(Pasa a pág. seguinte)

(Ven da pág. anterior)

A cooperativa ten actualmente mais de 200.000 m<sup>2</sup> de invernadeiros

aínda que é galego e fala galego. Temos tamén un inxeñeiro agrónomo para leva-la programación dos cultivos. E tamén varios asalariados que traballan no almacén.

**— ¿Que problemas máis importantes te des na Cooperativa?**

— O problema número un é o dos técnicos. Necesitamos técnicos bons e estes son moi caros. Por outra banda desgraciadamente case que non temos axudas oficiais pois estas cooperativas están moi marginadas pola Administración.

**— ¿Queres engadir algúna cousa máis?**

— Si, a finais do pasado ano construímos un invernadeiro de cristal moi moderno que trouxemos de Holanda

#### HORTOFLOL, S.C.L.

Superficie cuberta:	
1984.....	20.000 m <sup>2</sup>
1985.....	80.000 m <sup>2</sup>
1986.....	200.000 m <sup>2</sup>
Ampliación prevista para 1987.....	60.000 m <sup>2</sup>
Número de Socios Actual .....	110
Inversións da Cooperativa .....	52.000.000 pts.
Subvencions:	
Xunta de Galicia .....	5.000.000 pts.
Diput. Prov. Ourense ....	1.400.000 pts.
Inversións dos Socios .....	500.000.000 pts.
Subvencions:	
A socios: Plan VERO ..	40.000.000 pts.
A socios: Dip. Ourense.	20.000.000 pts.
A xóvenes agricultores (menores de 35 anos) ...	5.000.000 pts.
Pendentes .....	20.000.000 pts.

e do que estamos moi orgullosos. Aínda que foi caro é unha obra importante pois gracias a el podemos producir las sementes para a Cooperativa sen ter que importalas e mesmo podemos face-los nosos propios experimentos. Outro adianto técnico moi importante para nós de cara a boa xestión da Cooperativa foi a adquisición dun ordenador, que por outra banda permitelle tamén a calquera socio poder mirar sempre que queira a súa contabilidade.

Outro dato interesante que cómpre salientar é o sistema de pago ós socios. No primeiro de ano facemos un presupuesto e en base del retribúese o productor que non ten que estar pendente das oscilacións do mercado.

E quero rematar dicindo que esta parécenos a verdadeira solución válida para este tipo de producción, e na nosa zona resultou se-la única alternativa rentable para os malos viñedos, recorda que estamos na zona do viño do ribeiro.

Nosotros queremos rematar tamén con **algúnsas preguntas** que nos quedaron no tinteiro: ¿Cal é a inversión real dos socios para poñer en funcionamento eses 1000 metros cuadrados que exixe como mínimo a Cooperativa?... Temos oido que a inversión calculase en 2.000 pts como mínimo por metro cadrado de invernadeiro... ¿Que supón esta forte inversión para un labrego normal? ¿Esta dentro das súas posibilidades?... ¿Que porcentaxe de axuda ten o socio con respecto da súa inversión? ¿A que precio percibe as axudas? En base a esto ¿é un cooperativismo elitista ou popular?... ¿Como conxugar a rentabilidade económica coa promoción dos labregos menos favorecidos?... En fin, ¿como axudar a que os labregos se integren no movemento cooperativo?

Victorino Pérez Prieto

## Manifesto en Defensa do sector leiteiro galego

Constituise en Santiago a Plataforma para a defensa do sector leiteiro de Galicia, na que están integradas a case totalidade das organizacións agrarias e gandeiras da nosa comunidade, tales como sindicatos, industria, cooperativas, asociacións profesionais e Cámaras Agrarias, co apoio dos partidos políticos.

Nesta Plataforma, tal e como se pode apreciar pola variedade política e social que representan as diferentes organizacións que a compoñen, vaise defender un dos sectores más importantes da economía galega, para evitar deste xeito os recortes que se pretenden impor á produción de leite, con todo o que isto supón para o desenvolvemento económico de unha das zoas con mais clara vocación leiteira do Estado Español.

As razóns mais importantes que motivan as nosas accións unitarias contra o establecemento das limitacións á produción leiteira son as seguintes:

1.- Conquerir liberdade para producir leite ata que academos uns niveis de desenvolvemento que nos permitan vivir dignamente.

2.- En Galicia non coñecemos alternativas reais á produción de leite, e se as houbera deberían aplicarse antes de establecelas cuotas.

3.- Non é posible mante-los niveis de vida dos gandeiros facendo unha mellor xestión na explotación. En Galicia é imprescindible aumenta-los niveis de produción actuais, agás que renunciemos ó futuro.

4.- Limita-la produción de leite en Galicia sería algo así como aceptalo atraso, eliminando a única alternativa que posibilita a mellora do nivel de renda do campo galego.

É necesario que Madrid e Bruselas cheguen a comprender que **os direitos de Galicia deben ser respetados**, especialmente o de se desenvolver economicamente, como condición indispensable para sair do atraso en que estamos sumidos. Por iso, non podemos accepta-la implantación de limitacións á produción leiteira.

Para conqueri-lo noso obxectivo precisamos o maior apoio posible do sector. Contamos cá túa solidariedade.

## YUGOSLAVIA: A outra cara dun país socialista

"Non é tan fero o lobo como o pintan"

A idea que temos en xeral das repúblicas socialistas ou países comunistas é habitualmente tristeira e tosca. De tanto escoitar aquello do "telón de aceiro", a "bota comunista", as alambradas e a xente uniformada, foise formando en nós a idea duns países sen libertade onde un ten que pedir permiso ata para facer as necesidades -dispensando-: onde non hai alegría, nin confianza, nin relixión, pois Deus foi suprimido e a relixión perseguida.

O que esto escribe tivo ocasión de viaxar no pasado mes de xullo por varios destes países do leste europeo (Yugoslavia, Bulgaria e Rumania) e puido decatarse de que "non é tan fero o lobo como o pintan". No canto de atopar alambradas, metralletas e controles, caras tristeiras e o ollo do "gran irmán" que todo o vixila, atopou países abertos (cos seus mais e seus menos, con diferencias entre uns e outros) que viven en paz, e onde os traballadores teñen cada un o seu traballo e soldo digno, a sua semana de cinco días co tempo de traballo e de lecer, e ata un nivel de consumo que, sen ser o dos americanos (algúns americanos...), dista moito de ser o que nos din por aquí de que se pelexan por uns pantalóns vaqueiros.

O país está composto de seis repúblicas autónomas (Serbia, Croacia, Eslovenia,



Macedonia, Bosnia, Herzegovina y Montenegro), que falan varios idiomas (fundamentalmente servio, croata e macedonio) e teñen dous alfabetos (o latino e o cirílico ou eslávico). Actualmente ten unha poboación de 23 millóns e medio de habitantes. De país subdesenvolvido pasou a acadar nos anos 70 o nivel medio de renta "per cápita" (por persoa) mundial (1250\$), grazas a un veloz ritmo de crecemento económico imposto polo socialismo autoxestionario de Tito e os seus plans quinquenais. Ainda que nos primeiros anos oitenta experimentou unha importante crise de crecemento da que se vai recuperando, e hoxe nótase no país un elevado índice de consumo.

(Pasa a pax. seguinte)

## HOTEL SAN MARCUS NOVO, ACOGEDOR, FAMILIAR NO CENTRO DE SOBRADO DOS MONXES



- \* Habitacións dobles a todo confort (con camas isabelinas)
- \* Piscina
- \* Restaurante. Cociña galega e internacional
- \* Salón de bodas e bautizos para 130 comensales
- \* Pensión completa: 2000 pts.



981 - 78 94 27


ou calqueira chilindrada da nosa civilización do consumo, como facían os indios das películas do oeste americano.

Certamente hai os seus mais e os seus menos. E fixámornos sobre todo en Yugoslavia, un país comunista, ainda que non alineado, que ten as suas portas abertas de par en par, ata o punto de que nin tan siquera se precisa visado especial para visitalo, abondando co pasaporte normal. Si sen dúbida o visitante atopa en Yugoslavia un rostro diferente do socialismo.

### Impresións dun visitante

Yugoslavia aparece hoxe ante o que a visita non so como un fermoso país cheo de belezas naturais e obras do home (non en vano o Patrimonio Mundial contén na sua Lista das maravillas do mundo, nada menos que oito lugares que destacan pola sua excepcional beleza ou valor cultural, mais dos que conta España ou Italia, ainda que lle pareza insolito a algún lector) senón que tamén ofrece unha sociedade aberta, moi acoledora cos visitantes, que dispón dunha gran infraestructura non so para o turismo de diñeiro (hoteis, restaurantes...), senón tamén para o turismo de menos recursos, moi especialmente para os xóvenes (cunha enorme rede de campings, albergues, etc.).

A parte do acoledora que é a xente,



Un país moderno e industrializado, pero tamén agrícola, en gran medida.



A realidade relixiosa de Yugoslavia, semella ser a dunha Igrexa florente

a maioria entende e ainda fala outro idioma aparte do seu propio, respirase un ar de libertade; e ainda, ceais, demasiado occidentalizado e ainda consumista para o visitante mais purista que pensa atopar ali un réxime de vida mais austero. Indubiablemente a impronta turística deixase ver no país. Mesmo non están presentes as inevitables colas que hai para todo no resto dos veciños países socialistas (especialmente Bulgaria, onde tómanas con moita tranquilidade e mesmo semella que se non son precisas, fanas porque lles gusta).

### ¿E a relixión?

Ceais algun lector avisado xa ca vilara malévolamente que iamos esquecer ou silenciar esta cuestión, sempre espiñenta nos países do Leste, a pesares do carácter da revista. Pois non. O que isto escribe constatou felizmente que a realidade relixiosa de Yugoslavia semella ser a dunha Igrexa florente, e non precisamente de catacumba. A maioría do país é crente, e das fondas raíces da sua relixiosidade dan idea as numerosas igrexas e mosteiros que xorden ariosos e en perfecto estado de conservación por tódolos currunchos e cidades do país. Estes crentes están distribuídos entre unha maioría católica e ortodoxa (cásase parella, ainda que predominante a primeira na zona crótara e a segunda na zona

serbia) cunha importante porcentaxe musulmana, e unha minoría protestante.

Tivemos ocasión de ir a unha eucaristía dominical -na cidade de Split- e pudimos decatarnos do alto índice de participación -e non so de asistencia-, o que reflexa unhas comunidades vivas e fortes. Xa no concilio Vaticano II, o episcopado yugoslavo aportou a testemuña dunha Igrexa viva.

A tal respecto, as relacións da Igrexa co goberno laico socialista, son de absoluta normalidade e liberdade, en absoluto de acoso e moito menos de persecución. Certo que a condición para esta normalidade está en que a Igrexa non se inmischua en cuestións de orde político. Lonxe quedaron xa os problemas entre Tito e o Vaticano polas décadas 40 e 50, a causa do suposto ou real "colaboracionismo" de certos sectores da Igrexa co réxime nazi, e a cerril postura de Pío XII, que levou á ruptura de relacións diplomáticas entre o estado yugoslavo e Santa Se: relacións restablecidas logo polos anos 60.

Sí, certamente Yugoslavia ofrece unha cara do socialismo, moi diferente á que nos temos formado desde aquí. Ceais sexa por aquello que dixo dela un periodista, precisamente americano: "Yugoslavia é o Oeste do Leste e o Leste do Oeste". Pero tamén porque "non é tan fero o lobo como o pintan", pois nos países veciños tam poco roen.

Victorino Pérez

# "CHE" GUEVARA, O SIMBOLO DA REVOLUCION

## A 20 anos da súa morte en Bolivia

### Estandarte dos revolucionarios

A efixie do "Che", en carteis coma o que ilustra esta páxina, converteuse nos anos 60-70 en estandarte da loita contra toda opresión, entre os asoballados de América Latina, os negros e marxinados de Norteamérica, os revolucionarios de Asia e África, e os estudiantes progresistas da vella Europa. Particularmente, nos pobos de España, áinda baixo a dictadura franquista, e logo na "transición democrática", a súa face, vigorosa e tenra á vez, tocada cunha boina ca inevitável estreliña de cinco puntas, presidia a cotío as habitacións de tódolos mozos que sentían fervor no seu sangue a paixón revolucionaria; o cartel compartía habitualmente honores co "Guernica" de Picasso e outro de Xesús de Nazaret, no que adoitaba lerse o rótulo "Wanted" ("Búscase"), seguido das razóns de tal "búsqueda".

O "Che" converteuse en berro de loita, bandeira contestataria e modelo de home. O gran filósofo J.P. Sartre chamouno "o home más completo do seu tempo", pola súa categoría de intelectual e activista. Para moitos de nós -áinda dende unha perspectiva diferente- foi máis ca un mito, un amigo -sen coñecelo- e un mestre na entrega pola causa da liberación. Ollade, senón, os versos garimados do bispo Casaldáliga. O **guevarismo** chegou a ser unha doctrina política, que inspirou desde grupos europeos de guerrillá urbana, ata movementos revolucionarios arxentinos e chilenos, e mesmo grupos guerrilleiros na Indochina: unha doctrina que falaba fundamentalmente da ética do revolucionario.

### Ata a victoria ou a morte

O pensamento revolucionario do Che Guevara quedou reflexado nos seus escritos e mensaxes. Dende aquel folleto do ano 1961 titulado **Guerra de Guerrillas**, que lle deu fama internacional como subversivo perigoso, e **Relatos de la guerra revolucionaria**, no mesmo ano, ata **Crear dos, tres, muchos Vietnam...** e o **Diario de campaña**, publicado tra-la súa morte.

Para o Che, a decisión, a ousadia e

hasta la victoria siempre



Yo, Che, sigo creyendo  
en la violencia del Amor: tú mismo  
decías que "es preciso endurecerse  
sin perder nunca la ternura"...

Escucho, al transistor, como te canta  
la juventud rebelde,  
mientras el Araguaia late a mis pies...

Somos amigos  
y hablo contigo ahora  
a través de la muerte que nos une;  
alargándote un ramo de esperanza,  
ito todo un bosque florecido  
de iberoamericanos jacarandás,  
querido Che Guevara!

(P. Casaldáliga, "Clamor elemental")

a firmeza dun fato de revolucionarios resoltos a loitar ata a victoria ou a morte, son capaces de crear as condicións para a revolución, para a transformación social. É a chamada **teoría do foco**, que se aplicou con éxito en Cuba; ese grupo será a "pequena engrenaxe que poñerá en marcha o motor grande da revolución", dí. O avance da revolución terá que basearse, dí o Che, na creación dun **home novo**, capaz de sacrificarse por uns ideais, máis ca polo seu propio benestar material.

### Un Quixote do século XX

Ernesto "Che" Guevara nacera na Arxentina, nunha vila da provincia de Santa Fe chamada Rosario, un 15 de xuño do ano 1928. Xa desde neno sufriu unha tos asmática que non o abandonaría ata a súa morte, pero que o revolucionario superaría nos camiños da guerrilla con autodisciplina e forza. Estudiou Medicina en Buenos Aires, onde acadou o Doctorado en 1953, mais nunca exerceu esta profesión; o seu era outra causa: loitar, face-la revolución, entrega-la súa vida pola causa dos oprimidos.

O seu ideal levouno a Bolivia, México, Cuba e ata o Congo, en África. En México coñeceu a Fidel Castro e uniuse ó seu grupo para combatir a dictadura de Batista en Cuba. Tras do camiño da guerrilla desde Sierra Maestra, e o triunfo de Industria. Viaxa por diversos países europeos, asiáticos e africanos. De volta a Cuba, deixá tódolos seus cargos en 1965 e vaise de novo á guerrilla, para instaura-lo poder revolucionario do pobo, pois "é un dereito e un deber dos pobos de América Latina escribir -facer a revolución". "Unha vez más sinto o costelar de Rocinante -escribe nunha carta ós seus pais-. Volvo ó camiño coa miña lanza baixo o brazo. Coido que a loita armada é a única solución para os pobos que loitan por liberarse".

Con estes planteamentos vaise a Bolivia, onde organiza un pequeno grupo guerrilleiro. "Debe ser atacado o imperialismo en calquera parte onde se atope", proclama en 1967. Ali é asasinado un 8 de outubro dese ano, no pobo de Higueras, por tropas gubernamentais, en complot coa CIA (Central de Intelixencia Americana), que viña seguindo os seus pasos dende había tempo. Ali seguen venerando os campesiños -áinda que parece ser que foi queimado o seu corpo- a "San Ernesto de la Higuera", na escoliña onde caeu. Morreu case á mesma idade que o cura guerrilleiro colombiano Camilo Torres (este un ano antes), o mítico revolucionario mexicano Emiliano Zapata e o caudillo nicaragüense Augusto C. Sandino. Non fracasou, pois "Morrer sempre é vencer dende que un dia alguno morreu por todos, matado, como moiotos" (Casaldáliga).

Victorino Pérez

— Vai continua-lo incremento regulado da produción leiteira en Galicia —

## Falamos co Conselleiro de Agricultura

No pasado mes de xaneiro Francisco Sineiro, Conselleiro de Agricultura, estivo en Lugo, no concello de Pastoriza e máis concretamente na parroquia de Lagoa, onde tivemos ocasión de falar con el dalgunhas cousas que nos preocupaban en relación co presente e futuro dos labregos e gandeiros galegos.

— ¿Cal é a situación actual das cuotas do leite e que plans de futuro ten a súa consellería sobre deste particular?

As cuotas leiterias é un dos problemas mais gordos que teñen os gandeiros galegos actualmente, pero coidamos que vai ter unha solución satisfactoria. Limitación da produción vaina haber, pero haberá igualmente un respiro para poder competir verdadeiramente e seguir mellorando as explotacións. Desta maneira, vaise recoñece-lo que se fixo desde o ano 85, con vistas a proseguir un incremento regulado da produción. Para elo cómpre unha clara normativa para os casos especiais.

Todos coñecémo-lo que ocurriu no pasado ano coa declaración da produción leiteira. Houbo unha primeira declaración promovida polo Ministerio de Agricultura que non fixeron unha parte importante dos gandeiros; segun os cálculos feitos, declararon uns 65.100 gandeiros (o que significa a produción de 950.000 toneladas de leite) e quedaron por facer esta declaración aproximadamente 25.000, que representan outra 250.000 T.). Posteriormente veu outra declaración promovida pola Xunta de Galicia, que fixeron a maior parte dos que quedaron sen face-la primeira. Coidamos que este enfrentamento entre as Administracións non foi só, e nós defendemos xa daquela ós intereses dos labregos como mellor pudemos; a pesar de toda a controversia que houbo, eu penso que defendín as pósturas que coidaba en conciencia más válidas. Esta primeira declaración deuse por pechada polo Ministerio en tódalas comunidades autónomas excepto en Galicia e no País Vasco; mesmo en Cantabria, Asturias e Cataluña, onde houbo problemas pero remataron por face-la declaración pola normativa do Ministerio, algúns ainda no mes de xullo. Houbo logo en Galicia a declaración promovida pola Xunta, que fixeron a maior parte dos gandeiros restantes.

En decembro tivemos unha reunión co Ministro de Agricultura, onde nos atopamos que non se poidan contem-

pla-los casos especiais nin a cuota suplementaria mentres non tiveramos unha declaración da produción. Por iso a nosa insistencia foi en que se homologara esta segunda declaración (a da Xunta), coa primeira, e se reconóceran ambas como válidas. Practicamente temos conseguido esto. Actualmente estanse revisando as declaracions feitas.

— ¿Como se van contemplar os casos dos gandeiros que fixeron a meliora da súa explotación e aumentaron a produción nos últimos anos?

A tal fin, o Ministerio e a Consellería disponen da "cuota suplementaria", a través da "cuota nacional", e a contemplación dos "casos especiais", segun as condicíons de tal ou cual explotación en particular, que lles permitiría aumentar a produción en base á "reserva nacional".

Nós estamos na postura de que se recoñaza o incremento da produción galega, e se permita incrementala áinda máis á xente que vive só do leite. Loxicamente esto significa limitar ós grandes produtores, para que poidan medra-los pequenos; este últimos contan co apoio da Xunta de Galicia para mellora-las súas explotacións a través dos diversos programas (REPLE, gandería extensiva...). Pola súa parte, a Xunta está tamén tentando acadar cantidades suplementarias á cuota que ten asignada Galicia.

— Outro problema grave dos gandeiros é o do saneamento do gando ¿Que está facendo a súa Consellería e que plans de futuro ten?

O saneamento do gando está en Galicia moi retrasado respecto doutras Comunidades. Cando nós chegamos á Consellería había 210.000 vacas en período de saneamento, con acumulación de mostras nos laboratorios e outros problemas. Pero chegamos en poucos meses, a finais do ano, ás 280.000 vacas saneadas, moitas menos das que deberían, polo que se pensa sanear 150.000 nos dous primeiros meses deste ano. Para este ano 88 presupostamos supera-la cifra de 500.000 reses saneadas. Quere-



mos avanzar, pero queremos facelo ben. Para iso contamos con Carlos Mora Escribano, responsable deste saneamento, que xa o fixo con resultados excelentes en Asturias.

Os obxetivos para este ano son: en primeiro lugar face-lo saneamento a todo labrego que o pida, facer campañas explicativas e chegar a face-lo saneamento obligatorio nos concellos en que xa se fixo anteriormente. A tal fin, insistimos tamén que cómpre facer mención preventiva e atender máis á recría.

— ¿Cal vai se-la relación da Xunta coas cooperativas do campo?

O programa que temos na Consellería alenta o cooperativismo. Concretamente, aparte doutros programas de modernización das explotacións e os de apoio as cooperativas e asociacions, nos temos un programa específico de axuda e do fomento cooperativismo, que é a primeira vez que se fai nesta comunidade autónoma, xunto co programa de axudas ás organizacions agrarias.

Con este programa, que ten un capítulo de 150 millóns aparte do programa adicional de modernización de industrias do campo. Neste senso fomentaremos: cursos de formación cooperativa, cursos para xerentes de cooperativas, subvención nos 3 primeiros anos ós xerentes das cooperativas novas, axudas á contabilidade coa compra de equipos informáticos

e o sufraxio de auditorías... e fomentar tamén a unión de cooperativas galegas.

Neste senso, cómpre salientar que as cooperativas non poden nin deben suplantar ás organizacións agrarias; un pode ser socio dunha cooperativa e ó mesmo tempo ser socio de tal ou cual sindicato, ambos teñen papeis distintos. Ofertamos uns servicios a estas organizacións agrarias, como ás cooperativas, ben na elaboración de expedientes, servicios nos programas de modernización, etc., servicios que serían subvencionados pola Xunta. Neste ámbito entraría tamén a colaboración nas Xornadas de Formación Popular ou labores educativas semellantes.

— ¿Que proxectos ten a Xunta para as Axencias de Extensión Agraria, tan abandonadas pola Administración nos últimos tempos?

— Os servicios de Extensión Agraria durante os últimos anos tiveron unha limitación grande, porque non se cría neles. Nós cremos neles, a proba é que puxemos de subdirector xeral a un dos mellores extensionistas de Galicia, Antonio Fernández Oca, coñecido por todos, e a xefe de servicio a Fernando Coduras. Dúas persoas con gran experiencia na Extensión Agraria, e nos que nós confia-

mos plenamente, co desexo de que Extensión sexa o servizo a través do que se canalice a difusión dos programas da Consellería e os cursos de capacitación agraria. Finalmente, imos ampliar este servizo a través das oficinas comarcas.

— ¿Que vai pasar coas Cámaras Agrarias? ¿Que saída lle ve á actual situación de impasse?

— Dese tema falareivos dentro de seis meses.

(Por outro importante cargo socialista, soubemos que neste momento a situación depende da determinación que tome o Tribunal Supremo, pois está nas súas máns. Anque se confia que o patrimonio e medios que teñen pase a ser controlado polas organizacións agrarias).

— Un dos freos meirandes para o desenvolvemento rural é a deficiente infraestructura, concretamente a electrificación ¿Que pensa ó respecto?

— Sí, antes de falar de modernizadas explotacións compre falar da imprescindible mellora das condicións de infraestructura, que en Pastoriza (Lugo) atópase nunha situación privilexiada desde a concentración parcelaria que se fixo hai anos. Non é esta a situación do veciño concello de Abo-

**"Estamos completamente de acordo e alentámo-lo voso cooperativismo"**



Así lle respostou o Conselleiro ó Presidente da Cooperativa "O Caxigo", de Pastoriza, no encontro que tivo coa xunta rectora no seu local de Lagoa. Jorge Pacio, en representación, leralle un discurso coa historia desta cooperativa (legalizada no ano 1986), precisando o proxecto cooperativista, definido por tres puntos básicos: democrático, de base, e solidario. Tras relata-las realizacións feitas, entre as que destacou o labor do "grupo de leite", pediulle axuda para os plans de futuro, especialmente a construción do almacén e local social, e un laboratorio comarcal de análise de leite, silo en antibiogramas. Non deixou de salienta-la necesidade de mellora-lo saneamento e o conflicto das cuotas.

dín e outros moitos de Lugo e de toda Galicia. Contamos adicar unha parte importante dos nosos presupostos a mellorar esta situación, sobre todo nas zonas de montaña. Nos presupostos da Consellería de Agricultura para este ano 1988 cóntase concretamente con 4.166 millóns de pesetas para melloras de infraestructura e concentración parcelaria.

Victorino Pérez Prieto

## Asamblea constituyente da "Unión Galega de Cooperativas"

O pasado 17 de xaneiro xuntáronse en Lugo representantes das perto de oitocentas cooperativas agrarias que hai en Galicia, seguindo o plan arrollado na reunión que se tivo na mesma cidade o 4 de outubro do pasado ano, onde se elexira unha comisión xestora que levara adiante este proxecto de unión de cooperativas, preparando a Asamblea Xeral.

A comisión, tras facer unha análise das distintas Unións de Cooperativas existentes no campo galego, destacou a importancia da **Unión de Cooperativas del Campo de Galicia**, nutrida de varias unións provinciais; faiou dos seus contactos con esta e propuxo á Asamblea de fusión de ambos movementos cooperativos, mantendo a denominación de **Unión Galega de Cooperativas Agrarias**. Para isto propuxeron varios pasos previos: a modificación dos Estatutos por parte da Unión de Cooperativas del Campo de Galicia, adaptándoo á nova Lei de Cooperación, creándose a tal fin unha comisión mixta. Que estes novos estatutos recollan os

principios da proyectada Unión Galega de Cooperativas. Que a Unión de Cooperativas del Campo abra un novo rexistro para dar entrada ós socios promotores da Unión Galega de Cooperativas. E, finalmente, que no plazo de dous meses se convoque e celebre unha Asamblea Xeral a fin de aproba-los novos Estatutos e constituirse formalmente a nova organización, elexíndose os cargos rectores. Plan que foi aceptado pola Asamblea.

No documento pola prensa, recordaban os principios programáticos: dinamiza-lo cooperativismo agrario na defensa dos intereses de labregos e gandeiros, levar unha educación agraria e cooperativa ó mundo rural, crear un órgano periódico de información entre as cooperativas, recomendar ós labregos a participación en sindicatos, xestionar a creación de servicios para mellora-los sistemas productivos, pedir a reforma da Lei de Concentración Parcelaria, crear un plan adecuado de ordenación da producción, esixir a non limitación da producción leiteira en tanto non se

acaden os niveis comunitarios, impulsa-la creación do Instituto de Crédito Oficial Agrario para canalizar tódolos créditos oficiais á agricultura, e instar á Xunta para a creación dun organismo que coordine a mellora da electrificación rural.

Certamente, esta unión ou federación de cooperativas labregas é algo necesario, é aínda imprescindible para o campo galego se se quere afrontar con éxito a competencia europea; pero o parto está resultando abondo doloroso, e nos últimos meses houbo máis dun conflicto, sobre todo polo acercamiento ás cooperativas de UTECO. Un dos mellores cooperativistas que hai hoxe no campo, José Manuel "Trigás", que xa pasou varias veces polas páxinas de IRIMIA, deuse de baixa na Comisión Xestora como froito destes conflictos. Con todo, confiamos no bo éxito desta meritaria empresa.

V.P.

## II Asamblea de cristianos galegos

**"Unha Igrexa que testemuña a Boa Nova ó pobo galego"**

Este foi o lema que escolleu este ano a **Asamblea de Cristianos Galegos** para o seu segundo encontro, celebrado en Santiago, na parroquia do Castiñeiriño, os pasados días 18 e 19 de xaneiro. Moitos lectores recordarán o primeiro encontro que foi, tamén en Santiago, o ano pasado.

Este ano xuntáronse máis de 100 persoas de diversos puntos de Galicia, representando a outros tantos grupos e movementos cristianos, unidos pola idea común dunha igrexa galega que sexa verdadeiramente do pobo, como quixo Xesús; unha igrexa atenta ás arelas, esperanzas e problemas do pobo, buscando con el camiños de solución, unidos nunha loita común. Houbo xente de Santiago, Coruña, Pontevedra, Ferrol, Vigo, Lugo, Noia... Representaban a grupos que levan anos traballando tanto no mundo obreiro mariñeiro e rural, como nos eidos da política, a cultura, a educación, etc.; en moitos caños de maneira verdadeiramente efectiva e exemplar.

Forman parte desta asamblea as **Comunidades Cristianas de Base**, os **Coloquios, Cruceiros, o Movimento Rural**; os grupos de mocidade **Xuventude Obreira Cristiá (XOC)**, **Movimento de Estudiantes Cristianos Galegos (MECG)**, **Movimento Junior**, e tamén a **Irmandade Obreira de Acción Católica (HOAC)**; así mesmo as revistas **IRIMIA** e **Encrucillada**.

### Galeguidade-Secularidade-Crecemento dos grupos

Froitos da **primeira asamblea** foron coordinación potenciación dos diversos grupos, cada un coa sua acción no seu medio: obreiro, rural, estudiantil, etc. E así mesmo unha serie de accións colectivas como o peche na Catedral de Santiago esixindo solucións efectivas contra o paro, campaña pola paz, posicionamento frente a certas actuacións da xerarquia eclesiástica, etc. Así como o apoio á nosa revista, que comulga plenamente con estes plantexamentos.

Este ano tentábase facer máis efectivo o compromiso de Igrexa galega e popular. O encontro estaba artellado sobre o traballo en grupo sobre a **galeguidade** (sentimento e realidade do ser galego), a **secularidade** (meirande participación do pobo na Igrexa, frente a unha Igrexa fondamente clericalizada), e o **crecemento** dos diver-



Un aspecto desta II Asamblea

sos grupos como resposta efectiva e organizada ós problemas do pobo galego.

No traballo de grupos, que durou todo o sábado día 18, constatouse con esperanza unha certa **recuperación dos valores galegos** na dignificación da nosa lingua, no avance dos partidos nacionalistas e noutras realidades que testemuñan o progreso da conciencia galega; anque veuse moi claro que **galeguidade** é moi más ca loita polo idioma. Pero a carón desto veuse como este avance non foi acompañado por un progreso parello na Igrexa, á cola do proceso social.

Respecto da **Igrexa** viuse unha vez máis a súa ainda grande clericalización, agravada ultimamente por un proceso involucionista (volta atrás), dificultando cada vez máis a participación do pobo. Igrexa e pobo teoricamente debían se-lo mesmo, pero a Igrexa segue a estar moitas veces en pugna co pobo, defendendo intereses alleos a el. Pero afortunadamente viuse tamén a realidade dunha Igrexa más participativa, comunitaria e popular, más galega, que defende os intereses do pobo porque ela mesma forma parte dese pobo, loitando dia a dia pola liberación. Unha igrexa comprometida nos colectivos de acción popular, nos sindicatos e plataformas sociais, que celebra a súa fe na propia lingua -a lingua do pobo- con alegria porque o seu Deus é un Deus vivo e liberador.

Unha Igrexa diferente, que van creando homes e mulleres, mozas e mozos ilusionados co proxecto de Xesús, que **se senten profundamente Igrexa**, e que reclaman un recoñecemento e un espazo na

Igrexa, a comunidade de Xesús, convencidos de que teñen moito que aportarlle a esta e á mesma sociedade.

### "Prender lume novo"

Tamen na tarde do sábado presentouse o audiovisual "Prender lume novo", que co subtítulo "Una nova Igrexa galega", reflexaba esta realidade da que falabamos, desde as súas raíces na Galicia dos anos 20-30. Elaborado polo equipo "Irimia", cóntase que estea a venda nos próximos meses. Desde aquí xa daremos noticia delo.

### As conclusións

Na mañá do domingo falou Xulio Anídion, teólogo de Vigo, tentando facer unha aplicación para Galicia do "Congreso de evanxelización", celebrado en Setembro do ano pasado. Destacou que cumpría **favorece-lo senso crítico dos crentes**, e o mesmo tempo recuperalo **senso lúdico** (festeiro) e gratuito da fe cristiana.

Da asamblea final sairon os compromisos de afondar na **coordinación** dos grupos, e unha serie de accións colectivas, entre as que destacan as **accións contra a OTAN e pola paz**, que se levarán a cabo ó longo deste mes e o que ven antes do Referendum. Igualmente a Asamblea reafirmouse no apoio a IRIMIA, un servicio os galegos que non pode morrer.

Victorino Pérez Prieto



## Con Antón Fernández Oca, Subdirector Xeral de Extensión e Desenvolvemento Tecnolóxico da Consellería de Agricultura.

— ¿Cales son os cometidos da Subdirección que agora ocupas?

— Ten como funcións propias a promoción e desenvolvemento dos programas que a Consellería de Agricultura nos encomende. Así como a capacitación e formación das familias agrarias e das súas asociacións profisionais para mellora-la rendabilidade do Sector Agrario e as condicións sociais de esta poboación.

— ¿Como se vai levar a cabo éste programa de actuación?

— Para esto contamos fundamentalmente coas Axencias Comarcas de Extensión Agraria. Como moi ben sabes, nelas existen uns profisionais que levan traballando cos labregos desde fai moitos anos. Este traballo faise pensando en atopar solucións ós problemas que impiden o desenvolvemento integral das familias labregas e o seu entorno comunitario.

Tratamos de traballar **coas** persoas e non **para** elas, utilizando unha metodoxía educativa e activa onde o aumento da sua capacidade para o analese da realidade e transformación da mesma é o obxectivo primordial do S.E.A.

Para iso abordámolo-a problemática en distintos aspectos:

- Modernización das explotacións o que conleva que o S.E.A. teña que contar con técnicos que porporcionen a base científica experimentada para que este proceso conte coa garantía suficiente de éxito. Trasvazamos información, capacitación en cursillos e outras actividades que consigan que os labregos incorporen á súa cultura estes coñecementos de novas tecnoloxías.

- Mellora do entorno comunitario mediante a organización da poboación rural para que sexa capaz de acometer accións de grupo, contando coas axudas institucionais, así lográronse



Concentracións Parcelarias, abastecemento de augas as vivendas, vías de comunicación etc. etc.

- Formación permanente sobre a mociidade agraria nas Escolas de Agricultura e Centros de Capacitación, con programas específicos para incorporalos á xestión da súa explotación.

- Promoción e desenvolvemento de programas destinados a resolver problemas propios das familias agrorurais destinados a acadar un maior benestar social: saúde, alimentación mellora de vivenda, recursos extraagrarios, etc.

- Dentro da mellora das explotacións abordamos programas destinados a promover e consolidar o asociacionismo agrario nas vertentes da producción, comercialización, abastecemento e transformación dos produtos.

— Ultimamente Extensión Agraria estaba en crise e mesmo falouse de que podería desaparecer. ¿Tedes moitos medios para consegui-lo? Ambiciosos obxectivos que enuméras? ¿Como está hoxe a situación?

— Históricamente o S.E.A. foi dotado de medios e personal cualificado, cunha formación específica para o desempeño dos cometidos devanditos, de tal xeito que se acometeu

**A**ntón Fernández Oca, colaborador habitual de IRIMIA desde hai moitos anos e nos dous últimos como integrante do Colectivo "A Rella", foi nomeado no pasado mes de Xaneiro Subdirector Xeral de Extensión e Desenvolvemento Tecnolóxico da Consellería de Agricultura. Tamén o noso colaborador Fernando Coduras Orera foi nomeado recentemente Xefe de Servicio do mesmo organismo. O mesmo tempo que nos congratulamos pola amistade que nos xongue, cómpre dicir que é certamente unha boa nova para a Galicia rural que un home que tanto traballou por ela, poida seguir facendo agora desde un posto executivo importante.

Fernández Oca é natural de Viveiro, onde fixo o bacharelato. Cursou os estudos de Perito Agrícola en Madrid e Pamplona. Comezou a traballar na Extensión Agraria en 1967 na Axencia de Betanzos. En 1969 trasladouse como Xefe á Axencia de Ribadeo, onde estivo 18 anos. Finalmente estivo un ano de Xefe Provincial do SENPA en Ourense. Cómpre sinalar tamén como un dos seus mellores logros, o labor nas Cooperativas "Irmandiños" e "Mondigoleite".

tian os programas e que, ainda que non chegaban directamente a tódalas explotacións familiares, conseguíase un marco de influencia amplio de abondo.

No **pasado inmediato**, tal vez polo pase de moitos extensionistas a ocupar postos na daquela recentemente creada Administración Autonómica e tamén por unha falla de dotación económica presupuestaria, impediu o normal desenvolvemento dos programas. Nesta etapa as actividades do S.E.A., é posible que decreceran un tanto.

No **presente** contamos co apoio decidido do Conselleiro de Agricultura que así o manifestou diante do Parlamento na presentación do programa da Consellería, onde recalcou a necesidade de potenciar ó máximo posible o Servicio de Extensión Agraria. Dotándonos de medios e persoal de abondo.

— Eres unha persoa que coñece como poucos o sector leiteiro de Galicia, polo que tanto tes traballado. ¿Como ves hoxe a situación? ¿Que perspectivas de futuro ten?

— A produción leiteira galega entra a curto plazo nun proceso de limitación da produción, por imposición da política comunitaria. Pero penso que o sector vai ter unha lexislación que lle dea acceso ás cuotas suplementarias respecto do 85. Desta maneira, as explotacións que acometeron a modernización nestes últimos anos van poder acada-lo desenvolvemento. Cómpre, porén, mirar que esa lexislación favoreza a Galicia no reparto, considerando que en moitas partes do campo galego non se pode cambiala orientación productiva. Aínda máis, cómpre garantí-las vias de expansión con relación á reserva nacional. E cómpre tamén melloras nas explotacións apostando claramente polo cooperativismo.

Victorino Pérez

— Co Rector da Universidade de El Salvador na 2ª Asamblea de "Encrucillada" —

## «"Encrucillada" e IRIMIA poden ser unha gran forza liberadora»

**P**oucos minutos despois de empezar a falar o P. Ellacuria, tras unha breve presentación de A. Torres Queiruga e X. Chao Rego, Queiruga -director de "Encrucillada"- invitaba a todos a trasladarse a unha sá más capaz, dada a gran afluencia de xente, que desbordou tódalas previsións. Con este espectacular éxito de participación comenzaba o pasado día 12 a **II Asamblea de suscriptores e amigos** da revista Encrucillada, que duraría ata o día 13. Este ano tiña como tema "**A Teoloxía da Liberación en Galicia**", e contaba coa excepcional presencia de Ignacio Ellacuria, sobranceiro representante da Teoloxía da Liberación e rector da Universidade Católica de El Salvador, onde reside desde o ano 1942, anque é de orixe vasca.

### "A salvación ven de abaxo"

"Non hai que preocuparse tanto de como van as cousas **por arriba** (como actúa a xerarquia da Igrexa), senón de como van **por abaxo** (como responde o pobo)". Así dixo o comenza da sua conferencia o P. Ellacuria, quen afirmou acto seguido que era para el "un signo de esperanza esta acollida dispensada en Galicia, así como a de tantos europeos, cara a Teoloxía da Liberación". A **Teoloxía da Liberación** non é tanto unha cousa teórica, un movemento máis de teólogos, senón fundamentalmente un movemento de base que implica a comunidades, relixiosos, seglares e mesmo bispos, ademáis dos pensadores. Partindo da realidade popular hispanoamericana, a T. da L. quere responder ás esixencias da situación histórica en que vive o pobo latinoamericano, fondamente relixioso. Igualmente, a T. da L. "ten moito que ver -afirmou Ellacuria- co acompañamento dos revolucionarios na súa práctica revolucionaria". O que non quere dicir precisamente que esta teoloxía sexa un "invento do marxismo", como afirmou alguén, senón que só utiliza coma un instrumento máis a sua análise social, pois "a explotación do home débese a causas de carácter histórico-político e non puramente espiritual".

O que busca a T. da L. é unha **liberación integral**, é dicir, de todo o home, na súa realidade social e política, (in-



A. Torres Queiruga (primeiro pola derita) abriu a Asamblea e Xosé Chao (primeiro pola esquerda) presentou ó teólogo I. Ellacuria (centro)

xusticia, violencia, explotación, insolvidade, ...), pero tamén na súa realidade espiritual (pecado, falsa relixiosidade,...). Por iso chámase unha **teoloxía total**, non de tal ou cal aspecto soamente.

A T. da L. busca, así, unha conversión e transformación **social**, cara a unha sociedade más semellante ó proxecto de Xesús, pero tamén unha conversión **personal** no encontro co Deus liberador.

### A liberación en Galicia

Ademáis das duas conferencias do P. Ellacuria, houbo tamén na Asamblea outros dous espacios, tentando concretar a liberación que Galicia precisa e ver que implica facer teoloxía da liberación na realidade galega. O primeiro destes espacios foi unha mesa redonda, na que, tras de expñer as aportacións dos grupos de traballo previos á Asamblea, e que foron enviadas a Encrucillada, Lois Alvarez Pousa, Agustín Diaz (en improvisada sustitución do xornalista Antón Gaciño) e Mons. Araúxo deron a súa visión da **Liberación que Galicia demanda** nos eidos cultural, político e relixioso, respectivamente.

Non foi moi rico o debate, así como o que houbo á tarde no segundo destes espacios co tema "**Ollando ó futuro**"; anque é certo que saíron cousas interesantes, foron deslabazadas

e inconexas tocando rara vez o miolo do que demandaba un encontro co tema sinalado.

O poeta Uxío Novoneira puxo o broche de ouro, con un emotivo e poético remate.

### A realidade social de Centroamérica

Tivemos ocasión de falar en privado con Ignacio Ellacuria, que acoileu con admiración e agarimo a nosa revista. Falamos sobre todo da situación do seu país e o veciño Nicaragua. Para el, Estados Unidos é claramente o principal problema que teñen estes países, e o principal obstáculo para a pacificación de Centroamérica, onde, defendendo os seus intereses comerciais e políticos, pretende acabar violentamente coa protesta revolucionaria. En opinión de Ellacuria, o que más lle preocupa á Administración Reagan nesta zona non é Nicaragua, como pretende facer crer, senón El Salvador, que conta con máis xente e meirandes posibilidades económicas.

Para Ellacuria, de ningunha maneira se poden comparar a guerrilla "contra", que loita contra o goberno sandinista de Nicaragua, coa guerrilla salvadoreña do FMLN (Frente Martí de Liberación Nacional), que loita contra a falsa democracia existente en El Salvador. A guerrilla "Contra" é un movemento apoiado pola CIA (Central de Intelixencia Americana),

(Segue á volta)

## PLAN OSCOS-EO

## Un programa de desenvolvemento integral nunha zona de montaña

A montaña foi de sempre das zonas más esquecidas nos plans de desenrolo, converténdose en zona maldita, onde só os mestres que non tiñan máis remedio, ou algún que outro ousado e xeneroso, ían parar; quen di mestres, di médicos, veterinarios,... e todo tipo de servicios. Os labregos da montaña saben moi ben da marxinación e da dureza da vida, da distribución inxusta dos recursos e do desequilibrio social. Este desequilibrio é patente en Asturias como o é sen dúbida en Galicia- nas zonas más descentradas: os extremos oriental e occidental. Neste último está unha das más desfavorecidas: a Comarca dos

Oscos, chamada "as Hurdes de Asturias", lembrando esa zona de Cáceres tristemente coñecida polo seu atraso. Para superar esta aldraxante situación, a Comunidade de Asturias vén de poñer en funcionamento un ambicioso programa de desenrolo integral para esta zona situada na parte más occidental do Principado, que fai fronteira con Galicia. O plan abarca a conca do río Eo e a devandita comarca dos Oscos. Para coñecer este programa, que saltou ós medios de comunicación nos meses pasados, estivemos en Vegadeo, no seu centro de operacións, con Pedro Rocha Coladas, xerente do Plan.

## Unha zona deprimida

A comarca Oscos-Eo comprende sete concellos: Castropol, Vegadeo, San Tirso de Abres, Taramundi, Villanueva, San Martín e Santa Eulalia (estos tres últimos forman Os Oscos). Ten unha extensión de 50.264 Ha. e unha poboación aproximada de 15.000 habitantes, dos que 5.000 viiven na zona máis alta (a que abarca a maior parte da extensión) e 10.000 na zona baixa, a da costa.

Se a montaña é a que marca as necesidades fundamentais de desenrolo en Asturias, esta zona é montañesa nun 91%, o que a levou a ser elixida para o plan xunto con outras características ben definidas:

— É unha área con alto grado de despoboamento, perdendo na súa parte máis alta a mitade da poboación nos últimos vinte anos.

— A poboación actual supera os 60 anos nun trinta por cén do total, o que representa unha idade media moi avanzada.

— Os ingresos medios son moi bajos, só lixeiramente superiores á mitade da renda media dunha familia asturiana, e ainda con diferencias importantes na zona.

— A actividade principal é a gandeira, especialmente bovino. Nos Oscos o empleo agrario é dun 85%.

— Ten un gran déficit de servicios públicos e está lonxe dos centros de poder e de servizo. Destacando a súa escasa rede de comunicacións.

— Se ben é unha zona atrasada, ten un gran potencial agrario e un alto dinamismo social, especialmente na demanda de servicios e atención.

## Obxectivos do plan

O plan pretende un desenvolve-

mento integral da zona, integrando as accións e inversións de tódalas administracións (central, autonómica e municipal) e igualmente as dos veciños, non quedándose nun criterio puramente económico. Os obxectivos básicos son:

— Frear a tendencia á despoboación e dar paso a un crecemento continuo que asegure o desenrolo económico e social.

— Conservar e coida-lo medio ambiente aproveitando os recursos naturais.

— Desenrolar unha base económica firme para os habitantes, reducindo o desequilibrio existente dos seus ingresos cos do resto da comunidade.

— Asegurar un nivel de servicios públicos igual ou máis alto cós do resto de Asturias.

— Conservar e extender a cultura, tradicións e patrimonio da zona.

O programa está proposto para dez anos (1986-1995). Tras un estudio

previo feito entre 1983-84, no ano 1985 elabórase o proxecto e constitúese o comité de xerencia e coordinación, sendo aprobado o ano seguinte, en 1987 serán polo Goberno de Asturias, estando ainda pendiente de ser aprobado polo Goberno Central, retraso debido a problemas legais. A Administración autónoma manifestou un gran interese no programa non só por corrixi-lo desequilibrio que supón esta zona no conxunto de Asturias, senón tamén como experiencia piloto para o desenvolvemento doutras áreas.

## Goberno e xestión. Institucións implicadas

No plan están implicadas administracións e técnicos formando un Comité de Coordinación de catroce membros:

— Catro da Admón. Central (Educação, Cultura, Agricultura e INEM)

— Catro da Admón. Autónoma (Agricultura, Economía e Territorio).

— Catro da Admón. Local (catro alcaldes).


— Un representante das As. de Montaña, ou dos veciños.

— Un xerente.

A xestión ten como base un equipo de profesionais que traballan na comarca (animadores socioculturais, deportivos e de mozos, psicólogos, etc.) ademais de agrónomos, peritos e economistas.

## Presupostos e accións

Para levar a cabo os obxectivos propostos estase realizando unha acción conjunta nos sectores productivos, de servicios e de infraestructura (electrificación, camiños, etc.):



Pedro Rocha, xerente do Plan



O Plan de desenvolvemento abarca os sete concellos que poden verse no mapa. Representan o extremo occidental de Asturias, no seu límite con Galicia. 50.264 Ha., cunha poboación de 15.000 habitantes, para os que se prevé unha inversión de 22.000 millóns de pesetas entre 1986-1995.

1. No desenrolo económico, aténdense tres sectores: agricultura, turismo e comercio (artesanía e pequena industria).

— A Agricultura, actividade principal e cásaeque única nas zonas más altas, ten un potencial limitado a causa de que as superficies de pastoreo son pequenas, dispersas e cun solo con moita pendiente e superficial. Estase facendo a concentración parcelaria e a roturación de novos pasteiros, a mellora das explotacións existentes aumentando o número de cabezas e mellorando a raza, rexime de crie e asistencia veterinaria, etc.

Asimesmo estase facendo unha repoboación forestal nas superficies que non son aptas para o desenrolo de pastizais.

Ademais desenroláñanse actividades complementarias para a explotación familiar, coma a crie de cabras para leite, elaboración de queixos, crie de coellos e pavos, frutais, apicultura e mesmo cultivo de plantas medicinais.

— O Turismo, entendido como actividade complementaria da gandeira, descentrado e xestionado polos veciños da zona. A tal respecto, destaca o hotel inaugurado recentemente en Taramundi, aproveitando unha vella casa rectoral. Á par deste "agroturismo" está o turismo da costa na zona baixa.

— No comercio, o centro da zona está en Vegadeo; vaise reforzar cun

novo centro comercial (Mercasa). Asimesmo estase potenciando a artesanía (os famosos coitelos de Taramundi) e as pequenas industrias da madeira, de produtos agrícolas, etc.

2. Respecto dos servicios, pénse establecer catro centros de servicios (dos que xa están andando tres: Taramundi, San Tirso e Vegadeo), que incluirán cada un: preescolar e escola de EXB, instalacións deportivas, clínica local, casa da cultura (con sa de actos, biblioteca,...) e centro comercial.

3. O programa dálle tamén moita importancia ó desenrolo da infraestrutura, na que xa se teñen feito importantes melloras nos últimos anos: electrificación total, desenrolo da rede viaria, ampliación e instalación de abastecemento de auga e saneamentos, ampliación da rede telefónica e RTV (mesmo coa creación dunha radio propia na comarca).

Os presupostos totais do plan superan os 22.000 millóns pts., dos que un 58% van destinados á agricultura e un 24% á mellora da infraestrutura. Distribuídos da seguinte maneira (en millóns de pts.):

Agricultura .....	13.148
Artesanía, comercio e pequena industria .....	1.636
Turismo .....	625
Servicios .....	1.718
Infraestructura .....	5.466
Total .....	22.595

A Admón. publica participa cun 62% do presupuesto.

## Funcionamento do equipo de xerencia. Evaluación dos resultados

O xerente, Pedro Rocha, e o alcalde de Taramundi comentáronos o seu traballo, que consiste nunha dinamización da poboación da zona por medio de reunións explicativas cos veciños para elabora-los programas e dalo a coñecer, e outras reunións para temas máis específicos como a concentración parcelaria, inversións que deben facer, desenrolo de novas actividades, etc. Asimesmo o Programa de Dinamización Cultural, a cargo dun equipo de oito persoas, que organizan bibliotecas e animan a ler, fan programas para a mocidade e a mujer, animan ó asociacionismo, dan clases para adultos, etc.

O equipo da xerencia dinamiza tamén a actividade productiva mediante cursos e asesoramento os veciños (sobre gando, producción de queixo, plantas, explotacións complementarias, reconstrucción de vivendas, etc.). Aténdese tamén a intercambios con outras comunidades e a viaxes de estudos para mellorar o traballo na zona.

A resposta dos veciños é valorada como moi boa. Tanto pola maior parte dos axuntamentos (constituidos en Mancomunidade cun parque de maquinaria e outros servicios en común) como as asociacións (entre as que destaca a As. de Montaña dos Oscos). A asistencia dos veciños ós cursos está sendo moi alta e a solicitude de auxilios é máis alta que nas mellores zonas da comunidade autónoma.

A avaliación dos resultados desde a xerencia é boa. As infraestructuras van mellorando a un ritmo bó, según nos comenta Pedro Rocha, os centros de servicios xa están feitos tres e o cuarto está en vias de desenrolo; e, finalmente, vense boas perspectivas para a produción gandeira, a pesar da situación crítica que atravesa o sector.

## ¿E Galicia?

O plan é realizado só para concellos de Asturias, anque a súa relación cos veciños concellos lugueses é moi forte, con fortes vinculos culturais, humanos e de todo tipo. Cómprase salientar que como plan de montaña pode servir perfectamente para Galicia, aproveitando a experiencia e elaborando un plan axeitado a zona que se elexta.

O Conselleiro de Agricultura, Francisco Sineiro, estivo hai dous meses cos responsables para falar da coordinación no saneamento, as cuotas e outras cuestións agrarias. Pedro Rocha insinúanos que cecais non interese en Galicia dar publicidade a este plan por se cuestiona á Administración por que non se fai aquí algo semellante, cando tanta falla faría.

Cómprase dicir finalmente que este é o primeiro plan de desenvolvemento de montaña de tal envergadura, realizado cos presupostos dunha comunidade autónoma (coa colaboración do Goberno Central). A CEE podería chegar a participar cunha colaboración que podería chegar ata o 50%, pero actualmente non ten aportado nada.

Centenario de Don Ramón Otero Pedrayo

## Un home bo, galeguista e cristián

"O primeiro pensamento que lle viña a un diante deste home era: Estou frente dun home bo. Porque a súa bondade enorme revelábase no xesto, na mirada, na expresión. Nunca vin dunha maneira tan clara a realidade daquello de que a cara é o espello da alma". (Xaqin Lourenzo).

**D**icir estas tres cousas dun home nado en Galicia, coido que é do que mais se pode decir de ningúen. Se se quere engadir que era un gran escritor, un artista e un humanista, pois tamén esto cadra con Don Ramón. Por riba, el mesmo definiuse coma un home feliz. "Felicísimo -dizia nunha entrevista realizada no ano 1975, publicada en *La Región*. Eu só desexo para todos os que se casen que teñan a felicidade que eu disfrutei". Non estamos a falar dun mito, nin a contar unha historia novelada dun home de hai moito tempo. Estamos a falar dalguén finado non hai moito, a quem moitos tivemos a sorte de coñecer, e que ainda o sentimos ben próximo. A súa vida foi tan longa e rica, que con razón se lle chamou *Patriarca das Letras Galegas*, apelativo que non tivo ningún outro dos persoeiros que deu esta Terra. "Un tan noble carballeiro, unha tan irreprochable fogueira, só se dá unha vez na vida dunha nación", dixo del ooutro dos meirandes escritores galegos, Alvaro Cunqueiro. Otero Pedrayo foi unha figura verdadeiramente titánica, mesmo resulta ás veces difícil de comprender como un home so pudo face-lo ínxente labor que nos deixou. Unha obra grande e una persoalidade e humanidade grande, paralela o seu corpulento e bonachón físico, que nos fai lembrar a aquel outro home grande de corpo e espírito, "o bo Papa Xoán", renovador da Igrexa.

### Un home bo

Falar da bondade de Otero Pedrayo, non é dicir nada novo ós que o conoceron, pois hai verdadeira unanimidade ó respecto. A cortesía e o agarimo con tódolos que se achegaban ata el, calquera que fora a sua condición, a ternura e a comprensión, a humildade e a xenerosidade, eran constitutivos do seu ser. Resulta revelador que o seu derradeiro escrito fose precisamente para unha pequena revista escolar de Santiago, feita a multicopista, a revista *Eidos*. E ainda agradecía ós rapaces que se lembraran del cando lle pediron a colaboración! El que asulagara xornais

revistas e libros, dentro e fóra de Galicia, co seu saber.

Abonda con ollar o seu *Libro dos amigos* para ver a estima en que este home tiña a amistade. Amistade na que "sempre deu máis do que recibiu", como ben dixo del un tocaio, Ramón Piñeiro. Pero Otero Pedrayo foi más que un home bo, anque iso xa non sería dicir pouco del.

### Un cristián galeguista

Sobre do galeguismo de Otero Pedrayo teñen corrido con xusticia regos de tinta. Abondaria para afirmalo rotundamente o que dixo del Castelao: "Abrazarte a ti é abrazar Galicia". Ou o que dixo algun máis cercano a nós, o gran poeta Manuel María: "Andar pola obra de Otero Pedrayo é andar pola alma do pobo galego".

Galicia foi verdadeiramente o gran tema que levou frutiferamente na

mente e no corazón, desde que a descubrira na súa mocidade. A súa fidelidade a Galicia e ós galegos foi mil veces probada coa súa obra, escrita en galego no fondo e na forma, e a súa vida fiel ata a morte ós ideais descubertos de mozo. Non en van pertenceu á máis senlleira das xeracións galegas: a chamada Xeración Nós, a xeración de Risco e Castelao.

Do seu sentimento relixioso e fe cristián alguén chegou a dicir que "a nota esencial de Don Ramón é a relixiosidade, fondamente sentida, fecundante da súa caudalosa obra literaria". E xa polos anos 30, unha revista católica calificába de "a más rexia persoalidade leiga do catolicismo galego" (*Logos*). Esta fe confiada levaría a Don Ramón a afirmar, xa no solpor da súa vida, tra-la morte da súa muller, "Só os amigos, despois de Xesús, sodes a lus neste triste solpor". Cristián practicante desde sempre, o seu cristianismo era un verdadeiro talante





vital, cun senso franciscan de amor a todo o creado, vendo a presencia de Deus en tódalas cousas.

A pesares da dificultade que tiveron os galegos para xunguir a fe cristiá a unha opción galeguista. Don Ramón soubo casar estas duas realidades maravillosamente, entre esperanza e dor (pois foi perseguido por iso), radicalidade e prudencia, mais sempre con amor e comprensión. O íntimo vencello que el vía entre galeguismo e cristianismo, chegou ata a súa derradeira vontade, cando pediu "ir vestido para a terra co hábito do pobrío de Asís" e "enriba do meu peito a bandeira galega".

#### Entre Ourense e Santiago

Ourense e Santiago foron as duas cidades cruciais na vida de Don Ramón. Naceu na cidade das Burgas o 5 de Marzo de 1888 fillo único dun médico rural, culto e liberal. Allí fai o bacharelato, e tras facer o curso de ampliación en Santiago marcha a Madrid, onde estuda Filosofía e Letras e Dereito. Axiña gaña a cátedra de Xeografía e Historia de Instituto e vai exercer a Burgos e logo a Santander, rematando en Ourense polos anos vinte. Ali e onde se achega o galeguismo da man de Lousada Dieguez e as Irmandades da Fala. Colabora en numerosos xornais e revistas, sobre todo *Nós* e *A Nosa Terra*.

En 1931 é recibido como membro da Real Academia Galega, e o mesmo ano sal députado da República pola provincia de Ourense, co Partido Na-

zonalista Republicán, tendo como compañeiro nas Cortes ó seu amigo Castelao. Logo viría o Partido Galeguista, no que participou activamente, e a campaña do Estatuto Gallego, refrendado polo pobo galego en 1936. Ese é o ano da Guerra Civil, que couta tódolos proxectos galeguistas; moitos dos seus amigos morren asasinados, outros teñen que exilarse e el é castigado polo novo réxime separándoo da súa cátedra. Polo seu prestixio será reposto dela a finais dos anos 40 e en 1950 oposita á cátedra da universidade de Santiago, onde exercerá a docencia ata a súa xubilación en 1958. Seguirá o seu traballo por Galicia, sen descanso, ata á súa morte en Trasalba, perto de Ourense, o 10 de Abril de 1976.

#### A figura literaria da sua xeración

A obra de Otero Pedrayo é inmensa, ningún escritor galego escribiu tanto como el. Ademais escribiu de todo: novela, ensaio, teatro, conto, artigos de periódicos e revistas, poesía e centos de conferencias. A súa primeira obra foi unha novela, *Pantelas, home libre*, á que seguiron outras moitas, *O purgatorio de Don Ramiro*, *Arredor de si*, *O meson dos ermos*, ... e sobre todo a meirande, *Os caminos da vida*. Publicou tamén varios libros de contos: *Contos do camiño da rua* e *Entre a vendimia e a castañeira*; e diversas obras de teatro. A *Lugarada*, *O desengano do pobreiro*. E ainda unha obra de poesía, *Boi ambeira*.

Os libros de ensaio sobre temas de

#### Os que queren ser "universais"

¿Que é exactamente a *universalidade*? En que consiste iso de ser *universal*? ¿onde se pode ser? Os meus anos mozos en Madrid, e en xeral os meus anos fóra de Galicia foron unha búscua sen acougo. Todo me gostaba, estaba moi ben, pero non quería a identificación que arrelaba. ¿Quen era eu? Hai quen non entende nin entenderá nunca este sentimento, pero para mi era unha traxedia non ser de ningures. Madrid, Toledo, Burgos, Berlin, Paris... pasaban os anos, pasaban os gobernos e non atopaba acougo en ningún sistema. Canto nos costou descobrir a nosa Terra dando voltas polo universo e os libros! De cando en vez voltaba cheo de preocupacións á miña terra de Trasalba e ¿que atopaba ali? Unha Galicia campesiña e asoballada xentes ignorantes, esquecidas de todos no seu curruncho, mentres eu andaba detrás da verdade dos libros, e aquello queimábame o peito cada vez máis. Ata que descubrin en Galicia a Patria da miña identidade.

#### Amor á Terra

O amor á terra somente se explica cun vencellamente absoluto ca terra. Eu sinto a chegada do verán, a chegada do inverno, a primavera, no meu sangue dantes que nos primeiros gromos. Pode por triste ou ledo con so abrir as fiestras pola maña. Podo chorar diante da natureza. Esto sábeno moi ben os labregos. Eu sentinme sempre labrego. A terra somos nós; vive medra esmorece con nos e nos con ela.

(Ramón Otero Pedrayo)

xeografía, historia, filosofía, arte, biografías, etc. superan os cincuenta títulos. O primeiro foi a súa moitas veces reeditada *Guía de Galicia*, polo ano 1926, logo viría outra ducia de libros sobre xeografía, o seu magnífico *Ensaimado histórico sobre a cultura gallega* e varios libros más de historia, biografías, etc. Os artículos en periódicos e xornais foron tantos, que xa Castelao dixerá que ninguén escribiría tantos como el; algunos foron recollidos en libros, pero moitos perdérónse, pois nos anos da dictadura franquista tivo que publicalos con pseudónimo (falso nome).

Pero o mais grave que lle ocorriu a obra de Otero foi que houbo mais xente que falara del, da que leu os seus escritos. Oxalá este *Ano de Otero Pedrayo*, sirva para que todos nos acheguemos a eses libros, algúns de linguaxe un pouco difícil pero dunha riqueza desbordante. ■

Victorino Pérez Prieto

## "A década prodixiosa"

**E** o nome dun grupo español de moda, que sen dúbida os mais novos coñecen ben. Pero "a década prodixiosa" é sobre todo un alcume que se lle puxo ós anos sesenta, o decenio mais cheo en acontecimentos da segunda mitade do noso século. Uns anos en que no mundo parecía que ia darse un cambio total, a mocidade despertaba coma unha forza que tiña algo que dicir nunha sociedade vella, e occidente parecía que entraba nunha nova era.

### Da "Revolución cultural" ó "La-la-la"

Foi 1968 o ano clave desa década: a revolución cultural na China comunista de Mao-Tse-Tung quería cambiar maneiras e xeitos de pensar no estado mais grande do mundo; Ho-Chi-Min abría camiños novos no Viet-Nam, onde os yankis camiñaban cara unha amarga e vergonzosa derrota; a guerrilla iniciada anos antes polo "Che" Guevara exténdese como regueiro de pólvora por toda América Latina; a astronave "Apollo VIII" levaba homes

por vez primeira ata aLua, e os xaponeses comenzan a asolagar o mundo cos transistores; é asesiñado en U.S.A. Robert Kennedy, que representaba a esperanza do cambio político na mais poderosa nación do mundo, tra-lo asesiñato do seu irmán o presidente John F.; tamén é asesiñado Martin Luther King, líder de revolta dos negros estadounidenses polos seus dereitos, e símbolo mundial da loita non violenta; pola sua banda, a Igrexa inicia o "aggiornamento", ou adaptación ó mundo, tralo concilio Vaticano II, e Pablo VI proclama os dereitos dos pobres na sua encíclica "Populorum Progressio"; entre os mozos causan delírio os Beatles e España gaña o festival de Eurovisión da man de Massiel.

### Cando os estudiantes quixeron cambia-lo mundo.

Pero é maio a data fundamental deste ano tan movidiño, da man de duas esperanzas frustradas: O Maio francés e a Primavera de Praga. Nesta última, os tanques rusos aplastaron

as ideas renovadoras dos checoslovacos, encabezados por Dubcek. Pola sua banda, nas ruas de París primeiro e logo nas de tódalas cidades universitarias do mundo occidental os estudantes viviron nesta primavera as mais fondas emocións dunha utopía renovadora, e as mais amargas frustracións de algo que non pudo ser. Querían cambia-lo mundo, traían ideas e proxectos novos cara un mundo de xusticia, solidariedade, amor e sobre todo de liberdade ("Prohibido prohibir"); chegaron a ocupá-la Bolsa parisina,... Pero atopáronse con que este vello mundo non deixaba doadamente as suas maneras e sobre todo o seu poder. Os estudiantes tiveron que conformarse con berrar: "Burgueses non comprendedes nada".

Pasaron xusto vinte anos. Foi unha fermosa utopía para a moitos de nós, utopia cantada por xeracións. Pero un absurdo para outros, un quebra-deiro de cabeza felizmente rematado para algúns, e para outros moitos... so aquello de que "a primavera a sangre altera", ou o de "xente nova e leña verde todo e fume". Pero, por iso, temblar temblaron mentras durou.

Victorino Pérez Prieto

### PARIS: MAIO DO 68



## François Mitterrand, presidente de Francia

**F**rancia ocupou nas semanas pasadas as primeiras páxinas de tódolos xornais e os lugares mais destacados nas informaciones de tódolos medios de comunicación. Non era para menos, no veciño e poderoso país elexian xefe de estado para outros sete anos. O 8 de maio despexouse a incógnita: François Mitterrand foi o candidato eleixido con más votos dos esperados.

### Un presidente socialista

O novo presidente é un socialista de 72 anos, licenciado en Dereito e Filosofía e Letras, abogado, periodista e escritor, ademais de político. Mitterrand chega por segunda vez á xefatura da República Francesa, acadando na V República un record que só conseguira o seu fundador, o xeneral Charles De Gaulle, a quen superaría no caso de acabar o seu mandato de sete anos.

François Mitterrand (*Partido Socialista Francés*) acadaba a máxima responsabilidade da República Francesa na segunda volta das eleccións presidenciais, conquerindo o 56% dos votos, en reñida loita con Jacques Chirac (*Reagrupamento para a República*) que conseguiu o 46%.

1981 fora o ano do primeiro trunfo de Mitterrand, facendo certo aquello de que "á terceira vai a vencida". Ese ano derrotou a Valéry Giscard d'Estaing, terceiro presidente da República, tras perder en ocasións anteriores contra o mesmo Giscard (1974) e contra o xeneral De Gaulle en 1965. Con esta victoria acabará a "cohabición" (ver recadro) entre socialistas e conservadores.

### Os derrotados

Jacques Chirac e o seu RPR representaban a esperanza da dereita, tras conseguir cerca do 20% dos votos na primeira volta, frente ó 35% de Mitterrand. Pero o gran derrotado foi o seu compaño de goberno, e primeiro ministro noutra ocasión, Raymond Barre; o seu partido (UDF) representaba a dereita mais moderada e antiracista, un certo "centrismo" que só acabou o 16.5% dos votos, quedando eliminado na primeira volta.

Na esquerda, aparte do trunfo dos socialistas, estas eleccións tiveron como dato mais significativo o gran baixón do Partido Comunista, que con só o 6.7% dos votos acudou os resultados mais cativos da sua historia. A causa parece ser claramente as súas divisións, tal como ocorreu cos comunistas españoles. Así, concorreron tamén ás eleccións comunistas "renovadores", a "extrema" esquerda e os trotskistas de "Loita Obreira". Caso aparte é o dos ecologistas, menos revolucionarios que os alemanes.



Le Pen: a ascensión da extrema dereita

Caso aparte merece a terceira forza da dereita: o Frente Nacional (FN) de Jean-Marie Le Pen. A extrema dereita non foi esta volta perdedora, senón unha rotunda trunfadora pola sua tremenda ascensión: en só catro anos pasou da nada a acadar un papel clave na política francesa, cos seus 4.3 millóns de votos (14.4%), convertíndose nun verdadeiro "terremoto político".

O seu líder Le Pen foi o "gran perturbador" destas eleccións e compartiu lugares destacados nas informaciones, á par que os dous grandes. Este "loiro demo francés", como lle chamou algún xornalista, representa o neofascismo, a volta dunha ideoloxía política de ultra-dereita (non en van cadra o nome do seu partido con FN de Blas Piñar, ben coñecido nos nosos lares). O seu é un ultranacionalismo que exalta a grandeza de Francia e os franceses ("chauvinismo") cun discurso primitivo, racista e que aboga pola expulsión dos extranxeiros ("xenofobia").

As razons deste trunfo -cun electorado que vai desde os desilusionados da dereita clásica, ata os obreiros que antes votaban comunista, e mesmo os labregos temerosos da CEE-, son interpretadas polos especialistas coma un "voto de castigo" contra a política e os políticos imperantes, e tamén como unha resposta á súa solución de que expulsando os extranxeiros habería traballo para tódolos franceses.

Victorino Pérez Prieto

### DOCUMENTACION

#### A V República


Desde a Revolución Francesa (1789) ata hoxe, Francia pasou por cinco repúblicas, marcadas a ritmo de revolución ou restauración. A primeira (1789-1804) acabou coa proclamación do Imperio por Napoleón Bonaparte. A segunda (1848-1851), amenceu coa revolución de 1848 e morreu coa proclamación do Segundo Imperio por Luis Napoleón. A terceira (1871-1940) apareceu tra-la revolta da Comuna de París caeu coa ocupación da mesma cidade polo nazis. A cuarta (1946-1958) comenzou tra-la victoria da II Guerra Mundial e morreu afogada polas crises gubernamentais, sobre todo pola de Arxelia.

A quinta foi creada polo xeneral Charles De Gaulle en 1958, quen redactou unha nova constitución, aprobada polos franceses ese ano en referéndum. De Gaulle foi o seu presidente en dous mandatos, ata 1969, en que dimitiu tra-los graves acontecementos da revolución estudiantil de maio do 68, e tras perder un referéndum que propóna reformas constitucionais. Sucedeuno Georges Pompidou, ata a sua morte en 1974. Logo foi eleixido Valéry Giscard d'Estaing, que ocupou o cargo ata 1981, cando foi derrotado por Mitterrand.

#### Unha república presidencial

Os 54 millóns de franceses teñen hoxe como sistema de goberno unha república na que o **presidente**, que é eleixido cada sete primaveras, exerce un poder real, non coma o rey en España. O xefe do estado é eleixido por sufraxio universal, pero a elección realiza normalmente a duas voltas, pois necesita a mayoría absoluta para ganhar á primeira volta, cousa que é moi difícil que se dea co sistema de partidos. A segunda volta so chegan os dous candidatos mais votados.

Tamén son eleixidos por sufraxio universal a **Asamblea** e o **Senado**. A primeira cada cinco anos e o segundo renóvase nun tercio cada tres anos. A asamblea é a que controla o **gobierno**, e como a sua elección é diferente da do presidente, pode ocurrir coma ocurriu en 1985 que o xefe de goberno e os ministros son contrarios ó presidente; foi o que se chamou "cohabición": un **presidente** socialista (F. Mitterrand) e un primeiro ministro conservador (J. Chirac), imposta por unha moción de censura gañada pola mayoría conservadora da Asamblea Nacional. Esta situación problemática solucionarase tra-las actuais eleccións, pois J. Chirac dimitiu e F. Mitterrand nombrou primeiro ministro a un do seu partido (Michel Rocard).



# IRMIA


i mos facendo memoria:  
recobrando o ser galego  
que esqueciamos.  
i mos sementando patria:  
man con man inxertandoa  
entre os veciños.  
i mos facendo outra historia:  
a favor dos rebaxados e  
oprimidos.

REVISTA QUINCENAL DE CRENTESES GALEGOS

ANO VIII

Nº 297, Xullo - Agosto 1988 - 50 pts.

## VERAN ¿PARA QUEN?



- Os caracoles, unha nova esperanza no eido da produción galega
- XI Romaxe: O Incio
- Alexandre Bóveda Iglesias, mártir da galeuidade cristiá

25 de Xullo  
DIA DA PATRIA GALEGA

### RUPTURA NA IGREXA O caso lefébvre

**F**oi noticia as semanas pasadas en todo o mundo; non podía ser menos: un novo *cisma* ou ruptura na Igrexa Católica despois de moitos anos do último. Ambolos dous foron ocasionados por non aceptar un Concilio; o anterior por culpa do Vaticano I, e este polo Vaticano II.

A ruptura viña protagonizada desta volta por un bispo francés que acaparou páxinas de xornais e revistas, ademais dos informativos da radio e a TV: *Marcel Lefébvre*. Pero este bispo e a sua comunidade de Ecône (Suiza) non tomaron tal decisión de romper coa comunión da Igrexa nun capricho pasaxeiro, nin por chocheira de vello, senón como froito dun longo proceso no que se tiveron que enfrentar coas altas xerarquías da Igrexa e a maior parte désta, non estiveron orfos, pois contaron co apoio de importantes sectores dessa mesma Igrexa en Francia e en todo o mundo occidental: a *Igrexa tradicional-integrista*, amante do estilo de outros tempos xa pasados, que non aceptou o ar novo que chegou co *Concilio Vaticano II*, que reformulara a fe sen perder as raíces.

Sí, o caso lefébvre non é un caso excepcional, aillado, senón a punta do novo que ten moito más detrás, anque non se vexa. Vese o seu seminario e as suas residencias, os seminaristas, os curas e os bispos recién ordenados, as relixiosas e os leigos "lefébrianos"; pero tamén están outros moitos clérigos, mesmo bispos, simpatizantes, e que están dacordo con el, anque non cheguen á ruptura. Lefebvre mesmo nunha ocasión falou ata de cardinais: "O noso aillamento é mais aparente que real. Numerosos bispos e polo menos unha decena de cardinais dixerónme que comparten as nosas posicións" (En "30 Giorni"). Pero hai mais, detrás de lefèbvre están sectores socio-políticos poderosos (velahí o apoio incondicional dos neofascistas franceses de Le Pen ás teses do arcebispo rebelde, e a acollida que recibiu en España hai 10

(Pasa a pág. 4)



## O CASO LEFEBVRE

anos, e agora mais), e están os cartos, jmoitos cartos! o poder económico da burguesía mais reaccionaria, verdadeiramente internacional (os "lefebvrianos" teñen xa 70 centros distribuídos por Europa e América). Porque Lefébvre representa un claro "baluarte anticomunista", con toda ambigüedad que conleva esta palabra para certos sectores sociais. Con razón falou Pepe Chao nun xornal do "Caso Lefébvre e outras febres" e F. Carballo, no anterior número de IRI-MIA, do "Síndrome Lefebvre".

### Unha historia que ven de vello

Marcel Lefébvre naceu en 1905 nunha cidade francesa na fronteira con Belxica, no seo dunha familia burguesa moi crente. Tras recibir unha rexa formación humanística e relixiosa, ós 18 anos decide a sua vida polo sacerdocio; vai estudar a Roma entre os anos 1923-1930, onde colle unha sólida formación escolástica nun ambiente dominado polo *antimodernismo*. O Papa Pío X condenara recentemente o pensamento "moder-nista", que pretendía actualizar a reflexión sobre a fe cristiá. Lefébvre non esquecerá estes comenzaos, e poñerá lle o nome de "Fraternidade de S. Pío X" á sua fundación sacerdotal. E en Roma onde por esas datas se pon en contacto co movemento integrista "Acción Francesa", que defendía a dictadura no político e o autoritarismo na Igrexa. Movemento que logo sería condenado polo Papa Pío XI.

En 1929 ordénase sacerdote e, tras doctorarse en teoloxía, decide facerse misionero, ingresando na *Congregación dos Misioneros do Espírito Santo*. Vai destinado ó Gabón (África) como profesor dos futuros curas indíxenas (negros). Ali pasa os anos da II Guerra Mundial (1939-1945), ó seu remate volve a Francia, onde é nombrado superior dunha das casas da Congregación. Así as cousas, en 1947 o Papa Pío XII nombró bispo de Dakar, no Senegal (África) e pouco despois chega a ser arcebispo e Delegado Apostólico para a África de lala francesa. Lefébvre despegá alí unha grande actividade misioneira, aunque sempre de corte colonialista e occi-

dental, sen ter en conta as peculiaridades e a autonomía deses países africanos. Mais coa morte de Pío XII (1959) as cousas comenzañ a cambiar nesta ascendente carreira.

Xoán XXIII convoca o *Concilio Vaticano II* nada más empezar o seu goberno, e inclúe ó arcebispo de Dakar na comisión central preparatoria; isto obliga a deixar a diocese africana e virse para Europa, sendo nombrado para unha pequena diocese francesa en 1962. A finais dese ano empeza o Concilio, e con el as críticas de Lefébvre á Igrexa. Estas críticas centráronse no que habían ser logo os seus puntos mais discutidos: a liberdade relixiosa (que chamou "o cabalo de Troia da Igrexa"), os escritos do Concilio que habían callar no "Decreto sobre a liberdade relixiosa", e a presencia da Igrexa no mundo actual, que sería logo unha das constitucións mais bonitas do Concilio. "A Igrexa e o mundo de hoxe". Cando remata o Concilio Lefébvre non quixo firmar estes documentos e seguiu coas suas críticas desde a prensa.

### Ecône e a "Fraternidade San Pío X" (1968 - 1988)

En 1968 é destituido como superior xeral da súa Congregación, por outra parte non pode voltar á sua diocese polas descalificacións que fixo

en público da Conferencia Episcopal Francesa. Marcha entón a Suiza, onde con 63 anos comeza a súa obra. O ano seguinte abre en Friburgo unha residencia para seminaristas, e en 1970 funda a *Fraternidade sacerdotal S. Pío X*, abrindo un Seminario en Ecône, onde ordena dous anos despois ós primeiros sacerdotes. Xurden as tensións cos bispos suizos e franceses, e comeza o aillamento da Igrexa oficial, pois Lefébvre non só critica o Concilio, senón tamén ó Papa Paulo VI. Empezan as chamadas a Roma, pero todo é un diálogo de xordos, pois el segue ordenando sacerdotes e abrindo novas residencias en Europa e América. Así, no ano 1976 é "suspensu a divinis", é dicir, incapacitado para exercer o ministerio sacerdotal. A comunicación con Roma chega a romperse totalmente.

Con Xoán Paulo I tampouco se entendeu. Pero coa chegada do actual Papa (1978) a causa semella cambiar; Lefébvre coincidira con el no Concilio, mesmo nos plantexamentos, e coidaba que se entenderian. El mesmo declara no ano 1979: "Na curia todo segue igual. O papa cambiou" (En "L'Avenir"). Pero o bispo rebelde segue a ordenar sacerdotes, a pesares da suspensión, anque agora coa tolerancia de Roma. Mais en Xaneiro dese ano amenaza con consagrar novos bispos, e isto xa era demasiado para Roma.

### Os cismas do século XX

Un cisma ocorre cando un bispo rompe oficialmente co Papa e consagra novos bispos. Na historia da Igrexa (2000 anos) houbo numerosos cismas ou rupturas, anque so se contan os "grandes", como o que tivo lugar no ano 1054 entre os *latinos* (católicos) e os *gregos* (ortodoxos), que deu lugar a unha nova Igrexa na cristianidade oriental; ou o que tivo lugar cinco séculos despois coa separación dos *luteranos*, *calvinistas* e *anglicanos* (Igrexa de Inglaterra).

Nos últimos cen anos, o único cisma importante foi o ocasionado tra-lo Concilio Vaticano I (1870), cando algúns bispos centro-europeos negáronse a aceptar a *infalibilidade* do Papa, e ordenaron novos bispos; estes disidentes chamáronse *pri-mero veterocatólicos* e logo *cristocatólicos*. De menos importancia foi o ocasionado coa *Igrexa de Checoslovaquia* (1920) por razóns disciplinares, e o da *Igrexa "nacional" china* (1950) coa revolución maoista.

### Os últimos acontecementos (Xaneiro - Xuño 1988)

En declaracions á prensa francesa, Lefébvre amenaza con facer novos bispos, se Roma non atende ás suas demandas de revisar o Concilio, nombrar bispos da "Fraternidade", e convertir ésta en "prelatura persoal" (co que se desvincularía, xa oficialmente, dos bispos diocesanos). Quere nombrar polo menos catro bispos, deles dous para América, para asegurar a sua sucesión -dixo en roda de prensa-, mesmo no caso de que "os comunistas invadan Europa".

E así o fixo, o pasado 30 de xuño o bispo rebelde consagraba catro novos bispos sen contar coa autoridade do Papa, co que consumaba un novo cisma na Igrexa Católica, e quedaba



O bispo rebelde cos seus curas e seminaristas

automaticamente excomulgado (fora da comunión coa Igrexa) tal como se lle dixera repetidas veces

#### A ruptura non veu pola esquerda

O caso Lefebvre fainos revaloriza-lo feito de vivir en comunidade, en comunidade xerárquica -aunque moitas veces sexa moi duro-, pois é un gran don que possibilita os camiños da fe e do recoñecemento da presencia de Deus noutras persoas sobre todo no Papa. O cisma Lefebre recórdano-lo duro que pode ser o camiño da comunión eclesial, pero fálen a sua necesidade. Os camiños do Cisma e a ruptura non parecen ser os más válidos para ser fieis ó Evanxelio.

Que distintiva postura do integrista M. Lefebvre a do "progressista" Leonardo Boff! O primeiro, a pesar das súas afinidades coa dirección da Igrexa, a pesares dos amigos no Vaticano (bispos que loitaron con el no Concilio polas mesmas ideas), non foi capaz de seguir na comunión coa Igrexa, anque fora cedendo so unha miguina de autoridade. O segundo -franciscano e teólogo- alurou con dignidade críticas inxustas e descalificacions calumniosas, chegando a pronunciar aquela memorable frase: "Prefiro equivocarme coa Igrexa, que caminar na verdade so' claro que detrás del non estaban uns cantos curas integristas e un grupo de burgueses mais ou menos numeroso, senón os miles e miles dos centos de comunidades cristianas de base que finan o xenuino sello do evanxelio: os pobres".

Coa mesma liberdade e humildade de Boff, estivo tamén no mes pasado en Roma outro bispo ben distinto de Lefebvre: o papa Casaldaliga, bispo dunha pequena diocese do Brasil a quem non lle gusta que o chamen Monseñor. En Roma o bispo Casaldaliga dixo o que tiña que dizer sen botarse atrás nas suas críticas contra a grandiosidade e ostentación romana -tan lonxe da pobreza do Evanxelio- contra a sua incomprendición das Igrexas perifericas e as loitas dos pobres -pero dixo coa mesma sinxelezía, que el non tina problemas coa comunión na Igrexa. ("Que somos nós sen a Igrexa?" -dixo, nem siquera problemas de fe, anque discrepe de algúns opnions teológicas).

Nom, a ruptura na Igrexa non vai vir pola esquerda. Cando se enteraran en Roma!

Victorino Pérez Prieto

## Cousas miudas



Por Eliseo Miguelez

**A** verdade é que non sabia por onde empezar. En principio pensaba comentar algo cotián que me tiña chamado a atención. Acontecementos de certa gravidade tentáronme a expoñelo meu punto de vista sobre deles, mais ó final acordei volver ó principio. Deixaremos para máis adiante, para un momento de máis sosego, o comentario de cousas graves.

Xa saben todos vostedes que un factor fundamental para ter éxito nos estudos é o que se chama motivación, é dicir, ter unha razón pola que estudiar. Con frecuencia, cando os nenos son ainda picariños, o seu entendemento non alcanza a comprenderlo proveitoso que é aplicarse agora nos estudos para o seu porvir. Esa insuficiencia dos nosos fillos, causada pola pouca experiencia da vida, suplímola os pais transmitíndolle mensaxes adecuados, coméndolle coco como din agora os rapaces.

Tódolos días, cando estou a rematar de facela barba, hai un señor na radio autonómica galega que coordena dende Santiago a información meteorolóxica que proporcionan os correspondentes espallados polos puntos más importantes (polo nº de habitantes) de Galicia. Algún deles, por certo, debe ter subcorrespondencias porque dar dan as temperaturas da mañá e mais o tempo que está a facer no momento da retransmisión de case todo o país. Poucos recunchos quedarán sen tocar, e iso está francamente ben.

O malo é que ese locutor ou periodista, que para o caso tanto tén, nin fala correctamente o galego... nin sabe xeografía. Cando principia a súa actuación para el en Galicia non hai amencer senón "amanecer"; os graos de temperatura que nos proporcionan dende Lugo, A Coruña, Ourense ou Mondoñedo, dende A Fonsagrada ou Pontevedra, dende Celanova ou Vigo, para el convértense en "grados" cando nos dá a temperatura de Santiago.

O peor é que esos errores non son dun dia. Calquera de nos pode ter semellantes ou ainda peores deslices, pero unha cousa é escribir para un medio con poucos possibles coma por exemplo IRIMIA, que non pode pagar ós colaboradores nin tampouco a profesionais a tempo pleno, e outra ser un comunicador oral, vivir da palabra, ser un profesional da radio, e dunha radio que tén ou debería ter lingüistas para asesorar e corrixir. Se estes existen e cumplen ben o seu cometido, suspenso para o comunicador que debería ser cesado de inmediato; en caso contrario, tería tanta culpa a emisora (é dicir, os cargos que teñen poder de designar ás persoas para os distintos cometidos) e os que deberían cesar son outros.

## As publicacións periódicas de Igrexa na Galicia

Cando IRIMIA se presentou humildemente na VI Romaxe de Cren tes Galegos aló polo Setembro do 1981, unha longa historia de proxectos, logros e frustracións a precedian no eido das publicacións que se autoproplican "crentes" (católicas), ou "de Igrexa", en Galicia Velaquí polo que a súa acollida foi entusiasta por parte dos sectores mais galeguistas da Igrexa, anque este entusiasmo non se traducira logo nun progresivo aumento de suscripcións, estancadas praticamente desde hai anos.

Non moi lonxe quedaba o inicio da que chegaria de contado a ser unha publicación de prestixio: *Encrucillada*, herdeira daquela outra de grata memoria que marcará un fito no periodismo galego. Logos, morta co estrondo da Guerra Civil (1936) e que durou cinco anos. Esta última subtítulabase "Revista de cultura religiosa" e a primeira -con criterio máis moderno- "Revista galega de pensamento cristian" *Encrucillada*, que publica cinco numeros de más de 100 páx. ó ano, celebrou o seu 10º aniversario en 1986, E que cumpla moitos máis!

Nese eido das publicacións crentes más de elite cómpre sinalar tamén outras tres revistas galegas. En primeiro lugar *Compostela num*, revista de investigación histórica e teoloxica publicada polo Centro de Estudos Xacobeos, e fundada en 1956 polo Cardeal Arcebispo de Santiago Fernando Quiroga Palacios. Trátase dunha revista de publicación anual, o mesmo que *Estudios Mindonienses*, ésta da diocese de Mondoñedo-Ferrol, que aparece no ano 1985. Finalmente, *Lumieira*, revista de teoloxía pastoral feita desde Galicia, pero cunha ambigüidade que a fai escasamente galega, aparecida hai uns tres anos, a sua periodicidade e irregular e o formato e de tipo libresco coma o das anteriores.

Non é este, evidentemente, o campo de IRIMIA, revista que se define "crente" ou cristian, anque de amplio espectro e de información xeral, na que colaboran xente moi dispar, o seu carácter e eminentemente popular e cun claro compromiso galeguista e londa vocación de chegar á xente máis sinxela. O seu precedente más inmediato foi *Boa Nova*, de cujos promotores saiu tamén IRIMIA; era aquela unha folla dominical que se repartía nas igrexas, e que tiña un talante galeguista e progresista, a pesares do cal acabou amplia difusión, unida ó "Material para a homilia e a catequese" que o acompañaba. Actualmente é *Badal*, publicación de carácter litúrxico, quen colleu o seu testigo na difícil tarefa de normalizar o galego nas celebracións da Igrexa; Deus lle conserve o ánimo!

Outra publicación de feliz memoria, da que é tamén debedora IRIMIA nalgúnha medida, foi o Boletín interparroquial *Fátima*, elaborado dacabalo entre Santiago e A Coruña. De formato semellante ó de IRIMIA, anque a unha soa cor, foi sen dúbida o más digno dos numerosos boletins parroquiais que se publicaron e seguén a publicarse en Galicia. Certamente as publicacións de Igrexa que podíamos denominar "menores" son numerosas en Galicia, sobre todo as follas parroquiais; a maioría son de claro talante conservador, por non decir reaccionario. Anque hai dignas excepcións coma a Folla interparroquial *Tambo*, publicada en Pontevedra totalmente en galego, coma *Fátima*, moi contrariamente ó que adoita ser habitual.


E claro, polo que se ve, que o periodismo de Igrexa non ten precisamente moita amplitude en Galicia, nin squera en castelán; algúns intentos oficialistas coma *Petrus*, argallada no ano 1982 para anima-la visita do Papa a Santiago, e logo con vontade de continuidade, non coallaron a pesares de dispoñer dos medios económicos



**Boa Nova, Encrucillada e IRIMIA, tres esforzos para un mesmo fin**



### PAPAS E HOMES TAMEN




O exemplo de *Fátima* e *Tambo* foi seguido por moi poucos.

*Pobo de Deus* e outra publicación de Igrexa feita en A Coruña, tamén de moderados plantexamentos, e maiormente feita en castelán a pesares do título, a sua difusión circunscribese á cidade herculina.

IRIMIA a pesares da súa cativeza de medios é hoxe por hoxe a única publicación periódica de Igrexa con carácter popular estable. Que veñan más pero galegas e populares

**Victorino Pérez**

## As eleccións en U.S.A.



### Unha democracia non tan democrática

Os EE. UU. gábanse de ter a democracia máis vella e estable, pero o certo é que a súa democracia non é tal. Aquello de que nese país calquera pode ser presidente é un conto, pois a presidencia e a democracia en xeral dependen totalmente do poder bancario, el é o que custodia todo o xogo político, marcando permanentemente os límites da democracia americana.


Unha prestixiosa revista dese país, Newsweek, falaba recentemente de que as eleccións presidenciais están en crise, pois se nos primeiros tempos votaban o 80 por cen, hoxe, con mais medios de comunicacións, vota a metade. Ela mesma daba a explicación: "Os actuais procesos electorais, non importa o intencionados que sexan, dun tempo para aquí son cerrados e pouco democráticos".

### Vender un presidente

Un índice desta realidade falsamente democrática é o que se chamou "eleccións por ordenador" ou "democracia electrónica", na que o único importante dun candidato sería o impacto visual, máis que a mensaxe. Nixon foi o primeiro, anque xa Kennedy abriu a porta, pero foron Reagan e o seu equipo os que "eleva-

ron á categoría de arte" o manexo da televisión, convertindo as eleccións presidenciais no "gran xogo de video americano". O meirande problema do equipo electoral e post-electoral era buscar a frase do dia e fabricala para lanzala coma noticia en todos os medios de comunicación, vendéndoala coma se vende un deterxente ou unha pasta de dentes. Na última campaña isto chegou a convertila nunha verdadeira guerra suxa de ataques rastreiros entre os candidatos.

Dixose más dunha vez que a diferenza entre republicanos e democratas era semellante á que había entre



Tres candidatos e un ganador.  
o da Banca e a Patronal

Coca-Cola e Pepsi-Cola, pero a mensaxe de Bush e Dukakis tiña certamente notables diferencias. Mentre o primeiro dícia claro que ia seguir coa filosofía reaganista de non subir os impostos, recortar os gastos sociais, apoio claro á "contra" nicaragua e á "guerra das galaxias"; Dukakis opúñase claramente tamén a estes apoios e mostrábase partidario de aumentar os gastos sociais. Mais en derradeiro termo, a mensaxe era o de menos, e os cartos apostaron por Bush.

### O proceso electoral

Ainda hai máis, as eleccións USA resultan antidemocráticas para moitos tamén polo mesmo proceso electoral, que distorsiona a realidade das mesmas eleccións e fai que non todos os votos sexan iguais. Segundo este sistema, longo e complexo, a cada un dos estados correspónelle certa cantidade de votos electorais en función da súa representación parlamentaria determinada polo número de habitantes. Votos que son para acadar os 538 compromisarios representantes dos 50 estados, que son os que realmente elexirán ó presidente próximo 19 de Decembro. Mais a "regra da unidade" concede todos os votos dun estado ó candidato que acade a maioria simple; así, un candidato que trunfe por un so voto en California obtén 47 votos, mentres outro que arrase en Dakota, Delaware, Wyoming..., conseguiría 12 por todos.

O día clave é o *supermartes*, pois desde hai moitos anos a elección do candidato é sempre "o primeiro martes despois do primeiro luns de Novembro". Pero o longo proceso electoral ten varias etapas diferenciadas:

1ª.- Selección de delegados e representantes según os diversos partidos nas "caucuses" e primarias. Período que dura varios meses.

2ª. Búsqueda dun candidato definitivo das "Convención nacionais" de cada partido.

3º Campaña electoral dos candidatos eleitos para a presidencia

4º Dia das eleccións. Anque o candidato non será propriamente elexido no acto, senón mes e medio despois.

Victorino Pérez

## Os americanos volven apostar por Reagan

**G**eorge Bush, exdirector da tristemente famosa CIA (aparato de espionaxe e información do goberno USA) vai se-lo 41 presidente dos EE. UU., o home máis poderoso da terra.

Nunhas eleccións nas que non votaron a metade dos electores, o vicepresidente de Reagan e lexítimo herdeiro espiritual, gañoulle a partida ó seu oponente Dukakis coa abstención máis alta das últimas décadas. Os norteamericanos que foron votar, satisfeitos coa situación actual, preferiron apostar polo reaganismo que polo tímidio cambio que representaba o ex-profesor e ex-gobernador Dukakis. Este presentárase coma defensor da causa das clases medias e baixas, das clases traballadoras, pero os pobres non votan en Estados Unidos.

En realidade, as diferencias entre o elefante republicano e o burro demócrata (símbolos dos dous únicos partidos que dende hai moitos anos poden acceder na práctica á presidencia USA) son cativas. Ambos dependen de papá dólar, dos medios financeiros, pois sen o seu apoio é imposible competir pola presidencia con mínimas posibilidades de éxito. O verdadeiro partido gañador nos EE.UU. é sempre o "partido da propiedade" como o chamou un analista. Un partido ó que pertencen ámbolos dous candidatos: Bush é fillo dun banqueiro de Wall Street e adiñeirado negociante de petroleos, e Dukakis ven dunha familia tamén multimillonaria. Un partido que en definitiva apostou pola continuidade da política monetarista de Reagan e a súa concepción imperial que leva consigo o custe de enormes gastos militares, de rebaixas fiscais para os aposentados e ricos e de meirande desamparo para os empobrecidos.

V.P.

## EE.UU. un país de contrastes einxusticias

**E**stados Unidos de Norteamérica é un país de contrastes. Non é de extrañar, pois el só é meirande que tódolos estados de Europa xuntos (sen contar a extensa e oriental Siberia rusa). Os seus 9 millóns largos de Km<sup>2</sup> acollen a unha poboación de mais de 245 millóns de habitantes, distribuídos nos 50 estados da Unión (dous deles fora do continente: Alaska e Hawai)

O Produto Interior Bruto (PIB) foi en 1987 de 4.500 billóns de dólares, (os billóns en dólares son 1000 millóns non un millón de millóns) debidos en gran parte a unha ducia de empresas que teñen unha facturación anual superior ós 40.000 millones de dólares. Non fai falla dicir que estas empresas son tamén as meirandes multinacionais do mundo: General Motors (automóbil), Exxon (petroleo), Mobil Oil (petroleo), Ford Motors (automóbil), IBM (informática) e Texaco (petroleo).

Os contrastes non só veñen marcados polas diferencias xeográficas e humanas (etnias, llinguas, relixións, etc.) senón tamén polas tremendas diferencias sociais que van do derroche á pobreza, facendo desta "patria da liberdade" unha das sociedades máis clasistas do mundo. Un prestixioso diario norteamericano, o Washington Post, sinalaba recentemente que un 5 por cen dos cidadáns americanos con renda máis alta perciben máis ingresos que o 40 por cen; e o 1 por cen acumula máis riqueza que o 90 por cen. Desta maneira, o país

máis rico da Terra, ten máis pobres que toda a poboación española. E para quen fale de que iso da pobreza é relativo, pois os pobres norteamericanos serían ricos aquí, dicímoslle se lle gostaría verse no pelexo dos 20.000 cidadáns que diariamente acuden en Washington ós comedores de caridade pois non teñen para subsistir; ou os 15.000 que reciben comida e hospedaxe das institucións de caridade nunha cidade máis pequena coma Filadelfia; ou os 40.000 veciños que viven sen teito na cidade de Nova Iorque, escaparate da prosperidade capitalista. Nun país de abundancia, máis de dous millóns de persoas viven na rúa (familias enteiras e mesmo traballadores brancos, reconécese M. Castells en *El País*) e un de cada catro nenos viven na pobreza.

Cando a estes reveladores datos se lles contrapón o derroche armamentista de millóns diarios de dólares, ou o derroche consumista das clases privilexiadas, ou os miles de millóns dunhas eleccións falsa, o partido republicano (no poder por terceira vez) contesta que o déficit presupuestario que padece o país está causado polos gastos da seguridade social! (fortemente recortada polo presidente Reagan). Non é de extrañar que o comentarista político citado máis arriba diga que "a principal herencia socio-política do reaganismo é a radicalización da sociedade de clases... O posreaganismo revelará o coste social e político do soño liberal".

V.P.

XAQUIN MARIN

### AQUÍ SI QUE TE ENTIENDE ESCOLLER



## A "Declaración de Colonia": Un grupo de teólogos critican aspectos da vida da Igrexa

Mais de 170 teólogos -anque algún medio reduce o número- fixeron hai unhas semanas unha declaración pública, da que de seguida se fixeron eco os medios de comunicación, na que manifestaban o seu descontento por unha serie de feitos que constatán na Igrexa católica hoxe. A importancia de tal declaración ven dada tanto polos temas que abordan, coma polo prestixio de quen a firman. Nomes tan destacados coma o polémico teólogo alemán Hans Kung, o dominico holandés Edward Schillebeeckx (posiblemente o teólogo de mais tallana actualidade) o tamén prestixioso J. B. Metz (pai da "teoloxía política"), e o home clave na renovación moderna da teoloxía moral Bernard Haring.

Os temas que abordan agrúpanse en varios núcleos. En primeiro lugar os *nomeamentos de bispos*, feitos de maneira demasiado unilateral por parte da Curia Romana, "despreciando as candidaturas das igrexas particulares" -din-; denuncian de paso o papel nefasto das *nunciaturas*, ou embaixadas do Vaticano en cada país, que cada vez se meten e controlan mais estes nomeamentos; e denuncian tamén esa velada esixencia de obediencia cega ó Papa que se lles pide ós bispos. En segundo lugar está o nomeamento dos *profesores de teoloxía das Universidades católicas*, negándose a posibilidade de ensinar a teólogos moi cualificados, como temos dado noticia xa nestas páginas; interpretase coma unha "intromisión peligrosa na liberdade de investigación e ensinanza", e destácase igualmente que non tódalas doutrinas da Igrexa son igualmente certas e intocables desde o punto de vista teológico. Finalmente, denúnciase o "intent teológico de exacerbar de modo intolerable a competencia maxisterial do Papa" e a sua xurisdicción e disciplina; destácase o feito de sacar conclusións discutibles que se teñen por absolutas en materia de control da natalidade, ponéndoas á altura dos "pilares fundamentais da fe cristiana". Rematan confessando con tristura como a Igrexa foi pasando de pobo peregrino en relación viva coa base a cidade asediada que fortifica as súas defensas".

A declaración foi contestada de seguido por certos sectores coma "denuncia absurda" e "panfleto infame" ou "agasallo envenenado ó Papa" nos 10 anos de pontificado. Pero, visto o texto, non semella tan desacertado, e toca temas que están na boca de calquier cristián que non "pasa" da Igrexa nin di Amén de forma acrítica a todo o que ven de Roma, que non está certamente á altura da Palabra de Deus, como demasiadas veces semella afirmarse; e, en todo caso, o Maxisterio da Igrexa non ten todo o mesmo valor como calquier católico formado sabe moi ben. O asedio ós teólogos, que se respira desde hai tempo, cheira a inquisición, por moito que se disfraze de outras cousas.

Victorino Pérez Prieto

## Unha boa noticia

Por Miguel Anxo Araújo Iglesias

**S**empre resulta agradable dar boas noticias. Por desgracia non son moitas as que se poden dar nestes tempos, pero hoxe eu teño unha que quero comunicárla ós lectores de IRIMIA. Tódolos que levamos tempo traballando pola introdución da nosa lingua galega na liturxia e na vida oficial da nosa Igrexa témola experiencia de que son moi poucas as boas noticias que xorden neste campo. Sen embargo hoxe hai unha.

Hai un mes, máis ou menos, o señor bispo de Ourense, don Xosé Diéguez Reboreda, publicou unha carta breve para os seus sacerdotes na que lles amosaba o seu desejo dunha meirande galeguización da liturxia, unha vez publicado o Misal Romano na nosa lingua, e cando o mesmo Presidente da Diputación Provincial acababa de regalarlle cen exemplares do mesmo.

Pero hai algo máis. O señor Bispo quixo ser consciente e dar exemplo de compromiso coa lingua galega. Acaba de organizar un cursiño de lingua galega para todo o persoal da curia diocesana, delegacións, secretariados e demais sacerdotes que queíran asistir. Este cursiño dáo Primitivo Iglesias Sierra, un dos autores do Diccionario Xerais da Lingua, a quem sen dúbida lembrarán moitos ex-alumnos do Seminario de Monforte. E un dos alumnos asiduos a estas clases é o propio monseñor Dieguez Reboreda.

A finalidade deste cursiño é que, non só na liturxia, senón tamén na vida oficial da Curia diocesana se vaia introducindo o uso da lingua galega, pois se na liturxia se vai facendo algo, neste outro campo podemos afirmar que estamos a bravo. Abonda le-los Boletins Oficiais das cinco dióceses galegas para decatámonos dunha total ausencia do galego.

Coido que xestos coma este do señor Bispo de Ourense son necesarios e ata urxentes se queremos que a inculcación da nosa Igrexa non se quede tan só en palabras fermosas ou nunha traducción e publicación dalgúns textos litúrxicos. A xente está cansa de palabras e xa non cre nelas, se non as ve sulinadas por realidades e compromisos reais, anque sexan tan sínxelos coma este.

Eu non sei se os lectores se decatarán do que significa que un fato de trinta ou corenta curas, baixo a iniciativa e a presencia do seu Bispo, se xuntan tódalas tardes para aprender un pouco mellor a súa lingua, coma instrumento dunha evanxelización máis encarnada. Por aquí anda o Espírito de Pentecostés, o Espírito de Xesús.

E quixeramos, naturalmente, que este exemplo sexa recollido e aceptado polas outras dióceses galegas. Eu lles diría a esas, que estean atentas ó Espírito que está marcando estes vieiros, e sobre todo a algunas, que o problema da lingua non é unha cousa accidental na presentación da mensaxe evanxélica, pois o Verbo faiuse palabra na linguaxe de cada quen, e así o comprenderon os apóstolos, seguindo o exemplo do mesmo Xesús. ¿Cando nos convenceremos desto e de todo o que isto implica, e nos deixaremos de andar armando "trangalladas" que non lle din nada á xente?

## Presentada na XII Romaxe a Biblia galega



### Texto da presentación da Biblia galega, lido na XII Romaxe

A ti, Señor Deus,  
ofrecémosche este Libro da Vida  
devolvéndoselo no noso idioma  
a Palabra eterna por ti pronunciada  
na nosa historia.

O libro no que os escribas de Israel  
e os evanxelistas da nosa Igrexa  
interpretaron,  
empurrados pola之力 profética do Espírito  
a historia do teu pobo elixido,  
e o nacemento do verdadeiro e novo Israel,  
a Igrexa de Cristo.

Devolvémosche  
a Palabra con que ti nos agasallaches  
encarnada na nosa lingua,  
orfa ata onte de liturxia galega,  
orfa ata hoxe de manterza bíblica.

Queremos que este Libro  
se vaia facendo vello e familiar,  
a carón das nosas lareiras,  
e medre connosco  
a presencia do teu Cristo.

Abraiados polo arrepío incendiario deste  
verán,  
pedimos que o furor tráxico do lume  
non siga apagando a voz dos rumorosos  
poboación dos nosos montes,  
esperanza dos nosos fillos.

Que este Libro sirva para pacificar  
creando irmandade  
e que aprendámo-lo camiño da cruz  
antes có dos nosos intereses,  
para que non haxa máis lume  
có que da quentura ós nosos fogares.

E que esta nena, Carmela,  
que agora imos bautizar  
ante tantos romeiros coma testemuña da fe  
abra os ollos á mensaxe que deste libro deita.

Que este bautizo sexa semente humana,  
hoxe no Ancoradouro,  
como foron os castiñeiros de O Incio  
semente de árbores  
para que esta terra non chore máis  
polos montes queimados,  
e deixe de bagoar  
polos seus fillos frustrados.

Amén.

Xose Chao Rego

Victorino Pérez Prieto

Nunca é tarde se a dita e boal deixa  
refran. E neste caso polo menos é certo. Olamente longo aplauso que os participantes da Romaxe lle dedicaron á Biblia galega quando foi presentada por un alto cargo de SEPT expresava esto as claras. A emoción palpábase no ambiente. Houbo choros de ledicia. Houbo Vivas a gritos. Foi un ben expresivo xesto do esperanzador tema desle ano. Anchoredos no futuro agorá coa equipaxe excepcional da Palabra de Deus integrá e dignamente vertida na nosa lingua.

Fora un dos elementos da celebración deste ano, a beira da praia del Larnio, nun fermoso pineiral que acolleu garnosos romeiros como xa acollerá toda a semana anterior os mozos da acampada. No estrado estaban ademais do cura que presidiu a eucaristía e os fieis amigos de Sarabas que animaron a

celebración este ano, tres membros de excepción: un *Rock* representando a Igrexa a través do que representaba a Galicia como noutras ocasións, e a *rock*, representante dunha Igrexa que apostaría claramente polo futuro. Tra-lo dialogo destes tres elementos co pobo, a presentación da Biblia rematou cunha solemne procesión presidida por esta

A participación popular foi semellante a dos outros anos, aunque quizais algo menos, por falla dun adequadu marketing e un mínimo aparato propagandístico ou anunciativo. Comprára telo en conta para sucesivas edicións. Porque a Romaxe sigue viva e con molto impetu e futuro. Este ano anunciouse xa a proxima que será no monte de San Roque perto de Viveiro, se Deus permite que chequemos todos alo.

Victorino Pérez Prieto



# JESUS MAR TIN, PIONEIRO DA H.O.A.C.

## Un cura vasco, de rai gaños obreiros e querencias galegas

O primeiro que chama a atención en Jesús Martín é a súa ollada serea e pacificadora; pero de seguida a un vánsele os ollos cara ás súas mans, unhas mans enormes de "pelotari", deformes dos tremendos golpes contra a maziza pelota basca; e o seu corpo desgarbado e rexo, a pesar de ir camiño dos setenta. Pero o mais grande de Jesús non é o seu corpo, senón o seu espírito e a súa vontade de entrega á causa do Evanxeo feito carne entre os obreiros. É a historia viva da HOAC (Irmandade Obreira de Acción Católica), e quen a fixo rexurdir de novo en Galicia, no Ferrol dos contrastes e a reconversión brutal.

Jesús Martín vaise da nosa Terra, tras dez anos de actividade ininterrumpida a golpe de zapatilla e coa súa vella carreira por toda equipaxe. De Ferrol a Ourense, a Vigo, a Cervo, semana tras semana, ano tras ano. Vaise ó ermo extremeño, pero deixa aquí bos amigos e bos militantes cristiáns obreiros. Deixa xermelos de vida.

**— Jesús, ¿que é a HOAC? ¿Que é o mais definitorio dela?**

— Un Movemento apostólico para a evanxelización do mundo obreiro. O más característico dela é asimilar todo o que é o mundo obreiro, encarnándose na súa vida e tratando de comprometerse en todo o que precisa a clase obreira. E desde ali leva-lo Evanxeo como Boa Nova para os pobres. E iso facéndoo os mesmos obreiros, non mediante un paternalismo, senón mediante os apóstoles obreiros.

**— Levas na HOAC desde 1946, prácticamente desde que se fundou. ¿Qué lembras daqueles tempos?**

— A HOAC comenzou en Setembro de 1946. Eu estaba daquela no seminario de Vitoria e coñecía a seminaristas que trataban ós iniciadores da HOAC en Bilbao e en España. Ali dinme de conta de que era unha moi boa resposta para o mundo obreiro, pois respondía ás súas aspiracións e leváballe a mensaxe do Evanxeo, coma Boa Nova.

Bastantes daqueles iniciadores eran conversos

de posiciones laicas. Viñan do Partido Comunista, dos Anarquistas da CNT, etc. Dirixentes importantes, como Paco Mera, do Comité Central do PC, ou Ramón Quintanilla, xefe dos pioneiros obreiros de Euskadi. Entusiasmáronse polo Evanxeo e convertéronse nos apóstolos máis firmes da Igrexa no seu tempo.

**— ¿Tí non es tamén un converso?**

— Ben, a medias. Meus pais eran obreiros e cristiáns. Eu fun ó Seminario despois da mili, e alí descubrín ó Cristo obreiro, entusiásmeime coa súa persoa: algo radical que enganchaba coas miñas raíces obreiras, e que me colleu completamente.

**— ¿Qué representa para ti Guillermo Rovirosa?**

— Coñecino o ano 1955, nun cursiño apostólico para obreiros, en Bilbao. Eu xa levaba dez anos na HOAC, ia ás reunións da comisión diocesana de Bilbao, lia o Boletín da HOAC ("Tu"), que era sobre todo obra súa, unha publicación que transparentaba un tremendo espírito evanxélico encarnado no mundo obreiro.



**— Oín que algún cura se convertera realmente en cura, descubrindo a verdadeira dimensión da súa vocación, gracias a Rovirosa, un leigo, un obreiro.**

— Guillermo Rovirosa era un místico cristián. Chegou ata o fondo do Evanxeo e ensinounos a ser cristiáns. Para min foi coma un susto: como tiña unha fonda relación a vida concreta de cada día co Evanxeo, e había que vivilo Evanxeo na vida concreta, non nas nubes.

**— Outro persoero fundamental da HOAC foi Tomás Malagón ¿que lembras del?**

— Coñecín a Malagón nalgún cursiño da HOAC, xa de sacerdote, polos anos 50 tamén. Era un sacerdote moi intelixente, pero que pronto tomou a opción polos pobres, polo mundo obreiro. Foi quem estructurou realmente a HOAC. Filósofo, teólogo, historiador; fora cóengo e exerceu a docencia, pero foi deixando todo para entregarse totalmente á HOAC, creando métodos novos para leva-lo Evanxeo ós obreiros.

**— Malagón e Rovirosa foron destituidos dos seus**

**cargos na HOAC pola xerarquia da Igrexa, con pouca diferencia de tempo. ¿Qué nos podes decir deses anos tremendos da HOAC, a primeira mitade dos 60?**

— A situación veu creada por varias circunstancias. A hostilidade do réxime franquista que se sentía atacado polo seu aliado meirande que era a Igrexa, e tamén a hostilidade da xerarquia eclesiástica, que non comprendía a unión que facía a HOAC entre as lexitimas aspiracións obreiras e o Evanxeo, a loita pola defensa dos dereitos dos traballadores e o compromiso cristián. Rovirosa entendérao moi ben, porque estivera na cadea por se-lo presidente do comité de empresa da sua fábrica. O Estado sabía o tremendo poder da HOAC, que entre ela e a JOC xuntaban máis militantes que a Falange e tódolos partidos da oposición xuntos. (máis de 20.000 militantes) por iso lle tiña medo.

Pero tamén influiu que os militantes da HOAC deixáronse deslumbrar polas análises marxistas e a organización de sindicatos e partidos, perdendo a súa

orixinalidade, e perdendo forza.

**— ¿Cando apareciches tí por Galicia e en que circunstancias?**

— Eu estiven iniciando a HOAC en Sevilla desde o 69 ó 79; fora despois de estar moitos anos nun barrio de Bilbao. Cando vin que despois de dez anos a HOAC de Sevilla funcionaba e xa había moitos militantes capaces de facela avanzar por Andalucía, decidinme ir "fundar" ou animar a outro sitio. Vin a Galicia, porque xa coñecía galegos de Bilbao, obreiros emigrantes. Coñecía a Alfonso Gil e pedinlle que me buscara sitio...

**— E aparcaches en Ferrol, na parroquia de Piñeiros, por obra e gracia de Don Miguel Anxo Araújo, como outros... ¿Como atopaches a situación obreira en Ferrol?**

— No ano 79 quedaban na HOAC "os últimos de Filipinas": Angel Leira, Juan Silva e Alfonso Gil; tiñan unha certa relación coa HOAC motivada sobre todo pola editorial ZYX, que sufrira un atentado que destruíu o seu depósito de libros no ano 1974. Vin en Setembro e ó mes seguinte



xa me tiña preparado Alfonso un grupo para iniciar, xente de varias parroquias que nos reuniamos no Socorro. Pouco a pouco foron xurdindo grupos en Caranza e no Alto do Castaño, algúns intentos frustráronse, pero outros seguiron ata hoxe.

**— ¿Cal é a situación actual? ¿Cantos grupos existen hoxe na diocese?**

— Oito ou dez, algún ainda non está totalmente estabilizado. Varios xa fóra de Ferrol, como o de Xove-Cervo, o de As Pontes e o de Neda. Deus fai moitas trampas e lévanos por camiños que de primeiras non entendemos. Así me ocurriu a mi en Galicia.

**— Simultaneamente co traballo de Ferrol estes anos dinamizáche-la HOAC noutros puntos de Galicia. Cántanos algo.**

— Primeiro fun iniciar a Ourense, onde hai actualmente catro grupos funcionando. E posteriormente fun a Vigo, onde xa estaban funcionando varios grupos de tempo atrás, pero eu iniciéi outros novos; actualmente están funcionando uns seis.

**— E Coruña e Pontevedra ¿por que non?**

— Por falla de tempo. Porque os outros me chamaron primeiro. Ademais, en Coruña hai grupos cristiáns de obreiros en Palavea e outros barrios. En Pontevedra terán que iniciar os vellos militantes de Vigo, eles foron os pioneiros da HOAC galega, xunto cos de Ferrol.

En xeral vexo a situación con optimismo, a HOAC de Galicia ten moito futuro porque está ben asentada e conta con bons consiliares.

**— Gracias, Jesús, e boa sorte no teu novo destino.**

De Bilbao a Sevilla, de Sevilla a Ferrol, e de Ferrol a Badaxoz, pero non destruído coma Castelao, senón coa ilusión dos que levan un tesouro ¡Boa sorte!

Victorino Pérez



Ignacio Ellacuria (no centro) na II Asemblea de "Encrucillada"



O teólogo galego Xulio Lois falou do compromiso político dos cristianos



O sociólogo Xosé Pérez Vilarino que se dedica actualmente a contactar curas e arbores

RIMIA - N° 328 (dec. 1989)

## O DESAFÍO DAS ELECCIONES: VOTAR GALICIA

### — IV Asemblea de ENCRUCILLADA —

**A**samblea que a revista ENCRUCILLADA celebra cada ano desde hai catro vai acadando un lugar importante na Igrexa e a sociedade galega. Anque os tempos non son os mesmos e os espacios tamén pouco, semella que veu ocupar aquel espacio de encontro que foran os *Coloquios europeos de parroquias*, de tan feliz memoria para moitos cristianos galegos. A deste ano xuntou a máis de duascentas persoas de variada condición, número que sen dúbida houbera podido ser meirande de non darse a alarmista noticia dun ciclón que ía vir e non chegou, pero que fixo quedar na casa a máis dun. O tema era traer ó debate cristian o desafío das próximas eleccións galegas, para o que se contaba con dúas mesas redondas nas que debían estar presentes tódalas forzas políticas que se presentan á contenda.

A **presentación** estivo a cargo de Pepe Chao, que comenzou lembrando a *Ignacio Ellacuria*: a súa sombra aletaba por toda a asemblea, pois ainda parecía reoar a súa voz serea, á vez pacífica e radical, falando da liberación no mesmo lugar había dous anos. Os presentes gardaron un minuto de silencio "de rabia e de perdón", como invitou Chao Rego. Falou logo da historia más próxima do movemento cristian galeguista, concluindo decindo que "Aceptámonos coma Igrexa sectorial, mais non sectaria, pois ánimanos a ansia de comunión coa gran Igrexa".

O teólogo galego afincado en Madrid, *Xulio Lois* falou brillante e claramente do **compromiso político dos cristianos**, con dúas propostas diferenciadas: 1) ¿Pode e incluso debe influir a fe no comportamento político dos crentes? 2) ¿Como entender a natureza dessa influencia? No primeiro aspecto, tras rexeitar tanto un modelo que enfoca o problema coma dous mundos separados e sen relación, coma un modelo que subordina un a outro, propuxo o de implicación recíproca que quere recuperar a dimensión pública da fe. A natureza dessa influencia vai polo camiño de informar e alumiar os procesos políticos desde dentro, coma unha instancia crítica e dinamizadora, aportando un talante específico de vida na honradez, a opción polos pobres,...

O sociólogo santiagués *Xosé Pérez Vilarino* falou da **sociedade galega hoxe**, presentando a actual situación de Galicia coma unha "volta a casa": autonomía, recuperación da propia lingua, TV propia, etc.

As dúas **mesas redondas** do sábado contaron coa presencia dos líderes políticos galegos. Na primeira participaron Xosé Manuel Beiras polo BNG, Xan Antón Pérez (en ausencia de González Mariñas) polo PNG, e Xesús Osorio Peláez, candidato do CDS á presidencia; como era de supoñer o protagonismo do debate levouno sobre todo o verbo apaixonado de Xosé M. Beiras, sobre todo en polémica co candidato do CDS. Na segunda participaron Camilo Nogueira polo PSG-EG, Anxo Guerreiro por EU, e Carlos Príncipe polo PSOE, que expuxeron as súas propostas políticas sen demasiada polémica.

A asemblea tivo un emotivo remate coa **eucaristía** que se fixo en memoria de Ignacio Ellacuria e os seus compañeros mártires.

Victorino Pérez

# CEFERINO DÍAZ, O GALEGUISMO DO P.S.O.E.

Ceferino Díaz ten uns ollos avisados e unha ollada inquedada, modais desenvoltos de profesor universitario afeito ó trato cos alumnos, mans áxiles que se moven expresivas, e un ar natural que o fai deseñada asequible. Os xornais chámante o "enfant terrible" do PSOE galego -o picaro revoltoso- polo seu idealismo e o seu galeguismo. Diputado galego desde as primeiras eleccións, é o líder da corrente máis crítica do PSOE galego, eternamente marginado no seu partido, anque hai quen dí que manda máis do que parece. Pouco antes das pasadas eleccións tivemos ocasión de falar con él. Nunha cafetería compostelana contounos as súas conviccions e inquedanzas, os seus ideais e esperanzas -¿inxenuidades?-, pero tamén a súa análise seria da realidade nacional e internacional, certeira unhas veces e discutible outras. O lector xulgará.

— ¿Que pasou co PSOE Gallego nos seus últimos congresos: Paco Vázquez - Ceferino Díaz?

— Como consecuencia de que no PS de G-PSOE se decidira polo ano 80 que Santiago fora a capital de Galicia, Paco Vázquez dimite como secretario xeral. Imos ó congresso de Lugo, onde como vinganza dos que defendian a capitalidade de Santiago (o sector galeguista e outros sectores que gañaron a batalla) Paco Vázquez barreunos do mapa por medio de persoas interpostas. A partir de ali escomezouse unha campaña no partido, prantexendo que nós mereciamos máis estar en H.B. que no PSOE, que eramos separatistas e tollos.

Cando se prantexa o congreso seguinte, o de Ourense, nós aglutinámonos e chegamos ó congresso cunha percentaxe dun 50%. Pero ocorreu que no medio o PSOE gañou a nivel de estado; na dirección do partido en Galicia había xa algo que ofrecer, mentres os da oposición non tiñamos más ca ideas. E perdímo-lo congreso. Cabían entón dúas opcións: pactar ou quedarse fóra. Pactouse, pero as bases do partido que apoiaban a outra opción quedaron descontentas. A etapa que nace do Congreso de Ourense foi unha etapa mala: houbo negociación e entendemento, saíu dali un partido menos conflictivo, pero máis basado no aparato e menos na participación, e pouco galeguista. Eu descólgome por isto último. Nesta situación fumos ó congreso de A Toxa, na que os intereses centráronse no reto do goberno galego.

— E os galeguistas ainda quedastes en mais desvantaxe... ¿Que futuro ten unha corrente galeguista ou nacionalista no PSOE?

— O PS de G-PSOE é un partido que reflexa a situación actual da sociedade galega. Neste partido hai dous puntos por riba da media de galeguismo deste país. O futuro está nunha opción a que os electores lle encargan un traballo que parta desa realidade concreta. Un traballo más positivo do que fan opcións teóricamente más galeguistas pero na práctica menos fructíferas para o país.

Por haber galeguistas no PSOE este país ten unha autonomía á altura das demais rexións de España; non temos un estatuto de segunda porque había galeguismo no PSOE. Galicia ten a súa capitalidade en Santiago, con todo o que iso comporta. Negociouse un "gobierno de progreso" que significou un avance para Galicia. O partido ten desde o ano 80 o galego coma idioma oficial, e ten un compromiso serio con esta realidade, anque a min gustariame que fose máis.

E un traballo que paga a pena, se eu voltara atrás voltaaría a equivocarme gustoso nesta liña.

— Hai quien pensa que os galeguistas do PSOE deberían voltar ós partidos nacionalistas de onde saíron. No teu caso a Esquerda Galega.

— Non, eu penso que non merece a pena; queda un traballo que facer no PS de G-PSOE, un partido formado por galegos que se vai galegu-



zando segundo se galeguiza a sociedade. Ademais, saírse fóra sería deixá-lo campo libre dentro e aportar moi pouco ó movemento galeguista fora do partido.

O país necesita forzas comprometidas con el, forzas que teñan poder. Non podemos debilitar un partido que ten poder, forza, sería un erro gravísimo. Por iso, de momento síntome cómodo neste partido e seguirei traballando nel, polo socialismo e por Galicia.

— O PSOE parece buscar o poder a calquera prezo, abandonando unha utopía socialista a prol de plantexamentos más pragmáticos. ¿Que representan para tí utopía, sociedade socialista...?

— E por esas palabras polas que estou aqui. A gran decepción que sinto hoxe da política e que cun goberno socialista os ídolos da sociedade non sexan os homes do pensamento e da cultura, senon os banqueiros. E necesario crear riqueza para poder repartila, porque socialismo non é repartir a pobreza senon repartir a riqueza o máis equitativamente posible. Pero xa estamos nunha época relativamente próspera e chegou o momento de que a política económica dea un xiro social e se interese máis polos problemas dunha distribución máis xusta e solidaria entre os homes e os pobos do estado.

Eu teño esperanza de que sexa así, senón levaria unha gran decepción e sería o momento de dizer: ¿Que pinto eu aquí?. Se teño simplemente que xestionar mellor o capitalismo, para iso non traballo. A meirande parte dos que estamos no PSOE estamos a prol dunha sociedade máis xusta e solidaria.

— ¿Que opinas da revolución que se está a dar nos países do Leste europeo?

— A distensión paréceme un tema apaixonante. Un cambio histórico dunha importancia tremenda. E sen mortos, unha revolución a gran escala que podemos ollar sen xogarnos a vida. Unha revolución que cambiará moitas cousas, tanto que é posible que a alternativa entre cañóns e manteiga comece a perder sentido.

Hai xente que pensa que significa o fracaso do comunismo, pero eu penso que as cousas non son tan simples. Da mesma maneira que o capitalismo foi evolucionando, collendo un rostro mais humano, así ocorre no Leste, tanto a nivel cultural e social, como pouco a pouco a nivel político. O futuro non é socialismo ou capitalismo, senón un encontro onde eles asimilarán as nosas liberdades formais e nós asimilaremos os seus valores de participación, solidariedade e demás. Os traballadores do Leste están dicindo hoxe: queremos inversión extranxeira, pero también queremos coexistencia nas empresas e un reparto máis xusto do producto.

— O desánimo dúrame unha noite como moito, ó día seguinte xa teño novos ánimos para loitar: son un loitador nato. Non me vexo nunha vida apacible e contemplativa.

— ¿Como ves a Igrexa en Galicia?

— Penso que a Igrexa institucional ten taponada a esa outra Igrexa do pobo, mais comprometida coa realidade, no noso país. É unha Igrexa que pasa do pobo; os curas que coñezo na súa maioría administran sacramentos coma o boticario recetas, non hai sensibilidade. Hai tamén "outralgrexa", que cumple un papel importante na nosa sociedade, pero que é minoritaria. A Igrexa daqui está en xeral instalada e se vai convertendo nun obxecto de consumo máis. Unha realidade en xeral ben distinta da de países latinoamericanos coma o Salvador.

— Esa "outralgrexa", dun

cristianismo mais renovado e comprometido ¿cres que ten peso en Galicia?

— Segundo zonas. Hainas ermas e hainas nas que esa igrexa é realmente fermento. En xeral, a Igrexa é un poder dominador. A outra igrexa más dinámica, más rica e más viva non é a institucional, pero si ten un poder positivo real para avivecer a sociedade.

— O programa 2.000 asegúralle pouco futuro ó cristianismo na sociedade que vén. Concretamente dí que ese cristianismo progresista será o refuxio da idea nostáxica de revolución. ¿Que pensas tú disto?

— Os acontecementos úmos desbordaron este programa; que será da esquerda ou da dereita é algo que terá que ser constatado a partir do que aconteza no Leste europeu. O cristianismo terá que remozarse e cuestionarse a partir destes acontecementos. A Igrexa oficial supón que seguirá con moitos adeptos, pero o cristianismo de base terá que se esforzar por estar presente e prepararse para a batalla.

Respecto do que falabas da revolución, somos moitos os que apostamos por ela, anque non por un cambio violento: pacifistico, solidariedade, sociedade de irmáns; iso é a revolución pero non a armada, na que non crin nunca.

— Fundamental crer sem en algo, ter un motivo para..., algo máis aló que vexas como alcanzable, ainda que logo nunca chega.

— ¡Moi bíblico! Xa dícia Xesus aquello de que o Reino de Deus está aquí, e a teoloxía contemporánea traduciuno por un "xa, pero áinda non". Mira ti por onde hai un punto de coincidencia...

— Eu non renego de nada. Fui educado nunha corrente cristiá, e non me desagrada falar deste tema, anque non son crente. En realidade non son anti nada, e trato de entendelo todo; a calquera realidade cómpte apricarlle a racionalidade, pois as posturas viscerais paréceme sempre negativas.

Victorino Pérez

# JOAQUÍN GARCÍA DE DIOS, A PAIXÓN POLA MÚSICA PARA NENOS



Joaquín García de Dios é un xesuíta coruñés moi coñecido nos medios educativos e mesmo fora destes polo seu traballo no movemento "Padres y Maestros", particularmente polas súas páxinas editadas en *La Voz de Galicia* "La Voz de la Escuela". Pero tén unha vertente menos coñecida para algúns que é a de compositor de música para nenos con algún disco no seu haber de grande sona ("Pasito a pasito" editado en Paulinas); e agora ven de sacar unha excepcional grabación exclusivamente con cantigas de berce: "Anainas", con este pedagogo e artista, que estudiou filosofía, teoloxía, pedagogía e psicoloxía en universidades tan dispares coma as de Salamanca, Comillas, París e Bruxelas, tivemos ocasión de falar recentemente.

— Xaquin, fálanos, en primeiro lugar, de "Padres y Maestros". ¿De que se trata, cando principiou?...

— "Padres y Maestros" principiou no ano 1965; de feito, a nosa revista do mesmo nome, vai polo número 156. Ela é a presentación deste "movemento" que quere ofrecerlle ós profesionais do ensino unha reciclaxe permanente en dúas áreas fundamentais: educadores da escola e pais de alumnos.

Chámase "Padres y Maestros" pola súa vontade de harmonizar ambos dous cara un traballo común. Pero en realidade o que busca é unha reciclaxe permanente, creando novos proxectos educativos, polo menos, un por ano. Ata o de agora viñamos facendo proxectos de programación, tutorías, educación sexual, desenrollo da intelixencia no cativo, etc. O último proxecto que estamos levando a cabo é o "Proxecto O-3" referente a persoas en contacto con nenos de 0 a 3 anos, pola importancia dessa idade para o desenrollo do neno. Foi isto o que deu orixe ás "Anainas".

— Retomaremos logo estas fermosas cantigas que grabaches; mais dinos algo máis dese proxecto educativo que vos traedes entre mans desde hai xa 15 anos.

— "Padres y Maestros" é a pretensión ou invento duns

educadores para capacitar na tarefa de educar ós que están en contacto cos nenos: mestres e pais. Isto faiuse fundamentalmente con dous tipos de actividades:

— A nosa revista e con "La Voz de la Escuela".

— Cos cursos de reciclaxe para mestres e escolas de pais.

Aínda que eu son xesuíta e igualmente outro compañeiro que traballa no equipo, non temos ningún vencello co coleccio dos xesuítas, onde eu traballei en tempos, nin siquera é un movemento que se poida chamar confesional; de feito, temos máis contacto con profesores non sexuítas, que con xesuítas. Mesmo, demos muitos cursos para profesores xudeos. Non é que non sexamos expertos no ensino da relixión, área que temos traballado moito; pero "Padres y Maestros" é moito máis aberto.

— Falando de educación, ensino... resultame inevitable preguntarne nestes intres como ves a polémica creada sobre da LOGSE e o tema das clases de Relixión.

— Unha cousa son os dereitos -e a clase de Relixión ten dereitos na escola- e outra a realidade que é bastante lamentable. Outra se realmente o medio de evanxelización é a clase de Relixión, ou que pasa nos países onde non hai clase de Relixión e hai cristiáns. En



México dei moitos cursos a pais e mestres catequistas, e ali a catequese é algo serio.

Isto non quere dicir que o relixioso non forme parte, certamente, da cultura: unha escola que teña clase de Arte e non de Relixión paréceme que está traicionando o cultural, e desta maneira coido que é absurdo que non haxa clase de Relixión. Outra cousa é que os evanxelizadores se conformen co que se dea na clase de Relixión. Na aula non se trata de indoctrinar nin sequera de evanxelizar senón de ampliar o campo da cultura, pois quem ignora o relixioso no marco cultural recorta a mesma cultura.

— ¿Que opinión che merece a LOGSE?

— Todo o mundo fala desde puntos de vista parciais e incomprendivos respecto das posturas opostas. A mi paréce que a LOGSE coas reformas que ven traendo, non leva a educación a peor, inda que será inútil mentres non se cambie o profesorado. A reforma que se ten que dar en educación é sobre todo a reforma profunda do profesorado; non desde un punto de vista arbitrario ou vocacional

senón profesional.

A pregunta fundamental respecto da clase de Relixión é: ¿E un bó profesional o que está impartindo a clase de Relixión?. Na realidade ocorre o mesmo que cos demás profesores.

— Pasamos ó campo da música, fálanos de "Anainas" o fermoso disco que ves de editar. ¿Como xurdeu?.

— "Anainas" ten unha historia. Eu tiña o costume de facerlle ós amigos unha cantiga de berce cando tiñan un neno. Facialle-lo poema e a música e regaláballe-lo. Cando xa tiven corenta e tantas estabamos co "Proxecto 0 - 3", interesados en ensinar música viva ós nenos. Pensei en editar un disco e facelo en galego para o que necesitaba axuda. Acudiu a Marica Campo que o fixo tan marabillosamente que melloraron moito as cantigas. Ademáis, unha cantiga de berce é infinitamente máis cantiga de berce en galego ca en castelán. O que é reconecido non só polos que perciben o galego senón mesmo por xente allea cando escinan as "Anainas". Por esta razón fixose primeiro en galego, ainda que

existe tamén a versión castelán.

O disco ten só doce cantigas, pero eu agora teño feitas, non corenta cantigas de berce senón setenta e moitas tan bonitas coma as que sairon: quizás haberá que cavilar nunha nova grabación.

— Teño entendido que é un disco realmente singular...

— Si, é o primeiro disco exclusivamente feito con cantigas de berce, non só no campo da nosa lingua. Mais contrariamente ós que puideran pensar que sería un tostón, tivo unha acollida excepcional, todo o mundo no-lo saca das mans, todo o mundo se namorou do disco. Non hai ningun que o oira e que non lle gustara.

Inda que a grabación se fixo en Madrid por cuestions de calidade técnica, soa perfectamente galego a pesares de que os seus intérpretes non son galegos. O arranxista é arxentino e o tenor castelán, ainda que as mozas que cantan son de orixe galega.

— Unha obxeción que se lle pode facer ás cantigas é que non son facilmente cantables

— Si, tes razón, pero a miña intención é que as nais as adapten para os seus nenos, que non canten sobre do disco, senón que xoguen con él e constrúan novas cantigas, que as refagan, ó seu xeito.

— ¿Que houbo antes de "Anainas"?

— O primeiro foi "Pasito a pasito", hai xa dezaoito anos. Tratábase dun intento de inicia-los nenos de catro e cinco anos nunha oración activa, xogando, tendo a Deus presente nos sons, nos xestos... O éxito do disco foi tan grande que xa debe de ser recente dun disco de ouvir. Ainda hoxe se segue reeditando. Só lle falta a versión galega. Fixeron unha edición portuguesa fatal na que lle cambiaron ata o nome e puxeronlle "Deixanos cantar".

Veu logo "El caracol". Cancións más para adolescentes, pero tamén moi fermoso, tocando temas da idade. Pero este non se lanzou moito.

— Logo virían as "Anainas", agora si en galego e castelán. ¿Por que ese nome que se respeta en ámbalas dúas versións?

— Foi cousa de Marica e miña inda que creo que non unha palabra moi correcta.

— Para rematar ¿como che parece que está a música infantil en Galicia hoxe?

— Coido que está ben, sendo especialmente de salientar o traballo de "Cantareña". A música infantil en Galicia ten moita competencia coa de afora que chega aquí universalizada pola televisión. De todos os xeitos o máis importante é ir introducindo ós nenos desde cativos na música para que cheguen a dominar a lingua de los sons e algún dia teñan a música como a súa lingua preferida pois é a lingua más universal e a que más desenvolve a intelixencia.

Victorino Pérez Prieto

## As raíces cristiás de Galicia

Monseñor Antonio M<sup>a</sup> Rouco Varela

**A** Ofrenda do Antigo Reino de Galicia este ano de 1990 ó Santísimo Sacramento, no seu Templo Maior, a Catedral Basílica desta Cidade irmá e entrañable de Lugo, rememóranos, Sr. Delegado Rexio, con nova intensidade as raíces cristiás de Galicia. ¡A Memoria histórica do noso pobo, a memoria dos seus devanceiros, está impregnada de Fe Cristiá e de Fe eucarística! Pese a tódolos nosos pecados - a explotación dos nosos próximos, as desdías multiseculares, as divisiones e as loitas entre irmáns- foron a Carne e o Sangue eucarísticos de Xesús os que alentaron os melhores propósitos, as entregas más xenerosas e os proxectos más luminosos de moitos dos seus fillos. Un ideal os moveu, lograr que entre nós medrase e madurase unha comunidade de irmáns, con idéntica vocación e dignidade a de ser Fillos de Deus. A lista expresa e concreta dos seus nomes sería interminable.

### Memoria histórica e xuventude de Galicia

Actualiza-la nosa memoria histórica, proxectala cara a un futuro mellor para o noso pobo obriganos a centrar la nosa atención nos xóvenes, na nosa xuventude. Obriga que se convirte en imperativo ineludible de conciencia, sobre todo para os que nos profesamos cristiáns e membros da Igrexa.

Os xóvenes de Galicia teñen dereito a esperar dos seus maiores que saíban dar testemuño da súa Fe Católica, clara e limpamente, sen vergonzas. Os xóvenes de Galicia teñen dereito a esixir familia, casa e fogar, onde poidan aprender con verdade as leccions fundamentais do amor e da vida.

¡Cómo non imos levanta-la voz contra todo o que os leva polo camiño da súa destrucción relixiosa e moral, da sua ruina humana! ¡Non hai ningunha xustificación para esa actitude tan estendida e tan compartida entre nos, de que é lícito "negociar" con todo: co corpo, co sexo, co matrimonio, coa familia, co tempo libre e coa natureza co máis sagrado, coa dignidade persoal mesma do xove, con tal de gañar dñeiro ou conseguir pracer!

### Os xóvenes de Galicia e o ideal do Evanxeo

A Xuventude de Galicia mostra outra cara, a que mostraron polo Camiño de Santiago no pasado verán e no encontro do Monte do Gozo co Santo Padre, a que mostran cando se entusiasman co ideal dunha nova Evanxelización, que aneira plasmar nesta terra e entre as suas xentes, entre os xóvenes, os seus compañeiros, especialmente os más necesitados, os que viven na aldea e traballan no mar, os que non teñen traballo, os drogadictos e os tentados de desesperacion.

Por eles, polos seus compañeiros e irmáns dos outros pobos de España e de Europa rogamos hoxe a Xesus Sacramentado.

(Fragmento da homilia-resposta a ofrenda presentada polo alcalde de Betanzos ó Santísimo Sacramento na catedral de Lugo o 24-VI-90)

## Cincoenta anos de Taizé

Por Victorino Pérez



"Se todo comezase coa confianza no corazón, ¿Quen se preguntaría "que fago eu na terra"? No mundo enteiro son moitos os mozos, os homes e as mulleres e tamén os nenos que levan dentro de si todo o necesario para dinamizar las situaciones de inmovilismo".

Con estas palabras comezaba o Irman Roger (que vemos na foto) a Carta a tódalas comunidades, unha carta que publica cada ano e que éste viu por vez primeira a luz pública en Polonia a primeiros de ano. Quen é este home non é algo descoñecido para moitos cristiáns de todo o mundo, ó igual que o seu movemento de esperanza desde o outeiro de Taizé.


O 21 de Agosto de 1940 chegaba ó pobo francés de Taizé (preto de Lyon) co fin de crear unha comunidade de monxes que vivise unha vida de soildade e oración, pero tamén para acoller os refuxiados políticos nos tempos turbos da II Guerra Mundial. Aquela comunidade tiña xa daquela unha característica peculiar: era unha comunidade ecuménica, é dicir, formada por homes de distintas confesións cristiás: nela hai mesmo católicos desde hai varios anos.

Co paso do tempo as cousas foron cambiando no outeiro de Taizé, o pequeno pobo viuse invadido por miles de mozos de todo o mundo desde finais dos anos 60. ¿Que pasará? O carismático Irman Roger non se quixo quedar nunha comunidade pechada e por ceses anos proclamou para tódolos xoves do mundo unha "primavera pascual", que lles viña traer Xesús Cristo. Preto de 70.000 mozos acudiron en 1968 a Taizé para o comezo deste "Concilio dos xoves", coa esperanza por parte de moitos que o Concilio Vaticán II despertara no mundo uns anos antes. O lema repetido durante moito tempo foi "Loita e contemplación", compromiso sociopolítico e oración, para transformar as situaciones de inxustiza, violencia e desamor que reianban no mundo. Moitos fomos aló por esos anos e quedamos collidos polo "estilo de Taizé": unha maneira de facer oración moi distinta do xeito monótono e barulloso, e unha concepción esperanzadora e comprometida co presente e o futuro da nosa sociedade.

Este verán estiven outra volta no outeiro de Taizé. Había mais de 10 anos que non ia por aló. Pero a pesar de que as cousas cambiaron moito no mundo nestes dez anos, olhei con alegria como Taizé seguía convocando os mozos en grandes cantidades, seguaise a respirar ali as alegrias e ganas de vivir coa fuerza de Xesús, nestes tempos de desalento. Había selva nova e espírito xenuinamente mozo.

Cincoenta anos de Taizé, cincoenta primaveras que oxalá cheguen a cumplir outras cincoenta mais, pois o mundo ten fame perenne dunha boa mensaxe pascoal.

## As primeiras eleccións da CIG



**H**ai poucos meses unha nova agrupación sindical quería se-la unión do sindicalismo nacionalista galego: a **Converxencia Intersindical Galega (C.I.G.)**, que nacia da unión dos sindicatos INTG e CXTG e xa saíran do mesmo tronco. Naceu coa pretensión de ser unha das forzas sindicais mais representativas de Galicia, ó nivel das grandes forzas sindicais do estado (UGT e CC.OO.). As primeiras eleccións nas que tivo que pasa-lo exame foron hai uns días na factoría de Alumina-Aluminio, na Mariña luguesa. A pesar de que é unha fábrica con gran porcentaxe de traballadores de fóra de Galicia, sen embargo a central nacionalista pasou con éxito esta proba, pois conseguiu 4 dos 23 delegados dos que conta o Comité de Empresa, resultado que cómpre valorar máis positivamente tendo en conta que só se presentou nun dos colexios electorais, o de especialistas (obreiros e non cualificados) ó que lle correspondían 16 delegados.

Seis candidaturas competían nestas eleccións sindicais que anticipaban as que se farán en tódolos centros de trabalho entre outubro e decembro, CIG, CC.OO., UGT, USO, Independentes e a candidatura de Cadros; esta última sacou mais da mitade de delegados (4) no colexio electoral dos técnicos e administrativos.

Con esta ocasión falamos con **Xesús García**, cabeza de lista da central nacionalista, que publica "Espiño", o seu boletín de difusión.

— Chus, ¿por qué se adiantaron as eleccións sindicais na Alúmina?

mado o Comité expulsado e como queda tra-las eleccións?

— En realidade xa se tiñan que realizar hai dous anos e medio, tra-la expulsión do antigo Comité de empresa, co asunto do Casón. Pero a non solución dos problemas do Comité expulsado, fixo que os sindicatos tomaramos a postura de non facer eleccións. Agora que a empresa indemnizou 50 millóns ó Comité, os sindicatos decidimos convocalas, anque somos conscientes de que só se trata dunha solución parcial.

— ¿Como estaba for-

— O anterior comité estaba presidido, como sabedes, por un sindicalista da UGT, que sacara a maioria dos delegados (8), seguidos da INTG (5) e USO (5), e algúns menos CC.OO. (3).

Actualmente a presidencia pode caer nas mans de CC.OO. ou UGT, que con parello número de votos dispútanse un delegado. De calquera maneira, nós temos claro que a presidencia do comité debe recaer nun sindicato de clase, xa sexa CC.OO. ou UGT, e estamos dispostos a apoiar a quen teña máis



Xesús García

posibilidades, xa que é eleixa polos delegados que forman o Comité de empresa.

— A empresa tiña tanto interese coma vós nas eleccións, e mesmo xugou as súas bazas ¿Non?

— Desde logo, porque estaban sen interlocutor para firmar convenios, reestructurar plantillas, etc. Eles quixeron asegurar a presencia no comité mediante a lista dos Cadros e a dos Independientes, que ian ó seu, facéndolle o xogo á empresa, pois algúns dos seus membros xa estiveron de delegados e foron rexeitados polos compañeiros polo seu xogo suicio.

— ¿Cales eran as reivindicacións da CIG? ¿Como valoras os resultados?

— Fundamentalmente a negociación do convenio pendiente, que carece de

importantes atencións sociais, tanto médicas coma laborais, a defensa do salario base e antigüidade, reducción da xornada laboral ata conquerir as 35 horas semanais a fin de crear máis postos de traballo, a participación do Comité de empresa nas contratacóns, trocando as contratacóns eventuais por fixas... E unha moi especial que é a defensa do Comité despedido, esixindo solucións definitivas que levan a unha recolocación digna dos compañeiros.

Os resultados parécen-nos bons, habida conta de que só nos presentamos nun dos colexios, de que é unha forza que está iniciando a andadura (anque ten moita historia detrás), e de que na empresa hai moita xente de fóra, que non sinte simpatías polo nacionalismo.

— ¿Para cando o resto das eleccións sindicais?

— O período de eleccións sindicais irá do 1 de Outubro ata o 31 de Decembro. Os delegados que saian destas eleccións en cada empresa, serán os que contabilicen a nivel estatal de cara á representatividade dos sindicatos nos diversos organismos institucionais, para a defensa dos convenios e demás relacións laborais coa patronal e o goberno.

Victorino Pérez


# A V Asemblea de Encrucillada: Deus hoxe

**A**presa falou de cincocentas persoas as que participaron na asemblea deste ano; quizais que foran algúns máis, ou que foran algúns menos, aproximadamente ese era o número de inscritos. O número en si non é importante, salvo coma expoñente do eco desta asemblea de cristiáns galegos que xa vai pola quinta convocatoria. O feito da súa continuidade e importante afluencia, fala de que este foro estase a convertir no espacio máis importante para a reflexión e o debate desa Igrexa galega que non por minoritaria deixa de ter un lugar importante na sociedade galega, semellante ó que noutros tempos foron os Coloquios de parroquias. Quizais o que habería que achacarlle a estas asembleas é precisamente o de non crear debate abondo, debate fondo no que se contrasten opiniós distintas, cara a un mutuo enriquecimento.

A asemblea deste ano tiña un tema atractivo e a maioria dos participantes fóreronse dela cunha boa impresión: ademais da riqueza que supuxo o encontro cos amigos, alí se fixeron reflexóns e se contaron experiencias que enriqueceron ós que as escoitaron cos oídos ben abertos. O tema era *A presencia de Deus no mundo actual*, e para debatelo invitouse a crentes e non crentes, teólogos e amas de casa.

## "O retorno do relixioso. ¿Presencia ou ausencia de Deus"

Abriu o debate Xabier Martínez Cortés, do instituto Fe y Secularidad, que falou como sociólogo, coma alguén que quere ollar e interpretar o que pasa na sociedade referente a este tema. Tras cuestionar que se trata realmente dun "retorno", dixo que en realidade a relixión "nunca se foi". persistiu a pesar dos embates "coma un feito teimoso". Momento difícil tívoo cos ataques da crítica moderna da relixión, que culmina coas teorías de Marx, Freud e



Nietzsche, cos que a visión católica do mundo -que empezara a desmoronarse con Bacon e Galileo- caeu por terra "coma o califato de Córdoa" (brrrroonnnnn!).

Pero o relixioso reaparece nas sociedades modernas porque "ou-torga identidade persoal e comunitaria", sobre todo nos grupos pequenos, dixo Martínez Cortés. Pero agora o relixioso terá que ser más fundado e assumido, e ainda más gratificante, coma queren os "postmodernos". De todos xeitos, de cara ó futuro "é mellor non profetizar", concluiu Martínez Cortés, anque facendo "unha profecía coa esperanza de que non se cumpla" parece que a poucos anos vista non ten por vir neste país un "cristianismo militante", anque si unha "relixiosidade efervescente", de expansión, que non compromete.

## "O Deus de Xesús hoxe"

Andrés Torres Queiruga, ofreceu unha fermosa reflexión sobre a realidade actual de Deus, facendo un "acheitamento en catro metáforas": Deus coma "fundamento do ser", coma fortaleza na que nos sentimos seguros; "Cando todo abala, en Deus facemos pe". Deus coma "o gran compañeiro", o que camiña con

nós e comprende todo, o que sempre está conmigo, o que mesmo "sofre connosco". Unha terceira aproximación veu da man dunha impactante frase das feministas americanas "Deus é negra", Deus é muller e ainda marxinada pola súa raza; Deus é todo, pero especialmente desde abaixo, é masculino e femino á vez, anque sempre se apoderaron del os que tiñan o poder. Para Queiruga cómpre enarbolar a bandeira do feminismo na Igrexa.

Finalmente, Deus e o "Pai-Nai" do que fala Xesús de Nazaret; un Pai liberador, non superprotector, o que potencia, e quere a autonomía e a madurez dos seus fillos. Non somos nós que facemos Pai a Deus, é el o que nos ofrece a paternidade e nos chama fillos; neso consiste que Deus é amor. "Temos que atrevernos a crer no amor de Deus".

## ¿Hai noticias sobre Deus hoxe?

A mesa redonda xuntou as posturas de Alonso Montero, o coñecido escritor, que presentou "os interrogantes dun agnóstico", de Chao Rego, que falou do "rumor de anxos" na nosa sociedade, e Mari Carme Turnes, ama de casa que presentou a súa experiencia de encontro con Deus. Frente a esta última, Alonso Montero respondeu á pregunta de como se leva con Deus, contestando que simplemente "non se leva", pois "non me foi presentado", a pesar dos seus contactos con crentes e mais ainda con clérigos. Pola súa banda, Chao Rego dixo que "cómpre recuperar a Deus pola vía do sentimento, o sentimento de dependencia, e existe unha opción razonable por Deus: o Deus de Xesús".

Tras un ameno debate na tarde do segundo día, a asemblea concluiu cun recital poético: *Deus nos poetas galegos*, a cargo de Xulia Díaz Sixto.

Victorino Pérez



**PARA SETEMBRO** quedaron moitas materias de estudiantes, agardando unha nova oportunidade, e para setembro agardan máis de duacéntas iniciativas parlamentarias propostas pola "oposición" e

que os conselleiros non dan contestado, rematando os plazos legais. De non haber máis axilidade pola banda do executivo, os atrancos poden multiplicarse na orde da Cámara parlamentaria.

Capela da Virxe do Naseiro



**A ROMARIA DO NASEIRO** xunta a miles de festeiros do río Landro os días 24, 25, 26 e 27 deste mes. Paga a pena achegarse antes á cidade de Viveiro, perto desta fermosa paisaxe e visita-las súas rúas, igrexas e o Mosteiro de Valdeflores.

**A SEMANA DO CINE DE LUGO**, XIII Semana Internacional, terá lugar nos derradeiros días de setembro, coa reposición de "Un viaje por Galicia" de Luis R. Alonso (1929), despois do éxito do Xociviga do Carballiño que en vindeiros anos será convertido en Festival de Cine.



"S.O.S. -GALICIA" é un servizo de urxencia sempre presto a socorrer calquera necesidade, que se lle pida. Seis helicópteros, un remolcador con base en Corcubión... para atender un infarto, unha desgracia, unha doación de órganos, etc.



## Galicia: un verán cultural movido

**E**ntre Xullo e Agosto, a pesar de que o tempo non axudou demasiado, houbo domingos nos que a xente que gusta da morería, festeira e cultural, non sabía onde escoller, de tan extensa e variada que era a oferta.

Só no primeiro domingo de Agosto coincidiron: a Feira e Festa da Música e da Arte en Guitiriz (organizado pola As. Cultural "Xermolos", que este ano celebra o seu 15 cumpleanos, como falamos no nº 366 da nosa revista); a Festa do Bonito en Burela (que esta volta organizou tamén unha importante Feira de Mostras); a Xira a Santa Cruz e o Dia da Gaita en Ribadeo; o Cristo da Victoria en Vigo; a Romaría Vikinga de Catoira en Arousa (que volveu convocar a miles de turistas para presenciar o "frustrado" asalto dos vikingos ás Torres de Oeste, "ben defendidas" polos cristiáns); a Festa do Alvariño en Cambados (estas dúas últimas declaradas de interés turístico polo Ministerio a nivel estatal); a Festa Gastronómica do Longueiron no Fisterra; a Festa do Turista en Portosín; a Festa da Carballeira de Zás; as Xornadas de Folklore de Ourense; e ata



Unha das multiples festas da empanada que proliferan galicia

unha lidia de xatos mais ca de touros nas festas de Baralla; e un sinfín de festas más

Pero non se pode esquecer como ó longo destes meses se foi celebrando tamén: a veterana Feira de Mostras do Noroeste en Ferrol, ou a Boiromostra; a xa tradicional Festa do Pemento en Herbón, etc. Sen esquecer as que seguirán celebrándose ata o remate do mes coma: as festas de Sanroque e do Naseiro en Viveiro, as sonadas de Sanxenxo e de

Celanova, ou a Festa do viño condado en Salvaterra do Miño.... A destacar pola súa riqueza cultural a Romaría Internacional, que este año alcanzou a XII edición, e trouxo a diversos concellos de Galicia a riqueza cultural de pobos tan distantes como o canario ou o ucraniano (en Rusia). Ou as orixinais festas medievais de Ribadavia, Sada, Palas,... E non se pode esquecer tampouco a festa que tivo a Xunta de Fraga cos monxes de Samos, na que non faltaron nin o tiro, nin as barcas, nin os foguetes, nin as foliadas de letras incisivas co "Todos queremos más" coma estribillo. E o 25 de Xullo "día da patria galega".

Se xa hai moi tempo que non se podía poñer en dúbida o espíritu festeiro dos galegos e a súa sona de organizar boas festas, nos últimos anos o goberno autonómico e concellos semellan estar interesados en multiplica-la oferta cultural, quizais por aquello de que "por nós que non se diga que non hai cultura abondo na xente"

Victorino Pérez



# SARGADELOS

GALERIAS DE ARTE

LIBROS

CERAMICA

✿ 27891 CERVO (Lugo)  
Teléf.: 982 - 55 78 41  
Fax: 982 - 55 78 04

✿ O CASTRO DE SAMOEDO  
15168 Sada (A Coruña)  
Teléf.: 981 - 62 09 37  
Fax: 981 - 62 38 04

✿ Rúa Nova, 16  
15705 SANTIAGO DE COMPOSTELA  
Teléfs.: 981 - 58 19 05 / 58 18 88

✿ Provenza, 274  
08008 BARCELONA  
Teléf.: 93 - 215 01 79

✿ Zurbano, 46  
28010 MADRID  
Teléf.: 91 - 410 48 30

✿ Habana, 20  
32003 OURENSE  
Teléf.: 988 - 24 98 28  
Fax 988 - 249856

✿ Dolores, 55  
15402 FERROL  
Teléf.: 981 - 35 37 14  
Fax: 981 - 35 37 16

✿ (en instalación)  
Pza. Sto. Domingo, 2  
27001 LUGO  
Teléf.: 982 - 22 78 04

✿ Dr. Cadaval, 24  
36202 VIGO  
Tel: 986 - 220050  
Fax. 986 - 220474

## FURIA

Por Victorino Pérez Prieto

Este curto nome é o título dunha excelente película de Fritz Lang, que moitos lembrarán mellor polo seu protagonista: Spencer Tracy, aquel que sempre facía de bó. A película é a dramática historia do presunto linchamento dun home inocente por unha multitud enfurecida que necesitaba un culpable.

Foi o primeiro que se me veu ós miolos coas noticias da violencia nas rúas contra os drogadictos e os camellos, pero tamén contra os xitanos, os mendigos e os travestís. "Están linchando as nosas liberdades", titulaba o xornal "El Independiente" un dos seus editoriais, que escribía "algo está a apodrecer en España". E referíndose só á cuestión dos piquetes que patrullan polas rúas dalgunhas cidades en busca de drogadictos e narcotraficantes, "El País" titulaba outro editorial "Problema real, respuesta equivocada".

Coido que ambas frases refexan ben o problema. Unha situación real que destraga vidas e familias convertendo algúns barrios nun inferno, unha situación que reflexa un problema que é moi preocupante para toda sociedade, non só para os veciños que o sufren a diario; problema ó que non se lle acaba de dar solución por parte dos organismos responsables, non pode xustificar unha solución violenta tipo Oeste americano, na que uns ciudadáns, autoconstituídos en xusticeiros, decidan tomarse a xusticia pola man.

Isto sempre resulta perigoso e en moitos casos inxusto, pois, ou caen xustos por pecadores, ou, no mellor dos casos danse paos de cego, sen ir os verdadeiros culpables, que se atopan ben seguros.

Ahora ben, piquetes que se tomen a xustiza pola man non, pero esixir respuestas más válidas por parte do goberno si, pois o Plan Nacional contra a Droga, a pesar dalgúns éxitos policiais, está resultando un verdadeiro fracaso que puxo a este país na cabeceira de Europa na cuestión da drogodependencia e o narcotráfico.

Velaí onde esta manifestación de violencia nas rúas está a berrar algo moi importante e os organismos do Estado deberán tomar boa nota para dar solucións más eficaces xa.

Pero non podo esquecer tampouco que esta violencia e o antirracismo -unhas veces vencellado ó problema da droga e outras non- contra os sectores marxinais (inmigrantes africanos e portugueses, xitanos, xente coa SIDA, vagabundos, homosexuais,...) manifesta que se estamos na mellor das sociedades posibles, como nos quere convence-lo goberno, "que o deme me leve".



**H**ai escasamente un par de meses tivemos ocasión dunha conversa longamente agardada, cunha amiga chegada de Nicaragua, onde estivo compartindo nos últimos anos o drama dun pobo que quixo ser libre e dono do seu destino; unha revolución que encheu de esperanza a moitos que a foran perdendo, no medio dunha sociedade devoradora dos soños dun mañá mais igualitario, onde os esquecidos de sempre sí fosen tidos en conta. Era a "revolución bonita" do pobo nicaraguense. Un pobo que quixo ser libre, pero os señores de sempre non llo permitiron.

Respetamos a súa vontade de anonimato, anque moitos adiviñaran de seguida quen está a falar.

— ¿Como quedaron as cousas por Nicaragua trala derrota sandinista nas últimas eleccións?

— Pois a situación neste momento está moi mal. Cada día é de maior inestabilidade.

Xente que nun primeiro momento pensaba que chegaba a salvación, ó pouquín o seu discurso era que había que dárslles un tempo. E algo despois xa se resumía claramente na expresión: "Nunca tivemos tanta hambruna". Neste momento, as cousas están más complicadas ainda, pois aparte do que xa se sabía ía causar moitos problemas, a "Contra", que se pensaba ía desaparecer, volve erguerse en todo o país.

— Sen embargo a Contra, a pesar de ser moi mellor tratada polo governo de Violeta Chamorro, tampouco está contenta...

— A Contra saíu dos lugares onde estaba, en Honduras. Integrouse ó principio onde lle indicaron, nas zonas de Matagalpa e Jinotega. Pero non é certo que entregasen tódalas armas. Só entregaron parte delas, e as más vellas e invisibles. Desde xullo voltaron a actuar de novo, coa chegada das primeiras protestas populares. E agora segue actuando. A finais de ano estaba pechada a carretera panamericana, a máis importante do país. E tamén estaba collida pola Contra a igrexa dos xesuítas. A Contra levántase, porque din que Violeta Chamorro non cumple coas promesas que lles fixera. Desta maneira, crean unha meirande inestabilidade ó país, no canto desa "salvación" que se afirmaba ía chegar coa nova situación.

— Pódovos dar moitos datos, comezando en primeiro lugar dicindo que o córdoba está ó cambio de 1.800.000 córdobas por dólar. Cun índice de tres devaluacións por semana. As zonas rurais non chega menciña ningunha. Percharon tódalas farmacias populares. A mortandade infantil por fame e enfermidades resulta agobiante. A xente sae a buscar cada dia algo para comer como sexa,...

— "El País" falaba hai uns días dun 50% de analfabetismo en Nicaragua, culpando diso ós sandinistas...

— Temos que ser veraces. A situación á que chegou Ni-



ragua, foi a causa da guerra con EEUU, que case chega a colapsar completamente a vida do país. Pero o esforzo do governo sandinista foi o de levar a saúde e o ensino a tódolos recunchos do país, ainda que se viu en parte afogado polo acoso estadounidense, conseguiu logros incuestionables. Concretamente, con respecto ó analfabetismo, este acadaba un índice dun 68% no país, cando colleu o governo o FSLN, e en moi pouco tempo baixou a un 12%, pois era un dos aspectos fundamentais da súa política. Pero a partir do 83, cando as actividades da Contra comenzaron a ser importantes, o governo dixo que tiña que recortar os presupostos. Defensa necesitaba máis presupostos para manter libre o país. E ó abandonarse o proceso, volvveu subir o índice de analfabetismo. Foi EEUU, o que afogou o proceso alfabetizador.

Está comprobado que un adulto que comeza a ler, se non ten catro anos de axuda, esquece o que conqueriú. Desde o 83, o esforzo seguiu sendo grande por manter uns mínimos, pero xa non pudo atender tantos proxectos coma antes.

importante templo de Deus que son os pobres.

— Falabache de Obando e de Vega, douis bispos que representan verdadeiros puntais dunha Igrexa contrarrevolucionaria. Pero teño entendido que entre eles non se entenden moi ben...

— Os últimos datos que teño son de que Obando calou ante a toma da igrexa das Sierritas, en Managua, por parte da Contra. Tamén sabemos quena quinta rexión estase levantando a Contra, potenciada mesmo con manifestacións públicas polo bispo Vega. O que parece contradecir os intentos de avanzar na liña dunha democracia que xa se alumbrou e que debía ser unha verdadeira Boa Nova para o país.

— Na banda contraria están os antigos curas ministros: Miguel D'Escoto da congregación de Maryknoll; Fernando Cardenal, ex-xesuita expulsado da súa orden por exercer un cargo público, e o seu irmán o tamén sacerdote e poeta Ernesto Cardenal.

— Teño que dicirvos deles



que, xunto cun grupo grande de cristiáns que foron resurrección para a Igrexa, están hoxe coma o gran que cae na terra para morrer e dar fruto. Penso que é unha xente que reconoce que fixeron mal muitas cousas e toca o tempo da purificación, para dar vida no futuro. Concretamente D' Escoto está traballando nunha barriada con comunidades cristiás, con grupos comunais. Fernando Cardenal segue a traballar na liña da educación, en ensino de adultos. E o seu irmán Ernesto no eido cultural desde as clases populares.

— Como poderías definir a maneira como a xente do pobo vive o resultado da votación que lle quitou o poder ós sandinistas, que anos antes os liberaran da tiranía somocista. ¿Como vive as consecuencias dese resultado electoral: paro, devaluación da moeda, fame...?

— A xente estaba nunha postura de moita esperanza, coidando que ó remata-la guerra ía remata-la dor e iniciarse a recuperación do país; pero logo viron que as cousas non eran así, e mesmo que nunca estiveron nunha situación tan dura coma a actual, na que carecen de todas aquelas cousas que ó mellor noutro momento non valoraron porque as tiñan, e gratuitamente, xa que o governo anterior foi moi "dador", quizais en extremo, excesivamente gratuitos, mimando ó pobo, o que non lle perdoou a burguesía...

Pero o pobo terá que comparar necesariamente as "meilleures" da situación anterior, coas "feles" da situación actual. A historia falará e porá as cousas no seu sitio. E, como dicía o comandante Ortega o pobo non se traicionará", porque "o pobo non pode ir contra el mesmo", anque se equivoque ás veces.

— Ti e outros moitos fostes aló a traballar nun proxecto de sociedade nova. ¿Como ves a situación actual dos "internacionalistas"?

— A xente é consciente de que fixo moitas cousas mal e ten que purificar moitos comportamentos, e xuntos van buscar solucións novas co mesmo ánimo que cando o sandinismo estaba no goberno. Eu vou voltar aló e seguir traballando co pobo, e seguir descubrindo con el un novo xeito de organización social, cara a unha democracia de verdade, na que participe de verdade o pobo e a economía tamén sexa mirada por todos. O outro día fixose a concertación, e só se negou a firmala o Consello Superior da Empresa Privada (COSEP), porque non estaban dacordo co reparto que favorecía os mais débiles, ás clases más populares.

— ¿Como se presenta de cara ó futuro a vosa participación coa nova Nicaragua? Pois teño entendido que o novo goberno non mira con bons ollos o labor dos internacionalistas, e pensa expulsar á pouca xente que aínda queda alí.


— Hai xente que xa non quere colaborar coa nova situación. Pero outra si quere seguir colaborando co Frente, e con todo o que se poida facer polo pobo nica. De tódolos xeitos é certo que hai persecución, e mesmo xa houbo mortes entre os simpatizantes co sandinismo que viñan de fóra. Pero non quero dar máis datos a este respecto para non dificultar o noso labor a prol dese pobo que vive momentos críticos...

Of record, seguiu a nosa conversa, con aspectos más concretos e comprometidos do labor a realizar. Nós respetamos o seu desejo de silencio, por non dificultar ese traballo a prol dos más desfavorecidos. E dámoslle as gracias, por compartir coa nosa revista unha información silenciada noutros medios de comunicación.

Victorino Pérez Prieto

# Galicia un pobo que resiste

## "E din que fan todo eso no nome do progreso"



O CARRABOUUXO por Xosé Lois



**C**orenta mil (40.000) postos de traballo perdidos nos últimos sete anos. Dez mil só nos seis primeiros meses do ano pasado, froito dos 520 expedientes de regulación de emprego e os peches de empresas en crise. Eliminación... "laboral" de 175.000 labregos, etc. Nin os más pessimistas agoreiros do nacionalismo máis radical, nin os trasnos más críticos desta revista tan "parcial", podían supor hai uns anos que o impacto da CEE ía ter tal gravidade para Galicia, cando Eliseo Miguélez escribía na pequena IRIMIA, que con tal evento os labregos galegos ían ser "condenados a permanecer ananos". "E din que fan todo eso no nome do progreso", escribía xa o Manuel María hai uns anos, e cantábanos os "choróns" da Quenlla. Aínda no caso de que tivesen razón os economistas neoliberais e os flamantes políticos que nos gobernan ¿que se vai facer con "excedentes" laborais, agora que esa "mercancía" xa non se pode mandar a Alemaña ou á Arxentina?

### O 2-D: Galicia existe e resiste

Ese memorable 2 de decembro, dous meses antes da Candelaria..., "toda a Galicia do clamor e a esperanza" estaba na praça do Obradoiro, como comenzaba Manolo Rivas a lectura do impresionante Manifesto elaborado polos sindicatos e organizacións agrarias galegas. Ata Fraga apoiaba a manifestación desde Lisboa. Claro que os que estaban na praça berraban: "Felipe en Israel, Fraga en Lisboa e nós no paro".

Aquello parecía a Santa Compañía. "Todos por Galicia", desde o cortexo fúnebre das empresas en crise (Bazán, Astano, Barreras, Cordelerías Mar, Refrey, ENCE, ELNOSA, EXIMESA,...). Os de Ascón xa non estaban porque xa lle fixeran o funeral e mailo cabodano había tempo) ata os labregos da Terra Cha, a Limia e demais, que esixían algo tan "absurdo" coma "queremos vivir dignamente dos nosos recursos". Mesmo os mozos estudiantes, con tanta fama de pasotas e apolíticos, berraban: "Obreiros e estudiantes, xuntos adiante". No ambiente frotaba a idea da folga xeral, que polo de agora está marcada para outro día 2, este de abril, dous meses despois da Candelaria.

Ferrol: tres veces máis de taxa de parados que na CEE

Na Santa Compañía do 2-D/91 había

empresa e no sector comercial, postos de traballo dependentes dos grandes estaleiros. ASTANO chegou a ter en plantilla no ano 1980 a máis de 6.000 obreiros fixos e outros 2.000 en empresas auxiliares; estes 8.000 quedaron reducidos dez anos despois a 1.700, con tendencia á baixa.

choio, pero a reconversión naval, industrial e pesqueira foi afacéndonos a ver unha serie de nomes nas listas mouras das empresas pechadas ou en crise. Un longo repaso familiarizaríanos co drama de miles de traballadores sen emprego.

teñen traballo están suxeitas actualmente á regulación de emprego nun 50%.

O sector industrial ten os casos do grupo de empresas Mar, que está a piques de deixar na rúa a 500 obreiros. As empresas Álvarez, reprivatizadas recentemente, queren reduci-la súa plantilla de

600 obreiros á metade. Mesmo a poderosa Citroën, que fixo grandes esforzos de modernización, rescindiulle o contrato a 600 operarios temporais. E hai máis...

O sector pesqueiro ten ó 75% da frota amarrada no peirao porque non poden saír faenar a causa da reducción de licencias de pesca. O que afecta ás numerosas fábricas de conservas e conxelados.

### E tamén...

Na Coruña hai ameaza de peche ou reducción de plantilla en empresas coma Santa Bárbara, PEBSA (Pesquerías Españolas de

Bacallau), TELETTRA (antes INTELSA). Xa falamos en IRIMIA do peche de SIDEGASA, CROS, MAFRIESA...

En Lugo comezou o ano co peche das minas de ENSIDES, que supuxo 350 empregos menos, ameazas de reaxustes de plantilla en Alumina-Aluminio, a pesar do ben que vai esta empresa (menos obreiros, anque signifiquen menos producción, sempre resulta un balance rendible, e os capitalistas botan as súas contas).

En Ourense teñen o conflicto de Labauto, a multinacional francesa que mercou Citroën nesta cidade, que vai deixar na rúa a polo menos 150 operarios.

### ¿E os labregos?

Fo... fastidiados, coma sempre. Tras poñerse no camiño da modernización das súas empresas nos anos 80, enchéndose de créditos ata as orellas, cástalles "fabrica-lo" litro de leite entre 35-40 pts., e algúns véneno já 25 pts.! Ou sexa, que máis lles val comelo, que lles ha aproveitado máis, o malo é despois paga-lo censo e vestirse. Haberá que volver ó autoconsumo. Sobre todo despois da "chegada dos normandos" (a multinacional francesa Union Laitière Normande que mercou o grupo LARSA, coa complicidá da Xunta, e controla tamén COMPLESA e LEYMA).

Dicía un economista hai unhas semanas en "A Nosa Terra", Martín Khor, falando da inxustiza do mercado libre — que nos din que é o remedio de tódolos males económicos — que poñer ás explotacións familiares ou ás pequenas cooperativas a competir coas multinacionais é coma "poñer un neno africano que leva dous días sen comer, a correr con Carl Lewis".

Con razón escribía Camilo Nogueira hai uns días na prensa que "necesitamos unha alternativa que comprenda en 1992, que o Estado español nunca foi para Galicia un factor de modernización nin un apoio solidario". E o que queira oír que oia.

Victorino Pérez Prieto



Non é de estranhar que a poboación ferrolá descendese en 5.000 persoas entre 1981 e 1991. E non baixou máis porque o alcohol e as drogas aínda terman dalgúns boiando polas rúas...

¿Que remedios puxo o Goberno? Pois falou primeiro da ZUR (Zona de Urxente Reindustrialización), logo cambioule unha letra e falou da ZID (Zona de Industrialización en Declive), e logo rizando o rizo ilusionou ós ferroláns coa SIV (unha fábrica italiana de vidro). Pero todo eran contos e quedaron en nada.

Vigo: un cortexo de empresas en crise

Vigo é máis grande e ten máis

No sector naval, un sector tradicionalmente potente en Vigo polas súas cualidades idóneas para el, e a súa tradición na industria naval e pesqueira. Tralo peche de ASCON, o estaleiro máis importante do sector, que tiña a comezos dos 80 máis de 2.000 obreiros, viñeron os recortes nos demais. Barreras, o segundo en importancia, que está hoxe nas mans do INI, ten agora a metade da plantilla en regulacións temporais, e o seu comité de empresa opone á privatización pois témesse unha forte reducción de plantilla. Outros coma Vulcano, Freire e Santo Domingo, viron reducidas as súas plantillas á metade nos últimos tempos, e as que

# NON HAI CLERICALISMO EN MURAS

*“¡Don Modesto Sí, médico Non!” eran os berros que coreaban un nutrido grupo de veciños de Muras o pasado día 19 de marzo diante do Concello. Baixaran moitos deles de parroquias alonxadas do pequeno núcleo urbano deste concello lucense, para apoiar ó seu cura, que recibira graves acusacións por parte do alcalde ese mesmo día e con anterioridade, mesmo en revistas de longa tirada no Estado. Se a isto se engade o dato de que o devandito alcalde se chama Isaam Alnagm Azzam, e se trata dun árabe musulmán afincado en Galicia, a polémica estaba servida.*

## Un pobo galego cun alcalde musulmán

Muras é un pequeno concello de montaña ó norte de Lugo, na fronteira coa provincia da Coruña. Pequeno en poboación, a penas 1.400 habitantes, pero non en estensión, 200 quilómetros cadrados; coñecido no xornal da provincia polos múltiples conflictos desde hai anos todo por razóns políticas ó estar bastante niveladas as forzas dos dous únicos partidos da corporación municipal; o PP e o PSOE. Na anterior corporación gobernou o PSOE e actualmente está no poder o partido conservador, que levou na cabeceira da lista ó único médico do concello, un druso de orixe siria, casado desde hai vinte anos cunha luguesa.

Este home, que deu repetidamente mostras do seu gusto por aparecer nos medios de comunicación, manifestaba hai unhas semanas á revista Interviu “El cura no me habla porque no voy a misa”, frase que este medio se apresurou a recoller en titulares con evidente intención de fustigar unha pretendida xenofobia ou un conflito entre mouros e cristiáns. Pero máis duras foron as acusacións que verteu días despois nun xornal galego denunciando ó párroco de “frustrado alcalde” e de “utilizar el altar de la iglesia para atacar a personas y difundir el odio y el anticristianismo”.

Coma corroboración das súas afirmacións pediu a axuda dun home abondo coñecido no concello polas súas actuacións pasadas acumulando cargos e utilizándooos caciquilmente, José Fraga, e a



súa muller xustificaba as actuacións co vello eslogan de: “claro, como el cura es comunista”.

## Un xesuíta profesor universitario

Modesto Vázquez Gundín, o párroco de Muras, ten tódolos aires do “vello profesor”, canoso, de ollos espertos e vocabulario ilustrado. Pero ó mesmo tempo a humanidade dos que se comprometen cos pobres por unha razón que antepoñen ó éxito persoal.

Esta opción comprometida levouno a deixar as súas clases na Universidade de Oviedo e o seu doutorado na Universidade de Comillas en Madrid por unhas pequenas parroquias de montaña, nunha clara apostila polo pobo galego. Nese compromiso de servicio ós humildes tivo que meterse na política e acceder á alcaldía non por intereses persoais, senón por verdadeira presión popular. E non tampouco nas listas de ningún partido senón nunha candidatura independente. E, o que non é menos importante, a pesar do conflicto entre exercer cargos públicos e cargos pastorais coma párroco, contaba co permiso do seu superior xeral xesuítico e coa aprobación do bispo da diocese de Monforte.

Leva neste servicio máis de quince anos, a pesar da súa precaria saúde. En Muras exerceu de párroco, alcalde, profesor e “transportista improvisado” dun parvulario, etc. A súa casa pronte se converteu en casa de acollida á xente más dispar, e mesmo casa de retiro para os curas. A diocese puxo a súa confianza nel

e encomendoule numerosos servicios diocesanos, que el non aceptou ás veces pola súa humildade. E tantas cousas que se podían anotar na súa conta, ainda que a el non lle guste contalas.

Unha veciña comentábame na tarde do 19: “Don Modesto non fixo máis que ben a Muras, non pensa nada para el, todo é para o pobo”. A xente maior e a xente nova non fai senón loar o labor que fixo cos nenos e cos grandes, as súas innovacións pastorais e o seu labor á fronte do concello.

## Socio de honor

A Asociación de Veciños de Muras ten un presidente novo, Antonio Puentes, profesor de galego no Instituto de As Pontes. Fundárase no ano 85, pero esmorerca e nos últimos tempos volvے a coller o pulo, contando actualmente con máis de cen socios. El foi o que leu e descalificou diante dos seus veciños as manifestacións na prensa do alcalde. Recoñece que se os veciños se xuntaron non foi por “unha convocatoria da asociación, senón por iniciativa popular que nós apoiamos porque non podemos permitir que se digan tales mentiras sobre D. Modesto”. Mentiras como “que utiliza o púlpito para facer arengas políticas... e por riba, citar a persoa más pouco grata e representativa do concello, José Fraga”.

Antonio Puentes falábame tamén dun problema especialmente grave, o xurdido entre o médico-alcalde e o boticario, que pode deixar sen farmacia ó municipio. “Nós non sabemos a que se debe o

enfrontamento entre o médico e o farmacéutico, pero sufriu-las consecuencias, pois levouse ó terreo profesional e coméntase entre a xente que o médico se queda coas receitas para repartir persoalmente as menciñas, unhas veces de maneira presuntamente gratuita e outras cobrando, polo que estaría rozando o terreo da ilegalidade. O más grave é que isto prexudica ós veciños porque co baxón de vendas podémonos quedar sen farmacia”.

Pero non é esta a única lideza do alcalde-médico. Antonio Puentes quéixase tamén da atención deficiente ós pacientes, entre outras cousas por faltar repetidamente. Ou unha xestión municipal “dictatorial, ilegal e feita sen contar para nada co pobo... Nos plenos o seu talante é tal que non deixa falar á oposición ou non responde ás súas preguntas”. Tamén me comenta a coñecida historia do vasureiro que se quería poñer no concello, con gran oposición veciñal, ou numerosos gastos en dietas sen xustificar, ou partidas presupostarias estranhas, ou repartos de axudas de maneira claramente discriminatoria e favorecendo ós menos necesitados, etc. Conclúe dicindo valentemente que “A Asociación nunca tivo tanto traballo coma desde que hai este alcalde e queremos dar batalla para facer xustiza”. Non é de estranhar que o alcalde-médico-árabe-galego, teña atraídas á Asociación, porque non pode tolerar a súa crítica.

## “Don Modesto amigo, Muras está contigo”

Foi a gran pancarta que encabezaba a manifestación dos veciños o domingo día 22 trala misa parroquial concelebrada polo bispo da diocese e os superior provincial dos xesuítas que se pode ver na foto. A saída da misa xuntáronse na rectoral o párroco, o bispo, o superior xesuítico e o alcalde e teniente de alcalde, pero non houbo posibilidade de acordo porque o alcalde non quixo retractarse de nada.

¿Somos parciais? Quizás, pero coñecendo a Modesto, non nos cabe dúbida de onde está a verdade e a razón neste caso.

# Carta aberta

## Benquerido Modesto:

Levo tempo matinando en ti. Quéroche ben. O que che pasa non me resulta indiferente. Moitas veces sentín reflexada en ti a miña vida e a viña expresadas nas túas palabras os meus fondos sentimientos. Temos da Igrexa e da sociedade unha visión case que coincidente.

Tí es un dos homes que máis admiro. Por iso sufro contigo, porque tamén sufro comigo.

Palpo en tí aquello de que “a gra, se non morre, non dá froito”, que o camiño da resurrección pasa pola cruz, que na proba é onde se curten as virtudes... Pero non entendo, amigo Modesto, por que isto ten que ser así. Cústame crer que Deus ós seus os queira mortificar; anque tamén comprendo que a única maneira de demostra-la autenticidade da vida é o paso pola cruz; por iso o verdadeiro amor leva algo de morte.

Coñeo ben de preto a túa debilidade polos desfavorecidos, sei que enfermas coasinxustizas, o teu carácter e a túa liberdade de espírito non che permiten andar de comadrelo e compoñendas.... Sóbrame de saber que non búsca-lo medro persoal (fuches a Muras para enterrarte, non para conseguir méritos), non búsca-los postos ánta que esa sexa unha das túas teimas segundo os “contrarios”, non búsca-los cartos (canto te levas arrastrado, todos sabemos que non tes un real, vemos que a túa roupa está gastadiña...)

A túa ilusión e a túa felicidade tela posta fóra de tí: na ilusión e felicidade dos demais. Por iso eu ben sei que serías feliz –anque andases cos zapatos rotos e con goteiras na casa– se vises que a xente medra en solidariedade, en cultura, en responsabilidade, en toma de decisións a tódolos niveis; se vises que a nosa Igrexa se esforza no fornecemento de comunidades convertidas libremente ó Evanxeo de Xesús; se comprobases que a política é un servizo á comunidade... Non te vexo máis feliz porque che regalan un coche último modelo, nin remexendo millóns da “primitiva”, nin ocupando o posto de mando municipal. ¡Que pouco te coñecen os que iso pensan de ti, amigo Modesto!

Pero... ¿e logo que pasa en Muras para que pasen estas cousas?. O tema é vello. Xa o di o refrán: “métete a redentor e acabarás crucificado”. ¡Como me gustaría que os que están inquedos por estes problemas lesen todo o que tes escrito sobre as cousas que pasaron en Muras desde que ti estás aí!.

Eu aposte por ti, Modesto. Non estamos ante un caso máis de caciquismo clerical. Oxalá tódolos cregos de Galicia fixesen o que fas tí. Daquela este país sería outro.

Anque algúns non tivemos forzas para seguir, dende a nosa pobreza dámoches ánimos, porque a túa vida é un raiño de luz.

Una apreta.

Ramón Díaz Raña

## EXPO'92: A FEIRA DAS VAIDADES

Victorino Pérez Prieto

Xa sabíamos algo das cifras astronómicas da Expo: o das 215 hectáreas que saíron a máis de 90.000 pesetas por metro cadrado (ou sexa, 200.000 millón de pts.), e logo o custo dos 140 pavillóns, que, tirando polo baixo, andarán nunha media de 4.000 millóns, calculando entre os 7.000 do pavillón dos Descubrimientos (que ardeu) e os 2.000/3.000 que veñen custando os das Comunidades Autónomas (17 en total). Aínda que estes datos seguro que se quedan curtos.

Pero tamén valen de referencia os 120 millóns que custou a maqueta do foguete espacial europeo Ariane, ou a "menudencia" dos 70 millóns dos ascensores que ten o pavillón do Xapón, que outro

o lle custou a Chile levar un iceberg ó seu pavillón, Falando de ciúras, un pérdese (¿canto gastou realmente o Estado?), pero o que é claro é que o Estado se endebedou como nunca ocorreu con ese pozo sen fond que é a exposición coa que España quere dicirle ó mundo que xa pertence o club dos ricos.

Pero unha cousa é coñece-los fríos números e outra ve-lo derroche que se palpa desde o mesmo momento en que se entra no recinto por despampanantes portas da máis moderna arquitectura, e piando por un chan pintado coma as canchas más finas de tenis; os seus xardíns e palmeiras (500.000 m<sup>2</sup>), o tren monorraíl, as ruinosas telecabinas que non usa ningún,...

Coma ben escribiu alguén, "a Expo é mostra do narcisismo do poder", e inmediatamente "a negación da solidariedade internacional cos pobos do Terceiro Mundo"; unha vez máis un verdadeiro "encubrimento da súa situación" (Pepe Blanco en "Noticias Obreras", nº 176). Para qué falar do derroche dalgúns costosos pavillóns destes mesmos países endebedados ata as cellas...

¿E todo para que? A Expo vén ser coma unha Dysneilandia "para adultos", unha frívola feira, pero con espectáculos de alta tecnoloxía.

úa meirande parte semella estar máis pensada para divertir que para instruír (con algunas honrosas excepcións, como é xusto admitir); onde as colas se forman a maior parte das veces simplemente polo eterno razoamento papanatas de "Onde vas Vicente, onde vai a xente", ou "Se non hai cola ímonos, que isto debe de ser moi malo". ¿O mellor do mundo? ¡O escaparate bonito e falsario dun 20% del!

## URCA

Neste verán do 92, Santiago de Compostela fixose mar que achega ou praia que agarda para recibir a URCA (o nome foi tomado dunha antiga embarcación de transporte de gran tamaño), nunha viaxe cun triple norte: expresión, solidariedade, encontro.

Despois de todo un ano de traballo conxunto con persoas de tódalas dióceses galegas, medrou o proxecto de acondicionar tempo e espacio para que cristiáns de diferentes grupos, parroquias e lugares de Galicia -e mesmo de fóra- puxesen en común as súas vivencias e inquedanzas nun marco flexible e aberto.

Ó longo de tres días realizáronse seminarios, obradoiros, exposicións, faladoiros, concertos, danza, mimo, teatro... Todo isto tiña a triple finalidade de nos permitir expresarnos e encontrarnos desde unha visión do mundo, da sociedade, da nosa tarefa, que admitise o adxectivo de solidaria.

Toda URCA, desde os seus inicios e preparación ata a súa realización concreta, estivo vertebrada pola oración e as arelas de ir albiscando desde Galicia novos horizontes para a nosa realidade eclesial. Tres días moi intensos de:

U-nión entre persoas de diferentes idades, estilos e xeografías.

R-espota para os interrogantes que vivimos.

C-reatividade para atrevérmonos a facer máis consciente cada momento da propia vida.

A-pertura pola capacidade de respectar ritmos e visións distintas sen perde-lo propio equilibrio.

Invítovos a que preguntedes por URCA ás persoas que participaron este verán, xa tódolos días ou nalgunha das actividades. Se vos animades para colaborar ou participa-lo vindeiro ano, será estupendo.

MAITE PÉREZ VÁZQUEZ

## Este número de IRIMIA está subvencionado pola



CONSELLERÍA DE EDUCACIÓN  
E ORDENACIÓN UNIVERSITARIA

DIRECCIÓN XERAL DE POLÍTICA LINGÜÍSTICA

# IRIMIA, CATROCENTOS NÚMEROS DUNHA REVISTA POBRE, PERO HONRADA



Unhas verbas escritas hai anos

Diciámolo xa no nº 300 (8 de Outubro de 1988): "Detrás de trescentos números de calquera publicación ou ten que haber moitos cartos, ou ten que haber fe de entrega. Conte o lector que en IRIMIA non hai cartos nin nunca houbo.... Debe ser logo cousa de fe, que o é: **en Galicia e na súa cultura, en Xesucristo e na súa Igrexa, nos pobres e nos pobos oprimidos e na súa liberación**". Desde o comezo eramos moi conscientes de que tal empresa non podía ir adiante só por obra de catro entusiastas -;cartos bos proxectos fracasaron por contar só con iso!-: "afianzouse -diciamos tamén no editorial daquel número porque foi ben acollida e apoiada por esa comunidade ou comunidades (á veces invisibles, pero reais) dos cren tes en Xesús, ou en Galicia ou nos pobres".

Remato a cita daquel memorable editorial con palabras que definían o que significou para os que a faciamos daquela: "Para nós foi sacrificio e

**C**o ano Xacobeo'93 IRIMIA chega ó número 400, número máis que salientable en calquera publicación, pero moito más inusual no caso dunha publicación galega e en galego. Sen falsa modestia, podemos dicir que só os compañeiros de *A Nosa Terra* nos acompañan en tal fazaña. Coma eles, IRIMIA non foi adiante "pola razón da forza"... dos cartos ou do apoio institucional, senón "pola forza da razón" e a xenerosidade de moita xente que apostou por un proxecto e que non lle importou gastar nel parte dos seus anos, en tempo, en cartos, en prestixio; xente que escribiu nela e que a foi elaborando día a día, pero tamén xente que a repartiu, que a espallou, ou simplemente que a mantivo en pé co seu apoio. Ábalas dúas non son xornalismo de "flor dun día", son máis de dez anos de periodicidade e iso non se fai só con boas intencions. Precísase un proxecto claro, que ilusione a un grupo de xente que saiba o que quere facer e como facelo, e que consiga tamén chegar a un grupo máis amplio disposto a acollelo e apoialo.

regalo, cruz e resurrección, por iso estamos certos de poder facer nosa a cantiga: *Sementar sementarei, loguiño de clarear, en tanto no pobo medre, un nenio, un vello e un cantar*".

Aquel número 300 traía tamén unhas verbas ben bonitas sobre a revista nunha entrevista ó gran escritor galego Paco Martín: "IRIMIA é algo que me vén asombrando dende hai moitísimo tempo. É desas cousas que só suceden neste país, quere dicir que a capacidade destes tolos magníficos non se atopa en moitos outros sitios. Hai que facer unha revista coma esta, hai que facela coa periodicidade coa que se fai, hai que levarla á

xente, etc., etc., sen medios nin nada: é unha auténtica marabilla".

"Sen miga de modestia", mani-



Portada do nº 300

festabamos tamén naquel número, que non só toda Galicia era a nosa casa -dende Ribadeo a Tui e dende o cabo Ortegal ata a serra da Queixa-, senón que mesmo en medio mundo recibían a nosa revista. Co mapa diante constatabamos que chegábamos desde Euzkadi a Cartaxena, desde Cataluña a Zamora; pero tamén de Alemaña a Italia, pasando por Francia e Suíza; e ainda cruzabámolo Atlántico para chegar moito antes da Expo'92 a Arxentina e ó Brasil, a Cuba e Puerto Rico, a Nicaragua e República Dominicana, e ata o mesmo país do tío Sam, o USA de Bush.

A situación económica da revista -eses cartos, que non dan a felicidade, pero axudan a facer cousas-, aconse lloulle á nova mesa de redacción non acomete-la aventura dun número especial con ocasión do decenario -o ano pasado- ou deste número 400. É mágoa, pois podíase facer un traballo moi interesante coa colaboración xenerosa de tantas e tan boas plumas amigas coas que poderíamos contar; pero, eses cartos puxeron tamén á IRIMIA branquiazul -coma a bandeira- de negro e gris nos últimos números. "Poderoso cabaleiro é Don Diñeiro", mal que nos pese ás veces.

## Unha historia de case quince anos

Aínda que IRIMIA leva pouco máis de dez anos saíndo á rúa, a súa historia ten bastantes más anos, como recordaba eu do número 306 con ocasión do décimo aniversario da **Asociación Irimia**. Dede un **Cruceiro** no ano 1978, ata a saída no nº 0 en Setembro de 1981, pasaron tres anos de xuntanzas, proxectos e debates,

nos que os primeiros artigos agardaron arelantes por ve-la luz: Aquela "Peneira", que a modo de editorial quería cribar algúna noticia salientable, o primeiro "Cantar do irimego", e tamén seccións desaparecidas coma "Terra e xente" (que primeiro ia ser "O libre", de raíces más célticas), ou que non chegaron nunca a facerse realidade coma "Vagalume". Eran 8 sinxelas páxinas.

A primeira fornada de xente que se encargou da revista eramos, Pepe Chao, Xosé A. Miguélez, Manolo Regal, Alfonso Blanco Torrado, Xosé M. Carballo, Lois Ferradás, Alexandre Pumariño e

o que isto escribe; áinda que tamén cómpre citar particularmente a Ramón Díaz Raña, pola capital importancia que tivo no seu nacemento e que logo se incorporou á súa elaboración. Aquel pequeno grupo inicial ampliouse de contado cunha segunda xeración, na que entraron nomes tan coñecidos da revista coma Daniel L. Muñoz, Xosé Lois Vilar e Marta Sopeña. E pouco a pouco un numeroso grupo de colaboradores, eventuais ou más asiduos (no número 300 pode verse unha lista bastante completa deles).

No ano 91, ó cumprirse o dez do seu nacemento, outra xente colleu o relevo, algunha esperanzadoramente moi moza, e a continuidade de IRI-

¿ENOS OU APRENDICES?

*Carta de Baltasar*

Benzurcos nenos:  
Soy Baltasar. Melchor e Gaspar estou con  
depre e orgulloso o letrón de vos escribir. Un  
señor breve porque xa non que non tene  
tanto para ler a minha carta. Impres  
rei por decirlos que este será o decenario  
an que reportar xornales dous e corri  
me como os anunciantes no avance case  
sem traballo. O deseo, o transporte costas,  
os despesas, tan pequenos e tan expensas!  
Despois das matemáticas ou os socios,  
o curro de ordenadores ou a máquina de  
escrivir. Antes de chegar ó futuro xac  
etado anxiados del  
Non certo a entender axiudadamente  
os maiores. Nun que non queren "a  
aprender". Os xoguetes non son "educativos"  
as notas melloras cos do fillo do anexo  
para que eu enrole. Só que a  
sua porta. Non suíña cubre no te  
nho todo o que os cría en bucolico.  
E no va non tu non sou mi patrón.  
En son Baltasar, sei andar e que polo a  
mien dos nenos. Que dasan os adultos  
que en nunha xeración atoparan pa  
man tempo un complexo como non  
este de Belén, este rex amigo non  
comprende e non adora.

*Eros Baltasar*

- Especial Asociación Irimia
- Agrupación de venta en común de leite, en Oirán
- Noticias sobre Armenia
- Cando soa a gaita avíase a alma e medra o espírito galego
- Celulosas en Galicia? Datos para pensar

Portada do nº 306

MIA quedou garantida de novo para outro feixe de primaveras máis. IRMIA é necesaria; desde a súa evidente modestia material, cos seus erros e acertos, cómpre dicir, sen embargo, que a Igrexa galega e Galicia non serían o mesmo sen IRIMIA que con ela. ¿Pecabamos de inmodestia cando nunha portada da revista poñíamos en boca de Rosalía estes versos: "Galicia é mais Galicia con IRIMIA que sen ela. IRIMIA vento de vida que aviva ce a nosa Terra"? O lector obxectivo deberá olla-las súas máis de 3.000 páxinas para facer un xuízo acertado.

Victorino Pérez Prieto

# Ecuador, o país da metade do mundo

IRIMIA, N° 418, Outubro 1993

**E**siven este verán un mes polo Ecuador e uns días en Colombia. Unha viaxe e unha estancia que quería ser alegre mais ca turismo, ainda que tivese tamén o engado que supon viaxar e coñecer países novos. Non viaxe só, fin con outro amigo e compañoira, e tivemos la regalía de contar cuns amigos que nos acollerón como non podía ser mellor, e con outros amigos que fixemos illí na breve, pero intensa estadía nesas terras. Gracias a eles, fomos ató más ca turistas e puidemos compartir no bo e no malo a realidade e a vida dun pobo irmán e dunha terra ben diciente da nosa.

## Un país de contrastes na "metade do mundo".

Ainda que Ecuador é por excelencia un país andino, e ven ser a andina a cultura e o folclore que mas se conoce del país, a zona montañosa e tan só a terceira parte da sua superficie. Igualmente, ainda que é un país que está na mesma lña divisoria da Terra, o Ecuador, tampouco en todo el un clima "ecuatoriano" ou tropical (calor e humidade).

O país ten tres zonas claramente diferenciadas pola xeografía, o clima e a mesma cultura: zonas entre as que habitan pouco coñecemento mutuo, ata hai poucos anos, a Costa, a Serra e a Amazonia. Desta maneira, o Ecuador ten desde as praias do Pacífico ata os cumes nevados das montañas andinas, desde a selva tropical ata aridós desiertos.

Fermosura e miseria. O país co mais rico nucleo colonial de América no centro colonial de Quito, ou coa riqueza cultural dos indíxenes, pero tamén coa miseria dos entornos de pobreza das suas ciudades e do seu campo, as precarias condicions viventicas, de vivenda e sanitarias, etc.

A Costa, cunha extensión de 800 Km. de longo e unha anchura de 150 Km., ten un clima quente-humido, sobre todo na estación do inverno (de decembro a xaneiro) cunha temperatura media arredor dos 30% e unhas chuvias constantes. Nela está mais da metade da poboación do país, ainda que ata hai uns anos tiña tan só o 20%, debido as enfermidades ocasionadas polo clima entermizo. Hoxe ten a cidade mais poboada do Ecuador;



Guayaquil, con preto de 2 millions e medio de habitantes. É ten unha importante riqueza no banano, no café e no cacao, na fruta e a cana de azucre, e tamén o arroz, producto básico na alimentación ecuatoriana. A sua vinte é traxto dunha mestura de razas que van desde os mulatos e os negros ata os cholas.

## Un país do Terceiro Mundo

A renda per capita é de 1.430 dólares anuais, que pon o Ecuador algo por baixo da media dos países de Sudamérica. Pero ca se sabe o que pasa coas rendas sobre todo nos países terceirmundistas: que a maior parte está nas mans dun pequenísimo grupo. De feito, 3.000 sueres (200 pts.) diarios é o salario medio dun xornaleiro, que non lle chega para mercar un solo (7.000 sueres); menos mal que tenen barato os bananos... O amigo Manolo Rodríguez, cara ourensán que leva aio desde comezos deste ano 93, dabanos algunos datos comparativos, xunto coas suas impresións, nunha carta publicada recentemente en Irimia (nº 416).

Xadrezas da vida matricion, as peores condicions da vivenda, sobre todo na zona da costa, a falta de auga potable (dada a auga está contaminada no país), as masas condicions sanitarias, a escaseza de estradas e o mal estado das que hai, etc. son outros tantos indices desta situación de pobreza nun país que non carece de recursos.

Do meu Caderno de vida saio un testo destes días. En Quito tivemos que quitarlle a escuola do brazo que traxo escoiñado José Luis (un cativo)

de orfo de 10 anos que vivía nun albergue do Quito Sur) cunha tesora vella de podar, porque non llo quixeron facer en varios hospitais ós que o levara Antonio, o adulto responsable do albergue, que tñia o expresivo nome de Leonidas Proaño, o bispo defensor dos indíxenes.

## Unha xente acolledora e unhas comunidades cristianas participativas.

Falar do Ecuador, coma de maior parte de América Latina, non é só falar da

fermosura da súa paisaxe, arquitectura e artesanía, nin tampouco da súa miseria, que se palpá polas rías. É tamén falar de xente acolledora, que comparte o que ten, afinda que se diga que son ladróns e falsarios. Falar de xente sinxela e confiada que che abre as súas portas, falar de agrimento e agradecemento. Falar de xente testeira e leda a pesar da súa pobreza, ou quizabes polo que esta ten de bo; non precisar de demasiadas cousas para ser feliz.

Falar tamén, dunha fe e unha relixiosidade fonda. Que se manifesta na excelente acollida que fan ós "padrecitos", na confianza en Deus, na delicadeza e constancia da súa oración, na participación nas cousas da Igrexa, desde as súas celebracións ata os seus grupos de base, no sentimento de comunidade cristiana.

E falar, sen dúbida, dunha le pouco formada, e moitas veces supersticiosa, dunha práctica relixiosa que non cobra, as veces, moito coas normas do Dereito Canónico e da Igrexa oriental...


Pero tamén dun fondo sentimento de Igrexa, de que a Igrexa tamén son elles e queren participar nas súas cousas; mesmo non lle tenen medo a un protagonismo na comunidade, desde a participação na celebración a responsabilidade grande dos catequistas e os animadores da Palabra, verdadeiros "filii mater" das comunidades.

E falar tamén dun cristianismo que quere ser fonte de liberación da súa opresión, o lado dun cristianismo tradicional e sacrificador das desigualdades sociais e os abusos dos opresores de sempre.

Tamen na relixión o Ecuador é un país de contrastes, pero nel podese aprender a le-lo Evanxeo e toda a Biblia dunha maneira diferente, menos retórica e morta, e mais metida no seu espírito fundo, o dos profetas de Israel, o de Xesús de Nazare,

Con todo, un país que necesita ainda curas, inoxas, laicos, animadores de pastoral e protestantes en diversos campos, con consciencia de ir facer un rol de suplencia, que lles axuden a ser unha Igrexa autónoma. Cristians que vayan moi dispostos a da-lo mellor de si, pero tamen a recibir agradecements o motivo que ali poden aprender e vivir, respectando e amando o seu dereito a ser diferentes.

VICTORINO PEREZ PRIETO



República do Ecuador. Estado de América do Sur con democracia parlamentaria, con presidente e un congreso eleixidos cada 4 anos.

Superficie: 283.561 Km<sup>2</sup>.

Poboación: Preto dos 11 millions de habitantes (o censo real diríxir ao oficial, pois moita gente non está censada).

Capital: Quito (Preto de 2 millions de hab.).

Outras capitais importantes son Guayaquil, Caenca, Ambato e Portoviejo.

Lingua: Español e quichua.

Unidade monetaria: O sucre (aprox. 10 pts. son 150 sueres).

Relixión: Majoritariamente católica (90%). Tamen hai numerosas comunidades protestantes e outras minoritarias.

Limites: Polo N con Colombia, polo E o S con Perú e polo O co Océano Pacífico.

## Un corsario da prensa chamado Pasolini

*"As persoas adorables son aquelas que non saben cales son os seus dereitos. Son adorables tamén as persoas que sabendo cales son os seus dereitos non os pretenden ou renuncian a eles. Son tamén bastante simpáticas as persoas que loitan polos dereitos dos outros, sobre todo daqueles que non saben que os teñen. Tamén están na nosa sociedade os que usu-*

*fructúan e os usufructuados. Aquí están tamén os intelectuais, empeñados en facer saber ás persoas adorables, que non o saben, que tamén teñen dereitos; incitar ás persoas adorables, que saben que teñen dereitos, a non renunciar a eles e incitar a todos a senti-lo impulso histórico na loita polos dereitos dos outros".*

Con estas verbas iniciaba Pasolini o que foi o seu verdadeiro testamento ideolóxico, que debía ler nun congreso en Florencia (Italia), pero que a súa morte violenta impediu levar a cabo. Afortunadamente, non se perdeu e saíu publicado no xornal "Il Mondo".

Un home que escribia estas cousas non podía pasar inadvertido; ademais tiña coma tribunas do seu discurso a prensa, os libros e o cine. Un home que facía estas confesións non podía tampouco resultar indiferente para calouera persoa crítica e consciente, fose atea ou crente, particularmente cristián.

### Polifacético, comprometido co seu tempo

Pier Paolo Pasolini (Casarsa, Bologna, 5 Marzo 1922 - Ostia, 2 Novembro 1975) confesábase home de **esquerda**, moi crítico co sistema burgués-democrático, marxista e votante comunista, e sen embargo foi expulsado do Partido Comunista. Pasolini declarábase **non cristián**, e sen embargo realizou a mellor película nunca rodada sobre Xesús de Nazaret: "O Evanxeo según Mateo"; feita con sobera-



Pasolini (á dereita) na rodaxe de "O Decamerón".

na honradez e respecto polo texto bíblico, tra-la "excitación creativa" que lle produciría a lectura do Evanxeo, segundo confessou máis tarde. ¡E mesmo recibiu o premio da Oficina Católica Internacional de Cine, no Festival de Cine de Venecia!. En fin, confesábase un **intelectual** e arremetía contra eles desde os seus artigos nos xornais italianos polo seu "conformismo deplorable", aínda que se dixese de esquerdas.

Poeta, novelista, ensaísta, articulista, cineasta; artista e intelectual á vez, Pasolini foi un creador fascinante: Entre os seus ensaios pódense destacar "As cinzas de Gramsci", "A relixión no meu tempo"....; das súas novelas "Mozos da

vida", "Unha vida violenta"...; ou entre as súas películas "Accatone", "Mamma Roma", "Il Vangelo secondo Mateo", "Teorema", ou a súa "Trilogía da Vida", e "Saló", durísima película que pode ser o seu verdadeiro testamento cinematográfico. El forma parte, xa para sempre, dos grandes nomes do cine contemporáneo italiano e mundial, ó lado de Federico Fellini, morto neste ano 93, Bernardo Bertolucci, ou os hoxe case esquecidos Visconti ou Antonioni.

Sen coñecer del nada máis que parte da súa obra cinematográfica, sempre resultou seductor para mim, e adiqueille un dos meus primeiros escritos de mocidade (1975) tra-la súa morte, co rimbombante título de "Pasolini, cine indixesto ó sistema".

En canto o fun coñecendo e sabendo da súa honradez radical, coma artista e intelectual, decateime de que non fá errado nos meus xuízos, e que lle acaían magnificamente aquelas verbas doutro realizador cinematográfico, Igmar Bergman: "Quero ser un dos artistas da catedral que se ergue na chaira... Crete ou non crete, pagán ou cristián, traballo para construí-la catedral, con tódolos demás".

## ⇒ “Escritos corsarios” e “Cartas luteranas”

Volvín interesarme por el hai un par de anos coa lectura dunha documentada reportaxe que traía longas citas dos seus derradeiros libros: “Escriti corsari” e “Lettere luterane”. Dous libros que recollían parte dos seus polémicos artigos nos xornais italianos e que busquei con verdadeiro fervor.

Alí lin cousas que me achegaron más a este home do que xa conseguira ver case a totalidade da súa obra cinematográfica. Lin cousas escritas por el, coma estas: “Se moitas e graves foron as culpas da Igrexa na súa longa historia de ~~co~~ – a máis grave de todas sería a de ceptar pasivamente a propia liquidación por parte dun Poder que se burla do Evanxeo... Está claro o que a Igrexa debería facer para evitar unha fin sen gloria: Debería pasar á oposición... E para pasar á oposición debería primeiro negarse a si mesma... A Igrexa podía ser guía, grandiosa pero non autoritaria, de todos aqueles que rexeitan -e fala un marxista, precisamente en canto marxista- o novo poder comunista, que é completamente trelixioso, totalitario, violento, falsamente tolerante, corruptor, degradante, inclu-

so más represivo que nunca” (Das “Cartas luteranas”).

Non é de estrañar que Pasolini fosse un home que escandalizara a dereitas e esquerdas.

Iso é o que queda reflexado nun libro que publica Edicións Positivas: Ningún pode apropiarse a Pasolini, e el é de tódolas persoas críticas e honradas da nosa sociedade de finais do século XX. Os “Escritos corsarios” na súa tradución, galega, desgraciadamente, non son só unha traducción, senón tamén unha escolla na que quedaron fóra artigos importantes coma “O artigo dos vagalumes”, “Unha pouca de febre” e algúns máis.

Pero si podemos atopar artigos coma “Análise lingüística dun slogan”, ou “Aculturación e aculturación”, corrosivos contra o poder burgués na nova sociedade, un poder represivo que “esixe dos consumidores un espírito totalmente pragmático e hedonista” (“a tolerancia da ideoloxía hedonista desexada polo novo poder é a peor das represións da historia humana”); e corrosivos contra unha Igrexa que “Fixo un pacto co diaño, é dicir, co Estado burgués”, o que manifesta para Pasolini a contradicción máis escandalosa,

sa, pois a burguesía é unha antítese da relixión.

E os artigos sobre a homosexualidade, e especialmente os da súa polémica contra o aborto. No primeiro dos artigos (“O coito, o aborto, a falsa tolerancia do poder e o conformismo dos progresistas”), que levantou unha virulenta polémica na progresía italiana, comeza dicindo algo tan escandaloso para un home “progresista” coma: “Síntome traumatizado pola legalización do aborto, porque o considero, coma moitos, unha legalización do homicidio”.

Ou, descalificando o consenso que existía sobre o tema en gran parte da sociedade italiana: “A maioría, na súa santidade, está sempre trabucada, xa que o seu conformismo, por natureza é sempre brutalmente represivo”.

Sen dúbida, aceptar afirmacións coma boas simplemente porque son “modernas”, ou porque son aceptadas pola xente nun momento dado, é signo de papanatismo, ignorancia e falla de criterio. Tanto se son “de esquerdas”, coma “de dereitas”.

Victorino Pérez Prieto



Un relato autobiográfico que é tamén a crónica dunha disidencia. Unha crítica desde a reflexión e desde a experiencia á Igrexa galega do noso tempo.




## ¿Aínda cine relixioso?

Tardei en atopar a ocasión de vela, pero puiden facelo hai unhas semanas; en boa compañía, como gusto de ir ó cine, con amigos que saíban disfrutar dunha boa película, e á saída poder comentala xuntos. Estoume a referir a "Terras de penumbra", a última película de Richard Attemborough, cos excelentes actores Anthony Hopkins e Debra Winger. Forma parte da boa colleita de filmes que o cine nos ofreceu nos últimos doce meses, como había tempo que non ocorría.

### Unha boa colleita

En primeiro lugar, a maxistral "Azul", do director Krysztof Kieslowski, a primeira cinta da súa cinematografía que continúa coa, tamén en cartel, "Branco", inferior á anterior, anda que teño un amigo ó que lle gustou máis; cine en estado puro, cando un ve películas coma esta, pode dicir: "O cine existe". Logo, a impresionante "O piano" da directora neozelandesa Jane Campion, merecidamente galardoada con varios Oscar. "A lista de Schindler", do popular realizador xudeo-americano Steven Spielberg, non necesita presentación; desta volta coincido en que a Academia de Hollywood concedeu o Oscar á mellor película a un bo filme. Tamén "A idade da inocencia", do controvertido Martin Scorsese, que esta vez fixo unha película más ben clásica. E sen esquecer "No nome do pai" do realizador Jim Sheridan; a arrepiante historia duns mozos irlandeses que son xul-

gados xunto coas súas familias, acusados de ser activistas do IRA; a pesar de coñecer de seguida a súa inocencia, a policía británica consegue que vaian á cadea por non atopar ós verdadeiros culpables, o alí permanecen durante quince anos, ata que unha avogada valente esclarece o seu caso. Sobra dicir qué o tal *pai* é o Estado.



"Tierras de penumbra".

### ¿Un cine relixioso?

A película de Attemborough non está entre as dez primeiras da lista dos críticos, e cinematograficamente non é unha película xenial. Pero, ademais de ser unha boa película, ten o interese de toca-lo tema relixioso desde una perspectiva crente -áinda que non sexa o central da película-, o que a converte en algo inusual no panorama do cine máis actual. É unha película "relixiosa", áinda que non aparezan nela nin curas, nin monxes, nin unha igrexa, máis que unha curta secuencia. Tampouco ten milagres nin longos discursos relixiosos.

En realidade, o cine que abandonou nestas cousas non foi, máis que excepcionalmente, bo cine relixioso. A mellor película sobre Xesús de Nazaré non foi "Rei de Reis" (Nicholas Ray) nin "A historia máis grande xamais contada" (Georges Stevenson), nin outras "de romanos"; nin sequera a colosal película de Zefirelli "Xesús de Nazaré", senón a austera "O evanxeo segundo Mateo" de Passolini.

Houbo tamén moito mal cine, chamado fraudulentamente relixioso; non só o oportunista que se fixo na España franquista. É un cine que non é capaz de situarse honrada e humildemente ante a transcendencia, e perdeuse en doce estampas estampas dun mundo alleo a realidade coas súas crises e contradiccións. "Fáltalle-lo arrepiño do verdadeiro contacto co misterio", escribía hai anos un bo crítico de cine.

Non é facil conseguir un bo cine relixioso, que terá que suxerir, máis que dicir; que a todo máis se asome á transcendencia, máis que pretende-la inutilidade e falsidada de amosala. Bo cine relixioso fixo o sueco Ingmar Bergman, crítico, indagador, que pregunta máis que responde, pero que reflexa honradamente a preocupación relixiosa pola transcendencia; os dous directores case esquecidos, a non ser polos bos cinéfilos, o francés Robert Bresson ("O diario dun cura rural", "O proceso de Xoana de Arco") e o dinamarqués Carl Dreyer, un protestante que pasa por ser o meirande dos realizadores relixiosos, áinda que só fixera dúas películas do tema: "A paixón" ↗

le Xoana de Arco" e "Ordet", a nidade, os planos longos, unha fe non ten medo de poñerse a proba, encara ó espectador coa fe tal lo é, coma misterio resplandecen-  
tero sen falsas seguridades.

Máis preto no tempo, son películas honradamente relixiosas, entre ras, filmes tan dispares coma a elente *A misión* de Roland Joffé, gran espectáculo, *Romero* de John Igan, impresionante filme sobre o obispo salvadoreño Óscar Romero; e más íntimas *Sacrificio* de Andrej Konski e *Thérèse* do francés Alain Tanner, premiada en Cannes, sobre a nta monxa carmelita Teresa de sieux.

#### "Terras de penumbra"

O galardonado actor Anthony Hopkins é na película de Attenborough un profesor de Oxford na puri-


tana sociedade inglesa dos anos 50 (Jack), solteiro, que vive co seu irmán e se carteá cunha muller norteamericana (Debra Winger) que admira os seus libros. Cando esta muller (Joy) e o seu fillo veñen visitalo, rómpenlle os seus esquemas e ábreo a novos proxectos de máis autenticidade. "Só estás rodeado de xente más nova ou más parva ca ti, á que podes superar", dille.

Jack e Joy confésanse cristiáns, aínda que ela é de orixe xudía. O seu cancro incurable, cando a felicidade parece apuntar para ambos, lonxe de sacar das súas gorgas un berro irado contra a inxustiza dun Deus que lles "fai" tal cousa, lévaos a medrar e purificar a súa fe. "Non rezo para que Deus cambie, senón para cambiar eu", repónelle Jack a un descrido compañoiro de docencia, cando este lle di que por moito que rece, Deus non semella querer cambia-las cou-

sas. Non é doado atopar no cine expresións de tal fondura relixiosa, cunha teoloxía cristiá tan auténtica, lonxe de tópicos que nada teñen que ver co pensamento de Xesús de Nare. Se Luís Buñuel descubise esta teoloxía, seguramente cambiaria a orientación das súas películas "antirreligiosas", varias delas xeniais. O remata da película, Jack dille ó fillo de Joy, despois de enterrar á muller que ambos aman coma esposa e coma nai: "O sufrimento de gozar é parte da felicidade de entonces". Antes reconécera que mentres permanecera galvanizado nas súas seguridades, para non deixarse coller polo sufri-  
mento, non descubrira tampouco o que é a felicidade.

Victorino Pérez Prieto

Un relato autobiográfico que é tamén a crónica dunha disidencia. Unha crítica desde a reflexión e desde a experiencia á Igrexa galega do noso tempo.



galaxia



galaxia

## Carta aberta ós amigos e lectores de "Irimia"

Benqueridos amigos, un saúdo agarimoso desde Vallecas:

Coido que esta é unha carta necesaria debida. Debida coma agradecemento polo agarimo que me teñes manifestado tantos amigos, particularmente nos últimos días. Necesaria para aclarar varias cousas, pois a confusión, mesmo en cousas moi sinxelas coma este caso, pode medrar ata se converter nun nō que non hai quen o desfaga.

No último número da revista poñíades unha páxina feita con agarimo e humor, que eu acollín da mesma maneira: "Váisenos o Tori". O que máis me gustou foi unha foto miña coa Biblia erguida por riba da cabeza e o pé de foto: "Este libro tráeo de cabeza". Tamén vos agradezo que desedes a información sobre a "xornada cultural" que se fixo en Xove sobre "A nova Igrexa galega", con ocasión da miña ausencia desa parroquia; moitos enterariánse por esa canle, o que é unha satisfacción para os q. organizaron tal xornada e para mim mesmo.

Pero a páxina podía prestarse a confusión, por varias razóns. Xa polo mesmo título. Podía prestarse, e prestouse, á mala interpretación de que eu me fío desta Igrexa, ou do exercicio do meu ministerio, ou... á Cochinchina; ó primeiro tamén poderían prestarse as palabras sarcásticas do bispo integrista, monseñor Lefebvre, que en paz estea. Pero non é así. Atópome moi a gusto de cura e co traballo que fago, aínda que moitas cousas non sexan como me gustarían, nin a miña Igrexa tampouco; e, ás veces, ese traballo se me faga moi costento e eu me vexa moi contradictorio. Xa dixen na miña despedida das parroquias de Xove, A Regueira e Penas Agudas (na Mariña luguesa) que non era un "adeus", senón un "ata logo"; aínda que o alcance dessa "ata logo" non estivese na miña man,

podía ser tan só un ata logo por un ano e reintegrarme ó cabo á parroquia, ou unha despedida definitiva dela, aínda que seguisemos véndonos e tratándonos como amigos (alí quedaron as miñas cousas).

Eu voume tan só por un ano para facer en Madrid algo importante, pero que a maioría non saberán o que é: o



"Ano Pradosiano". Trátase dun ano de formación no carisma ou espiritualidade da "Asociación de Sacerdotes do Prado", na que estou desde hai anos con outros amigos coñecidos en "Irimia" como Xosé Antonio Miguélez, ou Manolo Rodicio, que anda desde hai un par de anos entre os pobres do Ecuador. Esta é unha asociación de curas que, insertos nas súas Igrejas diocesanas, queren vivir a súa vocación sacerdotal cun particular compromiso de seguimento de Xesús Cristo e de atención ós pobres e á súa realidade, para serles más útiles na evanxelización; coidan tamén a vida de equipo, da que andamos habitualmente ben escasos os curas.

Esta asociación foi fundada por un cura francés no século pasado: Antonio Chevrier (1826-1879), que traballou toda a súa vida no barrio da Guillótiere, na bisbarra obreira da cidade francesa de Lyon. Hoxe está espallada por moitos países do mundo; sobre todo en Europa, pero tamén en América, África e Asia. Os curas do Prado sempre se caracterizaron polo seu compromiso coa

realidade dos pobres e dos obreiros, e por unha intensa espiritualidade baseada no estudo de Evanxeo e na oración, sempre atenta á realidade. Desde as súas limitacións e cativezas, tentan desde hai anos ser fieis os espírito do seu fundador, que escribiu o que foi descubrindo nun libro: *O Sacerdote segundo o Evanxeo ou o Verdadeiro Discípulo do Noso Señor Xesús Cristo*.

Del dixo o popular bispo Pedro Casaldáliga que Antón Chevrier "é ese verdadeiro discípulo... Fíxose pobre para evanxelizar ós pobres, e compartiu con eles a condición dunha vida desposuída... Apaixonouse por Xesús Cristo e por Xesús Cristo apaixonouse polos Pobres". Por esta opción pastoral

polos pobres e a clase obreira, a Casaldáliga parécelle Antón Chevrier, con razón, un exemplo de cura más "actual" que o do Santo Cura de Ars, contemporáneo seu, aínda que este estea xa canonizado hai moitos anos e o P. Chevrier sexa "só" Beato.

Desde que coñecín isto, fun coidando que o compromiso que quería ter con Galicia e cos pobres podía verse afiuzado desde a realidade deste grupo. E así o sigo considerando hoxe, por iso me atopo moi a gosto con el. Este ano será para mim unha ocasión de afondar nunha espiritualidade que considero moi boa e aprender a ser un pouco máis "discípulo de Xesús Cristo" nos meus feitos e nas miñas raíces más fondas, como quería para os cregos o P. Chevrier, "para facerse máis útil para os pobres".

Non é por casualidade que vaia vivir con outros tres compañeiros da Asociación nun pisiño cativo de Vallecas, no arrabalde de Madrid, onde hai unha meirande proximidade á realidade dos marxinados. Todos deixamos o traballo que estabamos a facer con ilusión nos



nosos lugares de orixe, para comartir e estudiar xuntos este ano. Non nos conseguir outro título académico ue o de aspirantes a ser un pouco mellor discípulos de Xesús Cristo.

Finalmente, quero dicirvos que éerto que barallei seriamente a posibili-

dade de irme uns anos a traballar nun país sudamericano, entre os pobres; pero os amigos fóronme insistindo tanto no que temos que facer nestes momentos en Galicia os que andamos na procura dunha nova Igrexa verdadeiramente galega, comprometida coa realidade do

seu pobo, que xa case desistín daquela idea; ainda que sigo disposto e quero ser dócil ó camiño do Espírito, que fala pola xente, por vós, e sobre todo polos más pobres.

Victorino Pérez Prieto

## Sobre a páxina de Tori

Benqueridos amigos e amigas de Irimia:

Teño diante de mim a páxina de "lidade" da revista nº 440 titulada "Aíse o noso Tori".

Non sei quién foi o autor, pero parece de tan mal gusto (por non utilizar otros adjetivos) que non podo deixar esa la ocasión sen expresarllelo ós más rectamente responsables da súa publicación.

O meu desgusto (confirmado polo ntir e a opinión de varias persoas e munidades cristianas coas que casualmente a comentamos) ten varios motivos:

O titular é ambiguo e ata adulterador da realidad: Case que parece da la sensación de que se busca crea-la imaxe do Tori "perseguido". Tori non se vai; só marcha uns meses para Madrid, a participar no Ano de Foroín que a Asociación do Prado aconsella realizar ós curas que a ela pertencen.

A súa marcha, temporal xa que logo, non é obligada (nin polo tanto dictada

por ninguén, como parecería querer indicá-la ilustración da dereita); a súa marcha foi demandada simplemente por el mesmo e concedida a quien pertence conceder na actual estructura eclesial.

Fronte a uns medios de comunicación xeralmente tan adictos á manipulación informativa, Irimia deberá destacar, paréce-me, por ser unha voz ben apegada á verdade.

"A verdade faravos libres", di Xesús no Evanxeo de San Xoán (8,32) e Paulo recordáanos que o amor "sempre se alegra coa verdade" (1 Cor 13,6). A fidelidade á verdade (con tódolos problemas epistemológicos e sociais que entraña) vólvese así un bo termómetro do amor co que andamos a face-las cousas.

2.- De novo aparecen os "bos" e os "malos" da película, nun esquema maniqueísta que necesitamos tanto ir superando todos: os "bos" (¿eu-nós-os de Irimia?), con Tori coma estandarte e a Biblia á cabeza, e os "malos", con

Lefèvre e Gea representándoos... Nin nós somos tan "bos" (as cousas irán seguramente doutro xeito se así fose), nin eles, se cadra, son tan ruíns (ou alomenos non somos nós quen para facer ese xuizo).

Páxinas coma esta crean conflicto innecesario nunha Igrexa xa ben chea de conflictos reais e de non doada solución. Non levan más que a xerar receos e a alonxar de Irimia ós sectores más críticos e desconfiados co noso xeito de entende-la fe e vivila. A alonxarnos uns dos outros. E este non parece se-lo dinamismo do amor, que no canto de distanciar e dividir, tende a acoller e a unir (sen evitar por iso o conflicto, claro).

Páxinas coma esta en nada axudan a ir creando irmadade na Igrexa; en nada axudan á maduración dunha estructura eclesial más comunitaria.

Unha aperta e graxas por ese cachíño de Igrexa que chamamos Irimia.

Tereisa Ledo  
Romariz-Abadín-Lugo.

## Aclarando a marcha de Victorino

A Tori, a quien queremos moito e ben, quixémolo despedir -ata logo- con humor. Por iso botamos man dun par de chistes improvisados e dunha figura -mons. Lefébre- que, por patética, resulta simpática, sen ánimo de ofender a ninguén.

Seguro que o chiste era malo. A súa misa está na expresión do fotografado e no contraste entre a Igrexa que soña un e a que soña o outro. Citamos un bispo. ¿A cal dos dous soños se achega máis?

Coa Irimia de agora hai o problema de que é un producto confesante, pero leigo, feita por leigos. Por iso ás veces movémonos con claves humorísticas e desmitificadoras. Fuximos moi a propósito de calquera dramatismo. Non consideramos que o dramatismo e o transcendentalismo sexa mellor vehículo da verdade e do amor, có humor e, mesmo, a ironía.

Por iso, ás veces, non calculamos abondo os equilibrios e sutilezas nece-

sarias e habituais para falar dos conflictos e desencontros que hai na Igrexa.

Que perdoen os ofendidos e ofendidas pola nosa secular brutalidade. Recoñecemos que neste caso non demos acertado, pero o noso erro -confesado-, non nos parece merecente dunha innecesaria dramatización. Así o ve o mesmo Victorino.

A Redacción.

# Fondo Monetario Internacional

## ¿A eficacia cruel do mercado?

**H**ai poucas razóns para alegrarse de que a comunidade internacional conmemore o 50 aniversario do Acordo Bretton Woods [USA, xullo de 1944], que levou á fundación do Fondo Monetario Internacional (FMI), o Banco Mundial (BM) e o GATT (Acordo Mundial sobre Aranceis e Comercio). Os programas de Axuste Estructural impostos polas institucións de Bretton Woods provocaron tanto a fame coma un brutal empobrecemento do Mundo en vías de Desenrollo, contribuíndo a 'tercerromundización' dos países do antigo bloco lo Leste...

Os programas de A.E. contribuíron á desestabilización das economías nacionais, á ruína do medioambiente e á destrucción da sociedade civil... Son tamén os responsables da distorsión das raíces fondas da crise económica, así como a falsificación dos factores sociais e económicos...

A súa actuación contribuíu ó desmantelamento dos programas de sañude e educación. O seu apoio a proxectos hidroeléctricos e agroindustriais a gran escala, aceleraron os procesos de deforestación e a destrucción do medioambiente natural, conduciendo ó desplazamento e a expulsión forzosa de varios millóns de persoas...

[Se "como mostra val un botón", ahí vai un]:

O recente brote da epidemia de peste bubónica e neumónica na India é consecuencia directa do empeoramento da infraestrutura sanitaria e da saúde pública que acompañou á reducción dos presupostos nacionais, co Programa de Axuste estructural de 1991, respaldado polo FMI e o BM".

(ECO, publicación do Foro alternativo, 1 de outubro de 1994).

Como sabedes os lectores de IRIUSA, veño de chegar para pasar un ano na capital, entre a marabunta e o tráfico desta cidade da que din "de Madrid ó ceo"; un mundo plural no que se pode atopar un escaparate de case todo o que existe na nosa sociedade para ben e para mal, o mundo máis laico e tamén a realidade relixiosa, o mundo da intelectualidade e a "cultura", a realidade cotián da rúa e a realidade marxinal ata os niveis máis baixos dos que da de si o noso Primeiro Mundo.

### Dous foros de debate

No mesmo fin de semana puiden participar en dous foros ben diferentes: O sábado primeiro día de outubro no Foro do Feito Relixioso, no que un



"Nós cremos na realidade das persoas que morren de fame e enfermedades".

### Un foro verdadeiramente "alternativo" co 0,7 como emblema

O "Foro Alternativo" agrupa a xente que quere presentar unha proposta diferente a que o chamado "grupo dos sete" (G-7, as sete grandes potencias mundiais), que se reuniron estes días en Madrid para celebrar os 50 anos da fundación do FMI, xunto con numerosos representantes doutros países. A maior parte da xente que organiza o "Foro Alternativo" pertencen ás Organizacións Non Gobernamentais (ONG) que traballan na defensa dos dereitos e a promoción do Terceiro Mundo. O seu slogan máis repetido con ocasión do 50 aniversario do FMI, foi estes


días: "50 anos abondan". Ese mesmo domingo día 2, este foro xuntou a máis de 10.000 persoas nunha manifestación para denunciar a responsabilidade das políticas do Banco Mundial e o FMI na pobreza global do mundo e a destrucción do medioambiente; e ó longo da semana, unha das organizacións, a Plataforma polo 0,7% chegou a xuntar preto de 300 tendas de campaña no Paseo da Castellana, fronte ó Ministerio de Economía, para reivindicar o envío desa porcentaxe dos Presupostos do Estado para axuda gratuita ós países do Terceiro Mundo; así mesmo, o sábado pola mañá fixeran unha longa cadea humana de máis de 2.000 persoas desde ese

"Campamento de solidariedade: ata o Congreso dos Deputados. Como é coñecido, o Goberno só se comprometeu a destinar a estes fines o 0,3% dos Presupostos do próximo ano. Entre os líderes da Plataforma do 0,7% destacaen o xesuíta Javier Repullés e o teólogo de orixe galego Xulio Lois, ademais dalgún inxeñeiro, catedrático de economía, etc. Todos son conscientes do signo de solidariedade que representaría o triunfo dessa loita, nos pobos de España e respecto dos outros dous países de Europa, que tampouco chegan a esa porcentaxe.

### A desfachatez dos ricos e a verdade dos pobres

Na aludida mesa redonda, señáranse a dialogar un exipcio e un rioxano polo FMI-BM, a carón dun pacifista belga e unha muller indú ecoloxista, cadaquén cunha boa formación universitaria, moderados polo coñecido personaxe da TV José Luis Balbín. Non era difícil supoñer de que lado estábamos a meirande parte dos que enchiomos a rebordar o amplio local no que foi o acto. Con razón o español que pertencia ó FMI (H. Puentes) dixo ó comezo da súa primeira exposición que se sentía coma os do Milán cando veñen xogar ó Bernabeu, e Balbín insistiu en máis dunha ocasión que non se esquecera que estes eran os invitados. Non houbo problemas.

A postura da indú (B. Shiva) e o belga (P. Galán), foi clara e contundente: As institucións monetarias mundiais crearon a desestabilización dos países pobres. "Cando todo o poder converxe nuns poucos, só pode levar á corrupción e o colapso mundial", dixo B. Shiva, apoiándose en numero-



sos datos sobre todo da realidade do seu país, a India; "nós cremos na realidade das persoas concretas que morren de fame e enfermedades", dixo tamén denunciando a análise da realidade e o discurso triunfal feito desde as estruturas de poder mundial. O que quería contrastar esta indú graduada en Ciencias Físicas era o discurso sobre a recuperación e o crecemento da economía que fixeron os representantes do FMI e o BM, que se reafirman na idea de que ambas institucións buscan a solución dos problemas mundiais, sobre todo dos países máis pobres, e que foran conseguindo que

Fronte a esta postura, tamén o belga solidario denunciaba ó FMI-BM como os responsables do incremento da pobreza no mundo, froito do predominio da

macroeconomía e a insolidariedade dos países ricos, fronte a realidade dos pobres. "Nós, os ricos, temos que dicirvos a vós, os pobres o que tedeis que facer", o paradigma do discurso occidental; co que ademais da cuestión económica, P. Galán denunciaba a necesidade do respecto á pluralidade de culturas cos seus diferentes ritmos de crecemento; "As propostas dos países ricos ós países pobres veñen ser como si se puxeran a boxear no un neno contra Cassius Clay".

A confrontación dos discursos era evidente. Pero, mentres os enviados dos organismos oficiais viñan traer a "voz do seu amo" -o que paga por lavelle a cara-, os que representaban as posturas da ONG's manifestaban a postura dos pobres, que non teñen forza, pero si moita máis razón.

Polos xornais saberedes que nin o estado español nin os demás poderosos do Primeiro Mundo lles fixeron moito caso; pero as tendas do "Campamento de Solidariedade", seguen presentes no Paseo da Castellana, e manifestaron que por tempo indefinido. Saben que outros moitos estamos con eles, naqueles tres centos de tendas está un símbolo tan forte como as dos israelitas na súa longa marcha polo deserto, de camiño á Terra Prometida.

Victorino Pérez Prieto



## IN MEMORIAM

## PAULINO

*Non temos nas nosas mans -  
as soluciones para os problemas do mundo,  
temos as nosas mans.*

*Cando o Deus da historia veña,  
mirará as nosas mans*" (M. Menapace, *La sal de la tara*)

Morre Paulino, un amigo e un compaño de camiño no compromiso polo Reino de Deus. A triste nova recibíomola xusto ó remate da Celebración Ecuménica no "X Foro Relixión e Cultura en Galicia", que tivemos en Santiago os días 24 e 25 de Novembro.

Para moitos lectores de IRIMIA, esto non significa máis que unha noticia triste, como a doutras mortes que acontecen cada día; os xornais están cheos de notas necrolóxicas, pero os seus nomes só afectan ó pequeno círculo dos familiares e amigos.

Sen embargo, Paulino, non era alleo a IRIMIA e a moita xente da gran familia de irimegos. Os que veñen lendo a revista desde hai anos, lembrarán o seu nome —que cun estranxo enxebriamento aparecía, ás veces, como *Pauliño*—: era o asiduo colaborador da sección de SAÚDE, na primeira xeira da revista no formato grande. Foi un verdadeiro "merlo branco" que un gran amigo del, Xaquín Campo Freire, nos axudara a descubrir. Paulino era moi máis que un médico preocupado pola saúde pública, era un militante das causas populares e un cristián galego comprometido ata o máis fondo do seu ser.

Un militante é o que descobre a historia e atopa nela o seu lugar para colaborar con outros en que esta camiña cara adiante, a fin de que, cando lle toque a hora de irse, poder deixar as cousas algo mellor do que as atopou cando chegou.

Paulino era un militante cristián, porque a súa fe en Xesús Cristo liberador era o motor do seu compromiso cos pobres en tódalas caras da opresión. Galego e comprometido con esta Terra no seu eido profesional da sanidade, e tamén no campo sindical e político, Paulino non era un "provinciano", o seu corazón, tan grande coma o seu corpachón, non collía nin sequera no mundo grande de Galicia. Por iso, o seu compromiso cos pobres levouno a diversos países de América Latina e África. Cando lle deu o infarto acababa de chegar de Chiapas, a capital do México zapatista. El sabía moi ben, coma tantos outros, que ser galeguista é ser radicalmente universal á vez que radicalmente concreto, e, por iso, o seu compromiso co pobo galego levouno tamén a comprometerse con tódolos pobos oprimidos.

Deus estará a ollar con particular amor as mans de Paulino, grandes coma o seu espírito, unhas mans cheas de vida xenerosamente regalada. Aquelas mans que, como lembraba Xaquín nunha eucaristía que tivemos en Santa Mariña do Ferrol, destacaban sobranceira e anonimamente protagonistas, en tantas manifestacións nesta cidade obreira a finais dos anos 70 e no comezo dos 80. Naquela cidade, as mulleres da limpeza do Hospital no que traballou, foron as que máis choraron a partida de Paulino, para honra do noso amigo.

Pero, logo, foi Lugo a que puido gozar da presencia e o traballo deste incansable loitador. E tamén os veciños das parroquias de Lagoa, Ubeda Cadavedo e Loboso —na Pastoriza de "tras da Corda"— en máis dunha memorable sesión das Xornadas de Formación Popular, onde participou xenerosamente. Xunto con Madrid, nos Congresos de Teoloxía, e... tantos outros lugares.

Graciñas Paulino, ti e a túa semente de utopía e esperanza, xenerosamente botadas, non morredes endexamais, pois a mañá colleute sementando e o Pai pilloute coa lámpada ben accesa.

*No enterro de Paulino (26 de novembro de 1995)*

Bernardo García Cendán

Xa non sabemos onde van os nosos nomes  
que ti gardabas na quentura do teu espírito...

Máis aló do teu mar de Pontedeume,  
máis aló das luguesas pedras milenarias,  
máis aló dos mares de África e dos bosques de Chiapas...  
sempre máis aló como ti soñabas.

Xa voas no alén, Paulino amigo,  
e contigo levaches as palabras  
que cada día enchías de evanxeo e esperanza.

Aquí quedounos o seu eco a resoar,  
un eco que se fai bágoas nos ollos  
e paz nos corazóns que sempre esperan  
unha pomba de luz no amencer,  
un acaneo amoroso no colo dese Deus  
que para ti foi loita e ledicia  
na luz sempre leda dos teus ollos.

Lévalle contigo os nosos nomes  
gardados na quentura do teu espírito  
que, den tanto medrar,  
xa non puido acougar no seo do teu corpo grande.

# IRIMIA recibiu o “Premio Crítica”

*Imos facendo memoria*

*Recobrando o ser galego que  
esquecemos*

*Imos sementando patria*

*Man con man enxertánda entre os  
veciños*

*Imos facendo outra historia*

*A favor dos rebaixados e oprimidos*

## Un premio que agradecemos pero que chega un chisco tarde

Estas palabras, que estiveron durante algúns anos na cabeceira da nosa revista coma unha definición do noso proxecto, resoaron o pasado 11 de maio no hotel Samil de Vigo, na noite dos Premios da Crítica, cando dixen unhas breves palabras ante o nutrido grupo de asistentes, tras recibir -no nome de todos los que formamos a gran familia de IRIMIA-, a estatua de Martín Codax, que nos acreitaba concesión do *Premio da Crítica 1996* no apartado de *Iniciativas Culturais*.

Recibimos o premio, segundo a Acta do Xurado, «pola especial incidencia que IRIMIA ten en Galicia, como movemento e iniciativa cultural con diversas actividades e publicacións, a prol da galeguización no terreo da lingua e a cultura no ámbito da Igrexa». Formaron este xurado: Francisco Fernández del Riego (coñecido ensaísta, académico da Real Academia Galega, director da Biblioteca Penzol, etc.), Francisco Campos (xornalista, director da Compañía RTVG), Felipe Arias (arqueólogo e escritor) e Xoán Fonseca.

Agradecemos o premio recibido da Fundación Premios da Crítica Galicia

-antes o benemérito «Círculo Ourensán Vigués», sobre todo polo que supón de valoración pública de todo o traballo que vimos facendo ardua, constante e gratuitamente desde hai un bo feixe de anos. Pero coido que naquela liturxia cultural, con tanta carga institucional, estas palabras soaran algo estrañas e «trasnoitadas», coma se foran fillas dun espírito batallador doutros tempos xa idos.

Por outra banda, aínda que «máis vale tarde que nunca», é certo que este premio xa tiña que chegar antes. E así tería acontecido a non ser polas manipulacións caciquís de membros do



xurado nalgúnha ocasión anterior. Xa se sabe que «na casa do pobre cando non barruza chove», e, afortunadamente, sempre fomos pobres; ou sexa, nós nunca tivemos poder... ou mellor dito, nunca tivemos *certo tipo de poder*.

## Unha revista e unha Asociación cun longo camiño

Aquela noite lembrei tamén diante dos participantes no acto, que xa imos cara ós 15 anos ininterrompidos de publicación da revista, pronto os 500

números,

unha cousa ben inusual


nas publicacións galegas. Un camiño sementado de dificultades, pero tamén de moita vida e moita riqueza.

Alguén, desde outra publicación, definiu a nosa revista nos seus comezos con estas verbas ben fermosas: «É coma un regato que quere reverdecer o reseco... Unha voz agarimosa que invita a quererlle á terra e á xente, feita desde abajo, para axudar a ser galego e a ser crente». Non é unha mala definición: unha revista *galega, popular e crente*.

Unha revista que foi evolucionando nestes anos, medrando en formato e páginas, e pasando de semanario a revista quincenal; tamén foi evolucionando no seu enfoque, segundo a distinta xente que a foi facendo, pero sen esquecer as súas raíces galeguistas e cristiás.

Hai xa uns aniños, con ocasión do nº 100 da revista, escribiamos un ideario, as nossas *teimas*, en media ducia de puntos: 1. Poñerse sempre *do lado dos débiles*. 2. Ofrecer *conocementos*. 3. Ter en conta a política. 4. Falar de Xesús Cristo e a súa mensaxe de liberación no Evanxeo. 5. Falar e escribir en galego. 6. Vivir con humor.

Tamén podía ser ocasión de lembrar a xente que fomos facendo a revista ó longo dos anos. A primeira etapa foron 12 anos nos que tiven a sorte de coordinar un feixe de boas plumas que pasaron pola redacción: Pepe Chao, Xosé Antón Miguélez, Manolo Regal, Alfonso Blanco Torrado, Xosé Manuel Carballo, Agustín



Por Victorino Pérez Prieto

Fernández Paz, Lois Ferradás, Marta Sopeña, Xosé Lois Vilar, Daniel López Muñoz, Tareixa Ledo... E outras plumas egrexias que discorren ocasionalmente polas súas páxinas: Paco Martín, Francisco Carballo, Miguel Suárez Abel, os bispos Miguel Anxo Araújo e Xosé Gómez, Manuel Espiña, Eladio Vega, Martíño Montero, Madó Domínguez, Xoan López Facal, Xabier Docampo, Benjamín Casal, Sara Quiñones... A redacción dos últimos anos pode lerse na mancheta da revista, a que hai que sumar ocasionalmente columnas como as de Manolo Rivas, Suálo de Toro, Manuel María...

Tanto traballo e os máis de 100.000 exemplares espallados pola xeografía galega nestes 15 anos non poden deixar de dar algún froito.

Pero aquela noite lembrei tamén a outra revista irmá, *Encrucillada*, mencionada na Acta do premio, e outros labores da Asociación Irimia, como é a colección de folletos *Angueira* e, particularmente, as *Romaxes*. Realidades ben pouco coñecidas para moitos dos asistentes, pero que non deixaron de recibir o seu aplauso cando rematei de falar rapidamente delas e do noso proxecto.

#### Un punto de encontro entre galeguismo e cristianismo

Certamente, hoxe, coma onte, IRIMIA representa un punto de encontro entre o cristianismo e o galeguismo-nacionalismo, entre a relixión e o compromiso cultural e político co país. A súa nidia e constante definición galeguista

permitiu un encontro moitos anos conflictivos, pero que poida que hoxe estea nun momento privilexiado de encontro na construción dun proxecto compartido para Galicia, unha Galicia de seu, unha Galicia liberada. As manifestacións feitas desde as páxinas de *A Nosa Terra*, e o eco acadado polo meu libro *Galegos e cristiáns* coido que dan fe disto. Pero queda un longo camiño por percorrer.

IRIMIA defende a personalidade nacional de Galicia e os seus dereitos. Pero, ó mesmo tempo, séntese Igrexa galega; unha Igrexa que quere saír dos camiños trillados, romper ataduras clericais e ser más fiel ó proxecto de Xesús de Nazaré, no compromiso coas clases populares.

## CARTAS

# Quique, o anónimo lugués


Lugo, 20.V.96

Hai algo máis dun ano da miña primeira e única carta. Agora que pasou o tempo e o pequeno grupo de «cristiáns de diferentes sexualidades» acabou agado pola súa propia razón de ser e seguimos co costume de ter que celebrar un «Día de...» para ter que denunciar algo (co aspecto negativo que supón ter que encontrar unha protesta nun día determinado, e cambiar de denuncia para outros moitos días do ano...), vai chegando o momento de volver a asomala cabeza.

Aínda non rematei de «saír do armario», pero xa estou intentando forza-la pechadura.

Levi unha alegría ó ver a miña carta no Irimia; agardo que servise de referencia para alguén, non polo que conta, senón polo traballo que me custou escribila. Por aquí seguiremos, non por dar a «paliza», senón por pinchar un pouquín.

Hai moita xente que considera que cos pequenos éxitos que se conseguiron a nivel de aceptación, xa chegaría para



que empecemos a portarnos coma xente «normal», pero non pode ser, no... eu son homosexual, gai, mariquita, maricón... como sexa que queiran chamarnos, e non me poden pedir que sexa normal, porque hoxe en día o normal é ser heterosexual, e todo este hipócrita mundo está feito para iso.

Non quero que ninguén diga que me respecta (alguén por aí, na vosa mesa de redacción, rírase moito con esta palabra, e de seguro que se expresaría mellor ca min). Non preciso do «respecto perdoavidas» de ninguén. Non quero

miradas compasivas nin xestos de apoio solidario nin que os meus amigos pretendan entender e comprender as miñas reaccións e sentimentos. Eu ás veces non entendo por que un rapaz sae cunha rapaza, pero se vexo que se queran xa me chega de «entendedeiras». Nin ten que suceder algo especial: algúñ debate, unha noticia, un suceso, unhas declaracions, para que me poña a escribir sen máis. Iso ocorreu a primeira vez, pero agora penso que calquera momento é bo para lanzar a pelota ó aire, e que a recolla quem queira.

Sigo pensando en que chegará o día en que ó atopar o meu mozo pola rúa lle dea un par de bicos sen máis.

Volvo a confiar en que haxa algúén que lea esta carta entre liñas e que se vexa animado ou animada a escribir tamén. Ás veces, escribir axuda a liberar toda esa caraxe que levamos dentro.

Aviso: como publicedes esta carta, penso seguir dando a tabarra, aínda que se non a publicades, tamén vou seguir.

Unha aperta: Quique (o anónimo lugués).

## Urca

# Unha experiencia galega orixinal



*«Urca» Non son unhas siglas máis para sumar a esa sopa de letras coas que nos atafegan os xornais; é tan só o nome dunha embarcación de orixe alta. Urca quere ser unha nave que lle ós crentes polo camiño da «expresión, solidariedade e encontro» -verbas coas que se autodefinen-, en Galicia, traspasando as fronteiras dos grupos, movementos e parroquias, para buscar novas formas de sentir, vivir e expresar-l a fe. Pretenden crear un espacio de encontro, comunicación e festa, no que se reconeza -coas súas propias verbas-, «que a Igrexa se constrúe na medida en que todas e todos imos facendo camiño desde as nosas realidades cotiás, tomando a palabra, compartindo...»*

### Expresión, solidariedade, encontro

Expresión, para entrar en contacto e potenciar las capacidades de creación artística que xorden da fe, por medio das linguaxes plásticas, musicais e

dramáticas. Solidariedade, para recoñecer liñas de compromiso cos desfavorecidos e esquecidos, da man dos que traducen esforzos en proxectos de axuda real. Encontro, porque queren ser más intercambio e intercomunicación que exposición; un traballo no que todos son protagonistas, todos mestres e alumnos a un tempo.

Non son ideas novas, pero si necesarias, e que precisan ser constantemente reactualizadas; e, sobre todo, facelas operativas tanto por parte dos crentes coma dos non crentes. Somos «homo/mulier faber», pero tamén «homo/mulier ludens» e «homo/mulier celebrans»; sen a festa ata a mesma praxe liberadora resulta alienante e escravizante. «Só quen é capaz de alegrarse pode sentir dor polo seu sufrimento e o dos demás», di o teólogo J. Moltmann. O cristianismo predica que celebra a súa fe cada domingo, e noutras numerosas datas festivas, cunha «festa de acción de gracias» (=eucaristía); mesmo o ano cristián vén marcado polas distintas festas de Nadal a Pascua. Pero Nietzsche -tan reivindicado polas novas correntes de pensamento-, criticaba particularmente o cristianismo dun xeito especial pola súa falla de espírito festivo; o seu razoamento era inexorable: a vida é festa, o cristianismo é inimigo das festas, logo, o cristianismo é inimigo da vida. «Danme pena eses sacerdotes... -di en Así falou Zarathustra- Aparecen coma prisioneiros e estigmatizados. Aquel que chaman o seu redentor atounos con cadeas... ¡Non saben amar a Deus senón crucificando ó home! Deberían cantar mellores cancións se queren que eu aprenda a crer no seu redentor». Non lle faltaba razón. Por algo a mocidade actual, tan festeira ela, foxe das igrexas porque se aburre nelas.

### Experiencias semellantes

A experiencia de Urca, aínda ben pouco coñecida en Galicia despois de catro anos de andaina, mesmo nos sectores de Igrexa, ten a súa orixe noutras semellantes espalladas pola xeografía ibérica. Sobre todo o «Multifestival David», que recibe o nome daquel rei xudeu que danzou medio espido ante a sagrada arca da alianza e a quen se lle atribúen moitos dos salmos, que cantaba ó son da súa harpa. O catalán Proxecto David organiza este festival desde hai máis de dez anos; un encontro de catro días que vén sendo unha mestura de congreso de teoloxía, escola de catequistas, convivencia de mocidade, taller de oración e celebración, e festival de rock cristián. Na edición deste verán, xuntáronse nun mosteiro de Lleida máis de 3.000 persoas. Con menos concorrencia celébranse experiencias semellantes en Euzkadi (KRISART) e Andalucía (VIVAR).

Polos seminarios, mesas redondas, obradoiros, celebracións, concertos e exposicións de Urca teñen pasado persoellos coñecidos coma os teólogos Andrés Torres Queiruga e Manolo Regal, Pilar Wirtz, o mago e humorista Xosé Manuel Carballo, o mimo e pintor Siro López, e grupos de música cristián como «Kairos», «Zeroalaizquierda», «Brotes de Olivo»... Este ano tiven a ocasión de participar eu, xunto coa teóloga feminista Margarita Pintos e outros. Por outra banda, aínda que a participación da xente de fóra do país é enriquecedora e conflictiva a un tempo, non impide a identidade galega e en galego que os organizadores queren manifestar en todo momento, desde os folletos ás presentacións.

Victorino Pérez Prieto

## A propósito de Fidel e Xoán Paulo

Mentres o presidente Aznar cambia a gravata co comandante Castro, e lle di que nin el nin o goberno español que preside «moven ficha», se o presidente cubano non a move antes, o papa Xoán Paulo, distanciándose da política USA e condenando o bloqueo da illa, recibe por vez primeira ó presidente Fidel, con gran cordialidade mutua, ata chegar a un acordo (...) de cooperación para que Cuba poida superar ese bloqueo e a Igrexa católica poida actuar con toda liberdade na illa caribeña, incluída a visita do Papa para o ano 1997.

### ¿Persecución da Igrexa en Cuba?

Algunhas mentes pacatas coidaron entón que chegara, ¡por fin!, o intre da conversión dun «comecuras», fustrigador da Igrexa nun réxime ateo; algo así coma o momento da «conversión de Rusia» no Caribe, caído o comunismo.

En troques, o réxime castrista, «comunista e ateo», sen ser favorecedor da relixión, non perseguiu a Igrexa, nin a mínima parte do que o fixeron outros réximes «católicos» de Latinoamerica, coma o de El Salvador, país no que circulaban panfletos entre os grupos «católicos» fascistas paramilitares, nos que se podía le-la frase: «Sea patriota, mate un cura». Naquel pequeno país centroamericano, no que o sangue dos pobres correu a riego co réxime sanguinario do xeneral Humberto Romero e logo co presidente democristiano Napoleón

Duarte, non só torturaron e mataron catequistas e curas, nas rúas e nos cárceres do Estado, senón que ata chegaron a matar un bispo, o bispo mártir San Óscar Romero (24 Marzo 1980), xa canonizado polo pobo, áinda que o Vaticano recee de facelo.

Pero o caso do Salvador non foi un caso illado, este novo modelo de persecución da xente de Igrexa, por parte de individuos e réximes «máis

podía vivir para si, senón que debía facelo para os outros, sobre todo para a causa dos más pobres e indefensos, os poderosos comprenderon moi ben aquilo que dixera o Che Guevara: «Cando os cristiáns ousen dar un testemuño revolucionario integral, a revolución latinoamericana será invencible». Desgraciadamente, non foi invencible nin sequera a «revolución bonita» de Nicaragua, que acadou a victoria contra os caciques e na que uns curas chegaron a ministros.

No encontro vaticano do 19 de Novembro, Fidel recordaba ante a prensa internacional que a revolución cubana «non tivo endexamais un espírito antirreligioso, ningún sacerdote foi ferido na súa integridade física, nin humillado, e ningún templo foi pechado». Se ben é certo que a presencia de curas e monxes minguou nestes anos na illa e os que se declaraban cristiáns foron marxinados dos cargos públicos.



católicos que o papa», foi desgraciadamente habitual en tódalas ditaduras e pseudodemocracias no andazo que padeceu a sufrida Latinoamérica entre os anos 60-80: Honduras, Guatemala, Bolivia, Chile, Brasil, Uruguai... «Nesta situación conflictiva e antagónica, na que uns poucos controlan o poder económico e político, a Igrexa puxose do lado dos pobres e asumió a súa defensa», explicou Monseñor Romero na cidade belga de Lovaina, cando recibiu o Doutoramento Honoris Causa, pola súa prestixiosa Universidade Católica. Cando unha parte da Igrexa entendeu que non

### Unha Igrexa de presencia, máis que de mediación

Non, na Cuba de Castro non se matou curas. A pesar de que a revolución topou cun catolicismo moi conservador e unha xerarquía recalcitrante verbo da revolución, que non mirabá con bos ollos a admiración que a vía cubana cara a unha nova sociedade suscitaba en cristiáns ilustres de Latinoamérica (o bispo Casaldáliga, o cura e poeta nicaraguano Ernesto Cardenal, o brasileiro Frei Betto...) e de Europa (teólogos prestixiosos como Giulio Girardi...). Ata un cura galego,

Celso Montero, escribiu un ilusionado libro sobre o cristianismo en Cuba á súa volta da illa caribeña.

A valoración positiva estaba feita desde os parámetros da Teoloxía da Liberación, e a xerarquía eclesiástica cubana, como a vaticana, non estaba polo labor. Cunha mentalidade máis ben conservadora, a Igrexa cubana -á parte de moitos grupos cristiáns de base-, foi unha Igrexa máis de *presencia* que de *mediación*; unha Igrexa que buscaba máis facerse ver como institución, que ser mediación do Reino de Deus, que é xustiza e liberación para os oprimidos. Xustamente isto último era o que buscaban moitos cristiáns cubanos, que recibiron palabres de alento de Fidel Castro en máis dunha ocasión.

#### A ollada dun teólogo sobre o cristianismo cubano na Revolución

O gran teólogo protestante norteamericano Harvey Cox, comezaba o Prefacio do libro *Cuba: La religión en la Revolución* (1974), dicindo: «Este é un libro sobre a liberación. Relata como se liberou o pobo cubano do xugo colonial, e conta como se están liberando os cristiáns de Cuba das pautas opresivas da época anterior». Recoñecendo logo que o bloqueo que mantiña o seu país sobre a illa caribeña, «tenmos bloqueado tamén a nós manténdonos na ignorancia».

A comezos dos 70, este prestixioso teólogo recoñecía, como a nova visión relixiosa do cristianismo cubano de base, manifestaba «as desastrosas consecuencias produci-

das por longos anos de imperialismo político, económico e relixioso norteamericano». Máis aínda, chegaba a dicir en valente autoconfesión: «Na edición do século vinte da historia do Éxodo, os norteamericanos aparecemos coma os exípcios, que desafiamos ó Deus da xustiza, porfiando en aniquilar os movementos de liberación humana ali onde xorden».

Non é de estrañar que para este teólogo, fillo rebelde do país impe-

irrefreable; a forza do puño pechado contra a inxustiza, cun amor quente e acolleror». No cristianismo cubano vía o autor un símbolo desta aposta: «*Cuba libre* non é só un cóctel, é un signo de que a nosa propia liberación non ten por que escaparnos eternamente».

El mesmo recoñece que quizais estea idealizando, «pero só un pouco». Desgraciadamente, os últimos anos 80, e sobre todo o que levamos dos 90, foron quitándolle forza a este optimista prognóstico. Con todo, o cristianismo latinoamericano segue a se-lo máis innovador do século XX, e a súa teoloxía a máis atractiva, mesmo nos círculos europeos, tan distantes na súa realidade social. A pesar dunha xerarquía conservadora que segue a fustriga-la Teoloxía da Liberación, fiel ás consignas vaticanas, non hai máis que darse un paseo polas comunidades cristiás latinoamericanas, para ver como, ademais do catolicismo conservador e as sectas que proliferaron nos últimos anos; hai un cristianismo vivo, evanxélico, creativo e comprometido coa realidade dos oprimidos, fiel á máis xenuína tradición bíblica: Constateino persoalmente hai só dous anos no Ecuador.

Certamente, as cousas en Cuba non foron igual nos últimos anos que naqueles ilusionados setenta e comezos dos oitenta, notándose o cansazo e a decadencia dun réxime, afogado polas presións externas dun bloqueo inxusto e asasino e os erros internos dun réxime demasiado personalizado.

Victorino Pérez Prieto

#### O CARRABO UXO por JOSE LOIS



rialista por excelencia neste século XX, o proceso máis trascendental no cristianismo contemporáneo non teña lugar nin no Vaticano, nin sequera nos círculos progresistas da teoloxía ou no debate ecuménico, senón en Latinoamérica; aínda que sexa un proceso que semelle ter pouco que ver coas igrexas acomodadas de Europa e Norteamérica. Naquel memorable Prólogo, Harvey Cox semella combinar unha auténtica fe relixiosa cunha rexia confianza no poder do pobo para transformar o seu mundo; o compromiso político da esquerda cunha alegría

## “Coa forza de Xesús resucitado. Imos...”

“... facendo memoria. Recobrando o ser galego. Imos sementando patria. Man con man inxertánda... Imos facendo outra historia. A favor dos rebaixados e oprimidos”. As verbas do vello acróstico de IRIMIA resóame agora con forza; fixerámolo con ilusión a mesa de redacción que convertera a pequena revista con aspecto de folla parroquial nunha publicación con algo máis de consistencia periodística. Algún lector queixouse cando as quitamos da eceira, e quizá que non lle faltara razón, pois eran unha magnífica carta de presentación do noso proxecto.

“Imos facendo memoria”... A maioría non daba un peso por nós naqueles febles e azarosos comezos, nos que a mesa de redacción se reducía en moitas ocasións a Pepe Chao e mais eu, no amplo salón da súa casa patrícia en Vilalba, mentres Sara preparaba a tortilla para a cea. Escoitabamos unha e outra vez a mesma cantinela: “¡Semanal. Estades...!” “Non chegades ó número 5”. E... chegamos con ilusión ó primeiro aniversario co nº 52, sen deixar unha semana de saír; aquel era “o vagalume que resistiu”, como contaba Xosé Manuel Carballo. A portada esvaída, que reproducía malamente unha foto ambiciosa que fixera un fotógrafo da Pastoriza, manifestaba o cativeiros que eran os nosos medios de impresión, ó pe da ilusión dunha mesa algo máis estable, con Xosé Antón Miguélez e Manolo Regal. Co número 100 dícamos co orgullo e modestia a un tempo “Despois de cen semanas... imos indo”; ousadamente enchiamos xa o mapa de Galiza cos nosos subscriptores. Ata a portada saíra mellor, por aquello do debuxo, que era máis doado de

reproducir que a foto. ¡Moito lle había que dar á pluma cada semana! (“Oh tempora, oh mores”...). No nº 200 puxemos a Rosalía na portada, e non nos recatamos en sacar dos seus beizos unha ousada pero sentida frase: “Galiza é máis Galiza con IRIMIA que sen ela”.

A aquela altura xa podíamos dicir



con propiedade que realmente íamos “facendo memoria”, e mesmo que íamos “facendo outra historia”. Con humildade podíamos dicir obxectivamente que xa non eramos só promesa, senón realidade cuantificable. A realidade dunha publicación galega, en galego que chegara a un número ó que moi poucas chegaran na historia das publicacións galegas. Algunhas medios de comunicación (xornais, Radio e TV) así o recoñecían, como temos constancia.

Pero o máis importante non era a permanencia de IRIMIA, senón que esa “outra historia” quería facerse “a favor dos rebaixados e oprimidos”, e “sementando patria” galega, “man con man” con outros cos que camiñabamos nese esforzo. Un esforzo que non quería ser estérilmente prometeico, exclusivamente froito do noso bo facer ou do apoio da xente, senón que recoñecía

contar humildemente “coa forza de Xesús resucitado”. Non só eramos galeguistas, senón que tamén eramos crentes, cristiáns, e mesmo católicos. Non escluixiamos a ningún “bo e xeneroso”, crente ou non crente, pero non ocultabámo-la nosa identidade. Sentiámonos lexítimamente Igrexa, unha parte desa gran Igrexa, áinda que viviramos a nosa pertenza nun inevitábel conflicto; a pesar de que algúns eramos, mesmo, pastores dessa Igrexa, con encargo oficial, encargo que procurabamos levar adiante con dignidade e fidelidade.

Agora xa non son cinco, nin cen, senón cincocentos; número só superado nunha publicación en galego por *A Nosa Terra*. Cincocentos números ininterrompidos, cincocentos números de fidelidade á nosa presencia na Igrexa e na sociedade galega. ¿Saberíamos tamén seguir sendo fieis ás vellas formulacións de querer ser unha publicación popular, que non só apostase polos máis desfavorecidos, senón que quere chegar a eles? ¿Saberíamos ser fieis á nosa identidade crente, cristiá e mesmo “católica” (con todo o mal que lles soa a algúns); unha identidade na que apostamos pola transformación evanxélica da Igrexa, pero sentíndonos claramente parte desa Igrexa concreta coa súa vida e a súa morte, coa súa gracia e o su pecado? ¿Saberíamos ir chegando progresivamente a máis xente, sen renunciar ó que coidamos importante?

Velaí o reto. Oxalá, coa forza de Xesús resucitado, poidamos medrar en fidelidade e amor á causa de liberación en Galiza. E que IRIMIA cumpla moitos máis.

Victorino Pérez

# Horizonte universal

## Dúas Tereixas que estiveron nos medios

Cómpre empezar esta crónica relixiosa dicindo unhas palabras das dúas Tereixas que estiveron as semanas pasadas ocupando moitas páxinas das publicacións relixiosas e dos xornais. Por unha banda, a monxa carmelita francesa **Tareixa de Lisieux**, que vai se-la terceira muller que acade o título de Doutora da Igrexa, despois de Tarcisia de Avila e Catarina de Siena. Esta santa, da que xa se falou en Irimia (nº 510), entrou moi nova nun mosteiro de rígurosa clausura, e morreu tamén moi nova, pero foi declarada patrona das misións, aínda que nunca saíra do seu país, nin dese mosteiro, o que o que manifesta a atracción desta muller e dos seus breves escritos. Pode ser esta a ocasión de redescubri-lo seu pensamento, que está sobre todo no seu libro «Historia dunha alma». É un pensamento que ten uns riscos moi actuais, pero que foi suavizado, e ó parecer mixtificado tras a súa morte, por interpretacións conservadoras da xente do seu contorno.

A que non morreu tan nova, foi a outra Tereixa, **Tareixa de Calcuta**. O seu enterro tampouco foi tan discreto coma o da santa francesa; un enterro convertido nun show «de Estado», no que os ricos e poderosos deste mundo foron lava-la súa mala conciencia pola opresión que exercen sobre os pobres mantendo as estructuras deinxustiza que os multiplican cada día. Esta opresión nunca foi cuestionada por esta «santa dos pobres», que, quizá, por iso recibiu honores, premios, recoñecemento e cartos a moreas dos señores deste mundo. Un non pode menos que lembrar a famosa frase do

bispo brasileiro Helder Cámara: «Cando dou unha esmola a un pobre din que son un home caritativo e bo. Pero cando clamó contra a inxustiza que xera a realidade dos pobres, din que son un comunista». Certamente, non quero negarle o valor persoal da fe, relixiosa e a entrega da Madre



Tereixa («unhagota de esperanza nun océano de sufrimento», segundo as propias palabras); unha entrega xenerosa que tamén foi recoñecido polos marxinados de Calcuta co seu tributo sincero. Pero...

## Tres encontros cristiáns ben diferentes

Os relixiosos latinoamericanos xuntáronse na **XIII Asemblea Xeral da CLAR** (Confederación Latinoamericana de Relixiosos) en Lima a finais de Xuño. No encontro reflexionouse sobre o cambio de época e a opción polos pobres. Contou cunha nutrida representación non só dos relixiosos/as latinoamericanos/as, senón tamén doutras partes do mundo. A CLAR naceu en marzo de 1959, coopera co CELAM (Conferencia Episcopal Latinoamericana) e coas conferencias episcopais e os bispos de cada país. Manifestouse alí a preocupación dos relixiosos/as no camiñar cos pobres,

polo cambio de época, a exclusión e os efectos do neoliberalismo que padece o continente. Non faltou a presencia do pai da Teoloxía da Liberator, Gustavo Gutiérrez. a anterior presidenta foi muller (a monxa brasileira Eliza Ribeiro) e agora saíu elixido un home, o franciscano Guido Zegarra. Certamente, as relixiosas e relixiosos que traballan en Latinoamérica son do mellor que ten esta Igrexa, moi superiores en entrega e capacidade creativa ó clero secular, por iso son moi apreciados polo pobo sinxelo.

**A II Asemblea Ecuménica que tivo lugar en Graz** (Suíza) a finais de xuño, acadou unha gran resposta; a finais de xuño déronse cita 10.000 representantes das

igrexas de toda Europa, para vivir a experiencia do diálogo ecuménico. Alí estiveron Alexis II, patriarca ortodoxo de Moscova; Bartolomé I, patriarca de Constantinopla; Jonhn Arnol presidente da Conferencia de Igrexas Europeas (evanxelistas); Fré Roger, prior de Taizé; Xoán Paulo II mandou unha mensaxe, pero estiveron presentes diversos bispos e cardeais, entre eles algúns tan coñecidos como Carlo María Martini e Samuel Ruiz. Tamén estiveron mulleres católicas como Chiara Lubich, presidenta do movemento Focolar, e Arantxa Agudo, directora da Institución Teresiana... Aínda que o ecumenismo parece que saíu reforzado do encontro, os medios relixiosos falaron tamén por esas datas de receo no achegamento entre Roma e Moscova, na futura entrevista entre os máximos representantes das confesións católica e ortodoxa: Xoán Paulo II e Alexis II. Pura cuestión de loita de poder. Ademais, non faltaron no encontro de

Graz as voces críticas, sobre todo femininas: «As mulleres non somos un apéndice», «Se non hai igualdade entre o varón e a femia, a Igrexa non será crible» tal como reflexou *Adista*, que cubriu amplamente o encontro.

E o terceiro encontro, o que acadou unha resposta más masiva, no sentido más literal da palabra... foi a convocatoria da **XII Xornada Mundial da Mocidade** en París, con Xoán Paulo II. Preto de medio millón de mozos estiveron nas xornadas a finais de Agosto; un número que case chegou a duplicarse na celebración do último día no hipódromo parisino de Longchamp, rebordando ata as previsións más optimistas. Ademais dos mozos, estaban bispos de todo o mundo; entre o

bosque de mitras perfectamente alineadas que reflectía algunha foto, estaban algúns bispos galegos e un bispo francés que rompía a liña, o coñecido

que «obras son amores...» como ben di o refrán, pois non pode haber amor sen liberdade nin paz sen xustiza, e a

Igrexa católica terá que pregar co exemplo para ser más crible. E por iso, na mesma Francia, movementos de cristiáns críticos piden un novo **«Concilio para a Reforma da Igrexa»**. E por se houbera confusión no que queren, clarezan: «O noso obxectivo non é fundar outra Igrexa, senón unha Igrexa outra». Así o conta a coñecida e prestixiosa reta relixiosa francesa *Témoignage Chrétien*. Eles mesmos afirman que están neste con outros moitos cristiáns, entre eles os miles

que apoian o documento «Somos Igrexa».

*Victorino Pérez*



Jacques Gaillot. A chamada era seductora: «Construir a civilización do amor e da paz». Pero, a realidade é

## CARTAS

### XX Romaxe dos Crentes Galegos

Fun andando ata a Praza Pontevedra, non estaba a gusto, ¡moito cemento!; logo dun ata o Parrote, e alí vin moiha auga, con moiha morrada de pedra, homes e mulleres cos nenos xogando, non me chamou a atención, e arrinquei para a rúa da Torre, e fun face-la visita ó camposanto; alí teño a miña costela santa. Logo seguí para a Torre, onde víñ pedras, pois é un cemiterio de croios, non me gustaba, e collín un autobús, que aquí lle chaman o trole, e con rabia díxenlle o cobrador: «Lévame a un sitio que lle chaman Santa Margarida». Cheguei alí, baixei do trole, e encamiñeime a ela, en canto víñ tanta árbore, díxenme «este é o sitio que eu buscaba, os crentes galegos do Romaxe, porque aquí respiras aires puros, e non cemento e pedras». Logo víñ tanta xente, ¡que gustiño me dá! Polo que me puxen a cantar:

Vivir na Coruña que bonito é  
con Paco e Pacita que ben o pasei  
vivir na Coruña que bonito é  
e vir á Romaxe tamén, abofé.

Foivos Xonás un profeta  
con razón, pero cazarro  
no canto de ir á cidade  
foi ó Caribe con Curro.

A Coruña, 13 setembro 1997  
(*Rodri, o Irimego de Palavea*)

## “Somos Igrexa”

O movemento «Somos Igrexa» era unha expresión dun antigo desexo de cambio na Igrexa católica. É un signo de confianza que despois de dous anos xa se poida falar dos pasos que se deron, de menor a maior. Hoxe pódese falar xa de movemento, no sentido de que os seus membros participan en distintas organizacións eclesiás, nas que deron xa testemuño de novas iniciativas. *Deséxovos para o futuro paciencia e forza, así como recordarvos que «o cambio» é posible.* (Christa Nickels, MdB. Portavoz de política eclesial de «Os Verdes»).

*Un millón e medio de firmas é o segundo éxito que conseguiu o movemento «Somos Igrexa» e o segundo obxectivo máis importante; o feito de que moita xente da Igrexa católica expresou a súa opinión a favor de cambios en cinco puntos fundamentais da súa vida. Iso non vai posibilita-la aparición dunha Igrexa nova, pero aliménta a esperanza de que na Igrexa católica aínda son possibles os cambios, en contraposición ós ventos involucionistas dos últimos anos. Pero o máis importante é que a xente se poña en pé diga o que quere e o que xa non pode soportar máis.* (Michael Steiner. Bonn).

Tamén algúns bispos manifestaron un apoio máis ou menos forte:

Non temos temor ante manifestos coma os de «Somos Igrexa». Ó contrario, *felicitámonos to se discute na Igrexa e mesmo cando se loita nela.* Isto é necesario. (Mons. Lehemann. Presidente da Conferencia Episcopal Alemana).

A revitalización do catolicismo debe apoiarse hoxe nun intento de *analiza-la actual situación da Igrexa cunha ollada fresca, unha mente aberta e corazóns dispostos ó cambio.* Isto significa tratar os desacordos na Igrexa cun espírito renovado de diálogo» (Cardenal J. Bernardin, de Chicago).

Alédome moito da dimensión internacional do voso movemento e maniféstovos a miña solidariedade. *Gracias pola vosa teimosía en manifestarvos nos lugares simbólicos, privilexiando os novos espacios de comunicación.* Gracias por chama-la atención dos mozos que teñen problemas coa institución eclesiás, e que desexan máis vivir o Evanxeo hoxe que reformar as estruturas da nosa Igrexa. Que o alento de Deus vos acompañe no voso camiño. (Jacques Gaillot. Bispo de Partenia).

Aos/as participantes do Incontro Internazionale del Popolo di Dio: reunidos en Roma ou unidos no Mundo, cun abrazo fraternal de comunión eclesial.

Somos seguidores/as da Palabra que se fixo carne e historia. Cremos na Boa Notica da filiación/fraternidade/sororidade universais. Sentímonos -todos, todas-, responsables pola acollida, celebración, anuncio e construcción do Reino de Deus aquí nesta Terra humana e divina, coa esperanza da súa plenitude na Patria definitiva.

*O Concilio Vaticano devolveunos, luminosa e esixente, a gran premisa fundamental da condición cristiá: Somos, todas, todos, en primeiro lugar e antes de calquera misterio específico, Pobo de Deus en Cristo.* Sigamos fieis a esa conciencia, a esa misión.

O mundo pide, hoxe máis que nunca, á Igrexa de Xesús, un testemuño de verdade, de liberdade no Espírito, de igualdade fraterna, de esperanzada alegría. Un verdadeiro Xubileo de conversión, de testemuño e de misión. Lévanlo-o Espírito do Resucitado.

Somos a Igrexa testemuña desa Presencia y desa Novidade.

Irmán e compañero de camiñada, Pedro Casaldáliga, bispo de São Félix do Araguaia, Mato Grosso, Brasil.

## A MEMORIA DO PAÍS 20 anos do Museo do Pobo Galego

Na foto, os mestres da galegitude Antonio Fraguas e Isaac Díaz Pardo, nos actos de conmemoración dos 20 anos do Museo do Pobo Galego. Eles simbolizan o tránsito, a xeración ponte gracias á cal “os novos” se fixeron cargo de dar futuro ó noso pasado, con realidades tan vizosas e esperanzadoras coma o Museo.



## O CANTAR DO IRIMEGO

1. Con admirado respecto o Irimego quer falar dunha gran muller labrega: a súa gracia é Henar.
2. Henar Román é labrega que posúe boa cultura pois estudiou Maxisterio e agora é medio cura.
3. En Labrada de Abadín celebra ela media misa pois se non é sacerdote é vice-sacerdotisa.
4. Non é cousa de alarmarse; que ninguén se chame a engano, pois ten permiso do bispo monseñor Gea Escolano.
5. Loitadora polo pobo Henar é nacionalista de esquerdas, e tal mestura a algunha xente despista.
6. Non adoita nesta terra que é fogar de Breogán que unha gran líder do pobo reparta o sagrado Pan.
7. Pero o que máis nos sorprende e que haxa quen non vexa a contradicción enorme na que cae a nosa Igrexa.
8. Henar amasa a fariña, coce pra fillos e o home: na casa pan fresco e viño, na igrexa reseso come.
9. Non dá entendido, por torpe, o rimador irimego que o pan que ela reparte deba consagralo o crego.
10. Iso da consagración seica é poder masculino; cómpre moita intelixencia pra entender tal desatino.
11. Que disimule Henar se non entendo o misterio: ¿por que ela non exerce totalmente o ministerio?
12. Que todo quede a medias évos un bo estropicio mais ela non é culpable pois realiza un servicio.
13. Que o seu home Jorge e fillos a animen e fagan caso é conveniente, pois ela, está dando un bo paso.
14. E a ti, nosa Henar, adiante coa promoción da labrega pois no asunto da Muller a Igrexa aínda está cega.

# Algunhas das moitas mostras de apoio para «Somos Igrexa»

Pola magnífica, rápida e barata ile de comunicación que é a rede Internet, chegáronnos algunhas stras de apoio para o manifesto nos Igrexa e o movemento que su. Son anacos escolmados de unicados de coñecidos teólo-, persoeiros de movementos siais e bispos (poucos...). A oría son de Centroeuropa, onde eu o movemento e onde colleu seguida un gran pulo. Máis ortantes cós nomes, son as pasas. Como as do prestixioso mota Bernard Häring, ó comezo, s do bispo Casaldáliga ó rema-

*Somos Igrexa», porque a amar. Se o noso amor á Igrexa é adeiro, entón dámónos de conta e non se a serve con «mentiras sas»... A nosa esperanza na é a nosa alegria por todo o fai atractiva e fiel ó Evanxeo, nos debe facer nin cegos e s ante as perigosas omisións obs as prácticas e estructuradas. Somos Igrexa» é para nós un romiso ineludible, no sentido aballar constantemente con e na sempre necesaria reforma exa... (Bernhard Häring. Mo- )*

*spertade dunha vez, Bispos! ces de 1,5 millóns de alemáns i deben figurar como númenón ser valoradas no que can... Non se trata dun conutural contra a Igrexa, senón en dun rechazo por parte da uía contra a Igrexa popular. erarquia está conducindo á alemana ó abismo da perda rancia social. Como católico*

comprometido, un lévase as mans á cabeza: ¿Son os nosos bispos tan cegos e xordos como o eran os seus antepasados na época da Reforma?. (Hans Küng. Teólogo, Tubinga).

*A Igrexa romana ten que aprender que xa non pode seguir mantendo unha estructura e un comportamento propio das monarquías absolutistas, nun tempo democrático coma o noso. Con iso o único que fai é acalar ós crentes e espantar ós que están aínda buscando. ( Eugen Drewermann. Teólogo e psiquiatra, Paderborn).*

Estou totalmente a favor do movemento «Somos Igrexa». Para un home que durante case sesenta anos da súa vida prestou servicio á Igrexa católica, é este movemento un signo de esperanza. (Norbert Greinacher. Teólogo, Tubinga).

En alemán hai dúas palabras que describen un estado facilmente confundible: *Infantil e filial*. O movemento «Somos Igrexa» renunciou ó primeiro estado, e á



esistencia de mantelo eternamente, di un claro non a un Deus autoritario e ós seus funcionarios, pero para dicir un gran Si a: nós somos verdadeiramente fillos de Deus, herdeiros da Promesa, chamados á liberdade. «Non vos deixedes de novo aprisionar polo xugo da escravitude» (Gal 5,1) (Dorothee Sölle. Teóloga, Hamburgo).

*A Igrexa en Cuba, "presenza e mediación"*

O cristianismo cubano é o máis vello de América Latina, a primeira misa que celebraron Colón e os *conquistadores* na súa segunda viaxe ó *novo mundo*, en 1494, foi precisamente na la caribeña. En 1518 xa se establecera primeira diócese en Cuba, sendo o seu esponsable o dominico belga Jean Vitte; pero a finais do XVII e XIX foron n período de crecemento para a Igrexa en Cuba; parece ser que o apoxeo da ida eclesiástica cubana estivo arredor lo 1820, cando había dos náis de mil eclesiásticos ó servizio dunha poboación de 50.000 persoas.

Trenta anos despois, luplicárase a poboación... e os eclesiásticos eran menos da metade, fundamentalmente a causa das loitas españolas contra a independencia cubana. O pobo foi separándose da xerarquía eclesiástica, pois identificaba os intereses destas coas da España imperial; de feito, gran parte dos eclesiásticos identificábanse máis coa aristocracia que cos pobres. No século XX as cousas comezaron a cambiar no catolicismo cubano; en 1919 o Congreso Eucarístico Nacional unido en La Habana, abordou os problemas socioeconómicos, afirmando "o dereito dos traballadores a non ser explotados polo capital" e a "necesidade inevitable de resolver a cuestión social". Anos despois, as mesmas institucións eclesiásticas católicas cubanas manifestaban un tíñido apoio ás forzas revolucionarias contra o corrupto réxime de Batista, ainda que logo foran manifestando amén unha hostilidade nos anos 60 contra o vitorioso réxime castrista, para acabar denunciando en 1969 o embargo norteamericano a Cuba. Moi propio do estilo eclesiástico... Pola súa andanda, as confesións protestantes foron sempre moi dependentes dos cartos e a deoloxía yanki, ainda que cristiáns

protestantes participaran moi activamente na revolución castrista. Con razón o teólogo protestante H. Cox reconecía, como a nova visión relixiosa do cristianismo cubano de base, manifestaba "as desastrosas consecuencias producidas por longos anos de imperialismo político, económico e relixioso norteamericano" (*Cuba: La religión en la Revolución*)

Teño escrito que, a pesares dos tópicos extendidos polos conservadores, o réxime castrista, sen ter sido favore-



unha parte da Igrexa entendeu que non podía vivir para si, senón que debía facelo para os outros, sobre todo para os más pobres e indefensos. No recente encontro vaticano de Fidel co Papa, o presidente cubano recordaba ante a prensa internacional que a revolución cubana "non tivo endexamais un espírito antirreligioso; ningún sacerdote foi ferido na súa integridade física, nin humillado, e ningún templo foi pechado". Se ben é certo que a presencia de curas e monxes minguou nestes anos

na illa, e os que se declaraban cristiáns foron marxinados dos cargos públicos; con todo, o cristianismo, tanto o católico coma o protestante, seguiu a ser numeroso en Cuba.

A Cuba de Castro topou cun catolicismo moi conservador e unha xerarquía recalcitrante verbo da revolución, que non miraba con bos ollos a admiración que a vía cubana cara unha nova sociedade suscitaba en cristiáns ilustres de Latinoamérica e de Europa. A valoración positiva dos que Fidel ten chamado "os cristiáns máis honestos", estaba feita desde os parámetros da Teoloxía da Liberación, e a meirande parte da xerarquía eclesiástica cubana, non estaba polo labor. Cunha mentalidade más ben conservadora, a Igrexa como *mediación* da xustiza e liberación para os oprimidos, era o que buscaban moitos cristiáns cubanos, que recibiron palabaras de alento de Fidel Castro en máis dunha ocasión.

Con tódolos seus defectos, o cristianismo latinoamericano segue a ser o más innovador do século XX; a pesar dunha xerarquía conservadora, non hai más que darse un paseo polas comunidades cristiás latinoamericanas para ver como, ademais do catolicismo conservador e as sectas que proliferaron nos últimos anos, hai un cristianismo vivo, evanxélico, creativo e comprometido coa realidade dos oprimidos, fiel á máis xenuína tradición bíblica.

cedor da relixión, non perseguiu á Igrexa nin a mínima parte do que o fixeron outros réximes "católicos" de Latinoamérica, coma El Salvador, onde non só torturaron e mataron catequistas e curas, senón que chegaron a asasinhar ó bispo mártir San Oscar Romero. Este novo modelo de persecución dos cristiáns por parte de individuos e réximes "máis católicos que o papa", foi desgraciadamente habitual en tódalas dictaduras no andazo que padeceu a sufrida latinoamérica entre os anos 60-80: Honduras, Guatemala, Bolivia, Chile, Brasil, Uruguai... cando


# Unha nefasta Instrucción vaticana e a reacción dunha Igrexa dinámica

**D**e Centroeuropa, onde naceu esa corrente que percorre a Igrexa universal nos últimos tempos co nome de *Somos Igrexa*, chegaba a aldrabada hai uns meses. A finais de novembro, os amigos do movemento (IMWAC) falaban abraiados dunha Instrucción vaticana que tentaba frea-lo progreso da participación dos leigos nas tarefas da Igrexa, sobre todo no campo litúrxico, excesivamente deixado nas mans dos clérigos, cada vez más escasos. E comentaban a inmediata reacción nos sectores máis abertos das igrexas alemana e austriaca.

Tratábase da **Instrucción sobre algunas cuestións relativas á cooperación dos leigos no ministerio dos sacerdotes**. Publicada o 13 de novembro, non viu a luz nos medios españois ata comezos deste ano (*Ecclesia*, 17-Y-98). Falaba dos "excessos" da participación dos leigos en funcións que só corresponden ós presbíteros (predicar, da-la comuñón, presidi-los consellos parroquiais...). Os "expertos vaticanos" que elaboraron o documento falaban do tempo

e lles levou facelá e do ben pensada que estaba; pero non é de estrañar que o e-mail que nolo facía chegar falase contrariamente, de que resultaba un documento "incredible". A reacción, primeiro en Alemaña e logo por outros países europeos, foi moi forte; os primeiros foron o Comité Central do Laicado católico, pero logo algúns bispos e a mesma Conferencia Episcopal. "¿Será pecado a partir de agora reparti-la comuñón?" dicían os leigos, entre outras preguntas, nun volante espallado polas comunidades.

A reacción episcopal máis forte foi a do arcebispo de Innsbruck (Austria), **Reinhold Stecher**, que nunha carta dirixida ó cardeal-arcebispo de Múnich, criticaba duramente a In-



strucción vaticana, porque non recoñecía nos leigos máis que persoas "ás que se tolera a contragusto, como un cravo de emerxencia para un par de funcións, cando materialmente a Igrexa non se pode amañar doutro xeito". "Roma perdeu o rostro de misericordia -di o bispo-, e adoptou o da dominación ostentatoria e dura" no seu trato cos leigos e curas casados. Mais áñda, afirma o bispo na súa carta que "a dirección actual da Igrexa da probas dun déficit telóxico e pastoral, por moi vergoñento que sexa reconécelo". De contado converteuse en ex-arcebispo... Pero, tamén rapidamente, foron recollidas 5.000 firmas de apoio entre os curas de Austria. Unha segunda carta, a mediados de xaneiro, era un amplo traballo que levaba o expresivo título de "Ensaio de resposta ós reproches difundidos polos bispos austriacos e outras persoas con relación ó meu statement [a carta anterior, datada no 33 domingo despois de Pentecoste de 1997]".

Un valioso documento que non estaría de máis dar a coñecer á xente inqueda da Igrexa galega. Xunto con outro documento magnífico dun bispo máis coñecido entre nós, é a **nova carta de Pedro Casaldáliga** "O cor-

**no do xubileo**", escrita "...entre soños e berros, porque o xúbilo do Xubileo non pode ser cínico ante a dura realidade e ha de ser máis que un Xubileo *light*, para ser cristián... ¿Que queda da teoloxía da liberación?, ¿Que queda da opción polos pobres? Espero que non rematemos preguntándonos que queda do Evanxeo..."

Coma colofón ó nefasto e regresivo documento vaticano, soubemos tamén de dúas **cartas do cardeal Ratzinger ós bispos centroeuropeos contra os católicos renovadores de "Somos Igrexa"**. Soubemos delas a comezos de xaneiro, pero foran enviadas secretamente meses antes. Pídelles Ratzinger ós bispos nestas cartas que "vixén de cerca a evolución dos grupos que apoian Somos Igrexa e, en caso de necesidade, tomen as medidas disciplinarias adecuadas... particularmente cos sacerdotes", posto que "as esixencias de Somos Igrexa son incompatibles coa doutrina católica e están en flagrante contradicción coa disciplina eclesiástica". ¿Que terán que lle responde-los bispos de todo o mundo que están apoiando máis ou menos abertamente o movemento, particularmente a media ducia de bispos portugueses?

# ¿Quen será o sucesor de Xoán Paulo II?

**"O papa cambaleou e toda a cristiandade desacougou"**

Este rírio era o comezo dunha reportaxe da revista francesa *L'Evenement* a comezos de febreiro sobre os posibles sucesores de Xoán Paulo II. Mais, a pesar dos seus cambaleos, dos seus 77 anos e dos insistentes rumores sobre a súa mala saúde, o papa non quere deixalo solio pontificio. Co que parece que se vai demorando o conclave que debe elixi-lo seu sucesor... Pero non pode tardar moito, e é evidente que non hai "furacán Wojtila" para moito máis. Con todo, se chega a este outono cumplirán os vinte anos de pontificado, que, malia os atentados e o ritmo de vida frenético, é bastante máis do que acadaron os seus predecesores; ainda que León XIII chegou no século pasado ós 25 anos na sé de Pedro.

Desta maneira, a "carreira pola sucesión" está aberta. Malia a posibilidade desconcertante da acción do Espírito, que "sopra onde quiere" e como quiere, o normal é que as cousas estean bastante ben atadas no Vaticano. Hai bastantes posibilidades de que se volva a un papa italiano, ainda que se ten falado tamén moi doun papa do Terceiro Mundo. De calquera feito, hai moita posibilidade de que sexa alguén mais ben vello, dada a media de idade dos membros do colexio cardenalicio, entre os que será o más habitual que se faga a escolla. Isto suporá que o próximo pontificado sexa máis curto que o actual. Con todo isto non significa nada decisivo, Xoán XXIII foi elixido papa a esa idade e revolucionou a Igrexa.

## Dez candidatos con posibilidades

A revista francesa amosa na súa reportaxe dez posibles sucesores, que aparecen adobados cos seus atributos cardenalicios e cunha *cualificación de 4/7 de posibilidades*.

Con 4 están, por esta orde, os seguintes, todos italianos (ollo coas súas idades...):

- **Marco Cé** (72 anos). Un home "relativamente discreto", patriarca de Venecia. Este patriarcado deu varios papas neste século: Pío X, Xoán XXIII e Xoán Paulo I, por iso é considerado habitualmente como diócese "de ascenso".

- **Silvano Piovanelli** (73 anos). Arcebispo de Florencia. Seica un bo pastor, pacífico e protetivo, cunha boa espiritualidade e cun carisma ecuménico, mesmo con atención particular polos más pobres.

- **Carlo-María Martini** (70 anos). Arcebispo de Milán. Un xesuista con talento, moi coñecido nos medios eclesiás internacionais polas súas brillantes exposicións públicas e polos seus libros de espiritualidade. Conta con numerosas simpatías e é un home moderadamente abierto e "moderno"; polo que é considerado "o mellor" entre os posibles candidatos "de saída", aínda que as súas posturas "progresistas" lle teñan creado moitos opositores.



- **Acille Silvestrini** (74 anos). É un home da Curia, onde ten o cargo de Prefecto para as Igrexas Orientais. Centrista, de consenso...

. Con 3 están, por esta orde, os seguintes:

- **Josef Ratzinger** (70 anos). Alemán, é o coñecido Prefecto da Congregación da Fe, cancérbero da doutrina católica, o "teólogo oficial en xefe" da Igrexa de Xoán Paulo II. Sen dúbida terá un papel particular de chave en caso de bloqueo na votación.

- **François Arinze** (65 anos). Un nixeriano abierto e dialogante, con moito sentido do humor. É tamén un home da Curia, onde exerce o cargo de Presidente do Consello para o Diálogo Interreligioso. Tense falado de que o próximo papa podería ser africano; nese caso, é sen dúbida o que ten máis posibilidades, e podería desempeñar un papel importante no diálogo islamo-cristián.

Con 2 e 1 están, por esta orde, os seguintes:

- **Angelo Sodano** (70 anos). É o coñecido Secretario de Estado, brazo derecho do papa actual. Este italiano é un home da diplomacia, moi conservador, que lle fixo as beiras a Pinochet cando era nuncio en Chile.

- **Giacomo Biffi** (69 anos). Un italiano pouco coñecido entre nós, arcebispo de Bolonia. Un home autoritario, pouco demó-

crata e integrista, que a revista cualifica cunha expresiva afirmación: "un home que non coñece a dúbida". Por iso, non dubi en dicir que a súa elección "sería un verdadeira desgracia para os católicos".

- **Camillo Ruini** (66 anos). Arcebispo Vicario de Roma, a diócese do Papa, e presidente dos bispos italianos. Admirador e colaborador do Opus Dei, manifestase coma un home distante, pouco pastoral e "carreirista".

- **Lucas Moreira Neves** (72 anos). Un dominico conservador que está actualmente cabeza da Conferencia Episcopal do Brasil despois de pasar varios anos en organismos da Curia vaticana. Poucas posibilidades.

## ... Pero non son os únicos

Eu falaba na última "Rolda de Igrexa" de *Encrucillada* doutros dous candidatos más con posibilidades. Tratábase de dos novos cardenais creados na últinx fornada vaticana; os *vaticanólogos* expertos comentaban que tiñan bastantes posibilidades na sucesión papal. Christo Schönbörn, arcebispo de Viena, e Dioni Tettamanzi, arcebispo de Xénova. Non entraba nos cálculos o noso novo flamante cardenal galego, Rouco Varela...

Concretamente, o arcebispo de Viena parece ser unha persoa de talante bastante ecuménico, que ten traballado na súa diócese por tender pontes a ortodoxos, protestantes e xudeus. Mais afinda, parece ser que ten manifestado un respecto verbo ao movemento "Somos Igrexa", que naciu precisamente no seu país, convencido de que a súa misión é a de "promove-lo diante con tódolos grupos de fieles leigos dentro da Igrexa de Austria".

Pero hai máis. Entre outros posibles candidatos hai algúns máis "novos", outros que xa pasaron dos 75 anos:

- **Roger Etchegaray** (75 anos). Un viudo francés que foi arcebispo de Marsella presidente de Iustitia et Pax, un centri conciliador moi apreciado na Igrexa.

- **Alfonso López Trujillo** (62 anos). Un colombiano conservador e ambicioso, que vese-lo "martelo de herexes" dos teólogos liberación. Foi acadando unha grande influencia en Roma, onde está na Curia.

- **Jan Pieter Schotte** (69 anos). Un anti-misioneiro belga que exerce de Secretario xeral do Sínodo dos bispos. Como ven a ser "a voz dos 4.400 bispos do mundo, a súa elección marcaría unha revalorización da colexialidade episcopal na Igrexa, en horas baixas.

# "SOMOS IGREXA" LANZA UN NOVO DOCUMENTO

"Por unha Igrexa consecuente coa defensa dos Dereitos Humanos"

## Novas da corrente

O lector de IRIMIA xa hai tempo que coñece a expresión "Somos Igrexa", a corrente internacional de renovación da Igrexa. Corrente, ou proceso de converxencia por unha Igrexa renovada entre xente comprometida na transformación da realidade; mellor que a expresión *movimento*, pois non quere ser un *movimento* máis, senón que pretende aglutinar -sen entrar en competencia nin pretender eliminar- a todos os grupos, movementos, persoas, comunidades... de acción renovadora na Igrexa, que asuman os puntos básicos do seu Manifesto. O manifesto, que orixinalmente constaba de cinco puntos, veu este ano ampliarse a dez, que poden verse o final desta páxina.

Ademais, para o cristián galego que navegue por Internet tráolle unha boa nova: xa temos en galego a páxina web de "Somos Iglesia"



([www.eurosur.org/SOMOS\\_IGLESIA](http://www.eurosur.org/SOMOS_IGLESIA)). O que isto escribe atende esa páxina en galego, onde se pode atopar, entre outras cousas, como naceu en Galicia e a nosa aportación; ali pode atopar tamén o meu e-mail ([ivitope@planalfa.es](mailto:ivitope@planalfa.es)) para suxestións ou consultas a través da rede.



Un camiño difícil, pero con moitos apoios  
Nun recente encontro en Madrid de xente de "Somos Igrexa", constatamos como a corrente segue a súa marcha imparable, pero que nas ibéricas terras vaise facendo más lentamente que outros lugares do planeta, e particularmente, outros países europeos.  
¿As razóns? Escepticismo, falla de dinamismo nas persoas e as comunidades, falla de vontade de apoio; mesmo por parte de xente que non tiña por que sentir receo dunha corrente que quere moverse claramente dentro da realidade da Igrexa, con liberdade e propostas renovadoras, pero no respecto da súa fe e da importancia dos ministerios na Igrexa. Tamén atrancos, censuras, ameazas e ... medos; consignas e mesmo un certo boicot descalificador, particularmentealguns medios de comunicación da Igrexa. Inflúe moi

especialmente a falla de coñecemento e apoio nas parroquias, porque os párrocos ou descoñecen ou non ousan falarlle dela ós seus fregueses, ainda que estean en privado de acordo.

Noutras igrexas, algúns bispos -concretamente no veciño Portugal, tal como escribín noutro lugar- teñen manifestado as súas simpatías e mesmo o seu apoio á corrente, aquí non. Con todo, cómpre falar xa de numerosos colectivos e publicacións do estado español que manifestan claramente o seu apoio: Ademais das publicacións galegas *Irimia* e *Encrucillada*, cómpre falar das catalanas *El Ciervo*, *Focnau*, *Cristianismo i justicia*, e das castelás *Alandar*, *Utopia*, *Éxodo*, *Iglesia Viva*, *Razón y fe*, *Sal Terrae*, *Misión Joven*, *Antena Misionera*, *En frontera*, *Tiempo de hablar...* Algunhas son as más prestiosas revistas españolas de teoloxía, pensamento e información, ben coñecidas de moitos lectores.

O novo Documento.  
Como cristián/a comprométome a seguir construíndo:

1.- Unha Igrexa solidaria e testemuñalmente pobre, seguidora da mensaxe de Xesús e comprometida coa liberación dos empobrecidos, oprimidos e excluídos do mundo.  
2.- Unha Igrexa de irmáns e irmás na que as mulleres e os homes teñamos a posibilidade de acceder en igualdade de dereitos a calquera ministerio ó servizo das comunidades.  
3.- Unha Igrexa participativa e democrática na que todos e todas, por medio das igrexas locais, poidamos participar na elección dos nosos ministros e ministras.  
4.- Unha Igrexa na que o celibato sexa o froito da libre elección persoal, sen que constitúa norma de obrigado

Victorino Pérez Prieto

cumprimento para nada, nin para ninguén.

5.- Unha Igrexa que non ameaza, nin exclúe a ninguén, accoladora e comprensiva, cunha mensaxe baseada no Amor de Deus ós seus fillos e filas, na gran chamada a vivir en comunidade e construir a fraternidade.

6.- Unha Igrexa comprometida coa defensa da Natureza, Creación de Deus, no respeito ó medio ambiente.

7.- Unha Igrexa multicultural e inculturada na que a diversidade de imaxes, linguas e expresións da fe nos enriquecerán a todos e axudarán a atopar novos camiños para achegarnos a Deus.

8.- Unha Igrexa comprometida co ecumenismo e nun proceso de encontro con outras relixións nas que tamén se nos revela Deus.

10.- Unha Igrexa aberta a traballar con outras persoas e grupos sociais que, ainda partindo de concepcións diversas, nos encontramos sinceramente na loita pola xustiza social, a paz, a liberdade e a felicidade para todos os seres humanos.



IRIMIA, 582 (1998)

**GALERIAS SARGADELOS**

✿ 27891 CERVO (Lugo)  
Teléf.: 982 - 55 78 41  
Fax: 982 - 55 78 04

✿ O CASTRO DE SAMOEDO  
15168 Sada (A Coruña)  
Teléf.: 981 - 62 09 37 / 62 02 00  
Fax: 981 - 62 38 04

✿ Rúa Nova, 16  
15705 SANTIAGO DE COMPOSTELA  
Teléf.: 981 - 58 19 05  
Fax: 981 - 58 18 88

✿ Provenza, 274  
08008 BARCELONA  
Teléf.: 93 - 215 01 79  
Fax: 93 - 215 01 79

✿ Zurbano, 46  
28010 MADRID  
Teléf.: 91 - 310 48 30  
Fax: 91 - 310 48 30

✿ Habana, 20  
32003 OURENSE  
Teléf.: 988 - 37 09 26  
Fax: 988 - 37 09 28

✿ Dolores, 55  
15402 FERROL  
Teléf.: 981 - 35 37 14  
Fax: 981 - 35 37 16

✿ Pza. Sto. Domingo, 4  
27001 LUGO  
Teléf.: 982 - 22 78 04  
Fax: 982 - 24 49 13

✿ Dr. Cadaval, 24  
36202 VIGO  
Teléf.: 986 - 22 00 50  
Fax: 986 - 22 04 74

✿ Albareda, 17  
41001 SEVILLA  
Teléf.: 95 - 421 67 08  
Fax: 95 - 421 67 08

✿ Via A. Volta, 20  
MILANO, 20121  
Teléf.: 02.657 58 99  
Fax: 02.657 58 99

✿ Oliva, 24  
36001 PONTEVEDRA  
Teléf.: 986 - 85 25 84  
Fax: 986 - 85 79 18

# COMERCIO XUSTO, PARA NON PERDER O... SUR

O comercio xusto, ou *comercio alternativo* empeza a ser coñecido entre nós, pero ainda como un caso curioso e minoritario, reservado para pequenas minorías concienciadas, restos de vellas militancias sociais a prol de causas perdidas ou pequenos xermolos de outras novas militancias, xurdidas no seo dunha mocidade que non traga a alienante mensaxe consumista e a mentira establecida do sistema

## UN PAR DE LABAZADAS E UNHA TEIMA PERSONAL

Ronaldo, o futbolista que lle quería moi ó Barça, pero foise para o Milán porque lle danan máis millóns, ten un contrato de por vida coa empresa "Nike" para promocionar esa marca; contrato polo que cobra 16,7 millóns de pesetas ó mes. Unha traballadora indonesia, por coser unhas zapatillas "Nike" durante máis de 8 horas diárias, cobra 7.800 pts... e non ten ningunha seguridade no seu emprego. Mientras as multinacionais dilapidan miles de millóns en publicidade, non pagan nin o mínimo salario xusto ós seus traballadores. Na rexión de Assam, na India, segundo as estatísticas gobernamentais as plantacións de té empregan 125.000 nenos/as, estatística non fiable, pois basease nas declaracions das facendas, que ocultan ó 70% da man de obra infantil, que é ocasional. A discriminación por sexo e idade é habitual nestas plantacións, nas que traballan máis nenas. O 77% dos traballadores destas

plantacións viven nunha pobreza extrema, traballando a arreo por prezos de miseria. Os seus miserios ingresos contrastan cos beneficios altísimos das multinacionais do té.

Dous feitos moi reais, para non comezar facendo ideoloxia, datos contantes e soantes, reais como a vida mesma. Noxentos e inxustos coma o sistema económico mundial. Labazadas que nos deberían bater na cara e faéncola caer de vergoña, pois esta é a sociedade que nós facemos cada día. Eu non merquei na vida unhas zapatillas "Nike", nin espero facelo. Pero si tomo té e café, que chega maiormente polas canles inxustas das multinacionais que explotan ó Terceiro Mundo. Poucos nos libraremos dalgún pecado eo que sermos cómplices da inxustiza mundial establecida.

Pero hai ben anos que teño unha teima militante: Non beber "Coca-Cola", nin producto algúm desa multinacional americana, símbolo máximo da ideoloxia imperialista tanki. Ademais de non beber o

"noxento brebaxe", que lle chamou Celso Emilio, son apóstolo da causa, ainda que conseguira ata agora poucos conversos.

## NON PÉRDA-LO... SUR

Igual que fomos educados desde pequenos co machismo de que "os nenos non choran" ou co antiecoloxista "matar dous paxaros dun tiro", tamén nos ensinaron a "non perder o Norte"; pero vai sendo moi hora de que cambiármolo compás e empêcemos a orientalo cara ó Sur. Compre tomar conciencia de que os produtos do terceiro Mundo que consumimos son, en gran parte, fruto do abuso que sufren os traballadores do Sur. Soldos de miseria, prezos irrisorios para os produtos agrícolas... e un mercado internacional que beneficia só ós que o manexan e no que un pequenísimo grupo de grandes empresas multinacionais controlan o 70% do comercio. Estas empresas non so conseguem beneficios materiais escandalosos, senón que controlan calquera tipo de decisión política dos organismos nacionais e internacionais, onde conseguem infiltrar-los os seus executivos e espías.

Isto é o que están a facer desde hai anos as tendas de Comercio Xusto en todo o mundo, ainda que por estes lares sexa ainda cousa moi recente. Facendo algo de historia, vemos que, en realidade, as primeiras tendas de comercio xusto e solidario naceron hai case trinta anos. A primeira abriuse en 1969 en Breukelen (Holanda), e nos comezos dos 70 había xa unhas 120 nese país, estendéndose de contado por Bélxica, Suiza, Austria, Alemaña, Francia e Gran Bretaña. En 1989, 40 Organizacións de Comercio Alternativos (OCAS) crean a Federación

IRIMIA, 534  
29 Xullo 1998

Victorino Pérez Prieto

## GALERIAS SARGADELOS

- ✿ 27891 CERVO (Lugo)  
Teléf.: 982 - 55 78 41  
Fax: 982 - 55 78 04
- ✿ O CASTRO DE SAMOEDO  
15168 Sada (A Coruña)  
Teléf.: 981 - 62 09 37 / 62 02 00  
Fax: 981 - 62 38 04
- ✿ Rúa Nova, 16  
15705 SANTIAGO DE COMPOSTELA  
Teléf.: 981 - 58 19 05  
Fax: 981 - 58 18 88
- ✿ Provenza, 274  
08008 BARCELONA  
Teléf.: 93 - 215 01 79  
Fax: 93 - 215 01 79
- ✿ Zurbano, 46  
28010 MADRID  
Teléf.: 91 - 310 48 30  
Fax: 91 - 310 48 30
- ✿ Habana, 20  
32003 OURENSE  
Teléf.: 988 - 37 09 26  
Fax: 988 - 37 09 28
- ✿ Dolores, 55  
15402 FERROL  
Teléf.: 981 - 35 37 14  
Fax: 981 - 35 37 16
- ✿ Pza. Sto. Domingo, 4  
27001 LUGO  
Teléf.: 982 - 22 78 04  
Fax: 982 - 24 49 13
- ✿ Dr. Cadaval, 24  
36202 VIGO  
Teléf.: 986 - 22 00 50  
Fax: 986 - 22 04 74
- ✿ Albareda, 17  
41001 SEVILLA  
Teléf.: 95 - 421 67 08  
Fax: 95 - 421 67 08
- ✿ Via A. Volta, 20  
MILANO, 20121  
Teléf.: 02.657 58 99  
Fax: 02.657 58 99
- ✿ Oliva, 24  
36001 PONTEVEDRA  
Teléf.: 986 - 85 25 84  
Fax: 986 - 85 79 18



# TAMÉN VINTE ANOS DE SARAIBAS

Os vinte anos de *Milladoiro*, efeméride dun astro da música e a cultura galega que celebramos con moito gozo, semellaron eclipsar ou esquecer outro vinte aniversario, o de *Saraibas*, grupo ó que a música popular galega, pero tamén a conciencia popular e nacional de Galiza, deben moito. Paréceme que os amigos de *A Roda* deben andar igualmente nos vinte.

## "Unha terra, un pobo, unha fala"

Este é o título da súa primeira producción discográfica, que viu a luz en 1980. Pero o grupo xurdira dous anos antes, na primavera de 1978. Viñanxe xuntando para cantar nas celebracións relixiosas parroquiais e en festas discretas, máis ben privadas; pero foi na festa de Somozas, preto do seu pobo natal, San Sadurniño, cando se deron a coñecer nun concurso ó que se presentaron co nome de "Chorima", que ó pouco mudarian polo de *Saraibas*.

A formación orixinaria, na que haberían cambiar algúns compoñentes co tempo, era: os irmáns Martín e Miguel Sanjurjo, compositores ou arranxadores da letra e a música da meirande parte das cancións do grupo, Avelino e Regina Cinza, Enma Calvo e Elisa García. Pretendían facer

música folk galega e, evidentemente, en galego, con base tradicional, pero non pechada nas melodías e letras tradicionais, senón aberta a novas tendencias e arranxos.

Na súa primeira xira promocional, xa compartiron cartel con outro grupo musical que acababa de empezar, *Milladoiro*, e cun grupo de danza que tiña más tradición, o *Ballet Galego Rei de Viana*. Por Venezuela seca lle preguntaron estrañados en máis dunha ocasión onde tiñan o "traje regional"; e o seu "escandaloso" "Rebola-bola" tivo problemas máis dunha vez. Logo virllan xiras galegas, numerosas festas populares en cidades e aldeas do país, pero tamén o festival de Lorient, e actuacións en Lausanne, Zúrich

Xenebra, Paris, Amberes, Bruxelas e o mesmo Londres.

Con *Fuxan os Ventos* e *Milladoiro* formaron o triángulo cabecera da casa discográfica galega *Ruada* ata o seu peche. Precisamente por "facer país", ata rexitaron unha oferta da todopoderosa *Philips*.


"Un pobo, unha terra, unha fala" tiña unha intención evidente, manifestada no mesmo título do disco: defender a realidade nacional galega, particularmente manifestada na lingua como símbolo mais esencial do seu ser. Non en van o título do tema central do disco era "Nación", e o seu retrouso cantaba esas tres emblemáticas palabras que manifestaban a identidade de Galiza. Pero Tamén "Galicia nai" de Cabanillas e "Galego na escola".

## De "Rebola-bola" a "¿Careca?"

Ó ano seguinte do seu primeiro disco veu "Xa non podemos calar" (1981), tamén con evidente intencionalidade política, manifestada non só na cantiga que da título ó disco, e outras como "¡Ai galeguíños!" ou "Os aproveitados da fala", senón tamén noutras nas que musicaron magníficos poemas de Xosé Antón Miguélez, como "Por se chega a primavera á nosa Terra". Novos compoñentes se foron incorporando pouco a pouco con máis ou menos estabilidade: Manuel Alonso, Óscar Sanjurjo, Rosa Ces, Amparo Calvo, Vicente Bermúdez, Anxela Loureiro e a última incorporación Juanjo Porta, que foi guitarrista de *Gwendal*. O terceiro disco "¿Careca?", saíu cinco anos despois

(1986), pois xa andaban cun novo proxecto que Iles había roubar moitas enerxias, *Cantareliña*. O cuarto traballo discográfico foi "Camiño longo" (1992), que tivo menos difusión; isto, sumado a que se prodigaron menos nas actuacións públicas e non entraron gustosos no xogo dos "chous" televisivos, levou a que nos últimos anos algúns pensaran que desaparecera *Saraibas*. Pero ainda sacarian un quinto traballo en 1996: "Cancións", en colaboración coa ferrolá Anxela Loureiro.

**Victorino Pérez Prieto**



"Cantareliña", unha aposta polos nenos galegos

*Saraibas* non se entende sen *Cantareliña*, como tampouco sen o empuxo espiritual e material do que foi o seu mentor, Ramón Díaz Raña, moitos anos cura de San Sadurniño, preto de Ferrol, e hoxe por outros derroteiros distintos dos da clerecía. Sobre todo da man de Ramón Raña, Martín e Miguel Sanjurjo, *Cantareliña* foi un marabilloso proxecto que foi adiante a forza de inexixio e xenerosidade, moitas veces non recoñecidos e, pola contra, máis ben con atrancos, en máis dunha ocasión

produciña ducias de cantigas, pois a producción musical infantil que foron acumulando as súas sete edicións foi enorme e riquísima, aparecendo numerosas cantigas orixinais de gran calidade. Foi pena que non perdurara máis esta fermosa e riquísima experiencia; con todo, experiencias posteriores como "Xabarin Club" e outras, beberon de *Cantareliña*.

*Saraibas* segue vivo, e facendo o que sempre fixo, cantar e compor cantigas. Oxalá nos próximos vinte anos nos dea outro tanto como nos deu nos vinte primeiros.

**GALERIAS SARGADELOS**

27891 CERVO (Lugo)  
Teléf.: 982 - 55 78 41  
Fax: 982 - 55 78 04

O CASTRO DE SAMOEDO  
15168 Sada (A Coruña)  
Teléf.: 981 - 62 09 37 / 62 02 00  
Fax: 981 - 62 38 04

Rúa Nova, 16  
15705 SANTIAGO DE COMPOSTELA  
Teléf.: 981 - 58 19 05  
Fax: 981 - 58 18 88

Provenza, 274  
08008 BARCELONA  
Teléf.: 93 - 215 01 79  
Fax: 93 - 215 01 79

Zurbano, 46  
28010 MADRID  
Teléf.: 91 - 310 48 30  
Fax: 91 - 310 48 30

Habana, 20  
32003 OURENSE  
Teléf.: 988 - 37 09 26  
Fax: 988 - 37 09 28

Dolores, 55  
15402 FERROL  
Teléf.: 981 - 35 37 14  
Fax: 981 - 35 37 16

Pza. Sto. Domingo, 4  
27001 LUGO  
Teléf.: 982 - 22 78 04  
Fax: 982 - 24 49 13

Dr. Cadaval, 24  
36202 VIGO  
Teléf.: 986 - 22 00 50  
Fax: 986 - 22 04 74

Albareda, 17  
41001 SEVILLA  
Teléf.: 95 - 421 67 08  
Fax: 95 - 421 67 08

Via A. Volta, 20  
MILANO, 20121  
Teléf.: 02.657 58 99  
Fax: 02.657 58 99

Oliva, 24  
36001 PONTEVEDRA  
Teléf.: 986 - 85 25 84  
Fax: 986 - 85 79 18

# HORIZONTE UNIVERSAL

## A "SÍNDROME NNA" E O TERCEIRO MILENIO

Ainda que poida parecelo polo título, non vou ousar falar de bioloxía ou medicina, ciencias nas que debo confesala miña pouca competencia. A síndrome do que quero falar agora ten máis que ver coa vida da miña sociedade e coa mesma vida da Igrexa. Esta síndrome, como tantas outras, vén nomeada con siglas da nova lingua do imperio, o inglés, e vén significar algo así como "Non hai Ningunha Alternativa". É unha síndrome que ven sendo imposta nos últimos anos, polo que se deu en chamar "pensamento único", global; unha concepción do mundo, da vida, da política e da economía que nos quere convencer de que hoxe xa non hai máis ideoloxía viable cá ideoloxía neoliberal e o sistema económico de mercado total. Por tanto, como o letreiro que o Dante puxo na porta do inferno, cómpre "abandonar toda esperanza" en calquera utopía de cambio transformador, pois está de antemán condenada ó fracaso. Así que colle o anaco do pastel máis grande que poidas, e... "a jugar".

Este pensamento tamén está moi metido na Igrexa, onde un pretendido "realismo" esterilizante impide a moitos seguir apostando pola utopía do Reino de Deus que anunciou o Mestre de Nazaré. Afortunadamente, o que é un rotundo fracaso é precisamente a pretensión de impôr un "pensamento único", e na Igrexa, a pesar dos medos esterilizantes e dos cansazos paralizantes, xorden constantemente aquí e acolá movementos libres que manifestan a liberdade do Espírito que sopra onde quere e como quere. "Onde está o Espírito de Deus ali hai liberdade", vida e esperanza; esa esperanza activa nunha vida en liberdade e xustiza é o único

antídoto contra a paralizadora síndrome NNA.

O *Movimento Internacional Somos Igrexa* (IMWAC) está sendo neste momento capaz de ir aglutinado numerosas organizacións e redes locais ou internacionais que queren renovar a vida da Igrexa, porque contrariamente ós seus acusadores están... inconvenidos de que a Igrexa ainda ten moita vida! Isto é o que manifesta cada día a información que o IMWAC se encarga de comunicarnos ós que estamos conectados coa plataforma a través de Internet.

Posiblemente, un dos meirandes logros dessa plataforma renovadora da Igrexa foi a de crear un espacio de comunicación libre, democrática, descentralizada, descolonizadora e rápida entre os católicos e cristianos de todo o mundo que apostan confiados por un cambio da Igrexa desde a base. A través do espacio libre de Internet crebáronse os estreitos límites localistas das igrexas e a información relixiosa e social filtrada polos medios que están suxeitos ó poder.

Por iso, os coordinadores do IMWAC recoñecían recentemente nun documento difundido pola rede: "Gracias a tecnologías novas coma o e-mail, dispomos de posibilidades inauditas para dialogar sobre a nosa Igrexa e o seu liderato, non só como grupos nacionais, senón tamén como comunidade internacional de fe e esperanza. Podemos falar en moitas linguas sobre o futuro da nosa Igrexa e sobre as maneiras en que a nosa comunidade de fe e os seus líderes podan ser más fieis ó Evanxeo". Pode que, con tódolos seus inevitables errores, sexa esta plataforma unha ocasión excepcional para vivir a verdadeira

catalicidade ("universalidade") e unha aposta ecuménica seria da Igrexa, e, de paso, aprobar a súa materia pendente coa modernidade, se a xerarquia olla para ela con amor dialogante e deixe de botarles enriba os cans cerbeiros da ortodoxia esterilizante, que, esquecendo aquilo de "o sábado é para o home e non o home para o sábado", xa andan a "previr" ós católicos do "perigo de chegar a contaxiarse a través de Internet e demás medios de comunicación modernos co xermolo de democratización que xurdio entre os fieis de Europa central". Pode que, a pesar dos medos duns e a miopia de outros, o berro "Somos Igrexa" se vaia convertendo nunha canle para a força transformadora

do Espírito, e troque a síndrome NNA en esperanza dunha vida nova que non sexa só para o outro mundo.

No tempo de verán difundironse, entre outros moitos comunicados, dous documentos más longos e especialmente interesantes: *Dores de porto dunha Igrexa para o terceiro milenio* e *Un Papa para o tempo que despunta. Bispo de Roma e Pastor Universal*. O primeiro, tras unha introducción da portavoz e principal coordinadora da comunicación na rede, a colombiana-alemana Elfriede Harth, trae unha completa información sobre a presencia da plataforma renovadora nos distintos países e pobos do mundo. Os nomes do movemento en cada país son tremendalemente expresivos. Desde a pioneira austriaca *Plataforma Nós Somos Igrexa* co seu "Chamamento ó Pobo de Deus", ou o tirolés *Por unha Igrexa máis humana*, e o belga *Por unha Cara diferente da Igrexa e a Sociedade*, ata o sinxelo nome dos norteamericanos, ingleses e irlandeses: *We Are Church* ("Nós somos Igrexa"), que asumiron literalmente traducido os irmáns de Portugal e Brasil: *Nós Somos Igreja*, e o más sinxelo dos españoles e sudamericanos: *Somos Iglesia-SI*, que asumimos no galego *Somos Igrexa*.

A semana que vén teremos ocasión de traer a estas páginas o segundo documento centrado na idea do Papa que queremos para o terceiro milenio, co que se manifesta que se acepta a súa figura, igual que se manifestou o valor do ministerio sacerdotal -renovado- na Declaración, contrariamente a outras ideas dunha Igrexa sen curas, que ás veces se lle apoíen falsamente a *Somos Igrexa*.

**Victorino Pérez Prieto**




Ultimamente está moi extendido o pensamento único

## GALERIAS SARGADELOS

- ✿ 27891 CERVO (Lugo)  
Teléf.: 982 - 55 78 41  
Fax: 982 - 55 78 04
- ✿ O CASTRO DE SAMOEDO  
15168 Sada (A Coruña)  
Teléf.: 981 - 62 09 37 / 62 02 00  
Fax: 981 - 62 38 04
- ✿ Rúa Nova, 16  
15705 SANTIAGO DE COMPOSTELA  
Teléf.: 981 - 58 19 05  
Fax: 981 - 58 18 88
- ✿ Provenza, 274  
08008 BARCELONA  
Teléf.: 93 - 215 01 79  
Fax: 93 - 215 01 79
- ✿ Zurbano, 46  
28010 MADRID  
Teléf.: 91 - 310 48 30  
Fax: 91 - 310 48 30
- ✿ Habana, 20  
32003 OURENSE  
Teléf.: 988 - 37 09 26  
Fax: 988 - 37 09 28
- ✿ Dolores, 55  
15402 FERROL  
Teléf.: 981 - 35 37 14  
Fax: 981 - 35 37 16
- ✿ Pza. Sto. Domingo, 4  
27001 LUGO  
Teléf.: 982 - 22 78 04  
Fax: 982 - 24 49 13
- ✿ Dr. Cadaval, 24  
36202 VIGO  
Teléf.: 986 - 22 00 50  
Fax: 986 - 22 04 74
- ✿ Albareda, 17  
41001 SEVILLA  
Teléf.: 95 - 421 67 08  
Fax: 95 - 421 67 08
- ✿ Via A. Volta, 20  
MILANO, 20121  
Teléf.: 02.657 58 99  
Fax: 02.657 58 99
- ✿ Oliva, 24  
36001 PONTEVEDRA  
Teléf.: 986 - 85 25 84  
Fax: 986 - 85 79 18

## "UN PAPA PARA O TEMPO QUE DESPUNTA"

Falaba na anterior colaboración da "síndrome NNA", esa que fai crer á xente do "pensamento único" que hoxe non hai máis alternativa real e con xeito no mundo que o egoísmo organizado do pensamento neoliberal e o seu sistema de mercado; o demais son tolemias ou parvadas. Dicía que si hai alternativa neste mundo inxusto, e na Igrexa tamén, seguindo a utopía de Xesús de Nazaré, o Cristo resucitado. *Somos Igrexa* representa hoxe un elemento importante nesa alternativa, e apuntábanse as razóns. Falábase ó remate dun documento sobre o papa que queremos para o terceiro milenio; un documento que ve a luz en todo o mundo nesta semana, con ocasión dos vinte anos de Xoán Paulo II como bispo de Roma e á fronte da Igrexa Católica.



O documento arrinca dun significativo texto de San Paulo: "Agora é o tempo oportuno" (2Cor, 6). É o *kairós* para unha nova era, como se canta por tódolos lados. Particularmente é o *kairós* para os crentes, concretamente para os cristianos, dentro e fora da Igrexa católica, para acadar un Concilio Cristián Universal nos comezos do terceiro milenio, construíndo unha Igrexa na que o diálogo, a igualdade, a liberdade e a xustiza sexan algo más que unhas palabras bonitas.

Neste novo modelo de Igrexa para o noso tempo, compre un papa que:

*Sexa un verdadeiro líder con capacidade para ler "os signos dos tempos" e camiñar xunto co seu pobo, que saiba escutar e proclama-las voces dese pobo de Deus, que saiba dialogar e ensinar.*

Un líder que recoñeza particularmente o *espertar da conciencia das mulleres* e saiba *respecta-las diferencias*.

*Que saiba distinguir entre o seu papel de bispo de Roma e respecto de toda a Igrexa, como "presidente dun ágape mundial", para o que terá que reforma-la Curia.*

*Que acolla á xente para o ministerio sacerdotal sen ter en conta xénero, estado matrimonial nin orientación sexual.*

*Respectuoso coas conciencias dos católicos e católicas, impulsando un xenuino diálogo no seo da teoloxía e a moral.*

Por iso, debe ser tamén un pastor que anime á *liberdade dos teólogos e teólogas*. Que acolla a *liberais e conservadores* para traballar e dialogar na mesma Igrexa.

Que recoñeza o *pluralismo cultural na Igrexa* e celebre a súa diversidade.

Que saiba restablece-la plena participación do pobo na Igrexa, compartindo tarefas de goberno e toma de decisións. Que invite ós católicos e católicas a desenvolver un senso adulto de responsabilidade.

Un verdadeiro *líder ecuménico* que se comprometa nun serio diálogo de tódolos cristianos. E que aprobe e impulse o diálogo interrelixioso fóra do cristianismo.

**Que sexa un verdadeiro líder con capacidade para ler "os signos dos tempos"**

*Que abra os seus brazos en solidariedade sobre todo cos más pobres e oprimidos. Que sexa un profeta que promova eficazmente a xustiza, a igualdade, a paz e a non violencia na Igrexa e no mundo. En fin, un amante da Terra, que defende a integridade da creación.*

*E un espírito xeneroso con senso do humor, pero con valentía e decisión para saber denuncia-las trampas dos poderosos deste mundo.*

Alguén pode dicir que... por pedir que non quede, pero só a esperanza transformadora pode neutraliza-lo *síndrome NNA* e tódolos síndromes paralizadores na Igrexa e na sociedade. E non se pode esquecer a revolución daquel galileo iniciada hai dous mil anos.

## "A PLENO DÍA". MULLERES CONTRA O CELIBATO OBRIGATORIO DOS CURAS



O tema do celibato *obrigatorio* dos curas paréce-me que é un tema no que xa hai tal consenso no pobo de Deus, que non é necesario debatelo máis. Deixo a parte a cuestión do "celibato polo Reino dos ceos" como un valor en si mesmo; unha opción que pode ser valiosa, e mesmo liberadora, como unha *aposta libre* no camiño do seguimento de Xesús e na construción do Reino de Deus; mesmo algo que parece bastante lóxico no caso dos votos dos monxes/as contemplativos/as e os relixiosos/as de vida activa, opción que se ve apoiada pola vida en comunidade. Non é iso o que está en cuestión, paréce-me que o único problema que segue a existir hoxe a tal respecto, aínda máis có mesmo debate sobre a obrigatoriedade ou non do celibato dos curas, é o problema da *disciplina eclesiástica*: o feito de que aínda sexa imposto pola xerarquía eclesiástica da Igrexa Católica Romana de rito occidental, como condición *sine qua non* para os candidatos ó ministerio sacerdotal, a obligación de non poder casar. É sabido que os curas católicos de rito oriental poden casar, e que a obligación para os de rito occidental tan só se remonta ó século XII (1139, II

Concilio de Letrán).

Hai xa ben tempo que teño descuberto que o pobo de Deus, nisto como noutras cousas da disciplina eclesiástica, non comparte a opinión dos seus xerarcas. Para a inmensa mayoría da xente, o pretendido problema de que os curas se casen ou non, se queren, non é tal problema; ó pobo de Deus valeríanlle o mesmo os curas como casados ou como solteiros, se saben ser entregados na evanxelización e no servicio xeneroso e gratuito. E penso que aínda os verían más *sanamente* normais, más

**para a inmensa  
mayoría da xente,  
o pretendido  
problema de que  
os curas  
se casen ou non,  
se queren, non é  
tal problema**

achedados a eles, se casasen coma todo o mundo.

Porque o problema é o da disciplina eclesiástica, que moitos curas manteñen pero que é saltada por outros moitos, xorden constantemente na Igrexa asociacións en defensa do *celibato opcional*, asociacións integradas por curas secularizados, curas en exercicio, mulleres e mesmo frades e monxes. A novidade chega agora da man dun grupo de mulleres francesas chamada *Plein jour* ("A pleno día"). Autodenomínanse "Asociación de mulleres en loita pola abolición da

regra do celibato dos curas na Igrexa Católica Romana", e identifícanse publicamente como "mulleres compañeiras de curas que aínda exercen o seu ministerio". O seu obxectivo é denuncia-lo silencio mantido polas autoridades eclesiásticas sobre a transgresión por parte de numerosos curas da disciplina que impide casar ou ter unha relación amorosa cunha muller; algúns deles acaban por deixá-lo ministerio e casan, pero outros moitos teñen que vivir con dor o feito de non querer renunciar nin ó exercicio do sacerdocio ministerial nin ó amor dunha muller. Engaden no seu comunicado que "Como os nosos compañeiros non fan nada por cambiar este estado de cousas, decidimos pelejar nós contra esta regra". Por iso, falan de que os curas son "víctimas e cómplices" de tal disciplina, porque non poden facer moito por cambiala.

Xa teñen a súa propia páxina web en Internet ([www.mygale.org/~pljour/](http://www.mygale.org/~pljour/)). Pero, ademais, como se senten Igrexa e non queren deixala, empezaron a contactar con bispos franceses e con outras asociacións semellantes francesas e doutros países, nunha acción na dobre dirección intra e extraeclesial. Parte do seu discurso ás xerarquías católicas abonda no feito da contradicción entre o anuncio que fan do Evanxeo, proclamando solemnemente a acollida a todos, especialmente ós más marginados da sociedade, e a exclusión á que someten certos sectores na Igrexa.

Quizá que as "Mulleres Cristiás galegas", mesmo aínda que poida non lle concerni-lo problema tanto como ás súas irmás francesas, poderían atopar un espazo de confluencia con elas.

## A OCASIÓN PERDIDA DO SÍNODO DE OCEANÍA



Contan que cando rematou o innovador Concilio Vaticano II, que ía poñer patas arriba a Igrexa cos seus revolucionarios e innovadores cambios, e os Padres Sinodais volveron para a súas respectivas dióceses, un venerable curial dixo: "Os Concilios pasan, pero a Curia queda". Esta escatolólica sentencia seica se escoitou repetidas veces nos días pasados, convenientemente actualizada, no Sínodo de Oceanía que se celebrou en decembro no Vaticano: "Os Sínodos pasan, a Curia permanece". Os que a repetían con receo e incomodidade eran de novo os impávidos representantes da Curia Vaticana, que seica manifestaban un desprezo e unha mirada por riba do ombro cara a "eses bispos ignorantes [que teñen por antepasados os salvaxes caníbales das illas do Pacífico] que pretenden dar leccións [os cultísimos cargos da curia] e non din más ca disparates teolóxicos". O entrecomiñado (salvo o que vai en corchetes, que é interpretación engadida por min), seica foi escoitado

textualmente por un periodista a algún curial e resabido monseñor.

O quinto dos Sínodos consagrados ós distintos continentes foi, como adoita suceder en Roma, capital do catolicismo, entre o 22 de novembro e o 12 de decembro. Viña completa-los Sínodos anteriores realizados na perspectiva do ano 2000, dedicados a Europa (1991), África (1994), América (1996) e Asia (primavera do pasado 98). A pesar de ter contado con ricas aportacións nos debates, produciu un documento final que elude os temas conflictivos que estiveron omnipresentes nas aportacións dos bispos dos antípodas do mundo, como foi o problema da escaseza de vocacións sacerdotais e a conveniencia de revisa-la lei do celibato obligatorio para os curas, así como a unha meirande indulxencia cos curas casados e a ordenación de homes casados, así coma o acceso da muller a meirandes postos de responsabilidade na Igrexa co diaconado permanente. No documento final está tamén ausente un repetido clamor que se escoitou esos días no Vaticano, pedindo que se conceda unha meirande autonomía para as Conferencias Episcopais de cada zona ou país, en cuestións litúrxicas ou disciplinares.

Outra ocasión perdida de renova-la decadente e vella Igrexa europea cun alento novo: a fecunda e rica variedade que representa o seu mosaico de culturas, o dinamismo e a mocidade das Igrexas novas de Oceanía. Desde a olímpica sociedade próspera e avanzada de Australia e mesmo Nova Celandia, ata as más afastadas illas do Pacífico, ancoradas no pasado e o subdesenvolvemento. Todas clamaban pola necesidade de respectar as propias tradicións e procesos económico-sociais, que tamén padecen a globalización económica. "Un bispo das illas Fidji dícía ilusionado nos primeiros días: "Este Sínodo ten que ser coma un furacán que regue coa súa fecunda choiva todo o continente". Pero, ó remate, parece que a única novidade permitida quedouse nos danzantes que viñeron das illas de Samoa, Tonga e Fidji, para a ceremonia inaugural. Ían en *traxe rexional*, moi pintados, descalzos e medio en coiros, como cumpría para interpretar os seus cantos en maorí e os exóticos bailes indíxenas.

O correspondente no Vaticano dunha coñecida revista católica confesaba con tristura: "Roma segue a tratar ás Igrexas locais dos continentes lonxanos coma menores de idade, cun paternalismo comparable ó dos antigos colonizadores fronte ó *bo salvaxe*" (Antonio Pelayo en *Vida Nueva*). ¿De que me soa a mi isto do paternalismo con linguas e culturas diferentes?

## "A TERRA PARA QUEN A TRABALLA". XOÁN PAULO II DEFENDE OS INDÍXENAS EN MÉXICO



Outros preferirán falar dos vinte millóns de persoas que congregou Xoán Paulo II na súa última visita a México, a finais de xaneiro; ou da impresionante Misa no Estadio Azteca con dous millóns de fieis, das más variadas procedencias e etnias. As revistas eclesiásticas falarán tamén dos centos de bispos e curas que o acompañaron, e recollerán os longos e densos discursos do pontífice.

A algúns interéssanos máis declaracions súas das que se falou

**"Os indíxen as son os primeiros donos da terra"**

menos, e que houbo que espigar nos medios impresos e electrónicos. Para o que isto escribe, a mellor frase que saíu da boca do pontífice católico na cuarta viaxe que fai a este país, cheo de católicos e rexido por un goberno laico, foi esta: "Os indíxen as son os primeiros donos da terra, polo que

son os primeiros con dereito a ela". Unha versión no México chiapaneco do vello lema revolucionario: "A terra para quen a traballa", que poderán utilizar con xustiza os zapatistas. De feito, as primeiras declaracions do Papa ó chegar a México parece ser que foron no sentido da necesidade de reiniciar o diálogo entre o goberno e o Exército Zapatista, en vía morta tra-lo incumprimento por parte do goberno de Zedillo dos acordos de San Andrés e o nulo avance nas investigacions da masacre de Acteal.

Xa me gustaría tamén que acontecera algo case imposible para este Papa, que se metera menos con esa actualización da inesquecible Teoloxía da Liberación, que é a Teoloxía Indíxenista. Para o Papa, esta teoloxía padece como aquela a "contaminación marxista", e é vítima da nefasta influencia da ideoloxía materialista.

Con todo, o certo é que as declaracions papais a prol dos dereitos dos indíxen as e os explotados deste país, son unha clara condena da marxinación que padecen, que non pasou inadvertida. Algún bispo apresrouse a declarar que "as palabras do Papa non deben chiapanizarse", aludindo a que non se refiren só ó conflicto desta rexión mexicana, senón á problemática de todo o continente, e que non deben tomarse "en sentido excluínte", de apoio a un só sector. Pero os que están más vinculados ós indíxen as e apostan más polos pobres (ademas de Samuel Ruiz, Alejo Zavala e Luis Gabriel Cuara) coincidían en afirmar que o Papa refrendou a súa opción polos pobres e a necesidade de denunciar e apoiar a defensa do

dereitos humanos, en especial dos más marxinados. Nun sentido semellante manifestábase o presidente da "Fronte Mexicana Pro Dereitos Humanos" facendo notar que o Papa "apoiou a autodeterminación indíxena, os dereitos humanos e a paz".

Tamén é importante que, a pesar das presións que chegaron ata o Vaticano por parte dos oligarcas do país pedindo a demisión de Samuel Ruiz, o Papa non lle dera a xubilación anticipada, aínda que xa conta con 74

**Algún bispo apresrouse a declarar que as palabras do Papa non debían Chiapanizarse**

anos, cando a xubilación obligatoria dos bispos é ós 75.

Cóa imaxe deplorable do máis recente escándalo vaticano, do presunto ou real apoio ó "pobrío" do vello e sanguiñento Pinochet, e necesariamente sen deixar de xulgar o negativo, cómpre tamén valorar os detalles positivos deste Papa tan polifacético, e sobre todo desta Igrexa chea de pecado e tamén de santidade, capaz de camiñar de ganchete cos ricos e tamén no compromiso cos pobres; onde collen os Marzinkus e os Casaldáligas, porque nela hai amor e desamor, violencia intolerante e paz con xustiza.

# HORIZONTE UNIVERSAL

## OUTRA VOLTA ARREDOR DO PODER DA XERARQUÍA NA IGREXA CATÓLICA

*"Os textos conciliares debuxaban unha face amable da Igrexa... Pero agora temo-la impresión de que foi botado o freo a esa apertura... Os laicos tomaron conciencia do seu papel. Xa non queren máis ser tan só a Igrexa que escoita pasivamente, obrigada á obediencia cega. Numerosos fieis agardaban ver nacer unha Igrexa de irmáns e irmás, na que todos, homes e mulleres, clérigos e leigos, se puidesen recoñecer iguais en dignidade, tal como se anunciaba. ...Agardábase a fin do poder sagrado exercido por un pequeno número de xerarcas sobre un gran número de fieis, así como a entrada da liberdade dos cristiáns na Igrexa Católica romana. Pasado o tempo, a decepción foi cada vez meirande para moitos."*

Estas verbas non son dun *irimego*, nin tan sequera dun teólogo progresista. Son nada menos que dun experto en Dereito Canónico, dos que, normalmente, tenden a ser tan rixidamente legalistas. Son palabras dunha conferencia pronunciada a finais do ano pasado por un canonista alemán (¿a que outro deses señores coñezo eu?), de nome Werner Böckenförde, un cura que é coengo emérito da catedral da cidade xermana de Limburg e profesor de dereito canónico en Frankfurt.

A conferencia chegounos por Internet, enviada polo *Synode du Parvis* ou "Sínodo do Adro", e foi

unha aportación ós encontros federais do movemento Somos Igrexa de Alemaña, que tiñan como lema *"Liberdade do cristián en lugar dun poder sagrado?"*.

### Un Código novo que naceu xa vello

O profesor xermano dálle un completo repaso ó estado actual do dereito na Igrexa. O actual *Código de Dereito Canónico* (nomeado CIC, polas iniciais en latín) veu a luz dezaoito anos despois do Vaticano II, promulgado por Xoán Paulo II, como unha actualización do vello Código. Pero este *novo* Código xa naceu vello, sendo pouco fiel ó espírito do Concilio, tal como subliña o canonista alemán: "O lexislador da Igrexa -en última instancia tan só o Papa- manifestouse decidido non só a esganar toda posta en cuestión da estructura xerárquica da Igrexa, senón áinda a reforzala más". Por iso, a diferencia do Concilio, o lexislador non fala máis ca do papa como "representante de Cristo", nin sequera os bispos, e moito menos os curas, semellan compartir con el tal título.

O papa "posúe o poder supremo e directo na Igrexa", detentando mesmo un poder ordinario sobre os bispos diocesanos. Consecuentemente -tal como comenta o canonista- "non existe recurso xurídico ningún contra os seus veredictos e decretos, mesmo

por parte dos bispos". Estes só exercen un poder ordinario nas súas dióceses. Habería que engadir que ese poder dos bispos nos seus feudos diocesanos é case tan omnímodo coma o do papa na Igrexa universal: "Eu veño ser a o párroco de tódalas parroquias da diócese; pero como non podo atendelas todas, para iso teño os curas", chegou a dicir un bispo hai poucos anos na súa visita pastoral.

Como o Papa é o *superbispo* da Igrexa Católica, dicta normas para a escolla dos novos bispos e o seu "xuramento de fidelidade". Nos criterios de aptitude para poder ser bispo están os da *verdadeira fe* e os da *disciplina*. Entre os primeiros cómpre destacar: "A adhesión á doutrina e ó maxisterio da Igrexa. Especialmente no que concirne... ós documentos da Santa Sé sobre o sacerdocio, a ordenación sacerdotal das mulleres, o matrimonio e a familia, a moral sexual e a xustiza social". Referente ó segundo: "Fidelidade e obediencia ó Santo Padre... adhesión e submisión ás normas eclesiásticas, e particularmente as concernentes ó cumprimento do servicio divino e ás vestimentas dos ministros da Igrexa".

Con razón comenta o canonista: "Desprezando tódalas teoloxías e ideoloxías que teñen falado con entusiasmo sobre a comuñón, é a antiga interpretación da Igrexa como *societas inaequalis* (sociedade inigual) a



Mons. Gaillot un dos "afectados" dos excesos absolutistas da Igrexa



Riley Davila

O acceso da muller ó sacerdocio é un dos tabus do momento (Na foto unha muller ordenada na Igrexa Anglicana). que domina no dereito canónico actual"; destacando que para o CIC "os leigos están subordinados á xerarquía e obrigados a obedecer en conciencia as súas leis

De calquera xeito, como é sabido, unha cousa é a teoría e outra a realidade, que é un abismo entre o esixido por Roma e o que se fai realmente na Igrexa. O abismo manifestase, sobre todo, entre o clero e os leigos, pero tamén entre bispos e curas; e mesmo entre os bispos e o Papa. Por moito que queira imponerse a xerarquía, a realidade é que a autoridade na Igrexa vaise excluíndo. Ultimamente liamos datos rotundos: a meirande parte dos católicos centroeuropeos non lle recoñecían autoridade moral ningunha ó mesmo Papa, porque o vián totalmente ancorado no pasado. De pouco valen así os títulos eclesiásticos.

#### **Dez anos de ordenanzas romanas**

Böckenförde presenta unha longa ringleira de documentos vaticanos destes anos que incitan

repetidamente á submisión á autoridade xerárquica. Hai ben deles coñecidos a través dos medios de Igrexa, mesmo algúns foron xa comentados nestas páxinas; pero a meirande parte deles só foron lidos polos especialistas. Posiblemente, nin sequera os bispos teñen lido tódolos documentos e encíclicas deste prolífico Papa:

1. A Instrucción *Donum veritatis* da Congregación para Doutrina da Fe (1990); sobre o papel dos teólogos católicos, en actitude submisiva mesmo sobre doutrinas que non son definitivas.

2. A Instrucción *Il Concilio* da mesma Congregación (1992); sobre utilización dos medios de comunicación social para transmitir la doutrina.

3. A Carta Apostólica *Ordinationis Sacerdotalis* de Xoán Paulo II (1994); sobre a imposibilidade de as accederen ó sacerdocio, decisión que o Papa cualifica de "definitiva", é dicir, irrefutável.

4. A Encíclica *Evangelium vitae* de Xoán Paulo II (1995); sobre como é un delicto moral grave a supresión da vida humana (aborto e eutanasia). É a primeira vez que o Papa reclama a infalibilidade para normas morais prácticas e concretas.

5. A Instrucción Sinodal *De sinodis diocesanis agendi* da Congregación dos bispos (1995); para a "boa conducta" dos síndicos diocesanos.

6. Un *Vademecum* do Consello Pontificio da Familia para uso dos confesores sobre algunas cuestiós morais da parella (1997), incidese particularmente sobre a contracepción como delicto moral grave.

7. A Instrucción vaticana sobre *Algunhas cuestiós relativas á colaboración dos leigos no ministerio sacerdotal* (1997); levantou unha gran polémica en toda a Igrexa, sobre todo na centro europea, onde mesmo

algún bispo se manifestou en contra do documento.

8. O Motu Proprio papal *Ad tuendam fidem* (1998); sobre algunas normas introducidas no CIC, entre outras cousas referentes ás penas canónicas ós católicos que contraveñan a declaración oficial sobre o ordenación sacerdotal das mulleres. Aínda que o título latino significa: "Para defende-la fe", algúns sectores da igrexa francesa traduciron malevolamente á lingua gala "Pour tuer la foi" (Para matar-la fe).

9. O Motu Proprio papal *Apostolos suos* (1998); sobre a natureza das conferencias episcopais, para que non se excedan nas súas atribucións e sexan totalmente submissas á autoridade romana, pois "só as funcións do papa e do bispo na súa diocese son de dereito divino".

#### **Un pequeno colofón**

Como é sabido, a palabra *xerarquía* significa literalmente *poder sagrado*, poder de orixe sagrado. Moi heavy isto... porque supón que se o que diga o papa ou o meu bispo segue a ser como se o dixese Deus mesmo, está claro que a *liberdade cristiá* dos fieis (e dos curas rascos...) realizase tan só na obediencia. Non pode haber, consecuentemente, unha liberdade oposta á xerarquía e o seu maxisterio; por se non quedara suficientemente claro, a encíclica papal *Veritatis splendor* afirma rotundamente, ¿Onde queda, logo, a presunta "soberana liberdade" do chamado "santuario sagrado" da conciencia de cada un?

Con todo ¿Non será perigoso passar dos nosos bispos - representantes máis directos do sistema xerárquico- e de todo o que atinxe ás leis na Igrexa? ¿Non será suicida a ausencia de oposición ás afirmacións doutrinais da xerarquía e unha actitude de non darlle importancia a todo o que vén de Roma?

# HORIZONTE UNIVERSAL

## A UPG E A IGREXA NA GALIZA

Don Manuel segue a decir que “Beiras é un tolo” -e moitos crenlo, porque o de Vilalba semella falar sempre cunha autoridade incontrovertible para os seus-, e os dirixentes do centro-descentrado do PP proclaman todo o alto que poden que o BNG é un partido de extremistas-marxistas-leninistas-separatistas-violentos-perigosos que “non acatan a Constitución” e queren “balcanizar” -ou “bolchevizar”- Galiza. Eles saben moi ben que, a pesar dos seus exorcismos, o Bloque é xa a alternativa renovadora ó seu caduco proxecto, sostido feblemente no liderazgo dictatorial dun home decrepito.

A realidade evidente é que algo se moveu nos últimos tempos no


nacionalismo galego, e hai que estar moi cego, ou ter moi mala fe, para pensar que o Bloque é hoxe o mesmo de hai trinta anos. Pese á cegueira de moitos ou ó escepticismo doutros tantos, o BNG -e dentro del a mesmísima UPG- foi evolucionando positivamente. Mantendo a fidelidade a unha incontrovertible aposta pola realidade nacional de Galiza, o nacionalismo galego foise facendo máis moderno, tolerante e democrático; ainda que manteña algunas eivas que, seguramente, irá superando.

Un exponente do que vimos dicindo é o último número da revista *Terra e Tempo*, vello voceiro da UPG convertido nos últimos anos nunha moderna “Revista cuatrimestral de información, análise e interpretación de

temas monográficos desde unha perspectiva nacionalista e anti-imperialista”, como reza a cabeceira da mancheta. Este número 11 da nova etapa leva como expresivo título monográfico “O papel da Igrexa na Galiza”.

Na presentación falan do seu propósito: “*A Igrexa como instituición, como ideoloxía, como organización económica, tivo e ten unha presenza na nosa Terra tan relevante que non é posibel comprender a nosa Historia, coñecer o noso patrimonio artístico e entender a sicoloxía deste pobo se a excluímos da nosa análise*”. Tras facer referencia a outros dous importantes documentos da UPG sobre a Igrexa de Galiza (dous números de *Terra e Tempo*, de 1965 e 1967, e o coñecido “*Manifesto da UPG aos cregos da Galiza*”, de 1974), din estas expresivas palabras: “*Pasaron 25 anos e era preciso abordar as relacións Igrexa-Galiza... Neste tempo a esquerda pasou do rexitamento ao seu poder temporal a simplemente ignora-la. E... o certo é que a Igrexa está na sociedade galega e esta non se explica sen a Igrexa*”.

Cando Francisco Rodríguez, primeiro, e logo outro militante da UPG que traballa na revista, me pediron un artigo para *Terra e Tempo*, confeso que a miña reacción foi de sorpresa -grata sorpresa-. Sensación esta que se confirmou ó amosarme o plan da obra e porfiar no seu interese por unha colaboración feita desde a total liberdade de reflexión e exposición, na que só me suixerían o aspecto que debía abordar. “*Queremos facer unha reflexión honrada sobre a Igrexa de Galiza, feita desde dentro*”, dixérome. Teño que confesar que non me teñen solicitado tal cousa desde outras instancias máis “católicas”.



*Formas simbólicas*. 1999

Ilustracións:  
Paulo Porta  
Martínez



Epíacio Discregido. 1999


O plano inicial era impresionante polos temas que abordaba. Pero logo, tanto a realización final coma os colaboradores, non deixaban de sorprender gratamente. Entre os temas abordados figuraban: o papel histórico da Igrexa na Galiza medieval, nos séculos XVI-XVIII e nos últimos 60 anos; a realidade actual da Igrexa nos aspectos institucionais, económicos e

patrimoniais; a relixiosidade popular, a participación da muller... Entre os autores estaban nomes de católicos ben coñecidos dos lectores de *Irimia*, como Francisco Carballo, Xosé Antón Miguélez, Xosé Chao Rego, Marcial Gondar, Engracia Vidal e as "Mulleres Cristiás Galegas", ademais deste que suscribe. Xunto a eles figuraban outros nomes tamén coñecidos no mundo do nacionalismo como Anselmo López Carreira ou Cesáreo Sánchez Iglesias.

Penso que este é un magnífico exemplo que hai que seguir á hora do necesario diálogo social para ir construíndo unha "Galiza liberada". Diálogo entre crentes e non crentes, cristiáns e non cristiáns, xente máis á esquerda e xente do centro e da "dereita civilizada" que amen realmente a Galiza, que a leven realmente no corazón, como a levaba Castelao. Comprirá superar un certo "nacionalismo de pedigrí" no que a patente galeguista só a teña un pequeno grupo de individuos.

Pero, é igualmente un exemplo a seguir para unha Igrexa en Galiza

que segue remisa a ser verdadeiramente *galega*, e que non se manifesta realmente disposta a entrar neste diálogo social no que si queren entrar "os outros", os presuntamente "de fóra", tal como veñen manifestando ultimamente, sobre todo desde as páxinas de *A Nosa Terra*.



Artefacto cruciforme. 1999

## © CARRABO UXO por KOBELVIS



# HORIZONTE UNIVERSAL

## SOMOS IGREXA EXISTE E RESISTE (I)

*Falando recentemente cuns amigos sobre Somos Igrexa, un deles comentábame -con pouco coñecemento do tema- que lle parecía que iso xa fora esmorecendo, mesmo nos países de Centroeuropa, onde nacera, pois ultimamente non se escocitaban noticias do movemento. Contra ese descoñecemento aí vai esta información referente á vida actual do movemento en Alemaña.*

### **“Os tempos fortes actuais do Movemento do Pobo da Igrexa”**

Este é o título expresivo do documento que nos chegaba de Alemaña, e que resumimos nestes apartados:

#### 1) Parroquias e comunidades.

As actividades do Movemento proseguen baixo as súas múltiples formas nas dióceses, tanto coma nos grupos de traballo comprometidos a escala federal, entre outras, sobre o tema “as mulleres”, “parroquia e comunidade”, “teoloxía”, “celibato” e “consellos para as mulleres embarazadas en dificultade”. Coa axuda de guías e consellos prácticos, son presentadas posibilidades concretas de compromiso para preparar ás comunidades parroquiais nunha época na que os curas falten por completo ou escaseen. Para o Congreso dos Católicos Alemáns do ano 2000, *Somos Igrexa* (SI) prepara un taller sobre as comunidades parroquiais.

A semana anterior á festa dos Espírito Santo enviouuse aos comités directivos dos Consellos Parroquiais e Presbiterais de cada unha das 13.300 parroquias de Alemaña unha *Carta de Pentecoste*, invitando á colaboración no seo do seu movemento.

Os días 20 e 21 de novembro deste ano, SI vai organizar en Stuttgart un *Congreso Pastoral* sobre o tema “As parroquias e as comunidades cara a novos vieiros”, dirixido especialmente a tódolos colaboradores, mulleres e homes comprometidos como titulares ou



O laicado centroeuropéo amosa un alto nivel de creatividade arredor de diversas iniciativas de cambio na Igrexa

voluntarios nas parroquias. O Congreso será preparado polo grupo de traballo de SI en conxunto con especialistas conselleiros en temas de pastoral e actividades parroquiais.

#### 2) Unha nova acción contra a lei do celibato obligatorio.

Con esta nova acción hai parroquias que se declaran dispostas para aceptar a un cura casado. Hai homes casados que están dispostos a empregarse coma curas na Igrexa Católica en canto este servicio deixe de ir vencellado á lei do celibato. Esta acción está animada polo grupo de traballo *Celibato* que acaba de constituirse.

#### 3) Outras accións.

O grupo sobre o *diaconado da muller* inicia o seu traballo. Deuse un primeiro paso a favor do diaconado

da muller coa constitución do grupo sobre diaconado, no que unhas 15 mulleres iniciarán en setembro unha preparación de varios anos. Participará Angelika Fromm, membro do equipo federal de SI. Xunto con dúas asociacións femininas católicas *Mulleres Católicas de Alemaña* e *Federación das Mulleres Católicas de Alemaña*. SI tamén está presente nas redes *Diaconado da Muller*.

O futuro das organizacións de *Consello a favor das mulleres embarazadas en dificultades* ainda está por solucionar. Dende que, naúa asemblea de primavera, a Conferencia Episcopal alemana se pronunciou con ampla maioria a prol de manter o Consello en beneficio das mulleres embarazadas en dificultade, seguimos a esperar

unha reacción de Roma. A asociación *Dignidade da Muller* estase a esforzar ao abrir un primeiro centro de consello no bispado de Fulda.

Acompañamento do *Sínodo dos Bispos de Europa*. Para o Segundo Sínodo especial dos Bispos de Europa que se celebrará en Roma en outubro de 1999, SI comprométese activamente co fin de que as causas defendidas polo movemento sexan incluídas nos debates.

## **QUINCE MULLERES ALEMANAS INICIARAN UNHA PREPARACIÓN DE VARIOS ANOS PARA O DIACONADO**

Traballos preparatorios para o Congreso dos Católicos Alemáns no ano 2000 en Hamburgo. Trala invitación remitida polo Comité Central dos Católicos Alemáns para participar no desenvolvemento do Congreso dos Católicos en Hamburgo, o equipo pastoral elaborou numerosas propostas para o programa e presentoullas ó secretariado xeral do Congreso.

Esperanzas concretas con vistas ó Congreso Ecuménico das Igrexas no ano 2000. SI acolleu dun xeito moi positivo o anuncio do Primeiro Congreso Ecuménico das Igrexas a celebrar no ano 2003 en Hamburgo. Apoia especialmente o compromiso dos comités directivos do Congreso da Igrexa Evanxélica de Alemaña e do Comité Central dos Católicos

Alemáns, co fin de que, no transcurso de manifestacións comúns, sexa posible o compartir eucarístico conxunto.

### **Algunhas suxestións para participar nas accións de Somos Igrexa.**

- Pedi-la revista *Journal du Peuple de l'Eglise* e distribuíla na túa parroquia e na túa bisbarra.

- Falar da "renovación das parroquias e as comunidades" e presenta-la *Carta de Pentecoste* na túa parroquia, axudarémose no que nos pidás.

- Poñédevos á nosa disposición como relevo e dádenos autorización de comunicar igualmente o voso enderezo a outras persoas para entrar en contacto convosco.

- Sostede o noso traballo co voso E... graciñas!

### **Un movemento que non cesa**

Non estará de máis confirmar cómo tamén nos pobos do Estado Español a plataforma SI "existe e resiste", áinda que posiblemente con menos vitalidade da que manifesta en Centroeuropa, ou mesmo en

Norteamérica, onde o movemento *Call to Action* ("Chamada á acción") e outros semellantes asumiron os seus postulados e o seu nome (*We Are Church*). Xa teño falado noutras ocasións en *Irimia* desta vitalidade de Somos Igrexa en todo o mundo, particularmente no artigo "A síndrome NNA e o terceiro milenio" (nº 538), outras ocasións haberá de falar máis do tema. Os días 7-9 de Outubro será o *Foro Europeo de Cristiáns/as* en Roma e o día 10 a Asemblea Xeral do movemento a nivel internacional (IMWAC).

Con todo, aquí compre aludir ós ricos encontros estatais que xa tivo en Madrid a corrente Somos Igrexa, e particularmente do próximo, que vai ser en Málaga entre o 19 e o 21 de Novembro próximos. Este encontro estará centrado no tema do Xubileo 2000, e contará con algúns coñecidos teólogos como Juan Antonio Estrada ("El jubileo ¿parche o transformación?", titúlase o seu relatorio). Oxalá que a participación galega sexa máis nutrida ca nos anteriores encontros estatais, sobre todo por parte dos leigos, que deben ser os verdadeiros protagonistas.



Panorámica de Múnich, núcleo de actividad do movemento Somos Igrexa

## O ÚLTIMO CONGRESO DE TEOLOXÍA: "O CRISTIANISMO ANTE O SÉCULO XXI"

Neste ano de tantos noves, calquera cousa se presta para dicir que é a "última do milenio"; andrómenas en moitos casos, pero tamén eventos e encontros importantes nalgúns. Un destes foi o XIX Congreso de Teoloxía, que organiza en Madrid a Asociación de teólogos/as Xoán XXIII. O seu tema ("O cristianismo ante o século XXI. Unha mirada nova") colleume tanto, que tiven que sacrificar a Romaxe deste ano por estar alí nesta ocasión. Pena que sempre coincidan.

### Unha cura de humildade para a Igrexa

O encontro foi nesta ocasión na sede de CC OO, preto do céntrico Paseo do Prado. Foi para mim unha grata e un pouco novidosa experiencia -a pesar dos anos de democracia- chegar á sede da laica organización e preguntar na porta "¿O Congreso de Teoloxía, por favor?". Logo enterriáme de que o aluguer do magnífico, amplio e cómodo salón, custoulle aos organizadores do Congreso moito menos que o que lles ten custado algún outro ano o aluguer dun local pertencente a unha institución relixiosa da Igrexa Católica. ¿El por que será? pode un preguntarse inxenuamente... Que responda o lector.

Non sei se tería relación con isto, pero no comunicado final pedían para a Igrexa "unha gran cura de humildade", porque despois de dous mil anos de cristianismo non se conseguiu precisamente que os cristiáns fosemos realmente prefiguración do Reino de Deus no mundo. Máis concretamente, din:

"O máis substantivo da contribución do cristianismo á cultura ética mundial debería se-lo testemuño práctico dunha identidade visceral coa causa dos pobres, o recoñecemento efectivo da dignidade da muller... o fomento da causa do desarme mundial e da paz, e o respecto ecolóxico da natureza... Os cristiáns reais somos tan deficientes en todo isto que debemos esforzarnos en facer, máis que en dicir: presentarnos como modestos dialogantes, que buscan avanzar con todos cara unha calidade mellor e más plena da vida moral dos seres humanos".

Por iso, para este Congreso, o problema fundamental do cristianismo non é tanto

a diminución numérica dos cristiáns, senón a súa calidade. Para ter unha mirada nova e renovada, ao cristianismo cómprelle renacer "a base de calar, facer xustiza e orar", como dicía o teólogo mártir D. Bonhoeffer.

**"Pensar é sopesa-lo amor que hai en cada cousa"**

A frase é de Raimon Panikkar, un dos prestixiosos participantes no encontro, xunto a un teólogo tan querido como Jon Sobrino. Se este último falou do cristianismo ante o século XXI facendo "unha reflexión desde as víctimas", tal como reza tamén o título do seu último libro, Panikkar fixo outro tanto, pero desde Asia. Coa súa creatividade habitual, este catalán-oriental/cristián-hindú falou da necesidade que ten o cristianismo de abrirse a outras realidades: "O cristianismo xa non é unha nena pechada na Igrexa Romana, senón unha adolescente que comeza a namorarse doutros mozos, da natureza...", por iso, cómpre unha verdadeira *metanoia*; non só "cambio de mentalidade", senón "superallo mental". Non faltou tampouco unha visión do cristianismo desde África, que estivo a cargo de dous teólogos africanos Jean de Dieu Madangi, do Congo, e Fidel Podga, do Camerún, que denunciaron o colonialismo eclesial que ainda existe na Igrexa africana.

Non foron os únicos participantes. Victoria Camps (profesora de ética na Universidade de Barcelona) falou do papel das relixións na busca dunha ética universal, e a teóloga de Deusto Pilar de Miguel fixooa desde "a *Ekklesia* das mulleres" (un concepto creado pola teoloxía feminista), como unha formulación renovadora, verdadeiramente creativa e dinámica de vivi-la fe cristiá, un verdadeiro reto para a



Ó cristianismo cómprelle renacer a base de calar, facer xustiza e orar.

Igrexa ante o próximo milenio. O tamén profesor de ética Jorge Riechmann falou da "cultura da extralimitación" e a necesidade de que Occidente poña límites ao seu crecemento.

Xunto a eles, representantes dos protestantes, xudeus, musulmanes, budistas e hinduístas falaron tamén da aportación das relixións ao futuro da humanidade. Cómpre recoñecer que se houbo no Congreso unha importante autocriticá do cristianismo de cara ao século que vén, esta non se deu nas outras relixións, que tamén teñen moito que rañar. Xudeus e musulmáns falaron de que un dos fundamentos da súa relixión é a paz (o *shalom* xudeu e o *salam* musulmán) e... velái. Sen dúbida, o reto para o cristianismo é tamén o reto para tódalas relixións, pois nin sequera os pacíficos bonzos budistas deixaron de caer nalgún momento na violencia contra os outros. "Non é o mesmo predicar que dar trigo", di o sabio refrán.

# HORIZONTE UNIVERSAL

## A FALTA DE CREGOS: ¿QUEDOU DURMIDA A IGREXA NO TEMPO DAS MUTACIÓNIS CULTURAIS?



Foto: Associated Press

O Simposio dos Bispos e Rectores de Seminarios de Austria, celebrado en maio do ano pasado en St. Georgen/Längsee (Carintia) sobre o tema "Chamados a servir", expresouse sobre a "Pastoral das vocacións", sinalando que a Igrexa perdeu a súa oportunidade de enraizamento nun contorno socio-cultural transformado.

¿Quen vai atoparlle atractivo a un "equipo de perdedores en discordia"?

Esta é a pregunta de **Franz Helm**, membro da "Misión Steyler" e antigo secretario xeral en Austria das "Obras Misionais Pontificias". Franz Helm esixiu novos conceptos de conxunto adaptados ó noso tempo para a pastoral, co fin de esperta-lo interese polas vocacións ó sacerdocio. Pensa que a Igrexa segue a apoiarse excesivamente sobre conceptos balorentos. En lugar de reaccionar con ideas novas ante as modificacións que intervinron nas estructuras da sociedade e da Igrexa, procúrase mante-las de outrora.

**En lugar de reaccionar con ideas novas ante as modificacións que intervinron nas estructuras da sociedade e da Igrexa, procúrase mante-las de outrora**

ras da sociedade e da Igrexa, procúrase mante-las de outrora, áinda que estas "xa non sexan as ferramentas apropiadas para servicio do home de hoxe". Isto é certo, segundo Helm, aplicado á forma en que tratámo-lo o problema da falta de curas. "En lugar de emprender modificacións estruturais e de asocia-las parroquias ó cargos de responsabilidade por unha multiplicidade de servicios, tentase mante-lo *status quo* a pesar da carencia de personal. En lugar de facer que as parroquias sexan conscientes da falta de curas, dáselle-la impresión de que todo irá ben de calquera maneira recorrendo a curas chegados do estranxeiro".

Helm aludió a certos factores que noutrora favoreceran as vocacións pero que hoxe desapareceron por causa das mutacións sociais e culturais. De xeito que hoxe apenas existen familias numerosas nas que no pasado era máis doado "regalar" á Igrexa un fillo ou unha filla. No eido escolar, a Igrexa tampouco mantivo a mesma influencia determinante de outros tempos. Tampouco se considera hoxe a vocación de cura como unha "promoción social". Ademais, un número crecente de homes ten dificultades para atarse de por vida.

**IRIMIA**  
IRIMIA - INSTITUTO DE RELACIONES INTERNACIONALES

Dúas por unha:  
eleccións xerais e  
consulta popular sobre a  
débeda externa.



EDITA: Empresa periodística A. IRIMIA

DIRECCIÓN: Carmen Puente Fernández, Tf. 981 585 330

COORDINACIÓN: Daniel López Muñoz, Rubén Rivas Vidal, Pedro Pedrouzo Devesa

ARQUIVO FOTOGRÁFICO: Rubén Rivas Vidal, Luciano Pena Andrade CORRECCIÓN LINGÜÍSTICA: Lidia Campos Chan, Luis Aldeguende

MESA DE REDACCIÓN: Daniel López Muñoz, Mariano Guiráz Sánchez, Luciano Pena Andrade, Luis Gómez Aldeguende, Pedro

Pedrouzo Devesa, Rubén Rivas Vidal, Lidia Campos Chan

COLABORADORES: Xosé Chao Rego, Víctorino Pérez Prieto, Xosé Antón Miguélez, Manolo Regal, Alfonso Blanco Torrado, Xosé Lois

Vilar, Marta Sopeña, Gumerindo Campaña, Tareixa Ledo, Eusebio Miguélez Díaz, Antonio Fdez Oca, Tonecho Meixide, Anxo Moure, Tintx

Manolo Sordo, Francisco Lorenzo Mariño, Moisés Lozano, Clodio González Pérez, Antón Miramontes, Antón Martínez Aneiros, Sara Paz

Ouiñones, Xosé Manuel Carballo, Agustín Bueno, Manuel Pérez Blanco, XAGG, Xabier Blanco, Bernardo García Cendán, Henar Roman,

Valentina Formoso Goderse, Celia Castro Ojeda, Gerardo Castedo Valbuena, Goretti Santos, Unai Suárez, Beatriz Cedrón Vilar

ADMINISTRACIÓN: Pablo Mougán

Apdo. 980 - 15705 Santiago de Compostela. Telf.: 981 57 79 11 (contestador)

SUBSCRICIÓN: ordinaria: 2.500 pts. real: 3.000 pts. de Apoyo. 5.000 pts. Correo electrónico - [irimia@wanadoo.es](mailto:irimia@wanadoo.es)

CONTA: Caixa Galicia, CC/2091-0349-45-3040005822 - Urbana, nº 8 - Santiago / Caixa Postal CC/1302-6000-83-0017905488

DEPÓSITO LEGAL: C-1417-81 TIRADA: 1.300 exemplares DESENHO E MAQUETACIÓN: Ninja e Riveiro

IMPRIME: Artes Gráficas LITONOR S.A.L. DISTRIBÚE: IMPACTA



### **O envellecimiento das parroquias**

Helm ve como causa principal dos problemas vencellados ó recrutamento para o sacerdocio na Igrexa, ser unha oportunidade. O “envellecimiento” das parroquias vai a máis, cada vez menos familias novas participan na vida comunitaria. Quedan poucas pastorais xuvenis que funcionen a nivel parroquial. Cómprase engadir, segundo di, que a Igrexa, como institución, goza dunha “imaxe equívoca” na opinión pública, o que non propiciou que “sectores de actividades que van en direccións opositas” dentro da Igrexa estreiten a sua alianza e se presenten cara ó exterior como un conxunto unido. Os “prexúizos que isto causa á consideración” da que goza a Igrexa son importantes e a tendencia a reconhecerse nesta Igrexa parece baixar no que respecta ós seus membros.

Mais, en lugar de aceptar estas mutacións da situación como “signos dos tempos” e de consideralos positivamente como un desafío, con frecuencia soñamos cunha “sociedade

### **cada vez menos familias novas participan na vida comunitaria**

marcada pola Cristiandade” na que a Igrexa era “dominadora da sociedade” coa súa “riqueza en curas e ordes relixiosas”. Helm formula duras críticas ó respecto: téñense “demasiado pouco” en conta ós homes do noso tempo –especialmente ós novos– no seu modo de considerar e de vivi-la súa vida. Helm declara textualmente: “Cómprase que un teña que empezar por abandona-la súa orixinalidade, o seu contorno de vida e características culturais antes de poder participar co

seu labor nunha tarefa eclesial? ¿Existe algúen disposto a presta-la súa colaboración en condicións semeillantes?”, e tamén “un equipo de perdedores onde reina a discordia ¿ofrece algúen atractivo?”, pero, por desgracia esta é a imaxe da Igrexa que perciben moitas veces hoxe en día os

### **en lugar de aceptar estas situacóns como sinais dos tempos, con frecuencia soñamos cunha sociedade marcada pola Cristiandade**

mozos de Austria”. Segundo as verbas de Helm, a Igrexa non só ten que empezar por “recupera-la calma”, moito máis, debe “poder ofrece-lo marco dunha experiencia concreta como espacio de liberdade dentro do cal, homes e mulleres teñan relacións fraternas e os pobres e maiores excluídos estean de primeiros”. Isto non funcionará mentres os conflictos internos da Igrexa estean á vista a plena luz do sol.

#### **Preguntar primeiro o que é o “servicio do home”.**

Por este motivo Helm recomendoulle á Igrexa que se preguntara antes que nada en qué consiste o seu servicio ó home de hoxe e só despois qué serán as “funcións correspondientes a este servicio”, que, daquela por forza serán requiridas. Será preciso, neste contexto, ir máis aló da estructura do servicio de Igrexa centrado na persoa do “clérigo”. Xa que, se lle damos preferencia ó servicio dos homes, abrirase un “espacio

dunha multitud de servicios”. Se se precisa da colaboración dos leigos, non se debe ó pequeno número de cregos. É necesaria porque cada cristián está chamado a vivi-la súa “misión” dentro da Igrexa e para o mundo. A diversidade das funcións de servicio tamén permitirá discernir mellor o que o servicio do cura e maila vocación das ordes relixiosas teñen de específico.

Ó aumentala diversidade dos servicios, tamén poderíamos hoxe aliviar ós curas e relixiosos e darles máis liberdade –a pesar da falta de cregos– para que poidan asumi-la súa función específica. A sobrecarga de traballo para un número de cregos e relixiosos que vai minguando ten como consecuencia o feito de que xa non se ve neles a “homes espirituais” senón a “organizadores materiais da vida relixiosa, sempre na brecha”. E, comenta Helm: “Facilmente podo imaxinar que unha vida así non engaiole á xuventude”.



# HORIZONTE UNIVERSAL

## NON SEN TEMPO, A IGREXA PIDE PERDÓN...


Tras supera-los atrancos da Curia vaticana e moitos cardeais, o 12 de marzo, primeiro domingo de Coresma do Xubileo 2000, o Papa pediu perdón polos abusos cometidos pola Igrexa Católica na súa historia. Na V Asemblea Plenaria do Colexio Cardinalicio, en 1994, non se aceptara de bo grao a proposta papal de pedir perdón polos pecados cometidos pola Igrexa nos seus 2000 anos de historia; as intervencións naquela asemblea foran adversas, salvo a do cardeal Etchegaray, presidente de "Justicia e Paz". Con todo, a cousa foi adiante, e o Papa expuxo na bula *Incarnationis Mysterium* a necesidade dunha "purificación da memoria" por parte da propia Igrexa, como elemento característico do Xubileo 2000.

No seu *mea culpa*, o Papa dixo na súa homilia en San Pedro: "Non podemos non recoñece-las infidelidades ao Evanxeo nas que incorreron os nosos irmáns. Pedimos perdón polas divisións producidas entre cristiáns, polo uso da violencia que algúns deles utilizaron no servizo da verdade e polas actitudes de desconfianza e hostilidade

exclusións, opresións, ferir aos pobres e aos pequenos».

As palabras do Pontífice estiveron enmarcadas nunha coidada liturxia penitencial na basílica de San Pedro, que comezara cun signo expresivo, e seguramente honrado e moi sentido por parte do papa; este prostrouse en oración diante da impresionante Pietá de Michelangelo. "Do mesmo xeito que a Pietá leva o corpo co Crucificado - comentaba o bispo Jacques Gaillot na súa última *Carta de Partenia*- Xoán Paulo II levaba os pecados da Igrexa".

**Pedimos perdón polas  
divisións producidas entre  
cristiáns, polo uso da  
violencia que algúns deles  
utilizaron no servizo da  
verdade**



Gaillot interpela: "Pedir perdón por excluír está ben, pero ¿Que fa a Igrexa hoxe sobre o sufrimento dos divorciados excluídos da eucaristía.

usado cara aos seguidores doutras relixións". O papa repetiu emocionado varias veces "nunca máis": "Nunca máis atentar contra a caridade no servizo da verdade... nunca máis o recurso á violencia, nunca máis discriminacións,

### Os sete pecados polos que pide perdón a Igrexa

A homilia completouse coa petición de perdón da Igrexa, representada por sete cardeais; en cada manifestación ían acendendo unha veliña expiatoria ao pé do santo Cristo:

1. Pecados xerais do pasado (B. Gantin, decano do Colexio Cardinalicio).
2. Pecados nos métodos usados no servizo da verdade, áinda que non se nomeara expresamente a realidade vergoñenta da Inquisición (J. Ratzinger, prefecto da Congregación para a Doutrina da Fe).
3. Pecados contra a unidade dos cristiáns (R. Etchegaray).
4. Pecados contra os xudeus, "o pobo da alianza" (E.I. Cassidy, presidente do Consello para a Unidade dos Cristiáns)
5. Pecados contra o respecto ás outras relixións, ao amor, a paz, e as culturas, sobre todo ás minorías, particularmente na conversión coa forza da espada que impuxo ás xentes doutras relixións e culturas (Huang, monseñor xaponés responsable da Pastoral dos Emigrantes)
6. Pecados contra os dereitos humanos e particularmente contra a dignidade da muller (Arinze, presidente do Consello para o Diálogo Interrelixioso)
7. Pecados polos abusos contra os pobres e os marginados (Van Thuan, monseñor vietnamita que pasou varios anos no cárcere).



Foto: Maurizio Brambatti

Podían engadirse algúns máis, pero particularmente se bota en falta outro, no que a Igrexa podía facerse máis discípula de Francisco de Asís, Xoán da Cruz ou Teilhard de Chardin: pedir perdón por ter xustificado ao longo dos séculos o dominio indiscriminado e espoliador do seres humanos sobre a natureza, saqueada e violada de xeito inimisericorde; esquecendo que somos parte desa nature-

## **o xesto papal alegrounos a moitos; tiña o seu valor**

za, e que Deus nos puxo nela como coidadores, non como donos déspotas.

Con todo, o xesto papal alegrounos a moitos; tiña o seu valor e manifestaba unha certa audacia, inabitual na Igrexa, reconhecendo os seus pecados de intolerancia, inxustiza e violencia exercidas no nome do Evanxeo. Outras relixións (xudeus, musulmáns... outras confesións cristiáns) deberían tomar nota.

Pero, esta confesión papal-cardinalicia sóanos demasiao a un *mea culpa* polo pasado, cun silencio verbo do presente, áinda que Xoán Paulo II dixerá expresamente: "Confesamos as nosa responsabilidades polos males de

hoxe". Así se cuestionaba desde a reflexión e os testemuños na revista relixiosa *Adista*; o teólogo Giulio Girardi, comentaba agudamente: "A autocrítica, salvo algunha tímida excepción, non atinxé á Igrexa como tal, senón só a *algúns do seus fillos*"; mesmo non afecta nin aos pontificados recentes nin ao actual pontificado, a pesar dos "comportamentos autoritarios e represivos" da Curia romana no trato de teólogos e bispos progresistas.

E áinda compre engadir algo máis.

## **¿En que se vai manifestar realmente esa petición de perdón?**

### **O arrepentimento auténtico esixe un verdadeiro propósito de emenda**

Unha petición de perdón non pode ser válida sen fondo e sincero arrepentimento e un honrado propósito de emenda, con reparación dos danos ocasionados... como proclama a práctica penitencial da Igrexa. Como reconecía o bispo Jacques Gaillot, "compre un acto de reparación que atestigüe ese cambio de orientación... non se pode exercer unha verdadeira reconciliación sobre a base do simple esquecemento" E aí é onde lle atopamos os más grosos *peros* a esta declaración da Igrexa. ¿En que se vai manifestar *realmente* esa petición de perdón? ¿Van cambiar as súas posturas autoritarias, intolerantes e perseguidoras de calquera crítica dentro da Igrexa, da discriminación da muller e dos que son diferentes... ou dun ecumenismo que só agarda a que os *irmáns separados* volvan o seu redil?

Resultan ben expresivas para rematar unhas verbas do profético bispo francés:

"Pedir perdón polo non respecto da dignidade das mulleres está ben, pero ¿que fai hoxe a Igrexa para facer desaparecer a discriminación da que son obxecto as mulleres? Pedir perdón polas ofensas aos pobres e marginados está ben, pero o que conta hoxe é ver á Igrexa poñerse a carón deles e cuestionar o poder dos poderosos. Pedir perdón polas exclusións feitas ao longo dos séculos está ben, ¿pero que fai a Igrexa hoxe sobre o sufriamento dos divorciados voltos a casar e excluídos da eucaristía, os curas casados excluídos do ministerio, os teólogos excluídos do ensino...? Xoán Paulo II lanzou unha vibrante chamada aos cristiáns, repetindo *nunca más...* ¡Oxalá que esta llamada do Papa se traduza en prácticas de liberación na vida da Igrexa"

# HORIZONTE UNIVERSAL

## LIAM NEESON, OS CATÓLICOS E OS PROTESTANTES, CON IRLANDA E ESPAÑA O FONDO

**Un actor católico contra o integrismo protestante en Irlanda...**

Liam Neeson é un actor irlandés ben coñecido dos amantes do cinema, polos seus traballo en numerosas películas, a meirande parte delas boas. Mesmo os menos coñecedores do mundo do cine teñen visto ou oído falar de películas que pretendan algo máis ca entrete-lo espectador, como *A Misión*, de Roland Joffé (onde o actor irlandés era un dos ousados xesuítas que defendían os indíxenas), ou a oscarizada *A lista de Schindler*, de Steven Spielberg (onde interpretaba o papel protagonista, polo que tivo un recoñecemento internacional); posiblemente coñezan tamén *Michel Collins* e outras películas nas que o actor interpreta valentes heroes nacionalistas.

Pois ben, o que quizais non coñenza tanto o lector é que este magnífico actor se declara un católico praticante, cousa bastante habitual sendo irlandés. A razón pola que falo delha ocasión ten relación con isto último, pois o actor rexeitou o nomeamento de cidadán de honor da

súa cidade natal, Ballymena (Irlanda), porque, algúns políticos da comunidade protestante cren que o actor católico, non merece o honor por uns comentarios que lle fixo á revista norteamericana *George*, segundo informou o diario británico *The*

**É triste que a  
relixión sexa fonte  
de intolerancia,  
no canto de  
cumpri-los seus  
fins de  
comprensión e  
acheagamento a  
todos**

*Independent*. As críticas proceden, concretamente, do Partido Unionista Democrático, liderado polo coñecido protestante integrista Ian Paisley, que considera despectivas as manifestacións realizadas polo actor á citada publicación. Alí Lian Neeson dixo

cousas coma estas: "Mentres medraba, tiña o sentimento de que nós, os católicos, éramos cidadáns de segunda categoría. Só o racionalicei cando cheguei á idade dos 19 anos, e empecei a analizalo lendo a historia do noso país".

Num fax enviado ó concello da súa cidade natal, o actor asegura que aprecia o ofrecemento que lle fan, pero que non pode aceptalo pola oposición dun sector da comunidade protestante. "Sempre estarei orgulloso da miña infancia en relación coa miña cidade e o meu país de nacemento, ós que promoverei sempre que se presente a ocasión", dixo Lian Neeson. A noticia manifesta unha vez máis a realidade da sociedade nordirlandesa, cos irreconciliabes enfrontamentos político-religiosos entre os católicos, que se senten irlandeses, e os protestantes que prefieren máis ser ingleses.

**...e os protestantes de aquí  
contra integrismo católico en  
España**

O más curioso do caso é que eu recibín a noticia precisamente a través



**EDITA:** Empresa periodística A. IRIMIA

**DIRECCIÓN:** Carmen Puent Fernández, Tel. 981 557 333.

**COORDINACIÓN:** Daniel López Muñoz, Rubén Rivas Vidal, Pedro Pedrouzo Devesa.

**ARQUIVO FOTOGRÁFICO:** Rubén Rivas Vidal, Luciano Pena Andrade **CORRECCIÓN LINGÜÍSTICA:** Lidia Campos Chan, Luis Aldegunde

**MESA DE REDACCIÓN:** Daniel López Muñoz, Mariano Guizán Sánchez, Luciano Pena Andrade, Luis Gómez Aldegunde, Pedro Pedrouzo Devesa, Rubén Rivas Vidal, Lidia Campos Chan

**COLABORADORES:** Xosé Chao Rego, Victorino Pérez Prieto, Xosé Antón Miguélez, Manolo Regal, Alfonso Blanco Torrado, Xosé Lois Vilar, Marta Sopeña, Gumersindo Campaña, Tareixa Ledo, Eliseo Miguélez Díaz, Antonio Fdez. Oca, Tonecho Mexidé, Anxo Moure, Tintxu, Manolo Sordo, Francisco Lorenzo Mariño, Moisés Lozano, Clodio González Pérez, Antón Miramontes, Antón Martínez Aneiros, Sara Paz Quiñones, Xosé Manuel Carballo, Agustín Bueno, Manuel Pérez Blanco, XAGG, Xabier Blanco, Bernardo García Cendán, Henar Roman, Valentina Formoso Gosende, Celia Castro Ojea, Gerardo Castedo Valbuena, Goretto Santos, Unai Suárez, Beatriz Cadrón Vilar.

**ADMINISTRACIÓN:** Pablo Mougán.

Apdo. 980 - 15705 Santiago de Compostela. Tel.: 981 57 79 11 (contestador).

**SUBSCRICIÓN:** ordinaria: 2.500 pts. real: 3.000 pts. de Apoyo: 5.000 pts. **Correo electrónico:** irimia@wanadoo.es

**CONTA:** Caixa Galicia, CC/2091-0349-45-3040005822 - Urbana, nº 8 - Santiago / Caixa Postal CC/1302-6000-83-0017905488

**DEPÓSITO LEGAL:** C-1417-81 **TIRADA:** 1.300 exemplares **DESEÑO E MAQUETACIÓN:** Ninfa e Riveiro

**IMPRIME:** Artes Gráficas LITONOR S.A.L. **DISTRIBÚE:** IMPACTA

**FEITO EN PAPEL RECICLADO**



dun correo electrónico dunha axencia evanxélica española, no que lle manifestaban o apoio dos protestantes españois ó actor, en desacordo cos seus correlixionarios integristas irlandeses. A manifestación era de Pedro Tarquis, Conselleiro de Medios de Comunicación da Federación de Entidades Relixiosas Evanxélicas de España (Ferede), que integra a meirande parte das Igrexas protestantes. Este pastor evanxélico cualificou de absurda a postura do Partido Unionista, acusándoo de falta de tolerancia: “É triste que a relixión sexa fonte de intolerancia, no canto de cumpri-los seus fins de comprensión e achegamento a todos, especialmente ós que son diferentes”. Indicou tamén que a actitude do Partido Unionista demostra precisamente que as declaracóns de Neeson están fundamentadas, e expresou o apoio dos evanxélicos españois ós protestantes irlandeses que se distanciaron dos políticos unionistas que criticaron o actor, entre eles o alcalde da cidade.

Seguramente non influíu pouco nestas manifestacións o feito de que tamén os protestantes españois teñen



o sentimento de que son “cidadáns de segunda categoría”. Un sentimento certamente fundado nesta católica España, na que declararse protestante está aínda peor visto ce declararse

agnóstico ou ateo; e onde as diferentes confesións son a miúdo tachadas de sectas, nunha evidente manifestación de desprezo, que reflicte tamén unha profunda ignorancia.

## I M P R E S O      D E      S U B S C R I C I Ó N

Se queres subscribirte á revista IRIMIA, ou coñeces a algúen que lle poida interesar e recibir de balde os tres próximos números, recorta e envianos os datos ó Apartado 980 15705 SAN-TIAGO DE COMPOSTELA

NOME: ..... APELIDOS: .....  
ENDEREZO: .....  
CÓD. POSTAL: ..... CONCELLO OU CIDADE: ..... PROVINCIA: .....

**PARA SUBSCRICIÓN:**

SUBSCRICIÓN ANUAL - SINALAR CUN X:

Ordinaria: 2.500 pts.  Real: 3.000 pts.

De apoio: 5.000 pts.

**DOMICILIO:**

BANCO OU CAIXA E AFORROS: .....

DOMICILIO DO BANCO: .....

CONCELLO OU CIDADE: .....

Nº de CONTA: ..... / ..... / ..... / ..... / .....

CÓD. POSTAL: .....

TITULAR DA CONTA: .....

Sírvase atender ata novo aviso, e con cargo á miña conta, os recibos que ó meu nome lles sexan presentados ó seu cobro por IRIMIA.

En ..... a ..... de ..... de 199.....

Atentamente:

Se queres podes ingresar directamente en calquera das nosas contas indicando claramente o teu nome no impreso de ingreso e enviándonos unha copia xunto cos teus datos.  
Conta: CAIXA GALICIA: 2091-0349-45-3040005822  
CAIXA POSTAL: 1302-6000-83-0017905488

## XOÁN PAULO II NOS SEUS 80 ANOS



Foto Associated Press

O pasado 18 de maio o Vaticano celebraba con solemnidade os 80 anos do papa Xoán Paulo II. 80 cardeais, 300 arcebispos e bispos e unha impresionante marea branca de seica preto de seis mil curas, que concelebraron con el a Misa, aproveitando tal evento para facer o xubileo 2000 dos sacerdotes en Roma. O papa lembróulle-los seus máis de cincuenta anos de cura e os máis de vinte de papa, e díxolle que levaba a tódolos seus "irmáns de sacerdocio" no seu corazón. En resposta, o cardenal Darío Castrillón, prefecto da Congregación para o Clero, dixo no nome dos presentes: "Sentimos que nos guía un home de Deus, que conquistou o amor e o respecto máis aló de calquera barreira humana".

Sen dúbida este é un *papa dos records*: 13 encíclicas e preto dun cento de documentos maxisteriais, varios libros e numerosas entrevistas, centos de canonizacions, 92 viaxes fóra das fronteiras italianas, numerosos e significativos xestos políticos e ecuménicos... Todo isto, realizouno o papa Wojtyla convencido de que a Divina Providencia foi a que guiou os seus

pasos para que pudera "introducir á Igrexa e á Humanidade no Terceiro Milenio", como profetizara o seu amigo e primado polaco Stefan Wyszyński.

Pero esa pretendida *unanimidade* arredor deste Papa que rexeu con man de ferro os destinos da Igrexa nos últimos vinte anos, non é tal; e a contestación, más clara ou más velada, foi unha constante do seu pontificado. Un pontificado marcado polas contradiccionés do seu personalísimo talante, a un tempo *moderno* nuns aspectos (vixes, xestos dignos dun gran líder actual no uso da imaxe e os *mass media*...), pero furibundamente antimoderno en todo o que non cadrara co que *el pensa*, convencido de que é o *pensamento da Igrexa*. Particularmente duro coa contestación interior de teólogos e laicado. O último anacronismo foi a beatificación dos pastoríños e a revelación do gardadísimo *segredo* de Fátima.

Con ocasión deste evento, pedíume *Irimia* que solicitara a opinión de amigos/as clérigos e leigos sobre o papa, e a miña caixa de correo electrónico recibiu algunas substanciosas respon-

tas, das que extracto o fundamental. Son evidentemente parciais, pero con importantes puntos de coincidencia; xa se sabe que outros dirían cousas ben diferentes desde posturas más conservadoras. Teño que engadir que os meus amigos teólogos non quixeron responder; más por aburrimiento do tema que por outras razons, como me comentou algúin. "Que se vaia", resumía outro teólogo a súa opinión, *off the record*, sobre un pontificado que dura xa máis do que debería e que encadeou moitas cousas na Igrexa.

## DOUS LEIGOS E UN CLÉRIGO GALEGOS

**Xulio Giz Ramil.** O coñecido xornalista e animador cultural lucense escribe: "É difícil para un tibio xulgar ó Patriarca da Cristiandade con todo o peso que a figura ten de tradición e de pompa, pero tamén dunha indubidable modernidade, actualidade e cercanía; un Papa persoal e humano. Visto case "desde fora", pero mergullado en todo o meu labor entre xentes da Igrexa, paréceme observar que é un Papa prisioneiro da realidade do seu país e dos seus temores, que non quixo ou non soubo entrar fondamente na sociedade de hoxe: A muller na Igrexa, o papel dos cregos, o sexo... A Igrexa vai a remolque da sociedade. Este Papa vai a remolque da Igrexa".

**Helena Villar Janeiro.** Esta escritora, coñecida polo seu compromiso galeguista, pensa que Xoán Paulo II é "moi contradictorio": "Terriblemente conservador, deu pasiños novidosos no comportamento secular dunha Igrexa soberbia, como pedir perdón por algúns dos errores cometidos a través da historia. Achegouse algo ós tempos e pasou a ser un personaxe social que usa os medios de comunicación e se despraza polo mundo, pero mantendo un boato tras-

noitado que o separa demasiado dese rabaño que di servir. Por outro lado, a súa postura con relación á sexualidade está moi pouco en consonancia cos nosos días. E as opinións que ten vertido sobre as mulleres... son demasiado anacrónicas e deberan ser consideradas ofensivas para esa metade da humanidade de que el debera promocionar outorgándolle a dignidade que merece".

**Bernardo García Cendán.** O cura e sociólogo ben coñecido das xentes de Irimia escribe: "Creo que Xoán Paulo II é un home de forte personalidade que entrou no Vaticano con ideas básicas claras do que quería facer. Interesantes, áinda que moi limitadas, cara a fóra da Institución. Moi discutibles cara a dentro, presididas polo obxectivo de reforzamento da burocracia, que sempre foi o medio de control máis propicio para conserva-lo poder. Moitas destas decisións foron negativas e ás veces crueis cos que trataban de deseñar unha Igrexa anovada nunha sociedade afrontada ó cambio social máis forte de toda a historia da humanidade. Si Weber chamou á burocracia "gaiola de ferro", esta denominación resulta especialmente crítica cando se trata de erguer unha palabra viva no confuso balbordo dunha comunidade mundial que camiña sen saber a onde quere ir. Foi, efectivamente un papa "polaco". Os horizontes más lonxanos están sempre moi mediatizados polos pequenos horizontes da nosa primeira socialización. Sabía da importancia da xustiza social que na Polonia da súa formación chocou frontalmente coa liberdade, e os traballadores polacos loitaban pola liberdade cun rosario na man".

#### **UNHA PORTUGUESA E UN MADRILEÑO DE "SOMOS IGREXA"**

**Ana Vicente.** Esta xornalista feminista e responsable de *Somos Igrexa* escribe: "João Paulo II é uma personalidade extremamente forte e determinada que obviamente está completa-

mente convicto das suas certezas. Temos que reconhecer que alguns dos seus gestos têm qualidade profética e exemplar... Contudo, como católica lamento as suas posiciones intransigentes e muito pouco teológicas face à escandalosa exclusão das mulheres do sacramento da orde... Lamento também profundamente o temor demonstrado por alguns sectores da hierarquia e pelo papa face à sexualidade, que borda o irracional... O amor que devemos a Jesus Cristo e ao próximo/a no se compadece com patetices destas, enquanto o armamento é a maior industria do mundo e continuamos a conviver com um número escandalosamente elevado de pobres... Desejaría que João Paulo II tivesse como prioridade a fidelidade aos evangelhos e não a preservación rígida de estruturas e de normas caducas...".

## **A contestación foi unha constante do seu pontificado**

**Javier Malagón.** Xornalista e coordinador de *Somos Iglesia*. Como periodista y analista eclesial me llama la atención la amplia -y en general positiva- cobertura que los medios de comunicación de masas dispensan a este Papa... porque, paradójicamente, contrasta con el mucho menor apoyo que reciben sus obispos por los mismos medios de comunicación... Parece que la figura del Papa y sus mensajes son un componente funcional y recurrente en el repertorio de discursos institucionales de los que se hacen eco los *mass media*, directamente controlados por la alianza entre poderes políticos y capitales financieros. Diría que el reforzamiento de la figura papal ha caminado parejo a la pérdida de imagen y credibilidad de las estructuras intermedias



de la Iglesia. Juan Pablo II parece un Papa que cada vez más se sostiene sobre el poder que le conceden los medios y menos sobre el poder de su Iglesia (obispos, congregaciones, fieles...). La Iglesia católica ha ido perdiendo terreno en muchos ámbitos y se enfrenta a un futuro incierto, pero nuestras sociedades no pueden prescindir de instituciones productoras de sentido, y la Iglesia es una de las más importantes...debidamente controlada.

#### **E UN PSQUIATRA CRISTIÁN, PARA REMATAR**

**Javier Alvarez.** É psiquiatra clínico e publicou unha tese co título *Mística y depresión* (Ed. Trotta). "No me atrevo a opinar sobre un personaje al que apenas conozco, me limitaré a dar tres o cuatro pinceladas. Se ha esforzado por la unión entre todos los credos y también por reparar errores históricos de la Iglesia; sin embargo creo que él mismo ha caído en otros: su incapacidad para concebir la sexualidad como un modo de comunicación entre los personas, le ha llevado a una postura extrema en cuanto a las medidas de control de la natalidad. En este aspecto, pienso que se opone al necesario devenir histórico de la humanidad. Comprometido en lo social, predica en cambio una moralidad formalista, rígida y fría. En sus actuaciones públicas lo encuentro excesivamente pendiente de los medios de comunicación, me gustaría verlo más hacia dentro".

# A INTOLERANCIA ANTIECUMÉNICA CONTESTADA. UNHA AVALIACIÓN DA REPERCUSIÓN DO DOCUMENTO "DOMINUS IESUS"

*A comezos de setembro o cardeal Joseph Ratzinger, Prefecto da Congregación para a Doutrina da Fe, publicou o documento "Dominus Iesus. Declaración sobre a unicidade e a universalidade salvífica de Xesús Cristo e da Igrexa". Causou rexeitamento por todo o mundo, dentro e de fóra do catolicismo, sobre todo por parte das igrexas protestantes, que se sentían atacadas. E non era para menos, xa que o texto vai na dirección contraria do rumbo ecuménico do Vaticano II. Afortunadamente, outro cardeal, Carlo Maria Martini, contestou a Ratzinger asegurando que "a posibilidade de lograr a plena salvación non é prerrogativa exclusiva de quen está dentro dunha igrexa".*

## Un documento plúmbeo con varios puntos polémicos

O documento de Ratzinger, ratificado por Xoán Paulo II, é un pesado texto de 36 páxinas, divididas en 23 puntos; algúns deles implican un paso atrás no ecumenismo, pechando o diálogo, volvendo á hexemonía católica. Ratzinger utiliza un ton agresivo contra as demais confesións, defendendo a pureza do dogma, abafado, segundo el, polas "teoloxías relativistas" que miran con indulxencia a tódalas relixións, convencidas de que "tanto vale unha coma outra".

A Igrexa non debe renunciar á Verdade -afirma Ratzinger- por defender unha "falsa tolerancia relixiosa". "A Igrexa de Cristo -dixi o documento- subsiste únicamente na Igrexa Católica" (n.16), única que ofrece salvación "completa e universal".

O texto fala positivamente das Igrexas ortodoxas que manteñen a Eucaristía e unha xerarquía similar á de Roma, pero exclúe ós protestantes, centrados na figura de Cristo. Das confesións protestantes, di que "as Comunidades eclesiás que non conservaron o Episcopado válido e a xenuína e íntegra sustancia do misterio eucarístico, non son Igrexa en sentido propio" (n.17).

Fala de respecto polas outras relixións, pero alerta ós católicos contra as ideas relativistas que consideran "unha especie de fundamentalismo afirmar que existe unha verdade universal, e veno coma un atentado contra o espírito moderno, unha ameaza contra a tolerancia e a liberdade". Aínda reconécedo que o Concilio falara da "gracia salvadora de Deus que chega ós non cristiáns", afirma Ratzinger que a Igrexa non pode ser considerada una vía de salvación "xunto ás outras relixións, que por iso serían equivalentes á Igrexa", cando a estas non corresponde "a orixe divina e a eficacia salvadora" (n.21).

## As reaccións de xornais e revistas

Houbo críticas desde fóra e desde dentro da Igrexa católica. O propio Papa viuse obrigado a facer algunas "precisións" ó documento, pero sen aportar nada importante.

Irimia falou do documento no seu editorial do número 587 e nun artigo de Bernardo García Cendán ("Unha apostila moi radical"), no que este reconécia con humor que esta reacción xerárquica "resulta moi humana", porque "se os que pertencen a outras confesións, ou mesmo andando por

libre, tamén se poden salvar ¿para que terminar dos mandados dunha Igrexa?

Vida Nueva, revista da Igrexa española, editorializou sobre a "inopportunidade" do documento e o freo que supón ó diálogo interrelixioso, ao traballo misioneiro e á investigación teolóxica. O diario católico francés La Croix, más duro, sinalou que "o absolutismo que se pecha sobre si mesmo pode facer máis dano que unha xusta relativización que permita abrirse ó outro". E no mundo máis laico, El País dedicoulle amplo espacio ó longo de varios días, con información e opinión, que os bispos consideraron "unha información sesgada".

## As reaccións dos protestantes

O Consello Ecuménico das Igrexas, que agrupa a 337 igrexas protestantes, mostrou o seu malestar e recordoulle a Roma: "Qué traxedia se o testemuño do cristianismo fronte a un mundo torturado quedase escurecido polas proclamas das distintas igrexas sobre a súa autoridade e status, por moi importantes que sexan". O primado da Igrexa Anglicana, George Carey, manifestou: "A Igrexa Anglicana non acepta estes ataques, xa que comparte o mesmo Deus, e vén ser unha Igrexa



*Católica e Apostólica, coma a romana*". O presidente da poderosa Igrexa Evanxélica Alemana, Manfred Koch, afirmou que o documento "ven negalo principio de paridade no diálogo ecuménico". E o pastor Jean-Arnold Clermont, da Federación Protestante Francesa, apuntou: "Contrasta coas invitacións á humildade e á apertura ós outros feitas pola Igrexa Católica durante o ano xubilar".

#### **As reaccións dentro da Igrexa católica**

A primeira reacción foi a da **Conferencia Episcopal Brasileira**, a meirande do mundo católico: "A Comissão Episcopal do Brasil deseja reafirmar o seu compromisso ecuménico. Manifesta a todos os cristãos a estima da Igrexa Católica que os reconhece justificados pela fé e incorporados a Cristo e os abraça com fraterna reverência e amor... Acredita que o movemento ecuménico, surgido entre os irmãos e irmãs de outras igrejas para restaurar a unidade de todos os cristãos, é uma obra do Espírito Santo...".

Veu logo un artigo de **Leonardo Boff**, titulado *Joseph Ratzinger: ¿exterminador do futuro? Sobre a "Dominus Iesus"*. O teólogo brasileiro, fai unha intelixente e durísima crítica: "O cardenal J. Ratzinger bríndanos un documento doutrinario ... no que se expón cal é a visión que unha parte da Igrexa... ten da revelación... e do diálogo ecuménico e inter-relixioso... O futuro que presenta é aterrador, pero absolutamente coerente co sistema que a Igrexa xerárquica vaticana elaborou ó longo dos últimos séculos".

O artigo está divido en 4 puntos: 1) "A inaudita agresividade dun cardenal tímido", no que resume as afirmacións dicindo con humor: "Cristo é o único camiño de salvación e a Igrexa ten a peaxe exclusiva. ". 2)"O capitalismo xerárquico romano", no que afirma que este documento é tipicamente sectario e totalitario, pechado en si mesmo. No 3) "Erros teolóxicos que fan inaceptable o documento vaticano". Non anuncia a centralidade do amor, nin predica a importancia decisiva dos pobres. Ademais "ofende ó Verbo que ilumina a todo ser humano que vén a este

mundo (*Xn 1,9*)... blasfema do Espírito que sopra onde quere (*Xn 3, 8*)...".

E, en fin, un coidado **documento asinado por 73 dos mellores teólogos** católicos do momento, no que se refuta o documento de Ratzinger. Afirman que o seu estilo parece "máis próximo ao intransixente *Syllabus* de Pío IX , que ós documentos do Vaticano II", e ten "expresións certamente ofensivas para as persoas crentes de outras relixións". Para eles, o cardenal Ratzinger "mostra unha clara insensibilidade ante algúns dos logros acadados ao longo de varias décadas de actividade ecuménica, tanto no terreo doutrinal coma no pastoral", ademais de ser sumamente inoportuno no contexto do xubileo 2000. Son teólogos de 15 países, tan coñecidos como Hans Küng, Leonardo Boff, Jon Sobrino, Ross Mary Radford-Ruether, Ana María Bidegain. E outros máis próximos como Castillo, Díaz-Alegría, Casiano Floristán, Forcano, Miret Magdalena, González-Faus, Gómez-Caffarena,... e Andrés Torres Queiruga.

O documento vaticano e o documento dos teólogos evidencian dúas teorías sobre a salvación. Estes rexeitan afirmacións do documento vaticano como que "os non cristiáns obxectivamente atopanse nunha situación gravemente deficitaria se se compara coa de aqueles que, na Igrexa, teñen a plenitude dos medios salvadores".

E velaquí o dilema fundamental: ¿Só "salva" a Igrexa católica? Cada vez máis xente pensamos que a Igrexa non ten a exclusiva. Máis ainda, Queiruga di rotundamente que a expresión "fóra da Igrexa non hai salvación" hoxe sería "monstruoso seguir dándoa por válida" e que cómpre un encontro respectuoso e un enriquecemento mutuo.

## SPEEDWAY AT NAZARETH

*"Despois de 2000 vén o 2001/ fomos outra volta para ser os novos campións... E as carreiras eran campos de batalla/ e loitamos en tódolos camiños... Estiven en Phoenix pola mañá e tiven unha chamada que me espertou/ Ela veu sen avisar e púxome contra parede/ Eu conducín por Long Beach con tres vértebras rotas..."*

Non sen dificultade -e ó remate coa axuda do amigo Coté, que se educou entre os ianquis- fin traducindo os versos dunha das cantigas de Mark Knopfler que me serviu como inusual título a este artigo: "Vía rápida a Nazaré". Corresponde ao seu último e recente álbum "Sailing to Philadelphia". Mark Knopfler é un merecidamente coñecido músico que, co seu grupo *Dire Straits*, vendeu en pouco máis de dez anos 20 millóns de copias dos 8 únicos discos da banda, e algunhas más doutras gravacións en solitario.

Poeta, pintor, mestre de escola... Mark Knopfler é un trobador do século XX, que agardamos o siga sendo no XXI; seguramente, como díen "Communiqué"-un dos primeiros discos de *Dire Straits*- "Pensa o que di e di o que pensa" (*Think what he say, say what he means*), cousa que non é habitual neste mundo mentiroso. Evidentemente, non fai falla que diga que eu tamén me conto entre o numeroso grupo que goza co seu xeito único de toca-la guitarra e coas súas cantigas.

Chamoume particularmente a atención esta cantiga do último

disco, que me trouxo amablemente un amigo moi novo do meu barrio ferrolán de San Paulo de Catabois, Marcos. Por formación, ou deformación... profesional, reparei de seguida no seu título: "Vía rápida a Nazaré", unha fermosa e movida balada.

Non é doadoo comprender de contado versos modernos cantados en inglés, co seu particular son, vocabulario de argot e xiros de dobre sentido... Na cantiga captábanse de seguida unha chea de nomes de cidades norteamericanas e algo sobre "crucificar"; o último verso falaba da vía rápida a Nazaré. Achegueime con interese á letra, pois non era a primeira vez que Mark Knopfler -un

**mark knopfler sailing to philadelphia**



aprenderon/ Subín a montaña para sacar a cualificación/ e percorréin tódolos camiños e tódalas voltas/ Pero no medio do camiño quedeime no que puidera ser/ un vello compañoiro bo coma a morte./ ... En New England morremos na merda (we died in the dirt)/ Pero eu non me trabuquei na vía rápida a Nazaré".

### O noso mundo impulsa a subir cada día na busca da "cualificación"

católico irlandés convencido- falaba de Xesús Cristo, da fe cristiá e dos valores humanos nos seus discos. E aquí o atopei de novo cantando á guerra sen cuartel e os paos da vida, a visita da morte, os camiños tollos que ten percorrido cos seus contemporáneos... pero no que el non perdeu o seu norte: Nazaré.

*"...E fomos a Indianápolis en Maio/ onda o lugar no que se crucifica aos que non*

O noso mundo impulsa a subir cada día a montaña na busca da "cualificación", para trepar "sobre los pobres y mezquinos que no han sabido desollar" (Paco Ibáñez) e deixa os seus mortos ó pé do camiño. Ó remate da tola carreira "morremos na m.", con perdón. Pero este trobador dá gracias porque, ó remate, el, que se trabucou en tantos camiños, que recibiu tantos paos e mesmo rompeu o motor... no se trabucou no camiño derecho a Nazaré, áinda que moitos lle dixeran coma o do Evanxeo: "E de Nazaré pode saír algo bo?".



## ¿LE A IGREXA GALEGA?

*Era a hora de empezar la presentación dos libros, e estabamos na galería Sargadelos de Santiago Manolo Regal (que viña apurado de Lugo) e mais eu (que viña de Ferrol), as dúas persoas que ían presenta-los nosos libros e unha ducia escasa máis, sen conta-lo cámara da TVE-Galicia e o fotógrafo dun xornal galego.*

### Convocatoria frustrada


Isto acontecía o pasado 10 de xaneiro, e os libros que se presentaban eran o último de Manolo (*A partir de hoxe*) e o último meu (*Con cordas de tenrura*), magnífica e xenerosamente presentados polos nosos compañeiros de mesa.

Nas presentacións que fixeramos en Ferrol e A Coruña, o público fora un grupo bastante máis nutrido, polo que na presentación feita en Santiago, capital cultural, política, teolóxica e eclesiástica de Galicia, aquel número de persoas resultaba ridículo, con perdón dos presentes, e agradecendo a súa presencia. Particularmente, tendo en conta que, presuntamente, non eramos dúas persoas descoñecidas no mundo da Igrexa galega e no mundo editorial (levamos ambos máis de media ducia de libros saídos do prelo) e, ademais, dáse o caso de que libros relixiosos en

**hai pouco  
interese polos  
libros e lese  
moi pouco**

galego só adoitan publicar outras tres ou catro persoas máis, ademais dos aquí aludidos.

Seguramente houbo problemas de convocatoria, tanto por parte dunha editorial (SEPT) que non se preocupa o máis mínimo da distribución das súas publicacións (nun sequera chegan como novidade a gran parte das librerías), como por parte da mesma galería na que se presentaban os libros, como por parte dos interesados, que non soubemos publicitarnos máis e



convocar máis xente, a golpe de teléfono ou carta. Con todo, chamadas hóuboa e a galería parece que mandou as súas habituais invitacións, a prensa fixose eco do acto, ainda que discretamente... Seguramente, tamén, os moitos actos e reunións de cada xornada, sobre todo a coincidencia a esa última hora da tarde, haberían ter algo de culpa na escasa participación no acto. Haberá, ademais múltiples circunstancias persoais que escusen a ausencia.

### Tolemaia e escarnio

Pero, sendo sinceros, isto non resulta desculpa abonda. Todos sabemos moi ben que non, que as causas tamén van por outros camiños: Que hai pouco interese polos libros e lese moi pouco, particularmente libro relixioso, e moito menos os libros desa temática escritos en galego. Mesmo, moito menos do que é a realidade da minoritaria "Igrexa galega". E xa non digamos esa maioría de cristiáns de Galicia que manifestan un rexitamento radical por todo o que estea escrito en galego e, para máis INRI, veña desa presunta "Igrexa heterodoxa". ¿Onde estaban os estudantes de teoloxía que

enchen as aulas do ITC, ou van á Escola de Teoloxía, etc.?

Con todo, o máis grave é que nin sequera os composteláns desa presunta Igrexa comprometida co galego, etc. estiveran alí presentes. Outros autores más coñecidos como Torres Queiruga ou Chao Rego poderían falar tamén do escaso número de compradores e lectores dos seus libros en galego. Todo isto lévanos a plantear a cuestión que titula este artigo: ¿Le a Igrexa galega? ¿Para quen escribímos poucos que o facemos nela, con gran esforzo persoal e roubando horas ás nosas xornadas, ata caer rendidos entrba do teclado do ordenador en máis dunha ocasión? Supoño que é esta tamén a pregunta dos sufridos traballadores desta revista e doutras semellantes.

Non deixo de ter moi en conta que o obxectivo do noso traballo de reflexión e escrita non é ser un exitoso e aplaudido supervendas; como me recordaba un amigo: "Non é esa a nosa meta, que é necidade para os gregos, tolemaia para os xudeus e escarnio para os galegos". Con todo, e sen o máis mínimo afán victimista, non deixa de ser unha vergoña o acontecido en Compostela o pasado 10 de Xaneiro.

# "THE BODY" ¿SE HAI ÓSOS NON HAI RESURRECCIÓN?

O título (*O Corpo*) e a mirada suxestiva de Antonio Banderas desde o cartel anunciador da película sitúan ó posible cliente da sala de cine ante nunha intencionada ambigüidade. Pero non vai esta película da erótica de tal ou cal "body" masculino ou feminino, senón de algo aparentemente tan pouco interesante para os habituais consumidores de cine como é a cuestión da resurrección de Xesús Cristo

## O ARGUMENTO

Sen dúbida, a presencia dun galán de moda ten non pouco que ver co necesario gancho comercial que fai dun filme algo economicamente rendible. Por iso non me estrañou escoitarlle a unha moza na sala: "Que bo está Banderas vestido de sotana".

The body, dirixida por Jonas McCord, está protagonizada polo coñecido actor español no papel dun xesuíta salvadoreño e antigo guerilleiro (Matt Gutiérrez), e por Olivia Williams, unha arqueóloga xudía (Sharon), ademais da desacoungante participación de Derek Jacobi, como un angustiado arqueólogo dominico, e outros coñecidos actores.

O argumento arrinca do descubrimento que fai a arqueóloga dunha tumba en Xerusalén, cun esqueleto que podería se-lo de Xesús Cristo (a época, a idade dos restos, o lugar, as feridas e a forma de morte semellan encaixar totalmente). Un alto funcionario israelita pon o feito en coñecemento do Vaticano co fin dunha chantaxe política, na que logo entrarán tamén os palestinos. Roma envía ó xesuíta a investigar; este atópase en Xerusalén co dominico que, cando intúe que o corpo atopado é o de Cristo, perde a fe e suicídase. A película desenvólvese dignamente; non aburre e ten un ritmo adecuado.

## ¿QUE PASARÍA SE CRISTO NON TIVERA RESUCITADO?

A película semella cuestiona-lo fundamento da fe cristiá: a resurrección de Cristo. ¿Que pasaría se Cristo non tivese resucitado? O



apóstolo Paulo díu tallantemente: "vana sería a nosa fe". Gutiérrez e o Vaticano, saben que ese é o miolo da fe cristiá; e pensan que se son os ósos de Xesús non hai resurrección: toda a fe cristiá caería por terra. Os católicos conservadores e os protestantes fun-

## A película semella cuestiona-lo fundamento da fe cristiá: a resurrección de Cristo.

damentalistas saíron ó quite sobre o presunto ataque á fe cristiá que representa o filme, aínda que este deixe ver ó final que a tal tumba non era de Cristo, senón dun seguidor seu.

A película é coherente con este delineamento tradicional. Por outra banda, o xesuíta semella concluír que o importante non é se houbo resu-

rrección ou non, senón a mensaxe moral do cristianismo, para colaborar na construción dun mundo con más xustiza e amor.

Pero a teoloxía vai xa hoxe por outro camiño. A resurrección de Xesús Cristo -base, certamente, da experiencia cristiá, desde as primeiras comunidades ata hoxe- non depende de que poidan aparece-los restos do crucificado (que non tiveron por que volatilizarse, nin "subir" a un ceo poboado por estrelas e astronautas...). A resurrección de Cristo é fundamentalmente unha experiencia persoal de fe. O "sepulcro baleiro" non proba nada, como ben dixerón xa os xudeus que non creron na resurrección de Cristo no seu tempo histórico.

Por iso Paulo, que non coñeceu fisicamente a Xesús de Nazaret, di terse "atopado con Cristo", e reivindica ese encontro coa mesma autenticidade có dos doce apóstolos e as demás testemuñas oculares. Por iso, os crentes en Xesús coma o Cristo Salvador, seguimos podendo afirmar tamén esa experiencia de encontro co Resucitado.

# AS DISCORDANCIAS VATICANAS E O NOMEAMENTO DE WALTER KASPER, UNHA ESPERANZA PARA O ECUMENISMO

O coñecido bispo-teólogo alemán Walter Kasper, recentemente elevado á dignidade cardinalicia -como seica é o correcto dicir- vén de ser posto polo Vaticano como presidente do Consello Pontificio para a Unidade dos Cristiáns, sucedendo ó cardeal australiano Edward Cassidy. Este nomeamento fixo brillar unha raiola de esperanza en moitos católicos que en todo o mundo apostamos por un encontro ecuménico real de tódolos cristiáns.



## UN TOQUE DE APERTURISMO

Máis aberto ca Ratzinger, Walter Kasper é un home moderadamente progresista. Foi adxunto de cátedra do polémico e expedientado Hans Küng, escritor prolífico que estudiamos con devoción e logo bispo de Stuttgart e secretario do Pontificio Consello para a Unidade dos Cristiáns. Actualmente está preto das teses aperturistas do tamén novo cardeal Karl Lehman e tan polemizado co Ratzinger. Mesmo nalgún titular de prensa líase: "O Papa nomea á fronte do ecumenismo a un cardeal anti-Ratzinger". Non é tanto, pero agárdase que impulse o diálogo ecuménico despois da desfeita da *Dominus Iesus*; el mesmo solidarizouse coas críticas que se fixeron a este desafortunado documento.

Este nomeamento parece manifestar algo que é un segredo a voces: nin

sequera tódolos cardeais e altos cargos da curia vaticana pensan o mesmo en cuestións fundamentais. Os problemas dalgúns bispos alemáns e centroeuropeos co Vaticano nos últimos tempos son boa mostra diso. Hai tempo que a Igrexa católica deixou de ser unha institución caracterizada pola harmonía comunitaria e a submisión ás autoridades constituídas, se é que o foi realmente algunha vez... pois a historia da Igrexa manifesta o contrario desde o comezo. Sempre o Espírito soprou onde quixo e como quixo.

## DISCORDANCIAS NO VATICANO

O prestixioso teólogo José María González Ruiz titulou un dos seus últimos artigos "Disenso en la curia vaticana". Nel falaba en primeiro

González Ruiz falaba de Walter Kasper: "Foi e é un teólogo excelente, moi consecuente coas esixencias do Concilio Vaticano II". Ó ser nomeado inesperadamente cardeal polo Papa, poderíase acabar co excelente teólogo e convertelo en simple funcionario eclesiástico; pero afortunadamente non foi así, tal como manifestou nunha entrevista ó día seguinte do evento no coñecido diario alemán *Frankfurter Allgemeine Zeitung*.

O flamante cardeal recoñece alí abertamente que as afirmacións de Ratzinger, de que as Igrexas nacidas da Reforma non son Igrexas en sentido propio, produciron un profundo malestar. "Isto feriu os outros e fireme tamén a mi, en canto que os meus amigos se senten feridos. Esta afirmación é deplorable porque é unha saída desgraciada e equívoca". ¡Toma do frasco Ratzinger!

Nesa entrevista, o cardeal e agora presidente do Consello para a Unidade dos Cristiáns fai ainda unhas precisións verdadeiramente importantes: hoxe entendémo-la *ecumene* -ou *catolicidade*- non xa no senso da "*ecumene de regreso*", segundo a que os outros deben "*convertirse*" e "*facese católicos*". Mesmo isto foi xa expresamente abandonado polo Vaticano II. Hoxe considérase más ben o ecumenismo como un *camiño común*: *todos deben converterse ó seguimento de Cristo, e en Cristo todos se atopan finalmente*. O catolicismo deberá ser Enriquecido polas moiásimas cousas que aprendemos os uns dos outros.

**Hoxe considérase  
máis ben  
o ecumenismo  
como un camiño  
común.**

lugar da tristura de moitos cristiáns pola "parada cardinalicia" ante o Papa de Roma, no encontro purpurado máis numeroso da historia; un desfile que a moitos dos da "casa" nos provoca un gran malestar. Pero logo

# A IGREXA E O REINO DE DEUS NECESTAN CURAS... NON CREGOS

**Victorino Pérez Prieto**

*Hai quen di que tanto ten unha palabra ou outra, que o caso é a realidade, pero eu penso que as palabras reflecten xa unha concepción da realidade e comportan unha determinada actuación. Cando me chaman "crego", eu digo que prefero "cura", incluso más que "sacerdote" ou mesmo "presbítero".*

## CURAS DIFERENTES

*Cura* porque expresa unha relación coas persoas: "curador", sandador do mal do corpo e do espírito. *Crego*, en troques, é o "clérigo", o que pertence ao estamento clerical, afastado, unha casta aparte. E *sacerdote*, pode lembrar o acerdocio veterotestamentario, sacrificial e ritual, cunha entidade de seu, á parte da comunidade... por iso o Vaticano II preferiu a palabra máis neotestamentaria de *presbítero*. Ultimamente fálase de *ministerio ordenado*. Palabras más precisas, pero más frías tamén.

Xa hai anos que os curas están en crise. Alguén dixo que o tempo dos curas durou trinta séculos, desde Abraham ata 1960, e que en trinta anos está a desaparecer. Hoxe algúns pensan que sobra o ministerio ordenado, seica rémora para o porvir da Igrexa. Creo que a maioría pensamos que non; non só os sectores tradicionais ou os curas e teólogos que "defenden o seu", senón o pobo de Deus que xa non atura uns cregos funcionarios, presuntamente asexuados, reprimidos e autoritarios, un estamento exclusivo de varóns... pero que busca un cura diferente, crente, san e servidor gratuito, humilde *curador*, irmán/a entre os/as irmáns/ás...

Confeso que tería que pedir perdón por *cómo exerzo* e teño exercido o meu ministerio, pero non por *ser cura*, senón máis ben darrlle gracias a Deus por selo. Despois de corenta e seis anos de cristián e vinte de cura, o máis importante para min é ser cristián: a paixón por ser discípulo de Xesús Cristo coa gran familia da Igrexa. Pero tamén, debo dicir que hoxe *son cristián, en concreto, sendo cura* nunhas comunidades. Canda

elas camiño coma irmán, pero tamén exercendo a responsabilidade encomendada e assumida de anuncia-la Palabra, celebra-la fe e presidir na caridade. Quizás non sexa innecesario precisar que *anuncia-la Palabra* non é "ceitar a miña parafeada persoal", nin *presidir a Eucaristía* é "tomar un grolo cos amigos", senón mergullarme no misterio da presencia salvadora de Cristo Resucitado no medio da comunidade. Por iso, creo profundamente no valor dos sacramentos. E síntome *servidor* desa Palabra e *adorador* desa presencia liberadora na Igrexa, Igrexa da que Schillebeeckx dicía que, con todo, "é necesaria, porque sen a Igrexa o cristianismo sería un caos" (*Soy un teólogo feliz*).

## UNHA GRACIA E UNHA TAREFA

A miña *identidade cristiá*, marcada polo meu ser cura, non a vivo coma un estigma social nun mundo secularizado, senón coma unha gracia, un regalo de Deus; do mesmo xeito que outros reciben outras, nin mellores nin peores, simplemente diferentes. Esa identidade vénme de Xesús Cristo, a quen me sinto intimamente vencellado, e da Igrexa (*Ecclesia kíriou*, ou "Asemblea do Señor") na me sinto intimamente inmerso. Por iso, tento exercer o meu ministerio no nome de ambos. O meu ser cura non se reduce ó exercicio dunhas *funcións* na comunidade, senón que *conforma toda a miña vida de crente*.

Quen di que non necesita profetas, pastores ou mediadores, esquece os máis febles, e é un iluso *self made man*, autosuficiente, confiado nunha engañosa musculatura persoal, relixiosa ou moral. Cando na miña primeira parro-



quia, na Lagoa de tras da Corda, escoitei a un vello petrucio de Bocerrei dicirme -a min, un mocete de trinta anos escasos- "Vostede é aquí a nosa autoridade", eu cavilei que esa autoridade podía levarme a ser un novo caciique, ou a ser un *mediador*, acompañante na liberación co pobo que amaba. Paréceme que eles entenderon máis ben isto último, e iso marcou as nosas relacións.

Cura, pastor, profeta, mediador... tarefa de toda unha vida na que un é sempre aprendiz; pero a figura segue erguéndose á valiosa e necesaria. Como necesaria é tamén a contestación nesta Igrexa polo mal que realiza o seu ministerio, pola represión, etc.. Con todo, como escribía K. Rahner hai xa tres décadas, "Debemos tentar unha contestación *máis vital que ideolóxica...*; menos resentida e *máis chea de esperanza*. Pois a esperanza pode constituir-lo sinal básico de que avanzamos no sentido de Deus" (*Sacerdotes ¿para qué?*).